

ქუჩა

სტუპარჩუკი

სოციალისტური თვე

ინსტიტუტი  
25 წლისაა

ელვა  
ტოპარჩუკი

# უმცლანდიური თვე

პოლონურიდან თარგმნა კატია ვოლტერსმა

# ინტელექტი 25 წლისა

პროექტის ავტორი  
კახბეგ კუდავა

რედაქტორი  
ინა არჩუაშვილი

დამკაბადონებელი  
ვიოლა ტულუში

გარეკანის დიზაინერი  
თეონა ჭანიშვილი

**OLGA TOKARCZUK. GRA NA WIELU BĘBENKACH: 19 OPOWIADAŃ**

Translated from Polish into Georgian by Katja Wolters

Georgian Edition: Intelekti Publishing



This publication has been supported  
by Polish Institute in Tbilisi.

ISBN 978-9941-31-344-8

Copyright © Olga Tokarczuk 2001

© გამომცემლობა „ინტელექტი“, 2021

უურკეკი	7
გენერალური რეპეტიცია	23
გლიჩინია	53
საავტორუ სელემუ	65
უმუტლანდიური თვე	89
ყველაგე მახინჯი ქალი	109
არიაღნე ნაქსოვსგე	127
ლოგიუმს მარცვლებით მკითხამება	149
იერუსალიმის აღებე. რატენი	163
1675	163
ბაღერინა	183
ჩე გეგვარა	201
საგინას სურვილი	233

ქუჩის

- ეტლი უნდა წამოგველო, - უთხრა ერთმა მეორეს, როდესაც ავტობუსის გაჩერებისკენ მიმავალ კარგა ხნის გაუნმენდავ, დათოვლილ გზას დაადგნენ.

ქალს საბანში შეფუთნილი ჩვილი აეტატებინა. თვალსა და ხელს შუა ჩამონოლილ ბინდში საბანი ისეთი რუხი ჩანდა, ჭუჭყიანი გეგონებოდა. გოგო ქალს მიჰყვებოდა და ფეხებს მის ნაკვალევში ადგამდა. ასე ბევრად უადვილდებოდა სიარული.

- დღის შუქზე უნდა წამოვსულიყავით, არ უნდა დაგველამებინა, - თქვა ისევ ქალმა.

- უნდა წამოვსულიყავით, ადვილი სათქმელია, - მიუგო გოგომ - ვერ მოვასწარი.

- ამდენი მორთვა-მოკაზმვა არ იყო საჭირო.

- თითქოს შენ არ გამოიპრანჭე.

- მე არ გამოვპრანჭულვარ, ქუდს ვერ ვპოულობდი.

ძლივს მიუსწრეს ავტობუსს. ერთიანად დაორთქლილი და თითქმის ცარიელი მოვიდა, თუნუქის ნაჭუჭს ჰგავდა. უკანა სავარძლებზე ახალგაზრდები ჩაჭექყილიყვნენ. ალბათ, დაბაში მიდიოდნენ დისკოთეკაზე. შვილი შეფარვით, მაგრამ შურით გაჰყურებდა მათ, გოგოები ხომ ლამის შეჭამა თვალებით. განსაკუთრებით ერთი ამოიჩემა, ტყავის ქურთუკი და ვინრო ჯინსები რომ ეცვა. დედამ რაღაც ჰკითხა ჩურჩულით. არც შეუხედავს, ისე შეუღრინა პასუხად. მერე დაორთქლილ

მინას სახელო გაუსვა და მოციმციმე შუქებით სავსე სიბნელეს მიაშტერდა. ახალგაზრდებმა გზა განაგრძეს. ესენი მეორე გაჩერებაზე ჩამოვიდნენ, იქ, სადაც უზარმაზარი სატვირთოების ქროლითა და ღმუილით გაყრუებულ გზატკეცილს პატარა ქუჩა უერთდებოდა.

სადღესასწაულოდ გაჩირადდებულ მოტელს გვერდი აუარეს და ერთხანს თევზის სასადილოს წინ იდგნენ. იმ აბრის ქვეშ, რომლის წარწერაც – „მუდამ კოკა-კოლა“, უშველვებელი წითელი მთვარესავით ანათებდა ახლად გარემონტებული შენობის ფასადს.

- გარეთ გამოვიყვანოთ, თუ რა ვქნათ? – იკითხა დედამ.
  - შენ შედი. მე ბავშვთან დავრჩები და აქ დაგელოდები.
- ქალი შევიდა და მალევე გამობრუნდა უკან.
- აქ არ არის. სახლში ყოფილა.

ერთმანეთს შეხედეს და უსიტყვოდ შევიდნენ ეზოში. ბუდრუგანასთან დაბმულმა ძაღლმა ყეფა ატეხა. ავტომატურად ჩაირთო შუქი. თოვლს საგულდაგულოდ დაეფარა უწესრიგოდ გაბზნეული სამშენებლო მასალა – ერთმანეთზე დანყობილი ფიცრები, ცელოფანშემოკრული პენოპლასტიკის შეკვრები, ბლოკის პირამიდები. პან ვლადეკი ავტოფარებს აშენებდა.

გამოხედა. ახოვანი, წითური კაცი იყო, ხელით ნაქსოვი, სახელოებშემორღვეული სვიტერი ეცვა. გაკვირვებულმა შეათვალიერა.

- თქვენ აქ რა გინდათ ასეთ დროს? – არც კი მისალმებია, ისე ჰკითხა.
- საქმე გვაქვს, – მიუგო ქალმა.
- საქმე? – განელა კიდევ უფრო გაკვირვებულმა.
- შეიძლება შემოვიდეთ?

წამიერად, თითქმის შეუმჩნეველად შეყოვნდა. მერე შინ შეუშვა, ახლად გაბათქაშებულ შემოსასვლელში. ძირს დაყ-

რილი ცემენტის ნაფხვენები ფეხსაცმლის ქვეშ ახრაშუნდნენ. მიყრილ-მოყრილ სამზარეულოში შევიდნენ. ეტყობა, ნიჟარის შეკეთებას ცდილობდა. მის ქვეშ მდგარი კარადა გამოწეული იყო და მიღებისა და სიფონების მუდამ თვალსმოფარებული სამყარო მოჩანდა.

– შეიძლება დავსხდეთ? – იკითხა ქალმა.

ორი სკამი პირდაპირ შუა სამზარეულოში დაუდგა, თვითონ კი იმ გამოწეულ კარადას მიეყრდნო და სიგარეტს მოუკიდა. ბავშვი ახლალა შეამჩნია და გაიღიმა.

– ბიჭია თუ გოგო?

– ბიჭია, ბიჭი, – უპასუხა გოგომ და მძინარე ჩვილი საბნოდან გამოაძვრინა.

თვალებიდან ცისფერი შალის ქუდი გადაუნია. პატარა, მოპრუჭნულმა სახემ პან ვლადეკს ახლად შემოსული ნედლი თხილი გაახსენა. გულს მაინცდამაინც არ მოეფონა.

– რა ლამაზია! – თქვა. – რა ჰქვია?

– ჯერ არაფერი, – მხიარულად უპასუხა გოგომ.

– ვლადისლავი, – სასწრაფოდ მიაგება ქალმა.

– ვლადისლავი? – გაიოცა. – კი მაგრამ დღეს ბავშვს ვლადისლავს ვინლა არქმევს?

დაიღმიჭა და სიგარეტი მოქაჩა.

– აბა, რა საქმე გქონდათ?

– შენ გქვია და ამასაც დავარქვით, – გააგრძელა ქალმა.

– ერქვას რა! ვინა თქვა მერე, არ ერქვასო.

გაჩუმდნენ. კაცმა იატაკზე დააფერფლა.

– აღარ იტყვიტ რისთვის გარჯილხართ?

ქალმა კედელზე მიყუდებულ კარნიზის წვერს თვალი გაუსწორა და იმავე მიმართულებით წარმოთქვა:

– ეს ბავშვი შენია, ვლადეკ. შობა ახლოვდება და მონათვლა გვინდა.

კაცი ადგილზე გაქეავდა.

– როგორ თუ ჩემია, შენ ხო არ გამოყლევდი, ჰალინა? ჰა, ივონკა, – ახლა გოგოს მიუბრუნდა, – თქვი ერთი, საიდან მოიტანე, რომ ბავშვი შეიძლება ჩემი იყოს, რაებს მიედ-მოედებით?

ივონკამ ტუჩი ჩაიკვნიტა და ბავშვის რწევას მოჰყვა. ბავშვმა გაიღვიძა და ნამოიტირა.

– ვინ არის მამა? – იკითხა.

– შენა ხარ-მეთქი. ბავშვი შენია.

კაცი ნამოინია და ფეხსაცმლით სიგარეტი ჩააქრო.

– გადით აქედან. აბა, მალე. ორივე.

ზღაზვნით ნამოდგნენ. ივონკამ ჩვილს ცისფერი ქუდი ისევ ჩამოუნია თვალებზე.

– ჩქარა, ჩქარა-მეთქი, – აჩქარებდათ.

– ძალიან კარგი, ვლადეკ. მაშინ ამ ბავშვის მამა შენი ბიჭია, იაცეკი, – თქვა უცებ უკვე კართან მისულმა ქალმა ისე, რომ უკან არ მოუხედავს.

– დიახაც. სააღდგომოდ ხომ აქ იყო, – გული მიეცა ივონკას.

– გაეთრიეთ-მეთქი!

მათ ზურგს უკან კარი დაიხურა. ჩუმად იდგნენ ჭუჭყიან, გათეთქვილ თოვლში. ცოტა ხანში შუქიც ჩაქრა.

– ახლა რალა ვქნათ? – შეეკითხა ივონკა დედას.

– რა უნდა ვქნათ? არც არაფერი.

შემდეგი ავტობუსი ერთ საათში გადიოდა. ამიტომ ფეხით განაგრძეს გზა.

– გითხარი, ეტლი ნამოიღე-მეთქი. მთელი საათი მოგვიწევს სიარული.

– გაჩერებაზე დგომას და ბაბანს ისევ ფეხით სიარული ჯობია.

ბავშვი მთელი ღამე ჭინჭყლობდა. ივონკას მკვდარივით ეძინა. ახლაც დედამისი ასველებდა ხილაბანდის წვერს თბილ წყალში და იმას ანოვებდა. ჩვილი უნიათოდ ამოდრავებდა ციციქნა ტუჩებს. თუნუქის ღუმლის ნახვრეტებში დროდადრო ცეცხლის ალი კრთებოდა.

მაღაზიაში დილაუთენია მივიდნენ. ივონკამ ნაყინი „მაგნუმი“ იყიდა. ქვეყნის ფული მიათხლიშა. დედამ დატუქსა. საქმე მარტო ფულში არ არის, გაცივდები და რძე გაგიშრებაო. ივონკამ მშვიდად ჩაამთავრა ნაყინის ჭამა და მხრები აიჩეჩა. ბავშვს ღია ცისფერ ეტლში ეძინა.

– რა ღამაზი ბიჭუნაა, – აღფრთოვანება ვერ დამალა გამყიდველმა. მაღაზიის წინ, კიბის საფეხურზე დადგა. სვიტერზე ნეილონის თეთრი ხალათი შემოეცვა. – უჰ, რა ცივა!

მალე მაღაზია ხალხით გაივსო, როგორც ყოველთვის, შუადღის მოახლოებისას. ამჯერად მარტო იაფფასიანი ღვინისთვის შემოსული აქაური კაცები არ იდგნენ რიგში, და არც მარტო გამვლელები, საზღვრამდე სამყოფი „კოკა-კოლისა“ და მიწის თხილისთვის რომ შემოირბენდნენ ხოლმე. დღეს ნამცხვრის ესენციების, ვანილიანი შაქრის, მარგარინის, ქიშმიშის საყიდლად მოსული დიასახლისები უფრო სჭარბობდნენ. გამყიდველი აფთიაქარის სიზუსტით წონიდა ჩიტის რძეს, შოკოლადში ამოვლებულ მარმელადს და სადღესასწაულოდ საგანგებოდ შეფუთულ კანფეტებს. განსაკუთრებული მოთხოვნა პრიალა ოქროსფერსა და იასამნისფერ ქალაღიანებზე იყო. პატარა მოსართავეები ნაძვისხეებზე უნდა დაეკიდებინათ. ხალხი სულაც არ ჩქარობდა, რომ რიგი სწრაფად წასულიყო. პირიქით, დახლთან მისულები გამყიდველს სათითაოდ ჩამოუდგებოდნენ და ელაპარაკებოდნენ. ისიც მაშინვე თავს ანებებდა ციფრების ქვეშმიწერას და საფურის ფხვნილს, დახლზე იდაყვებით დაეყრდნობოდა და მთელი

გულისყურით ისმენდა მთისას და ბარისას. მათ შემხედვარეს შეიძლება გეფიქრა, თითქოს აქ ადამიანები ნაყიდ საქონელში ფულსაც არ იხდიდნენ; თითქოს ფულს დაეკარგა თავისი დანიშნულება და ქიშმიშის, იაფფასიანი ღვინის, საფუერის შესაძენად მხოლოდ პატარ-პატარა ამბები, სალამ-ქალამი და ოხუნჯობებიც სრულიად საკმარისი იყო. ამიტომ ამ ყველაფერს დიდი დრო მიჰქონდა.

მალაზიის წინ მუქი მწვანე, ელევანტური მანქანა გაჩერდა. აი, იმ ახალი მოდის მანქანებიდან ერთ-ერთი, აპრეხილი ტევადი საბარგულები რომ აქვთ. სახურავზე თხილამურები დაემაგრებინათ. მანქანიდან „პოლარებსა“ და „გორეტექსებში“ გამოწყობილი კაცი გადმოვიდა, თავზე ჩამოფხატული სასაცილო ქუდით. მანქანაში ორ თინეიჯერთან ერთად დარჩენილ ქალს რალაც უთხრა, მერე მსუბუქად აირბინა მალაზიის კიბე და რიგის ბოლოში, მატუშეკის უკან დადგა.

– ჟურეკი თუ გაქვთ? – იკითხა პოლარებიანმა. თან ხელები მოიფშენიდა და დააყოლა, – უხ, რა მაგრად ცივა!

დასმულმა კითხვამ უცებ გაანელა მალაზიაში ატეხილი რუზრუზი. გამყიდველმა, რომელსაც მონოლოგი შუა ლაპარაკში გაანწყვეტინეს, უკმაყოფილო სახით გახედა უცხო მამაკაცს.

– ჟურეკი. აი, ბოთლის ან ქილის. არ ვიცი, აქ როგორი იცით, ბოთლის თუ ქილის.

– ჟურეკი უნდა, – უკარნახა გამყიდველს პანი მატვეიუკოვამ და მწირი ნავაჭრის ცელოფნის პარკში ჩალაგებას შეუდგა.

ყველამ სათითაოდ, ჩუმ-ჩუმად შეათვალიერა მომხდური. მის ფერად, მოღურ ჩექმებზე აკრული თოვლი ნელ-ნელა დნებოდა. ლურჯი ქურთუკის ყვითელი წარწერა კი რა-

დაც ყბადაღებულ ჭეშმარიტებას ღალატებდა უცხო ენაზე. გამყიდველმა ქვედა თაროს შეხედა.

- გვაქვს, - თქვა, - ბოლო ბოთლია დარჩენილი.

- ანუ ბოთლებში გაქვთ, ხო? ჩვენთან, ჩრდილოეთში, ქილებში იყიდება, - განმარტა კაცმა და ხალისიანად მოავლო თვალი რიგში მდგარ ხალხს. - ავსტრიაში მივდივართ სათხილამუროდ და ცოლმა დაიჟინა, გინდა თუ არა, ჟურეკი გავიყლოთო. საზღვრამდე კიდევ მეტი მალაზია აღარ არის. - ბოლო სიტყვები, არავინ იცის, რატომ, ხმადაბლა და მატუშეკის მისამართით თქვა.

მატუშეკმა თავი მოაბრუნა და ვიტრინის უკან დაწყობილი სიგარეტების კოლოფების „შესწავლას“ შეუდგა. რიგი ერთი ადამიანით დამოკლდა. პანი მატვეიუკოვა კართან იდგა და ხურდას ითვლიდა.

- აბა, დღესასწაული ჟურეკის გარეშე რა დღესასწაული იქნება! - ისევ დაიწყო კაცმა. მისი ომახიანი, დამაჯერებელი ხმა უცნაურად ჭრიდა ყურს. - ჩვენი, პოლონური საფირმო კერძია. ევროპისა და მსოფლიოს რამდენ ქვეყანაში ვარ ნამყოფი და ჟურეკი არსად არა აქვთ. მესმის, რომ ყველას თავისი ეროვნული კერძი ურჩევნია, მაგრამ ცუდია, რომ ჟურეკს ვერსად წაანყდები. ჰოდა, გზაში ვფიქრობდი, აქ თუ არ ვიყიდი, მერე სადღა ვნახავ-მეთქი. ჩეხეთში ჟურეკი არ იციან.

ხმა არავის ამოუღია. კაცი ფეხების ბრაგუნს მოჰყვა, თან ხელებზე იორთქლებდა. გამყიდველიც, ის ყბედი გამყიდველიც, თითქოს უცნობის იქ ყოფნას დაებნია თუ რა იყო, ახლა უფრო მარჯვედ და დაუზარლად ირჯებოდა. რიგი სწრაფად და სრულიად უსამართლოდ, მიინევდა წინ, რადგან მალაზიაში შემოსულთაგან შინ არავის ეჩქარებოდა.

– ცივა, – მიმართა უცხომ ისევ მატუშეკს და თეატრალური ჟესტით მოიფშენიჭა ხელები.

მატუშეკმა შეხედა და თავაზიანობის გამო ოდნავ გაულიმა. მერე თავი ისევ სიგარეტების ვიტრინისკენ მიაბრუნა.

– აპარტამენტი გვაქვს დაჯავშნილი. ვაჰ, რა ლიფტები აქვთ რომ იცოდეთ, რა ბაზა! ჩამოსრიალებას საათზე მეტი დრო სჭირდება. დაბლა კიდევ, სასტუმროში, ბარი და აუზია. საჭმელზე თვითონ უნდა ვიზრუნოთ. აპარტამენტს სამზარეულოც აქვს და ჩემი ცოლი ჟურეკის მომზადებასაც შეძლებს. ხო... და, კიდევ რამე კარგ ძეხვსაც გავიყოლებ. ვიყიდი აქ კარგ ძეხვს? – აწრიალდა უცებ.

დახლს კიდევ ერთი უკმაყოფილო ქალი მოშორდა. გამყიდველმა ელვაშესაკრავიანი სვიტერი ყელზე ჩაიხსნა.

– ვხედავ რომ ძეხვი გაქვთ, მაგრამ ექვსზლოტიანი ძეხვი კარგი ძეხვი ვერ იქნება, – თქვა კაცმა.

მანქანის სიგნალის ხმა გაისმა. კაცი კართან მივიდა, მანქანაში მსხდომებს რაღაც გასძახა და ისევ უკან შემობრუნდა. მაღაზიაში ყინულივით ცივი ჰაერის ნაკადი შემოვარდა.

– ნერვიულობს ქალი, სალამომდე ალპებში უნდა ვიყოთ. მე კიდევ ეს ჟურეკი ავიტეხე.

მატუშეკმა სიგარეტი, ფორთოხლის ესენცია, ნახევარი ლიტრა გადასაკრავი და პური იყიდა. გამყიდველმა ქვეშინერთ მარჯვედ მიამატა ერთმანეთს რიცხვები და იმავე ქალაქში გადაახვია ბოთლიც.

– და ჟურეკი, – თქვა, – ერთი ბოთლი ჟურეკი.

მაღაზიაში სიჩუმე ჩამოვარდა. გამყიდველმა მორიდებით მიანოდა ბოთლი. მატუშეკმა სწრაფად გადაიხადა.

– კი მაგრამ... – წამოიძახა გამტკნარებული სახით პოლარებში გამონყობილმა კაცმა. მატუშეკმა ნავაჭრს ხელი დაავლო და წამში გაუჩინარდა.

მალაზიის წინ ჰალინა და მისი ცოტა შექანებული ქალიშვილი დაინახა და ჟურეკის ბოთლი იმას მიაჩერა ხელში.

– აჰა, გამომართვი. ჩვენთან ჟურეკს არ ჭამენ. ბორძის ვჭამთ, – თქვა და ისიც დააყოლა, სალამოს მათთან შეველო დიდი ხნის წინ შეპირებული საბნის წასაღებად.

ივონკას რცხვენოდა. ვერ შედიოდა. ლობესთან იდგა და კბილს კბილზე აცემინებდა. კაცმა არ იცის, სიცვივისგან თუ შიშისგან.

– რისი გეშინია, შტერო, ხო არ შეგჭამენ. მაშინ შეგშინებოდა, როცა დრო იყო, – უთხრა დედამ.

– ვილაც ბიჭები არიან. შენ შედი, მე აქ დავრჩები, ბავშვთან.

– ჰოდა, ძალიანაც კარგი, თუ არიან. იქნებ რამე გამოგვივიდეს. მონძეებიც იქნებიან. შემოდი-მეთქი!

გოგო უხალისოდ მიჰყვა.

სამზარეულოს მაგიდას ოთხი კაცი უჯდა. მატუშეკს ის იყო ბოლო ჭიქა ჩამოესხა. დიდრონი, ფაშფაშა მატუშეკოვა რძეს წურავდა. ბუფეტზე ახლად გამომცხვარი ქადა ცივდებოდა. სახლში სასიამოვნო სითბო ტრიალებდა.

– მატკო, გოგოები მოვიდნენ ბუმბულის საბნის წასაღებად, – უთხრა მატუშეკმა.

ერთი თავისუფალი სკამი მიაჩოჩა მაგიდასთან. ჰალინა სკამის კიდეზე ჩამოჯდა. ივონკა ბავშვით ხელში ისევ კართან ატუზულიყო.

– აბა, გაგვიმარჯოს! – თქვა გურალმა და გადაჰკრა.

– დანარჩენებმა უსიტყვოდ მიბაძეს. ჩაახველეს, ყელი ჩაინმინდეს და ლიმონათი მიაყოლეს.

მატუშეკოვა ოთახში გავიდა და მალევე დაბრუნდა უკან ცელოფანში გახვეული, გაბანრული ფუთით. ჩვილს მიეფერა.

- რა ჰქვია?

- ჯერ არაფერი, - მყისვე მიაგება ჰალინამ.

ივონა ნერვიულად ტკეპნიდა იატაკს.

- ნათლობა როდისა გაქვთ?

ჰალინამ მხრები აიჩჩია.

- კარგი საბანია, - თქვა მატუშკოვამ, - მთელი ზაფხული სხვენში ვანიავებდი. თეთრეული გაქვს?

- ეს არის ბავშვის მამა! - დაახეთქა უცებ ჯერ კიდევ კართან მდგომმა ივონკამ და თავით გურალზე ანიშნა.

უხერხული სიჩუმე ჩამოვარდა.

- მიდი, ივონკა, - შეაგულიანა დედამ.

- შენა ხარ ბავშვის მამა, - ახლა თვალი თვალში გაუყარა ივონკამ გურალს.

მატუშკოვამ ბავშვს შუბლიდან ქუდი გადაუნია და ყურადღებით ჩააცქერდა სახეში.

- ჩემი ოთხიც მეყოფა, - როგორც იქნა, ხმა ამოიღო გურალმა, - შემეშვი რა, გოგო, თვითონაც აღარ იცი უკვე, ვისთან იწევი.

- ჰა, ახლა! - დაიქუხა ჰალინამ.

- მე მეძინა მაგასთან, - წამოიძახა კავკამ.

პირში ენას ძლივს ატრიალებდა, თვალეები ლოთურად ულაპლაპებდა. ვერ იტანდა სასმელს და მოკალი.

- ჰო, მეძინა, მაგრამ მე-ძი-ნა, - განელა; ისეთი მთვრალი ვიყავი, მაშინვე ჩამეძინა. ანუ მე არა ვარ.

- ვლადეკთანაც ყოფილა. იმის შეხვევასაც ცდილობდა. ნეტა ბოლოს და ბოლოს გამაგებინა, ვისია ეს ბავშვი.

- ბავშვი ბავშვია, - თქვა მატუშკოვამ.

- ვილაც მესაზღვრესთან დაეთრეოდა. ყველა კარგად ხედავდა. ჰოდა, ეძებე ახლა ნემსი თივაში.

წამოდგა, საკიდიდან ქუდი ჩამოიღო და კარისკენ წავიდა.

– ღმერთო ჩემო, – ამოიოხრა მატუშკოვამ, – თავს რატო არ მიხედე, გოგო? შენი ბრალია, ჰალინა, ყველაფერი შენი ბრალია.

– ყველამ მე დამანშინდეთ ხელები, არა? რა უნდა მექნა, ფეხზე გამომება? ძალიან მაინტერესებს, თქვენ რას იზამდით ჩემ ადგილას. რით ვერ გაიგეთ, რომ ამას, კი მომწიფდა, მაგრამ თავში ბავშვის ტვინი უდევს.

– ეჟიკ? – უცებ მატუშკოვა სუფრაზე მსხდომებიდან ყველაზე უმცროსს, თავის დისშვილს, მიუბრუნდა.

გურალი კართან შეჩერდა.

ეჟიკი ყურებამდე განითლდა, მთიელი კაცის ცისფერი თვალები წამოენთო.

– მე არ ვყოფილვარ, დეიდა. მე თავს ვიცავდი.

კავკა ნანყვეტ-ნანყვეტ, როხროხით იცინოდა.

– ამ საქმიდან ნახევარი ლიტრის გარეშე ვერ გამოძვრები. აბა, პანი მატუშკოვა, დასალევი შენზეა, უნდა იკისრო რამე.

მხრებჩამოყრილი მატუშკოვა უმწეოდ იდგა სამზარეულოში და მზერა ხან ეჟიკიდან გურალზე, ხანაც გურალიდან საკუთარ ქმარზე გადაჰქონდა. ახლა კიდევ უფრო ზონზროხა, ავეჯივით მძიმე ჩანდა. ყველა მოთმინებით ელოდა, რას იტყვისო, ის კი იდგა და პირს აცმაცუნებდა, თითქოს ყველაფრის ერთდროულად გამოსათქმელ საჭირო სიტყვას ტუჩებით ძერწავსო. როგორც ჩანს, არ გამოუვიდა, რადგან მუშამბაგადაფარებულ მაგიდას ხელისგული დასცხო და მხოლოდ ამის თქმა მოახერხა:

– მორჩით ყლურწვას და დაიშაღეთ. ხვალ ვიგილიაა. საქმე გაქვთ სახლებში.

ფუთას ხელი წამოავლო და ჰალინას მიაჩეჩა. ჰალინამ გოლიათი ჩვილივით მიიხუტა ფუთა გულზე, სახე შიგ ჩარ-

გო და ატირდა. მატუშკოვა გაშმაგებული შეუდგა სუფრის ალაგებას. სტუმრები უსიტყვოდ წამოიშალნენ და კარისკენ გაილაღნენ.

უცებ მისი ქმარი ალაპარაკდა.

– დაიცათ, დაიცათ, – თქვა, – ერთი წუთით.

ერთხანს ისევ დუმდა. თითქოს ვერ გადაენწყვიტა, ეთქვა თუ არა სათქმელი. თითები მაგიდაზე ააკაკუნა.

– მე ვარ ამ ბავშვის მამა.

კიდევ უფრო ხანგრძლივი სიჩუმე ჩამოვარდა. თვითონ იჯდა. ცოლი შუა სამზარეულოში იდგა, დანარჩენები კი კართან მიყუჟულიყვნენ, ფეხსაცმლით შემოტანილი თოვლისგან დამდგარ გუბეში. მერე პანი მატუშკოვა მთელი ხმით აღრიალდა.

– შენ რა, მთლად შეიშალე? დაგავინყდა რომ უშვილო ხარ? ოცი წელი შვილი არ მოგვეცა და ისიც ყველამ კარგად იცის, ვისი მიზეზით, შენა ხარ უშვილო. ავარიში რომ მოყვი, იმიტომ.

– ხმა ჩაინყვიტე, ქალო. ჩემია-მეთქი ბავშვი და მორჩა.

კავკამ სკამთან მიიჩოჩა და ჩამოჯდა.

– ძალიან კარგი. რადგან ასეა, რამე უნდა იკისროთ.

ივონკა წამდაუნუმ ფეხს ინაცვლებდა და დაუდევრად არწევდა ბავშვს.

– კი მაგრამ, – კიდევ სცადა რალაცის თქმა პანი მატუშკოვამ. – მისმა ფუმფულა ხელებმა წინსაფრის ბოლო მოძებნეს და თვალბთან მიიტანეს. მერე კი გარეთ გავარდა და კარი გაიჯახუნა.

მატუშეკმა ბუფეტდიან ბოთლი გამოიღო. ნიჟარიდან ექვსი სირჩა ამოაწყო და ჩამოასხა.

– ეს ვერ დალევს, – თქვა ჰალინამ, – ჯერ თვრამეტისა არ არის. თან ძუძუს აჭმევს ბავშვს, – ივონკაზე მიუთითა.

უხმოდ დალიეს.

– მაშ, როდის ვნათლავთ? – იკითხა მატუშეკმა.

– ქსიონძმა თქვა, ახალ წლებზე შეიძლებაო.

– ჰოდა, ახალ წელს და ნათლობას გაუმარჯოს. – ამოიბლუყუნა კავკამ და გადაკვრა ყველას დაასწრო.

მერე მატუშეკმა – ყველანი სახლებშიო, ხეალ ვიგილიაა და საქმეს მიხედეთო. გასელისას ჰალინამ სახელოთი მოინმინდა ცრემლები და მატუშეკს გალიმებულმა შეხედა.

– ჟურეკისთვის მადლობას გიხდით. – ჩაილაპარაკა.

შინ მოკლე გზით წავიდნენ. სპეტაკ, შეულახავ თოვლში მიაბიჯებდნენ. ივონკა ფეხებს დედის ნაკვალევში ადგამდა.

გენერალური რეპეტიცია

ფანჯრები კარგად დაგმანეთო, – ეს იყო ბოლო მითითება, რომელიც რადიოთი მოისმინეს. ამის შემდეგ რადიოც დადუმდა. კაცმა ის მაინც გაიტანა სამზარეულოში, ანტენა ბოლომდე ამოსწია და რომელიმე სხვა არხის დაჭერის იმედით, გადამრთველის წინ და უკან ტრიალი დაიწყო. ზოლიანი ხმის გამაძლიერებლიდან დროდადრო მართლაც ისმოდა ტკაცანი-თა და შიშინით დახშული ხმები, თუმცა მათთვის გაუგებარ, უცხო ენაზე. მერე ხმები უცებ წყდებოდა, რომ მოულოდნელად ისევ თავიდან გახმიანებულიყო, მაგრამ სულ უფრო და უფრო სუსტად და არადამაჯერებლად.

– როგორც მაშინ, სამხედრო მდგომარეობის დროს, – ჩაილაპარაკა კაცმა თავისთვის.

– იდიოტო, კმარა, შეეშვი მაგ რადიოს, – უთხრა ქალმა. – კარ-ფანჯარაა მისახედი, ვერ გაიგე, რომ თქვეს, დაგმანეთო? ასეთ დროსაც კი არაფერში გამოადგები ადამიანს. მონამლული ბუზივით დაბორილებ ოთახში და ნერვებს მიშლი.

ქალი სკამზე ავიდა და აივნის კარის ჩარჩოში ძველი გადასაფარებლის შეჩურთვა დაიწყო. ქსოვილი არ ჩერდებოდა, ვარდებოდა, და გარედან ნარეცხი წყალივით უსიამოვნო ფერის მოყავისფრო შუქი შემოდებოდა.

– რას დამდგარხარ და მომშტერებიხარ, ჩაქუჩი მაინც მომანოდე, დამიბუჟდა ხელები!

- ნეტა, ენას ჩაიგდებდე, რა! - ჩაიბურტყუნა კაცმა და ჩაქუჩის მოსატანად შემოსასვლელში მდგარი ტელეფონის ტუმბოსკენ წავიდა, რომლის ბოლო უჯრაშიც სხვადასხვა ხელსაწყო-იარაღებს ინახავდნენ.

- დაუჩქარე ცოტა, ჩამოვწყდი ფეხზე დგომით!

კაცმა ისე შეახო ჩაქუჩის წვერი ქალს, როგორც ძნელად დასამორჩილებელ დიდ ცხოველს და მე ამიშვიო, უთხრა. ახლა ქალი იდგა და შეჰყურებდა, როგორ აჭედებდა გადასაფარებელს კარის ჩარჩოზე. კაცი ზურგიდან გრძნობდა მის ცივ და კრიტიკულ მზერას.

- თავშესაფრებზე თქვეს რაღაც. სულ ეს იყო, რაც გავიგონე, - თქვა კბილებში ლურსმანგარჭობილმა კაცმა, რომ ქალს მისი ხელებიდან სხვა რამეზე გადაეტანა ყურადღება.

- ეგ მეც გავიგონე. რა თავშესაფარი, რის თავშესაფარი, სულ გააფრინეს?

- თავშესაფრები შვეიცარიაში ყველა შენობის ქვეშ აქვთ მონყობილი. რამე რომ იყოს, ალბათ, მარტო შვეიცარიელები გადარჩებიან. ნოეც შვეიცარიელი იქნება. აზრზე ხარ? ახალი სამყარო მთლიანად შვეიცარიელებით იქნება დასახლებული. წარმოიდგინე, გარშემო მარტო ბანკები, ყველი და საათები. და შოკოლადი „მილკა“.

კაცმა ჩაიხითხითა და სკამიდან ჩამოვიდა. ქალმა თვალებით სიძულვილი შეაფრქვია.

- ნამდვილი ბრიყვი ხარ, ზუსტად ისეთივე ერთუჯრედიანი, როგორც ყველა კაცი. შენი საშველი არ იქნება!

კაცს ყურადღება არ მიუქცევია. ტუმბოსკენ წავიდა და ტელეფონის ყურმილი აიღო.

- გათიშულია.

ასე კი თქვა, მაგრამ სინამდვილეში მოეჩვენა, რომ მაინც ჩაესმა ყურში ერთმანეთში არეული ხმები, ისეთი, როგორიც

ხალხმრავალ ხმაურიან მოსაცდელშია ხოლმე. ზოგი მოუთმენლობით სავსე, ზოგიც მოთენთილი და ამბის მონოტონურად მთხრობელი. არადა, მართლა ასე იყო. ის კი არა, ბავშვის ტირილიც კი ისმოდა და სადღაც ძალიან შორიდან, ძალღის გაბმული ყეფაც. გაკვირვებულმა დახედა ყურმილს, თითქოს ამ ყველაფერზე პასუხი იქ უნდა ამოეკითხა. „ტელევიზია ტელეფონში“ – თქვა და ისევ ჩაიცინა. მისი გაკვირვებული სახის დანახვისას ქალმა ყურმილი გამოართვა და ახლა თვითონ მიიღო ყურზე.

– შიშინებს.

მერე ორივენი ხელოვნური ტყავის სავარძლებში ჩასხდნენ. კაცს შეეშინდა, ქალს ისევ მათ ქალიშვილზე არ დაეწყო წუნწუნი და წირპვლა, რომელიც გუშინ, სანამ ეს გაუგებრობა დაიწყებოდა, ჩვეულებრივად მშვიდად ჩაჯდა ავტობუსში და ვარშავაში წავიდა. მანამდე წავიდა, სანამ ცა გაყავისფრდებოდა და რადიოთი გადმოცემული ინფორმაციის გამო ხალხი სახლებში შეიკეტებოდა. ქუჩაში დარჩენილები წამოწეული საყელოებით გარბოდნენ თავსხმა წვიმაში და ერთმანეთს აფრთხილებდნენ.

– როგორც მაშინ, სამხედრო მდგომარეობის დროს, – ჩუმად ჩაილაპარაკა კაცმა. გული სწყდებოდა, რომ ვერცერთ ომს ვერ მოესწრო (მეორე მსოფლიო ომის პერიოდში ბავშვი იყო და არაფერი ახსოვს), ვერცერთ კატაკლიზმს (თუმცა ერთხელ წყალი ადიდდა, მაგრამ არაფერი განსაკუთრებული არ მომხდარა). მარტო ის ომისმაგვარი მდგომარეობა ახსოვს.

– რა თქვი?

– არაფერი.

– როგორ თუ არაფერი, გავიგონე, რომ რალაც თქვი.

– როგორც სამხედრო მდგომარეობის დროს-მეთქი... და ვნანობ, რომ არცერთი ომის დროს არ მომიწია ცხოვრება. ახლა, ალბათ, უფრო ძლიერი ვიქნებოდი.

ქალმა უკან გადაიქნია თავი. კაცმა თეთრ, მსუქან ყელზე შეავლო თვალი, რომელზეც ყელსაბამივით შემოვლებოდა ოფლიანი ნაკეცები. კარგად იცნობდა ამ ჟესტს. ცოტაც და, ქალი იტყოდა, ხალხო, რას ბოდავს ეს კაციო.

– ხალხო, რას ბოდავს ეს კაცი! – წამოიძახა ქალმა. – ომს როგორ ნატრობ, შე ინფანტილური? სულ ვიცოდი, რომ შენი საშველი არ იქნებოდა. რით ველარ გაიზარდე და დაღვინდი? თუმცა, ზრდასრული კაცი უნახავს ვინმეს საერთოდ? მერე სიბერეში თქვენს სიბრყვეს ალცჳიმერიც ემატება და, თქვენი კარიკატურაც მზადა!

კმაყოფილი ქალი, თითქმის ისეთივე კმაყოფილი, როგორც სასიყვარულო აქტის შემდეგ, ერთხანს ჩუმად იჯდა. კაცს ზიზღი მოანვა.

მერე ქალმა ისევ თქვა რაღაც და ისევ დაიწყო წირჳვლა. ხმა თითქოს ღრმა ჭიდან ამოსდიოდა.

– ბავშვზე რატომ არ ფიქრობ? ღმერთო, რაღა მაინცდამაინც ახლა წავიდა? რატომ გავუშვით? ვინ იცის, იქნებ სადმე თხრილში გდია ახლა და რამე უჭირს, ან იქნებ უკვე...

– ის ბავშვი აღარ არის, – კაცი შეეცადა დროულად შეეჩერებინა მოახლოებული ისტერიკის ტალღა.

ქალი ბრყვე, მაგრამ საშიშ ცხოველს ჳგავდა. კაცმა იცოდა, რა უნდა გაეკეთებინა ასეთ დროს და სიგარეტს მოუკიდა.

– შენ რა, ბოლომდე გამოშტერდი? მაინცდამაინც ახლა უნდა მოწიო, როცა ისედაც ჭირს სუნთქვა? – წამოიყვირა ქალმა.

კაცმა სიგარეტი ჩააქრო, თავის ოთახში გავიდა და იქ თავიდან მოუკიდა. ფანჯარაზე ჩამოფარებული გადასაფარებელი გაასწორა, ტახტზე ჩამოჯდა და თავის ორ აკვარიუმს გახედა. ერთი სკალარიებით იყო სავსე, მეორე – გუბიებით.

ყველა თევზი მკვდარი იყო. უფერული სკალარიები წყლის ზედაპირზე ტივტივებდნენ, გუპიებს მუცლები მიებჯინათ წყლისთვის.

– ჰოლოკოსტი, – ჩაილაპარაკა კაცმა.

სიგარეტი მოქაჩა. უცებ გაიფიქრა, თევზების ამბავს ქალს არ გაეუმხელო და ამ გადანყვეტილებამ კმაყოფილება მოჰგვარა.

მეორე ოთახიდან ისევ ისმოდა ქალის ლაპარაკი:

– რადგან ეს ყველაფერი, ეს დაბნელება, თუ რაც არის, გუშინ ნაშუადღევს დაიწყო, ის კი უთენია გაემგზავრა, ალბათ, მოასწრებდა ჩასვლას. ან შეიძლება პირდაპირ ავტობუსებიდან მოახდინეს მათი ევაკუაცია, სადგურებზეც ხომ არსებობს თავშესაფრები? დანამდვილებით ვიცი, რომ, მაგალითად, ვროცლავის სადგურს დიდი მინისქვეშა თავშესაფარი აქვს. გესმის? ღმერთო, შენ დაგვიფარე, მართლა არ ვიცი, ამას როგორ გადავიტანთ. დავიხოცებით და ეგ იქნება. ეს თუ დასხივებაა, ამას როგორ გადავურჩებით, რანაირად? ვერავინაც ვერ გადაურჩება, ვერავინ.

კაცს ესმოდა, როგორ გადაიზარდა ქალის წუნუნის მოთქმაში.

წინ გადაინია, რომ ქალისთვის შეეხედა, მაგრამ იმანაც დაინახა და მაშინვე მოთოკა თავი. სახეზე ხელები აიფარა. ერთი ჩამოგორებული ცრემლი კანმა შეისრუტა. ქალმა მალულად ამოიწმინდა თვალები. კაცს გული აუჩუყდა. უყვარდა, უეცრად სისუსტეს რომ გამოამჟღავნებდა ხოლმე. წინა დღის გაზეთი „ვიბორჩა“ აიღო, ისევ სასტუმრო ოთახში გავიდა და სავარძელში ჩაჯდა. სათაურებს ისე ათვალიერებდა, თითქოს იმდღევანდელი კატასტროფის ანონსს ეძებსო. არჩევნების შედეგების წინასწარი შეფასების გარდა, ვერაფერი იპოვა.

- ასეთ დროს გაზეთს რა გაკითხვებს? - ჰკითხა ქალმა. -  
სულ მთლად დაკარგე ყველა შეგრძნება?

მის ხმაში ისევ იგრძნობოდა ისტერია.

- თავი დამანებე, რა, ქალო!

- ეტყობა, ალცჰაიმერი დაგენყო.

- შენ კიდევ ძროხის ცოფი შეგეყარა.

ქალმა ხელეები გულზე დაიწყო და კაცს ზურგი შეაქცია, რომელსაც ამასობაში გაზეთის პირველი გვერდი თითქმის დაეხეპირებინა და ახლა მეორის შესწავლას შესდგომოდა. პირველი სვეტი ცნობილი პიანისტის გარდაცვალებას ეთმობოდა. მეორე - ოსკარით დაჯილდოებულთა შესახებ იუწყებოდა. ქვემოთ კი ვილაც ორგვარიანი ქალის ნეკროლოგი განეთავსებინათ. კაცმა დაინახა, როგორ ადგა ქალი და ფანჯარას მიუახლოვდა. არც მისი წელთან აჩაჩული, დაკუჭული, ქვედაბოლო დარჩენია შეუმჩნეველი და არც კეფაზე საგრძნობლად შეთხელებული თმა.

- როგორ მაინტერესებს, რა ამბავია ჩვენს თავს. ან რა მოხდა საერთოდ! იმაზე რას იტყვი, რაც გუშინ რადიოთი გადმოსცეს? - იკითხა ქალმა.

კაცი ისევ ნეკროლოგს ჩააშტერდა.

- კატასტროფა, ომი, კომეტა. რა ვიცი, ჭირი და ქოლერა!

- იცი, რა ვიფიქრე? რომ მართლა არაფერი საშინელება არ გადაგვიტანია... არც ომი...

- სამხედრო მდგომარეობა... სამოცდარვა წელი... ათას ცხრაას სამოცდაათი...

- მაგას ომს როგორ ადარებ!

კაცს არაფერი უპასუხია. თევზები გაახსენდა და ისიც, რომ ქალისთვის მათი ამბავი არ უნდა გაემხილა. თუმცა ეს მისი თევზები იყო. უნდა გადაყაროს.

- სადარბაზოში რა თქვეს? - ისევ იკითხა ქალმა.

– არავინ არაფერი იცის. ქვევითა მეზობელმა თქვა, რაც იარალი გამოიყენესო.

ქალი მოიღუშა. პირის გარშემო ისე ასხმოდა ნაოჭები, დამხრჩვალ, გასივებულ ადამიანს მიუგავდა სახე. კაცმა ისევ გაიფიქრა, რომ არამც და არამც არ უნდა გაემხილა მისთვის თევზების ამბავი.

– რა იარალი? ვინ?

– რუსებმა, ალბათ. ან იქნებ ჩერნობილი განმეორდა. თევზები.

– მოდი, ჩავიდეთ ჩვენც მათთან.

თევზები.

– ვისთან?

– ვისთან და ქვედა მეზობლებთან.

კაცი შეეცადა, მეზობლის გვარი გაეხსენებინა. დაახლოებით მათი ასაკის ცოლ-ქმარი იყვნენ. ქმარი უჟმური ვინმე, ცოლი – საკმაოდ ლამაზი ქალი. კაცმა ახლა ბირჟის მონაცემებს ჩააყოლა თვალი. არსადაც არ უნდოდა წასვლა.

– გვარიც კი არ ვიცით.

– ნუ სულელობ ერთი! გვარი რაში გეჭირდება?

თევზები. არაფერსაც არ ეტყვის.

– მერე რაზე უნდა ელაპარაკო? ისედაც ხომ ცხადია, რომ ყველაფერი დასრულდა. ვილაცას მოთმინების ფიალა აევსო და მოსახდენი მოხდა. ქალბატონებო და ბატონებო, ქვეყნის აღსასრულის ჟამი დადგა!

– იქნებ იმათ იცოდნენ რამე... – იმედიანად თქვა ქალმა. – შორიდან ვიცნობ. ქმარი შეხედული კაცია, ქალი დიდი არაფერი.

– თუ ასე ძალიან გინდა, ადექი და ჩადი.

ადგილიდან არცერთი არ განძრეულა. დაგმანული ფანჯრები რომ არა, იტყოდა, ყველაფერი ძველებურად არი-

სო. თუმცა რალაც მაინც მოისაკლისა. აწრიალდა. ოთახს თვალი მოავლო. თითქოს ჩვეულებრივზე მეტად ბნელოდა. კუთხეში მდგარი ტორშერი ვერ უმკლავდებოდა ოთახში ჩამონოლილ წყვიდადს. რა ხდება? სკალარიები დაიხოცნენ... ტელეფონში უცხო ხმები ისმის... კაცი წამიერად საშინელმა შიშმა აიტანა. გულში მწვავე ტკივილმა გაჰკრა. აქციების კურსის დიაგრამას დახედა. კურსი ეცემოდა. იგრძნო, აქციებთან და სხვა ყველაფერთან ერთად თვითონაც როგორ ეშვებოდა დაბლა. ქალმა ჩაახველა და კაცი უცბად მიხვდა, რომ რაც წელან მოისაკლისა, ტელევიზორი იყო, რომელიც ახლა გამორთული ჰქონდათ. ჩვეულებრივზე მეტადაც სწორედ ამიტომ ბნელოდა. ტელევიზორი. ამაში ყოფილა საქმე! კაცი სავარძლიდან წამოხტა და ტელევიზორი ჩართო. ეკრანი ცისფრად აციმციმდა. კაცმა სხვა არხზე გადართო, მაგრამ უშედეგოდ. მერე დანარჩენ არხებზეც სცადა. არაფერი შეცვლილა. უბრალოდ, ხმას ჩაუწია, რომ შიშინს არ შეეწუხებინა. თანდათან სიმშვიდე უბრუნდებოდა.

- ტელევიზორი რატომ ჩართე? ხომ იცი, რომ გუშინდელს აქეთ არაფერს უჩვენებენ. ხომ შევამონმეთ? რად გინდა, ტყუილად რომ რთავ?

კაცმა არაფერი უპასუხა. სავარძელში ჩაჯდა. ეკრანის ციმციმში ნელ-ნელა უქრებოდა წელანდელი ძრწოლა.

- თევზები. ჩემი თევზები დაიხოცნენ, - თქვა რამდენიმე წუთის შემდეგ.

- ჰოდა, ძალიანაც კარგი. მალე ჩვენც ზედ მიყვებით.

იცოდა, რომ ქალს გულში მართლა გაუხარდა თევზების ამბავი.

- მშია.

ქალმა დაუფარავი ზიზლით შეხედა.

- აი, არ მესმის, როგორ შეიძლება ასეთ დროს გშეიძლება, როგორ შეიძლება, რომ ასეთ დროს, საერთოდ, საქმელზე იფიქროს ადამიანი? რა დაგემართა, სულმთლად გამოგილყადა ეგ ტვინი, შე ალცჰაიმერით დაავადებულო?

- შე ძროხა, შენა!

კაცი სამზარეულოში გავიდა და მაცივრიდან კიტრი გამოიღო. ის იყო, პური უნდა მოეჭრა, რომ მომარჯვებულ დანას უცებ ხელი გაუშვა და უჯრაში რალაცას დაუნყო ძებნა. მალევე იპოვა. ძველი ჯაყვა იყო, დაბრეცილყუიანი. მის დანახვაზე თვალეზი გაუბრწყინდა. ჯაყვას პირი მობლაგვებოდა, მაგრამ მაინც შეძლო, პურისთვის ორი ნაჭერი ჩამოეჭრა. პური და კიტრი ერთად დაანყო თეფშზე და ოთახში დაბრუნდა.

- მეტი პური აღარ გვაქვს და სულ ნუ შემეჩამ... ადრე თუ გვიან მაინც მოგვინვეს გარეთ გასვლა, სასურსათო მაღაზიაში მაინც, - თქვა მოშიშინე ტელევიზორს მიშტერებულმა ქალმა.

კაცი ერთხანს ასე იდგა, თეფშით ხელში. მერე ისევ სამზარეულოში შებრუნდა, ერთი ნაჭერი პური და დაჭრილი კიტრის ნაწილი მეორე თეფშზე გადაიტანა და ოთახში შესულმა ქალს ხელში მიაჩეჩა. ქალმა უსიტყვოდ ჩამოართვა თეფში. როგორც კი ქამა დაიწყეს, სადღაც შორს სირენა აკვივლდა. ქალი ადგა, ფანჯარასთან მივიდა, ჩამოფარებული გადასაფარებელი ფრთხილად გადასწია და გარეთ გაიხედა. მაღალსართულიანი სახლების თავზე ყავისფერი ცის ზოლს მოჰკრა თვალი.

- არაფერიც არ ჩანს, - თქვა ისე, რომ უკან არ მოუხედავს. კაცმა ამით ისარგებლა და ქალს თეფშიდან კიტრის რამდენიმე ნაჭერი ააცალა.

ჩუმად ქამდნენ. ქალი ისე უნადინოდ, თითქოს მისთვის სულერთი იყო, რას ქამდა. კაცს ეს აღიზიანებდა. პურისა და კიტრის ნაჭრებს მონაცვლეობით იღებდა ჯაყვის წვერით, პირში იდებდა და ლუკმებს ნელა ლეჭავდა. ჰარცერების ბანაკში გატარებული წლები გაახსენდა. ეს კიტრი და პური ძვირადღირებული რესტორნის ვახშამს ერჩივნა.

– შიმშილი საუკეთესო მზარეულია, – თქვა გამოტენილი პირით.

– ვფიქრობ, რომ ჩავიდა. ცოტა ბედმა თუ გაულიმა, მშვიდობით ჩავიდოდა. ახლა, ალბათ, უკვე მასთანაა და, ალბათ, რომელიმე თავშესაფარში სხედან. დარწმუნებული ვარ, ვარშავაში ჯერ ისევ არის ომისდროინდელი თავშესაფრები. სხედან და არაფერი ემუქრებათ. გეუბნები, ასე იქნება!

კაცმა თანხმობის ნიშნად თავი დაუქნია.

– ჯობდა, ამას არ მოვსწრებოდით და მანამდე დავხოცილიყავით. იცი, რა ამბავი იქნება, ადამიანები ბუზებივით რომ გაიჟლიტებიან! დამმარხავი აღარ დარჩება.

– ჰო.

– რა ჰო?

– არაფერი.

– კი მაგრამ, ყოველდღე გაზეთს კითხულობ, ტელევიზორს უყურებ და როგორ არაფერი არ იცოდი? ნუთუ ამ უბედურებას არაფერი მოასწავებდა? იქნებ სხვებმა იცოდნენ და მარტო ჩვენ ვერ გავიგეთ ვერაფერი? იქნებ სხვებმა მომზადებაც მოასწარეს? შენ კიდევ ვერაფერი ამოიკითხე მაგ შენი ბრიყვული გაზეთებიდან. თუმცა რა უნდა გელაპარაკო, როცა შენ თვითონაც ბრიყვი ხარ!

ქალმა ამოიოხრა და სანამ ცარიელ თეფშს გვერდზე გადადებდა, ნერწყვი დასველებული თითით ზედ დარჩენილი ნამცეცები მოაგროვა.

- საჭმელს უნდა გავუფრთხილდე, - იმართლა თავი.

კაცი თვალს ადევნებდა, როგორ გაჭირვებით შეიჭყლიტა ქალი მაგიდის უკან და გობელენებითა და სოფლის პეიზაჟებით სავსე კედლებზე რალაცის ძებნა დაიწყო. მიაგნო თუ არა, ხელისგულები შეატყუპა და იმ ადგილის წინ დაიჩოქა.

- რას აკეთებ? - ირონიული ღიმილით შეეკითხა კაცი, თუმცა მშვენივრად ხვდებოდა, რის გაკეთებასაც აპირებდა.

- რას და, რასაც ხედავ! - ქალმა თვალები დახუჭა და ლოცვას შეუდგა. - ანგელოზო ღვთისაო, მფარველო ჩემო, რომელიც ჩემთან ხარ დილით, საღამოს, დღისით და ღამით, დამიფარე და მიხსენ მე განსაცდელისგან...

- ვერა ხარ შენ კარგად! - ჩაილაპარაკა კაცმა, თეფშებს ხელი წამოავლო და სამზარეულოში გაიტანა. იქ შეყოყმანდა, ვერ გადაენწყვიტა, გაერეცხა თუ ასე დაეტოვებინა.

გაახსენდა, ბანაკში წყალი როცა არ ჰქონდათ, ქვაბებს ქვიშით რომ ასუფთავებდნენ.

- დაიფარე სული და სხეული ჩემი და წინ გამიძებ საუკუნო სასუფეველამდე. ამინ!

ქალი წამოდგა და მუხლები ხელით ჩამოიფერთხა. მერე დისტანციური მართვის პულტი აიღო და რამდენჯერმე გადართო ტელევიზორი. ყველა არხი ერთნაირად ციმციმებდა. კაცი ზღურბლზე გაჩერდა და ჰკითხა:

- იცი, ამ ბინდში ჰამიდვრები როგორ გამოიყურებიან?

- როგორ?

- როგორ და უცნაურად. გუშინ ნაკვეთში რომ ვიყავი, სანამ გავიგებდით, რომ გარეთ გასვლა გვეკრძალებოდა, ვიდექი და ვაკვირდებოდი.

კაცი წუთით ჩაფიქრდა და ტუჩზე ღიმილი გაუკრთა.

- მერე, რა აღმოაჩინე? - ჰკითხა ქალმა და თავის სავარძელში ჩაჯდა.

- ლამაზი შესახედები იყვნენ. და ეს რუხი შუქიც ისე რალაცნაირად ეცემოდა ნაყოფით დახუნძლულ ბუჩქებს, თითქოს ანათებენო. ძალიან გულდასაწყვეტია, ასე ლამაზად რომ მწიფს, ჭამა კი არ შეიძლება.

- უნდა დაგეკრიფა. იქნებ გუშინ ჯერ კიდევ იჭმეოდა? - წყნარი ხმით თქვა ქალმა.

- კი, როგორ არა, დამეკრიფა და ახლა ოთახში დაესხივე-ბინათ. ისე, საინტერესოა, რომ გვეჭამა, მუცლიდანაც გამოასხივებდნენ? წარმოიდგინე, დავდივართ და ტანსაცმლის შიგნიდან შუქს ვასხივებთ, სხეული მთლიანად განათებული გვაქვს, მთელი მუცელი... და მერე კიდევ, ტუალეტში რომ შევალთ...

ორივეს სიცილი აუტყდა. კაცს ცრემლებიც კი წამოსცვივდა და რამდენჯერმე შეინძინდა სახელოთი, მაგრამ ველარ ჩერდებოდა, ისევ თავიდან იწყებდა სიცილს. დაოსებული მიესვენნენ სავარძლებში.

- როგორ გგონია, ეს გადასაფარებლები გვიშველის ვითომ რამეს? ძველი გადასაფარებლებია და მეტი არაფერი... - იკითხა კაცმა, სული რომ მოითქვა.

- ჩვენ წინა სახლშიც ასეთები აქვთ ფანჯრებზე აფარებული. ზოგიერთ ქალაქს თავშესაფრები ჰქონია. შენ გსმენია რამე ასეთ თავშესაფრებზე?

კაცმა ჭერს მიაბჯინა მზერა.

- ამაზე ხო ვილაპარაკეთ უკვე.

- და რაზე არ გვილაპარაკია?

- მე რა ვიცი!

- იცი, რა მანუხებს? - თქვა მოულოდნელად კაცმა. - გოგოს რომ არ გამოვემშვიდობეთ. ალბათ, მეტად ველარც ვნახავთ.

ქალს ტირილი აუვარდა. დროდადრო ჰაერს ღრმად ისუნთქავდა და უფრო და უფრო მწარედ ქვითინებდა. მერე სავარძელში ორად მოიკეცა. გადმოვარდნას ცოტალა აკლდა.

– კარგი, გვეყოფა, – თქვა კაცმა და ინანა, რომ წინასწარ ვერ გათვალა, რა მოჰყვებოდა მის ნათქვამს.

– შენ თვითონ გაჩერდი, თუ კარგია, – ამოიქვითინა ქალმა.

– დაგავინყდა, როგორ ექცეოდი? გაუთავებლად ჩხუბობდით, თითქოს სხვა საქმე არაფერი გქონდათ.

– ჰო, სამაგიეროდ, შენ ხომ ექცეოდი კარგად. შენ ხომ ყველგან და ყველაფერში საუკეთესო უნდა იყო... კეთილი და გულისხმიერი მამიკო!

კაცი ადგა და სიგარეტის მოსაწევადად გავიდა. სასტუმრო ოთახიდან ისევ ისმოდა ქალის მოთქმა. ბავშვივით გულამომჯდარი ტიროდა, თან დროდადრო სლუკუნით რალაცას ლაპარაკობდა. კართან ახლოს მიიწია, ისე დადგა, რომ ქალს არ დაენახა და ყური დაუგდო.

– ...დაიბადა თუ არა, მაშინვე ჩხავილი მორთო. გაუთავებლად ტიროდა, არ ჩერდებოდა. თითქოს ყველაფერი სტკიოდა. ბებიას ქალს ვკითხე, ეს ნორმალურია-მეთქი? სხვა ბავშვებს ეძინათ, ის კი ტიროდა... ღმერთო, როგორი უბედურები ვართ ყველანი, როგორი სანყლები.

კაცი კედელს მიეყრდნო და ისევ ჭერს დაუნყო ყურება. თვალები ცრემლით ავსებოდა. ცრემლები ნელ-ნელა მოგორავდნენ ლოყებზე, შალის უსახელო ჯემპრზე სხლტებოდნენ და იატაკზე ეცემოდნენ, იქ კი ხალიჩა ინოვდა. სიგარეტის ფერფლიც ხალიჩაზე, ცრემლებთან ახლოს ცვიოდა, მაგრამ ხალიჩის ზედაპირი მას არ ინოვდა. კაცმა თითი დაინერწყვა, ფერფლი აიღო და აკვარიუმში ჩააგდო. მერე უკან დაბრუნდა და რადიოს გადამრთველის ტრიალი დაიწყო. შიშინის მეტი

არაფერი ისმოდა. ამ შიშინმა, რომელიც ჩურჩულს ჰგავდა, ქალი დააწყნარა. ცოტა ხნის შემდეგ კაცმა ერთი არხი დაიჭირა. ორივემ სული განაბა, მაგრამ იქ რომელიღაც უცხო ენაზე ლაპარაკობდნენ. მალე ეს ხმებიც დაიკარგა და ირგვლივ ისევ სიჩუმემ დაისადგურა. კაცი სავარძელს დაუბრუნდა.

– ბობიკი გახსოვს? რამდენი წლის წინ მოკვდა? – იკითხა კაცმა.

ქალი გონებაში თვლას შეუდგა.

– ოთხი-ხუთი წელი იქნება, ალბათ. ნერვებს მიშლიდა ის ძალღი.

– გახსოვს, სადაც წვებოდა, იმ ადგილას რაღაც ნივთებს რომ მალავდა ხოლმე? ახალი ნაყიდი ფეხსაცმელი რომ მოგპარა, ის თუ გახსოვს? – ჩაიხიბითა კაცმა.

– როგორ არ მახსოვს. გრამი ტვინი არ ჰქონდა თავში. ჰო, რას აღარ იპარავდა... – ქალმა ხელები გულზე დაიწყო და ჩაფიქრდა.

– იცი, ყველაზე მეტად რა მომწონდა, დილით ადრე რომ ვდგებოდით ძაღლის გამო. შენ სასეირნოდ მიგყავდა და ახალი გაზეთი და პური ამოგქონდა. საცხობის პური არაფრად ვარგოდა და დელიკატესების მაღაზიაში ყიდულობდი. მერე ერთი გასეირნება სადილის შემდეგ იყო, ერთიც – ფილმის შემდეგ... მთელი დღე ძაღლზე გექონდა აწყობილი. თვითონაც რომ ყველაფერს თანმიმდევრობით აკეთებდა! ყოველთვის ახსოვდა, რის შემდეგ რა უნდა გაეკეთებინა. დილის გასეირნების შემდეგ აუცილებლად ორცხობილა უნდა მიგეცა. გახსოვს, ერთხელ მაღაზიაში ორცხობილა ვერ ვიშოვეთ, ფუნთუშა გამოვუცხვე და ის გამოვუშრე ღუმელში. რა სულელი ვიყავი! სად გაგონილა, ძაღლს ფუნთუშებს უცხობდეს ადამიანი!

უცხად გამოცოცხლებულმა, აღზნებულმა კაცმა, ძლივს მოითმინა, სანამ ქალი სათქმელს დაასრულებდა. მერე კი ლამის წამოიყვირა:

– გახსოვს, ვეტერინარმა რა თქვა, ბობიკს მანქანამ რომ დაარტყა?

– დააძინეთო, – მიუგო ქალმა.

კაცი სავარძელში გადაწვა.

– ნეტავ რატომ ამბობენ ცხოველებზე „დაძინებას“? ამ დროს მათ ხომ კლავენ? – უკმაყოფილოდ ჩაილაპარაკა ქალმა.

– ადამიანი კვდება. ცხოველი იძინებს. რა ვიცი, აბა...  
მძინარე თევზები.

კაცმა გაიფიქრა, რომ დრო იყო მკვდარი თევზები აკვარიუმიდან ამოეღო და გადაეყარა, მაგრამ იმის წარმოდგენაზე, რაც წინ ელოდა, გააჟრჟოლა და დროებით გადაიფიქრა.

– ძაღლებს თავისი ჩვევები აქვთ, – გააგრძელა სათქმელი.

– როგორც ადამიანებს.

– ძაღლებს უფრო მეტად. ადამიანს შეუძლია ნებისმიერი ჩვევა დაივიწყოს. ცხოველს კი ჩვევების მიხედვით ცხოვრება აქვს მისჯილი.

კაცი კმაყოფილი დარჩა, ასე სხარტად რომ ჩამოაყალიბა აზრი.

– მისჯილი, – გაიმეორა კიდევ ერთხელ, რომ ამ სიტყვის უღერადობით დამტკობარიყო.

მერე ერთმანეთის გვერდიგვერდ მდგარ ყავისფერ სავარძლებში მსხდარნი და ფანჯარაზე გაკრულ უჯრულა გადასაფარებელს მიშტერებული კარგა ხანს დუმდნენ. პირველმა, ქალმა დაარღვია სიჩუმე:

– ეჰ, მართლა კარგი დრო იყო... დივანზე რომ დაწვებოდა ხოლმე, გახსოვს? მიუხედავად იმისა, რომ იცოდა, ვუკრძა-

ლავდით. მაგრამ ასე მარტო მაშინ იქცეოდა, როცა ვჩხუბობდით. თითქოს ჩვენი ყურადღების მიქცევას ცდილობდაო...

– სახლიდან რომ გადიოდი, მაშინაც წვებოდა ხოლმე, – დასძინა კაცმა კმაყოფილი ტონით.

– ხო? მართლა? – თითქოს ვერ იჯერებდა ქალი.

– მე კიდევ სიგარეტს ვენეოდი. ღერს ღერზე ვაბოლებდი, რაზეც შენ არასოდეს აგიღია ეჭვი. ვენეოდი და ლუდსაც ვსვამდი, ბობიკი კი ამ დროს დივანზე იწვა.

– ეგ შენ გეგონა ეგრე, რომ ვერ ვგრძნობდი, ნასვამი რომ იყავი. ძალიან კარგადაც ვგრძნობდი. უბრალოდ, ამის უფლებას გაძლევდი. თუმცა თავი ისე მეჭირა, ვითომ ვერ ვგრძნობდი. ოთახში რომ ენეოდი, არც ის გამომპარვია არასდროს, მაგრამ ძალღი დივანზე თუ იწვა ხოლმე, ეს მართლა არ ვიცოდი.

კაცი უცბად წამოხტა სავარძლიდან.

– ლუდი გვაქვს ბარში.

– არავითარ შემთხვევაში. – ქალმა ჟესტივით ანიშნა კაცს, რომ დამჯდარიყო და ისიც დაემორჩილა. – ახლა არა, სხვა დროს.

კაცს ბრაზი მოერია.

– რატომ, რას ველოდოთ, ვის შევეუნახოთ? სულ გამოჩერჩიტდი? ეს სხვა დრო შეიძლება აღარც კი დადგეს.

ქალს მისი გაცხარება თითქოს არც შეუმჩნევია, ისე მშვიდად განაგრძო:

– გოგომ მოიყვანა სახლში და გვითხრა: ან დავიტოვებთ, ან სახლიდან წავალო. გახსოვს?

კაცი ერთხანს გამწყრალი სახით იყურებოდა. მერე ნიშნის მოგებით ჩაილაპარაკა:

– შენ კიდევ არ იცოდი, როგორ მოქცეულიყავი. არც ის იცოდი, რა გეთქვა. ხანდახან ძალიან თავისნათქვამა იყო.

– წარსულ დროში რატომ მოიხსენიებ? ფიქრობ, რომ რა? ფიქრობ, რომ რამე...

– შემეშვი რა! – კაცი თავის ოთახში გავიდა. ფანჯარაზე გაჭიმული გადასაფარებელი ოდნავ გვერდზე განია და გარეთ გაიხედა. ყველგან იგივე ხდებოდა. ქუჩაში სულიერი არ ჭაჭანებდა.

– ახლავე ჩამოაფარე! ჩამოყალიბებული იდიოტი ხარ! ამის თავში ხომ არაფერი არ შედის... გინდა, რომ თვალები ამოგენვას? – თქვა მის ოთახში თავშეყოფილმა ქალმა.

– შემეშვი-მეთქი. ჩემი თვალებია, შენი ხომ არა?

ქალი გავიდა. კაცი ნეილონის წინდის ბადით იღებდა აკვარიუმიდან მკვდარ თევზებს. დიდი დრო არ დასჭირვებია მათ მოსაგროვებლად. სკალარიები დაჭყეტილი დიდრონი თვალებით ჭერს მიშტერებოდნენ. ხელის კანკალით ათავისუფლებდა წინდის თვლებში გაბმულ თევზის კუდებს. თვალები დახუჭა და ისე ჩაყარა მკვდარი თევზები უნიტაზში.

– იქნებ ვულკანი ამოიფრქვა, ფერფლი ატმოსფეროში გაიფანტა და ამიტომ ბნელა? – მოისმა სასტუმრო ოთახიდან ქალის ხმა. – თუ ასეა, მაშინ ეს რადიაცია არ ყოფილა და გარეთ გასვლას შეეძლებო. მგონი, დინოზავრებიც ასე გადაშენდნენ.

კაცმა რალაც ჩაიბურტყუნა.

– ჰო, არაფერი იზრდებოდა. საკვები აღარ ჰქონდათ და იხოცებოდნენ.

უცბად მინების მსხვრევის ხმა გაისმა. უნიტაზზე დახრილი კაციც და სავარძლის წინ მდგარი ქალიც ადგილზე გაქცევდნენ.

– ეს რალა იყო? – შეშინებული ხმით იკითხა ქალმა.

– ალბათ, მართლა არ ზის ყველა სახლში. იქნებ ჩვენს მალაზიას ძარცვავენ?

- მთელ პროდუქტს გაზიდავენ. ხულიგნები. მიდი, პოლიციაში დარეკე.

კაცმა ქალს გახედა და შუბლზე თითი მიიკაკუნა.

- ტელეფონი გამორთულია. მიუხედავად ამისა, მაინც გავიდა დერეფანში და კართან მივიდა. საჭვრეტიდან სადარბაზოში გაიხედა და კარი ისე გამოალო. სადარბაზოში მოლაპარაკე ადამიანების ხმა ექოდ ისმოდა.

- გავალ, იქნებ რამე გავარკვიო, - წასჩურჩულა კაცმა ქალს, რომელიც გვერდით ამოსდგომოდა. ქალმა დაღმეჭილი სახით სახელოში სტაცა ხელი. შეჩერებას ცდილობდა.

კაცმა ხელი გაითავისუფლა და კარის ბნელ ჩარჩოში გაუჩინარდა. ქალმა თავი გაყო და სმენა დაძაბა, მაგრამ მალევე შემობრუნდა უკან. სამზარეულოში მწნილის ქილიდან ერთი კიტრი ამოაძვრინა, ნაჩქარევად შეჭამა და მაგიდას მიუჯდა. კარგა ხანს იჯდა ქანდაკებასავით უძრავად.

კაცი ალგზნებული დაბრუნდა უკან.

- ქვედა მეზობლებს ვუთხარი, ჩვენთან ამოდით-მეთქი, - უთხრა ქალს.

ქალმა თავში შემოიკრა ხელი.

- რატომ უთხარი? რაზე უნდა ველაპარაკოთ?

- საცაა მოვლენ.

ქალმა მაგიდაზე დაყრილი ნამცეცები მუჭში მოიგროვა და სუფრა გაასწორა.

- მადლობა ღმერთს, გაზი ჯერ კიდევ გვაქვს. მიდი, ჩაიდანნი შემოდგი.

ცოტა ხანში დერეფნიდან სტუმრების ფეხის ხმა მოისმა. ღია კარზე ფრთხილად დააკაკუნეს. მეზობელმა ცოლს გზა დაუთმო. სტუმრები და მასპინძლები ერთმანეთს მიესალმნენ.

- ...სკი, - გაეცნო კაცი.

- ...ჩიკი, - შეაგება დიასახლისმა.

– ამდენი წელია თქვენ ქვემოთ ვცხოვრობთ და თქვენთან ჯერ არ ვყოფილვართ. გამარჯობა! – თქვა ცოლმა.

– მობრძანდით, მობრძანდით. კარს დაგვეტავ, – შეიპატიუა ქალმა.

დერეფანში მორიდებულად მდგარი მეზობლები მასპინძლებს სასტუმრო ოთახში შეჰყვინენ და სავარძლებში ჩასხდნენ. უხერხული სიჩუმე ჩამოვარდა.

– ყავას მიირთმევთ? – ჰკითხა მათ წინ ასვეტილმა ქალმა და ტილო ერთი ხელიდან მეორეში გადაიტანა.

– არა, ნუ შენუხდებით... – მიუგო მეზობელმა.

სიფრიფანა მეზობლის ქალი სავარძლის კიდეზე ჩამომჯდარიყო. დიასახლისმა სკამი აიღო და სტუმრებთან ახლოს დაჯდა.

– ყავის დალევა, ალბათ, არ გვანყენდა. კაცმა არ იცის, როდემდე გვექნება გაზი... იქნებ ბოლო ყავაა ჩვენს ცხოვრებაში, – გახუმრება სცადა კაცმა.

– კარგი რა, – მოჩვენებითი მხიარულებით გაეპასუხა ცოლი.

– ხსნადი თუ ნალექიანი?

– ნალექიანი, თუ შეიძლება.

ქალმა სამზარეულოს მიაშურა. კაცმა ველარ მოითმინა და იკითხა:

– თქვენ რამე იცით? რა მოხდა? რა ამბავია ჩვენს თავს საერთოდ?

– ამბობენ, საშინელი მიწისძვრა იყო. ნახევარი ევროპა დანგრეულია, ჰოლანდია წყალში ჩაიძირა, ამერიკის შეერთებული შტატები და იაპონია კი საერთოდ აღარ არსებობსო.

– ჩვენ კიდეც ვერაფერი ვიგრძენით, – თქვა ყავის პარკით ხელში ოთახში შემობრუნებულმა ქალმა.

– იმიტომ, რომ ჩვენ არასეისმურ ტერიტორიაზე ვართ, – მოკლედ მოუჭრა ქმარმა.

მეზობელი კი განაგრძობდა:

– ყველაფერი ერთბაშად აუფეთქდათ, მათ შორის, ატომური ელექტროსადგურებიც... ამიტომ ლაპარაკობენ შესაძლო რადიაციაზე.

– ჰოდა, ალბათ, ყველაფერთან ერთად ვულკანებიც ამოიფრქვა და ამიტომ ბნელა ასე. ხომ გეუბნებოდი? – მიმართა კაცმა ცოლს, რომელსაც უკვე ლანგრით ყავა შემოუტანა.

– დიახ, ჩემს ქმარს ჰქონდა ასეთი ჰიპოთეზა, რომ იგივე მოხდა, რაც მაშინ დინოზავრებს შეემთხვათ... – თქვა ქალმა და ლანგარი მაგიდაზე დადგა.

ამ დროს ტანმორჩილ, სიფრიფანა მეზობლის ქალს ტირილი აუვარდა და სახე ცხვირსახოცში ჩამალა. ქმარმა ხელზე ხელი მოუთათუნა.

– იცით, ქალები ყველაფერს მძაფრად განიცდიან, – გამოექომაგა ცოლს. – შვილები გვყავს შეერთებულ შტატებში. ორი შვილი. საშობაოდ აპირებდნენ ჩამოსვლას.

– აღარ იქნება შობა. არაფერი აღარ იქნება, – ამოისლუკუნა მეზობლის ქალმა. ისეთი საცოდავი შესახედავი იყო, დანარჩენებს სიბრალულისგან გულები შეეკუმშათ. მცირე ხნით ისევ სიჩუმემ დაისადგურა, რომელიც ოთხივე ფინჯანში კოვზების მორევის ხმამ დაარღვია.

– რატომ ვჯავრობთ გამუდმებით ჩვენს შვილებზე, მით უმეტეს მაშინ, როდესაც ისინი უკვე ზრდასრული ადამიანები არიან, საკუთარი თავები კი სულ არ გვენადვლება? – იკითხა ფილოსოფიური ტონით მეზობლის კაცმა.

– რას ამბობ, რას? ხანდახან ისეთ რამეს დაახეთქებ ხოლმე, რომ...

რალაცნაირი გაცხარებით ურევდნენ კოვზებს ფინჯნებში. მეზობლის კაცმა, თითქოს ეს ცოლის კითხვაზე პასუხი იყო, თქვა:

– ამიტომ არ მუშაობს არც რადიო, არც ტელევიზია. ამბობენ, რადიაცია უშლის ხელს რადიოტალღებსო და საერთოდ მთელ ელექტრონიკასო. გამოსხივება თუ რალაც არ იძლევა მათი გატარების საშუალებას... – ბოლომდე ველარ მოაბა სათქმელს თავი.

– ასე რომ, გაზილა დაგვრჩა... – ხმადაბლა დასძინა მისმა ცოლმა და ფინჯანი პირთან მიიტანა.

– ალბათ, მალე მაგასაც გამოგვირთავენ.

დიასახლისი ერთბაშად გამოცოცხლდა.

– აი, მაშინ მართლა რალა გვეშველება? გრძნობთ, როგორი მყრალი სუნი ამოდის კანალიზაციიდანაც? ეგეც რომ გაიჭედოს, მერე რას ვშვრებით?

– თქვენ რას საქმიანობთ? – მოულოდნელად შეცვალა მასპინძელმა კაცმა საუბრის თემა.

– არაფერს, ჩვენ უკვე პენსიონრები ვართ, – უხალისოდ მიუგო მეზობლის კაცმა, – მანამდე მოხელედ ვმუშაობდი. აი, თქვენ კი ხშირად გხედავდით ხოლმე ავტობუსში. ცამეტი ნომრით დადიოდით, არა?

– კი, ცამეტი ნომრით. ქალაქის სამმართველოსთან ჩამოვდიოდი ხოლმე. სკოლაში ვმუშაობდი...

საუბარში დიასახლისიც ჩაერთო:

– ამბობენ, ქალაქის სამმართველოსთან ბუნკერებია და მისმა თანამშრომლებმა იქ შეაფარეს თავიო. ერთი წლის სამყოფი სასმელი წყლის მარაგი ჰქონიათ, კონსერვებიც. ის კი არა, კინოდარბაზიც ყოფილა თურმე...

კაცმა გაკვირვებით გახედა ცოლს:

– ეს სისულელე ვიღამ გითხრა?

- გავიგე.

კაცმა ყური აღარ ათხოვა და ისევ მეზობელს მიუბრუნდა:

- როგორ ფიქრობთ, ეს გადასაფარებლები რამეს გვიშველის? ეს ხომ სრულიად ჩვეულებრივი გადასაფარებლებია? ვინმემ არ უნდა გვითხრას, როგორ მოვიქცეთ?

- ყური მოვკარი, კომბინეზონებში ჩაცმულმა ადამიანებმა ჩამოიარეს და საინფორმაციო ფურცლები დაარიგესო. აგერ, იმ სახლში ყოფილან, - გაურკვეველი მიმართულებით გაიშვირა თითი მეზობელმა. - ეტყობა, ჩვენამდე ჯერ ვერ მოაღწიეს. მოვლენ, ალბათ.

- და როგორ ფიქრობთ, ჩვენ არ უნდა გავერთიანდეთ? თუნდაც მხოლოდ ამ სადარბაზოს მცხოვრებნი. რომელიმე ჰარცერული დაჯგუფების წევრი ყოფილხართ ოდესმე?

- ჩემს სიყმანვილეში ჰარცერები არ არსებობდნენ. ჩემს დროს პოლონელი ახალგაზრდობის კავშირი იყო.

- ჰოდა, ყოფილხართ და ეგ არის, - ირონიული ღიმილით მიუგო მასპინძელმა.

- მახსოვს, რომ ატომური აფეთქების დროს ფანჯარასთან უნდა დავნოლილიყავით და ხელები თავზე წაგვეფარებინა.

- ძალიან კი გიშველიდათ, ამ თხელი გადასაფარებლებისა არ იყოს.

კაცი ფანჯარასთან მივიდა და გადასაფარებლის კუთხე ოდნავ ასწია.

- საინტერესოა, ამ ყავისფერ ჰაერს როგორი სუნი აქვს. რაღაც სუნი ხომ უნდა ჰქონდეს? ოზონის? დამწვრის?

- ან ვულკანური ფერფლის, - გაეპასუხა მეზობელი.

მასპინძელმა ფანჯრიდან ავეჯის კედლისკენ გადმოინაცვლა, წიგნების თაროზე რაღაცის ძებნა დაიწყო და სულ მალე იქიდან ალბომი გამოაძვრინა. ერთხანს თვითონვე ათვალაიერებდა, თითქოს უნდოდა, დარწმუნებულიყო, რომ რა-

საც ეძებდა, ნამდვილად იქ იყო. მერე ერთ ადგილას გადაშალა სტუმრებისთვის საჩვენებლად:

- აი, მემლინგის უკანასკნელი სამსჯავრო. მიცვალებულები საფლავებიდან დგებიან, გაბრიელ მთავარანგელოზს ხელში ცეცხლოვანი მახვილი უჭირავს. ჯოჯოხეთია. ადამიანთა სილუეტები ცეცხლში ცვივიან. ჯოჯოხეთის თავზე ცა წითლად შედებილა. ირგვლივ კი ყველაფერი ნაცარტუტადაა ქცეული.

- ამას რატომ გვიჩვენებ? სულ გააფრინე? - შეეკითხა ცოლი და სტუმრებს მიუბრუნდა. - არ ვიცი, წარმოდგენა არა მაქვს, ამას რატომ გიჩვენებთ.

- მე ეშმაკებისა და სულებისა არ მეშინია. მე ადამიანი უფრო მაშინებს, - მხნედ შეაგება მეზობელმა. - ვილაცამ ხომ ჩაიდინა ეს საქციელი, ხომ მიიღო ეს საშინელი გადაწყვეტილება?

- კი, მაგრამ, როგორ? წელან არ თქვით, მინისძვრა მოხდაო?

- რა მნიშვნელობა აქვს? უმიზეზოდ არც მინისძვრა ხდება... სათბურის ეფექტი და ა.შ.

ღიასახლისმა ყავის ფინჯანი მაგიდაზე დადგა.

- ხანდახან ისეთი რამეებიც ხდება, რაშიც ადამიანის ხელი არ ურევია. თანაც საკმაოდ ხშირად. ადამიანმა ხშირად არაფერი იცის, ვერ იგებს, რა ხდება მის გარშემო და ვერც ვერაფერს გეგმავს იმიტომ, რომ ყველაფერი მაინც ისე მოხდება, როგორც უნდა მოხდეს. ადამიანს თვითონაც ვერაფერი გაუგია თავისი თავისა, რადგან მასაც რაღაც ემოციები და ინსტინქტები მართავს. ნაკვეთში პამიდორი დავრგეთ. დამნიფდა. ისე დამნიფდა, რომ დღე-დღეზე უნდა დაგვეკრიფა, მაგრამ ველარ მოვასწარით. ყველაფერი სხვანაირადაა, არაფერი აღარ არის ისე, როგორც უნდა ყოფილიყო.

ამ დროს კი მეზობელი ქალი ჰიპნოტიზებულივით დაშტერებოდა თვალნინ გადაშლილ რეპროდუქციას. შუბლი მსხვილი ოფლის წვეთებით დასცვაროდა, ყავაც თითქმის ხელუხლებლად დაეტოვებინა ფინჯანში. ეტყობოდა, რომ კარგად არ იყო.

- ცუდად ვარ, - უთხრა ქმარს. - ხომ არ წავიდეთ?

ქმარი უცბად გამოერკვა.

- რომელი საათია? - იკითხა.

- შვიდი... - მიუგო დიასახლისმა, - საღამოს შვიდი საათი. სტუმრები ფეხზე წამოდგნენ.

- შინ წასვლის დროა. პირველი სტუმრობა დიდხანს არ უნდა... უჰ, რას მივედ-მოვედები. ხვალ თქვენ ხომ არ ჩამოხვიდოდით ჩვენთან?

დამშვიდობებისას კარის ზღურბლზე კიდევ გაცვალეს რამდენიმე წინადადება:

- თუ რამე გაიგოთ...

- აუცილებლად... გაგაგებინებთ.

უკან შემობრუნებულებმა მეზობლების ფინჯნები გაიტანეს და მოხერხებულად მოეწყვენენ სავარძლებში.

- ნეტა ესენი რისთვის დამიპატიჟე?

კაცს პასუხი არ გაუცია. ინტერესით ჩაჰყურებდა ძველ გაზეთს.

- დღეს ახალი ამბების შემდეგ ფილმი უნდა ყოფილიყო...

- არაფრით საინტერესოები არ ყოფილან. ზუსტად ჩვენსავით დამფრთხალნი და მოსაწყენნი იყვნენ. ნახე, ის ქალი რა დღეში იყო?

კაცმა ისევ არ უპასუხა. ქალმა ალბომი აიღო და თავის ადგილას დააბრუნა.

- საერთოდ არ მეშინია, სანამ არ ვფიქრობ, მაგრამ როგორც კი ფიქრს დავიწყებ, მაშინვე შიში ამიტანს ხოლმე. - ტელევიზია მაინც მუშაობდეს. რა ფილმი უნდა ყოფილიყო? - ჰკითხა ქმარს.

კაცმა გაზეთი გვერდზე გადადო, თავი უკან გადასწია და სავარძლის საზურგეს მიაყრდნო.

- არ ვიცი.

- თქვი რა, რამე.

კაცი არ განძრეულა.

ქალი ფეხზე წამოდგა და ისევ სალოცავ ადგილს დაუნყო ძებნა. იპოვა. დაგმანული ფანჯრისკენ ზურგით დადგა და ისევ დაიჩოქა.

კაცი მინაბულ თვალებს დროდადრო მისკენ აპარებდა.

- ანგელოზო უფლისაო... - ქალმა კაცისკენ გაიხედა, მაგრამ მას უკვე მოესწრო თვალების დახუჭვა. - ანგელოზებო უფლისაო, მფარველნო ჩვენო, ჩვენ გვერდით მდგარნო, დილით, საღამოს, დღითა და ღამით შეგვეწიეთ და დაგვეხმარეთ ჩვენ...

- რაზე ლოცულობ ოღონდაც, გობელენებზე? - ჩაილაპარაკა კაცმა.

- დაიფარეთ ჩვენი სულები და ჩვენი სხეულები და წინ გვიძლოდეთ...

- არ არსებობს ღმერთი და არც ანგელოზები არსებობენ. ადამიანები მინისგან იშვებიან და მიწადვე იქცევიან.

- ... და დაგვიმკვიდრეთ საუკუნო სასუფეველი, ამინ!

ქალი ფეხზე წამოდგა, ხელით მუხლები ჩაიფერთხა და ისევ სავარძელში ჩაჯდა.

- ასე მგონია, ანგელოზები ზუსტად ისე არიან ჩვენთვის, როგორც ჩვენ ვართ ჩვენი ძაღლებისთვის. ისინი ჩვენ გვპატრონობენ. მათ უკეთ იციან, ჩვენთვის რა ჯობია. ბობიკმა

არ იცოდა, რა იყო მისთვის უკეთესი. არ უნდოდა, რომ ჭიების სანინააღმდეგო ტაბლეტები ეჭამა. გვიძალიანდებოდა... იქნებ ახლაც რაღაც ამგვარი ხდება? იქნებ ისიც ჩვენს გასუფთავებას ცდილობს ჭიებისგან?

- ვინ ის? - თვალეები გაახილა კაცმა.

- ვინ და ღმერთი.

- შენ, მგონი, ტვინი გადაგიხურდა!

ქალმა ზიზლით შეავლო ქმარს თვალი.

- ო, რა ბოროტი და უგვანი ვინმე ხარ!

- უბრალოდ, თავს არ ვიტყუებ. სულ ეს არის.

ქალი ფეხზე წამოდგა, ფინჯნებს ხელი დაავლო და სამზარეულოში გაიტანა.

- ამაზრზენი პატარა ადამიანი ხარ. ნამდვილი ასპიტი. - ჩაისისინა თვითონაც გველივით.

სანამ სულ არ ჩამობნელდა, სავარძლებში ისხდნენ. მხოლოდ დერეფანში ერთო პატარა სანათური. ქალს ძველისძველი, გახუნებული და დაწლანული ღამის პერანგი ეცვა, კაცს - ზოლიანი პიჟამა. კაცმა სანთელი მოიტანა, მაგიდაზე დადგა და აანთო. ქალმა გაოცებული თვალეებით შეხედა და ხელსაცხის წასმა გააგრძელა.

- დენი უნდა დავზოგოთ, - კონსპირაციულად გადაულაპარაკა კაცმა.

- ადრე, რომ დაბინდებოდა ხოლმე, სულ ფორიაქი მიპყრობდა. სიბნელეში ყველაფერი უფრო საშიში და უიმედო გეჩვენება. დილით კი მიკვირდა, რატომ მეშინოდა-მეთქი ღამით... ახლა უკვე მუდმივად ბნელა. რას ფიქრობ, გოგოს შეემთხვეოდა რამე?

- არა მგონია.

კაცი სანთლის შუქზე მეორე დღისთვის დასაღევ წამლის ტაბლეტებს კოლოფში აწყობდა.

- მის გარდა კიდევ გვიყვარს ვინმე? - იკითხა ქალმა.

- ვერ გავიგე?

- მის გარდა სხვაზე ვისზე შეგვტკივა-მეთქი გული.

- არ გყოფნის სანერვიულო? - შეწყვეტილ საქმიანობას დაუბრუნდა კაცი.

ქალმა ხელსაცხს თავი დაახურა, ფანჯარას მიუახლოვდა და ფრთხილად გადასწია მილურსმული გადასაფარებელი.

- მანქანამ გაიარა, - შესძახა უცებ.

კაცი სავარძლიდან წამოხტა და ფანჯარას მივარდა.

- სადაა, აბა? მაჩვენე!

- გითხარი, ადამიანები სულ სახლში ვერ ისხდებიან, ადრე თუ გვიან გარეთ გავლენ-მეთქი. ეს ხომ არაადამიანურია, სხვას შენი სახლში გამოკეტვის უფლება მისცე? ამას ჯობია, მაშინვე მოკვდე.

- ვფიქრობ, მალე მალაზიების ძარცვასაც დაიწყებენ. პროდუქტების გაზიდვას.

ქალმა კაცს შეხედა.

- ჩვენც უნდა გავიდეთ და მოვიტანოთ რამე. რა უნდა ვჭამოთ, ეს მდგომარეობა რომ დიდხანს გაგრძელდეს?

- იმაზე თუ იფიქრე, რომ დღეიდან შეიძლება სულ ასე ვიყოთ? - ჰკითხა კაცმა.

სანამ ის მაგიდასთან დაბრუნდა ტაბლეტების ასაღებად, ქალმა სააბაზანო ოთახში ხელსაცხი გაიტანა. ახლა დერეფანში ერთმანეთის პირისპირ იდგნენ.

- იქნებ ამაღამ ჩემთან დაიძინო. ძალიან აღარ შემეშინდება... - უთხრა ქალმა.

- ხვრინავ... და არ დამეძინება.

ორივემ თავის ოთახს მიაშურა. ის იყო, ქალმა კარის სახელურს ხელი ჩასჭიდა, რომ შეეყოვნდა და ქმარს ჰკითხა:

– როგორ გგონია, ბობიკმა დაიმკვიდრა საუკუნო სასუფეველი?

– სულელი! – ჩაილაპარაკა კაცმა და ორივემ ფრთხილად შეიხურა ოთახის კარი.

გლიჯინია

ზევიდან თითოეული მათი ნაბიჯის ხმა მესმოდა. საერთოდაც, მას შემდეგ, რაც გათხოვდა, ამით ვიყავი დაკავებული – მათთვის ყურის გდებით, მათი მიმოსვლის თვალთვალთ, მათი ნაბიჯების თვლით, რასაც გონებაში წარმოსახული სურათებისგან აგებული რთული კონსტრუქციები ემატებოდა. ოთახიდან სამზარეულოში, სამზარეულოდან სააბაზანოში, მერე ისევ სამზარეულოში, მერე ისევ ოთახში, მერე საძინებელში – ჯერ კიდევ დედაჩემის, მისი ბებიის ნაქონი ორ მეტრამდე სიგანის ზამბარიანი საწოლის ქრიჭინი. ცხადია, მათ ნაბიჯებს ერთმანეთისგან ვასხვავებდი: მისი – უფრო მსუბუქი და სწრაფი, ქმრისა... ის ხშირად ისე მიაფრატუნებდა ფეხებს, თითქოს დიდი ზომის ფლოსტები ეცვა. ნაბიჯები, რომლებიც ერთმანეთს უახლოვდებოდნენ და შორდებოდნენ, ერთმანეთს ხვდებოდნენ და სცილდებოდნენ. ფანჯრებსაც კი ვხურავდი, ჩქამი რომ არ გამომჩვენოდა. ტრამვაის ზარის წკრიალი, რომელიც ახლომდებარე დეპოდან ისმოდა, ხელს მიშლიდა.

ქალაქის განაპირას ვცხოვრობთ, რესპექტაბელურ უბანში, სადაც სიმწვანეში ჩაფლული ომამდელი ვილები დგას. ჩვენი სახლიც ერთ-ერთი მათგანია. გრილი სადარბაზო და ორი სართული. მე ქვემოთ დავრჩი, ზედა სართული კი მათ

გადავულოცე. შესასვლელში, კიბესთან, უზარმაზარი გლიცინია დგას. ლამაზი, მაგრამ თავგასული მცენარე. ყოველ ზაფხულს ყვავილობს და ყვავილედებით დახუნძლული მოგრძო მტევნები ძუძუებით ჰკიდია. შლეგივით იზრდება, თითოეული ყლორტი წელიწადში ერთი მეტრით მაინც მატულობს, ამიტომ ზაფხულობით ფანჯრებს და აივნის კარს ღიას ვერ ვტოვებთ – ყლორტები ოთახებისკენ ილტვიან, სიფრიფანა მაქმანის ფარდების სათუთ ხვეულებში მოზრდილ ნახვრეტებს ეძებენ, ასე მგონია, საცაა შემოიჭრებიან, ავეჯს შემოეხვევიან, მაგიდას მოუსხდებიან ჩემი ნება რომ იყოს, საუკეთესო ფაიფურის ფინჯნით ჩაისაც მივართმევედი და მსუყე თურქული ნამცხვრითაც გავუმასპინძლებოდი.

ჩაის ყოველთვის მარტო ვსვამდი. ჭერს მიშტერებული, მათ ნაბიჯებს ვაყურადებდი და ჩემს წარმოსახვაში ვხედავდი, როგორ მოსაწყენად, ერთფეროვნად ცხოვრობდნენ. ჩანდა, ჩემი ქალიშვილი ვერ ახერხებდა მის სათანადოდ გართობას. მაღლა სიჩუმე რომ ჩამოვარდებოდა და ფეხის ხმა მიწყდებოდა, ვიცოდი, დივანზე ისხდნენ და ტელევიზორს უყურებდნენ. მისი ხელი ჩემი ქალიშვილის მხარზე ესვენა, თეძოები კი მჭიდროდ ეკვროდა ერთმანეთს. მაგიდაზე მისი ლუდით სავსე ჭიქა იდგა, გვერდით – ჩემი ქალიშვილის ფორთოხლის წვენი, იქვე იდო გადაშლილი სატელევიზიო პროგრამა. ჩემი ქალიშვილი, ალბათ, ფრჩხილებს იქლიბავდა (მონესრიგებულ ფრჩხილებზე ყოველთვის ჭკუას კარგავდა), ის კი კითხულობდა. სამზარეულოში ჩამოვარდნილი სიჩუმე იმის მანიშნებელი იყო, რომ ჭამდნენ. ხანდახან რომელიმე მათგანი მარილის მოსატანად თუ წამოდგებოდა, სკამის გაჩოჩების ხმა ისმოდა. წყლის ხმაური სააბაზანოდან. ძნელი მისახვედრი არ არის, რომ ამ დროს ერთ-ერთი მათგანი იბანს. იმის გარჩევაც ვისწავლე, რომელი – როდის. ჩემი ქალიშვილი

სწრაფად ბანაობდა, ის კი საჭიროზე მეტხანს იდგა შხაპის ქვეშ. ნეტა რას აკეთებდა ცხელი წყლის ქვეშ საპონივით სველი და გლუვი? ზურგს იხეზავდა? თავს იბანდა? იქნებ უძრავად იდგა და შიშველ სხეულზე ჩამოცურებულ წყლის წვეთს ადევენებდა თვალს? ისევ სიჩუმე, წყლის შეწყვეტილი ჩხრიალი. ალბათ, სარკის წინ დგას და პირს იპარსავს. ამ სცენის დანვრილებით წარმოდგენაც ვისწავლე – ჯერ აიქაფებს ლამაზ სახეს, მერე ნელა, ძალიან ფრთხილად ჩამოისვამს სამართებელს, რომელიც ქაფნასმულ ლოყაზე სუფთა, ვარდისფერ კვალს ტოვებს. თეძოებზე პირსახოცშემოხვეული, ფეხშიშველი, წყლის წვეთებით დანამული, თითქოს თავიდან დაიბადაო. ამ დროს წარმოვიდგენდი, რომ წამიერად უკნიდან ვეკვრი, რომ უხორცო ვარ, უსხეულო, მე შევიგრძნობ მას, ის კი ვერა. ის უდანაშაულოა, მე კი თეძოებზე ხელებსვხვევ და მის წინ მუხლებზე ვეშვები. პირის პარსვას რომ დაასრულებდა, ცოლი მოდიოდა და ნაზად უსვამდა ტანზე კრემს, თან, ალბათ, გამომწვევად უყოფდა ხელს პირსახოცის ქვეშ და ამის შემდეგ საძინებლისკენ მიმავალი ნაბიჯების ხმა შეუმჩნევლად გადადიოდა მოძველებული ზამბარების ჭრიალში. ბოლოს და ბოლოს, ცოლ-ქმარი იყვნენ. ეს ყველაფერი ხომ სავსებით ნორმალურია-მეთქი, – ვუმეორებდი თავს. ბაღში გავდიოდი. რეზინის ხელთათმანებს ვიცვამდი და კვლებს ვმარგლავდი. მიწას თითით ვლრუტნიდი და შიგ ვაფურთხებდი. გეორგიანების მსხვილ, დაძარღვულ ბოლქვებს ვეხებოდი ხელით და ნაჩქარევად ფეხზე წამომდგარს თავბრუ მეხვეოდა.

ჩემს ქალიშვილს, მუქთმიან, აღმოსავლური სილამაზის მქონე ქალს, თითქოს მხოლოდ თავისი გარეგნობის გამო ასდიოდა მუშკის სურნელი. გრძელი, სწორი და შავი თმა და აზიური თვალის ჭრილი (მამისგან ერგო). ჩემი ქალიშვილი

ოცდაექვსი წლისაა, თუმცა ვიცი, ეს მხოლოდ სათქმელადაა ასე. სინამდვილეში ის ბევრად ახალგაზრდაა. დავიფიცებ, რომ მან ჩვიდმეტი წლის ასაკში, ერთ ჩვეულებრივ დღესა თუ ღამეს, მიაღწია მონიფულობის მწვერვალს და მას შემდეგ ისე მისრიალებს მომავლისკენ, როგორც მოციგურავე ყინულის გლუვ ზედაპირზე. როგორც ვთქვი, ის ისევ ჩვიდმეტისაა, და სიკვდილითაც, ალბათ, ჩვიდმეტი წლის გოგოდ მოკვდება.

როგორც კი შეიტყო, რომ ორსულად იყო, ჩემთან სიარულს მოუხშირა. ახლებურად, მოდურად გაშიშვლებული მუცლით, ტუჩებდაბერილი და ორსულისთვის დამახასიათებელ პოზაში მდგომი, ხელებს თეძოებზე შემოიწყობდა და იტყოდა: „გული მერევა“. მე ჩაის ან გვირილის ნაყენს ვასმევდი. „ოლეგი ძალიან წუხს ჩემ გამო, უზომოდ ვუყვარვარ“, – იმეორებდა წამდაუნუნებ. მუცელი მოეშალა. ქმარმა საავადმყოფოში წაიყვანა. შინ მობრუნებული ერთხანს ტელეფონზე ეკიდა, მერე კიბეზე ბოთლების წკარანკურის ხმა ჩამესმა. საღამოს ლუდი მოიდგა და ტელევიზორს მიუჯდა. ვახშამი ავუტანე. ჩაის თითით მოვურიე და მერე ის თითი გავილოკე. დასაძინებლად დივანზე მივანვინე. ქვემოდან, სადღაც სიღრმიდან მიყურებდა. დანოლილს ტყავის ქამარი შეევხალვათე. „გმაღლობ“, ამოილულლულა და ჩაეძინა. მთელი ღამე მათ ბინაში დავბოდილობდი. ხარბად ვათვალთვრებდი კარადაში ფაქიზად დაკეცილ თეთრეულს, სააბაზანოში ჩამწკრივებულ კოსმეტიკურ საშუალებებს, სარკეზე დაჩნეულ ნათითურებს, აბაზანაში ჩარჩენილ რამდენიმე თმის ღერს, მონწულ კალათაში ჩაყრილ ჭუჭყიან თეთრეულს, შავი ტყავის პორტფელს, რომელსაც დროთა განმავლობაში მისი დუნდულის ფორმა მიეღო.

სხეული მიშლიდა ხელს. საკუთარმა სხეულმა სიცოცხლე გამიმწარა. ამ დროს მერჩივნა, უხორცო, უსხეულო ვყოფი-

ლიყავი და გვერდით უჩინრად მიწოლა შემძლებოდა. სწორედ ეს სხეული მკვრივდებოდა, როდესაც ერთმანეთს კიბებზე გვერდს ვუქცევდით, როდესაც საშიშად ახლო მდგომი მესაუბრებოდა. ამ სიახლოვეს თავისებური სურნელიც ახლდა და მისით გაჯერებული უხილავი კომბინეზონიც თითქოს აღარ აყოვნებდა, ელვა-შესაკრავივით ერთბაშად იხსნებოდა და ათასგვარი შესაძლებლობა ენაცვლებოდა ერთმანეთს – ხან მხარზე ხელის მოთათუნებასავით უმნიეკლო, ხან კი იგივე ხელი ჩემს ბარძაყებს შორის დასრიალებდა. ვეუბნებოდი, გლიცინიის გამო ფანჯრის დაკეტვა არ დავინწყებოდა, მუდმივად შეემონმებინა ფოსტის ყუთი და კიდეც სხვა უამრავ ასეთ წვრილმანს ვახსენებდი.

მის პირველივე დანახვაზე მომეძალა ვნება. რა არის ამაში დასაძრახი? ქალიშვილები ხომ დედების ნაწილი არიან, და პირიქით, და რატომ უნდა იყოს გასაკვირი, რომ ორივე ისე ჩაიძიროს თავით-ფეხამდე ვნებაში, როგორც დაბლობი იძირება მდინარის კალაპოტიდან გადმოსული წყლით? მე ჩემი წილი ვიცხოვრე და ვიცი, რომ ასეთ მწველ სურვილთან ბრძოლას აზრი არა აქვს – დინებას ნაფოტივით უნდა მისცე თავი, მგრძნობიარე მელიორანტი უნდა იყო, რადგან მისი არც დარწყულება ძალგიდს და არც დაოკება. ყველა, ვინც სხვაგვარად ფიქრობს, თავს იტყუებს. ისიც სხვანაირად ფიქრობდა.

ჯერ ჩემი ქალიშვილი დაბრუნდა შინ და სამზარეულოში ჩვენი ცნობილი სევედიანი ცეკვა ვიცეკვეთ. ჩახუტებულები ტაატი ვინაცვლებდით ფეხს. ისევ ერთ არსებად ქცეულებმა (როგორც მანამდე, სანამ უგულოდ დაგვაშორებდნენ), მონოტონური მოძრაობით ფანჯრიდან კარამდე, მთელი სამზარეულო გადავჭყრით. თმაზე ვეფერებოდით ერთმანეთს – ის ჩემს საყელოში, მე მის კაპიუშონში ცხვირჩარგული, ერთმანეთის

სურნელით გაბრუებულები. მისი მკერდისა და დაჩუტული მუცლის შეხებას ვგრძნობდი, მაგრამ როგორც კი ზღურბლზე მდგომი დავლანდეთ, დარცხვენილები სასწრაფოდ მოვშორდით ერთმანეთს. მან ცოლი მალა ნაიყვანა და მერე ისევ ზევიდან მესმოდა მათი ნაბიჯების ხმა.

მე ჩემს ქალიშვილს ვასწავლიდი, როგორ ამოეძირკვა სარეველა და ხელის მარჯვე მოძრაობით, როგორ გადაეკრა ლოგინისთვის სუფთა თეთრეული. ღამით ის ჩემთან მოდიოდა და ვგრძნობდი, ეშინოდა ჩემი. მუდმივად სასმლის სუნი ასდიოდა და იმიტომ. ფეხებს პატარა გოგოსავით შემოვაჭდობდი ხოლმე თედოებზე. დილით კი მესმოდა, როგორ იღებდა შხაპს წყლის ქვეშ ჩვეულებრივზე უფრო დიდხანს და გაუნძრევლად მდგომი.

ის კიდევ, ალბათ, თავის მხრივ ფიქრობდა, რომ ყველა ვნების დაცხრობა შეიძლება, ყველა წყურვილის დაოკება, ყველა სურვილის ასრულება, ფიქრობდა ისე, როგორც ეს მამაკაცებს სჩვევიათ.

საზამთროდ ფანჯრები დავგმანეთ; და ამჯერადაც მოგვინია გლიცინიისთვის რტოების შეჭრა. მაინც არ დაცხრა. შემოდგომის პირველივე ქარიან დღეებში რიტმულად უკაკუნებდა ფანჯრის მინებს, მაგრამ ამაოდ. შიშველი და უძლური ფანჯრის რაფასთან გაყურსულიყო და იქიდან გვითვალთვალებდა. ჰაერი გათბობის მიღებმა აათრთოლეს.

ნეტა მან, ჩემმა ქალიშვილმა თუ იცოდა რამე? წესით, თუ ისიც ისეთივე ჩემი ნაწილი იყო, როგორც მე მისი – უნდა სცოდნოდა სიმართლე. ზოგჯერ ჩამესმოდა, როგორ იღვიძებდა ღამღამობით და მეძახდა – „დედა!“, მაგრამ ვიცოდი, რომ ამჯერად მე არ მიხმობდა. აღარ იყო საჭირო, ლოგინიდან წამოვმხტარიყავი და მიმეხედა. ისე ყვიროდა, „დედას“, როგორც შეეძლო ეყვირა „ააააააააჰ!“ ან „ოოოოოოოოოოჰ!“

ის კი იხუტებდა. ის უყვავებდა - „ყველაფერი კარგადაა. დამშვიდდი. დაიძინე“.

ზამთარი თანდათან ძალაში შედიოდა და ჯიუტად აბნელებდა სამყაროს. მკვნესარე გრძელი ლამეები, ზევიდან ჩამოსული ნაბიჯების ხმით დაქუცმაცებული მოკლე დღეები. ჩემი ქალიშვილი ხმას არ იღებდა და არც მე ვამბობდი რამეს. სახლიდან რომ გადიოდა, ფანჯრიდან მის კეფას ვუყურებდი. ვხედავდი, როგორ აფურთხებდა ქოლგის წვერით მიწაში თითქოს უნებურად გაკეთებულ ხერხელებში. მესმოდა ახალგადაკრული თეთრეულის წამიერი შრიალი.

როდესაც ჩემი ქალიშვილი სახლში არ იყო, მის ქმარს ბევრჯერ გავმასპინძლებივარ ყავით. ჭიქაში ორ კოვზ შაქარს ვუყრიდი და მანამდე ვურევდი, სანამ სიტკბო სიმწარეს არ შეარბილებდა. ჭიქას ჩაშტერებული ხარბად და ბოლომდე სვამდა. მე ვიყავი ის, ვინც პირველ, გაუბედავ, თითქმის შეუშინეველ ნაბიჯს დგამდა მისკენ არა იმიტომ, რომ მე უფრო მეტად მსურდა და მინდოდა, არამედ იმიტომ, რომ მისი სინდისის ქენჯნისგან გათავისუფლება მნადდა, მისთვის მსხვერპლად ყოფნის კომფორტის მინიჭება. მინდოდა, ცოცხა ჩადენამდე მისტივებოდა. ფეხებს თეძოებზე ვაჭდობდი და ვცდილობდი, მისი დაუოკებელი ლტოლვა ოდნავ მაინც შემენელებინა. არ მინდოდა, მისი სისუსტის მოწმე გავმხდარიყავი. მინდოდა, ძლიერი ყოფილიყო.

მერე ჩემი ქალიშვილი ბრუნდებოდა და ის თავისებურად უმზადებდა ყავას. ორი კოვზი შაქრით ატკბობდა და მანამდე ურევდა, სანამ სასმელს ხავერდოვან კონსისტენციამდე არ მიიყვანდა.

გაზაფხულამდე გაგრძელდა ასე, მანამდე, სანამ ამ კარგად განონასწორებული კონსტრუქციის მდგრადობა აუტანელი არ გახდა. ერთსა და იმავე დღეს თითოეულმა ჩვენ-

განმა მის ფინჯანს მეორე კოვზი შაქარი დააკლო. რადგან ეს ერთსა და იმავე დღეს მოხდა, ორივესთვის კიდევე უფრო ცხადი გახდა, რომ ქალიშვილები დედების, ხოლო დედები ქალიშვილების განუყოფელი ნაწილი არიან. შეუძლებელი იყო, ამ მოვლენას სხვა ახსნა ჰქონოდა. ასე რომ, ის სიკვდილითაც ორჯერ მოკვდა. მიცვალებულიც ორივეს გვეკუთვნოდა – ჩემს ქალიშვილს და მე.

კიბე ფეხშიშველმა ჩამოირბინა, ტირილით და მოთქმით ჩავიკარით გულში ერთმანეთი. ვირწეოდით ასე ჩახვეულები – ერთი პიჯამით და მეორე ღამის პერანგით. „მოკვდა, მოკვდა“ – ჩურჩულებდა ის. „ნავიდა, დაგვტოვა“, – ვეხმიანებოდით მე.

ჩვენ ის ვიცოდით, რაც მან არც სიცოცხლეში და არც სიკვდილის შემდეგ არ იცოდა. არ იცოდა, რომ სიცოცხლე სიკვდილის შემდეგაც ისეთივე სიზმარია, როგორც სიკვდილამდე. რომ სიკვდილი სინამდვილეში მოჩვენებაა და სხვა არაფერი და ამიტომაც შეგვიძლია უპრობლემოდ განვაგრძოთ ეს თამაში. ჰოდა, დავინყე, ჩემდა უნებურად, ისე, თითქოს რამე გამეგებოდა ამ რთული რიტუალისა, ის კი, უბრალოდ, ამყვა. მალევე მიხედა, რაც უნდა ექნა და ვიდექით ასე ორივენი ჭერს მიშტერებულნი, გახლებულნი ვჩურჩულებდით და ვთხოვდით, დაგვბრუნებოდა. უცებ დავფიქრდი, რატომ ვიყურებით-მეთქი ზევით? სიკვდილმა ხომ დაბლა-მაღლა არ იცის, არც ზევით-ქვევით, არც მარჯვნივ და მარცხნივ, ან შიგნით და გარეთ. ამიტომ გადავწყვიტე, სხვაგვარად მეცადა და ვუთხარი, მოდი, ჩვეულებას ნუ ვუღალატებთ და სიკვდილიც იქ ვეძებოთ, სადაც არის-მეთქი, ანუ ყველგან. კედლებს და იატაკს მუშტებს ვცემდით, ჩურჩულის ნაცვლად ახლა ხმამაღლა ვყვიროდით. სათქმელს მონდომებით გამოვთქვამდი. ვცდილობდი, ჩვენს სიტყვებს

როგორმე მის ყურამდე მიეღწია, რომ მათი მნიშვნელობის აღქმა შესძლებოდა. დარწმუნებული ვიყავი, როგორც ყველა სხვა დანარჩენისთვის, სიკვდილი მისთვისაც არსებობის შეწყვეტას ნიშნავდა. „ოლეგ“, – ვიმეორებდი მონოტონურად და დაბეჯითებით, – „ოლეგ, იმაზე გაცილებით რთულადაა საქმე, ვიდრე შენ გგონია“. როგორ გინდა, ვინმე, ვინც უკვე აღარ არის, დაარწმუნო, რომ გაბედოს და თავიდან შეუდგეს ყოფნას? და ის, ჩემი აღმოსავლური სილამაზის მქონე ქალიშვილი, მშვენივრად აცნობიერებდა ამ უცნაურ მეტაფიზიკურ პრობლემას – რომ შეუძლებელი არაფერია, რომ ჩვენს თავებში გველებივით იკლაკნებიან ზრდისთვის შემართული რეალობის მორჩები. არსებობს მხოლოდ ის, რისი არსებობისაც გნამს. სხვა დანარჩენი მოგონილია. ამიტომ უფრო და უფრო გახელებით ვურტყამდით მუშტებს სახლის კედლებს, ვყვიროდით, ვუხმობდით. ჩემი ქალიშვილი ბავშვივით უმეორებდა: „გეყოფა, გთხოვ, გაიღვიძე. აქ არავის სჯერა, რომ მოკვდი. გეხვენები, დაფიქრდი. მარტივი ლოგიკა მოიშველიე“. მეც სასწრაფოდ ვუბამდი მხარს: „შეეცადე, ამ ყველაფერს სხვა კუთხითაც შეხედო, ოლეგ, გემუდარები, სულ ცოტათი მაინც დაატანე თავს ძალა“.

ბოლოს, როგორც იქნა, გამოჩნდა. ჯერ კიდევ ფერმკრთალი, ნაშლილი კონტურებით. ტელევიზორის ეკრანიდან გადმოსულივით ციმციმებდა. ცოტა გაბოროტებული და დაბნეულიც მეჩვენა. პირველმა მე დავინახე – ბოლოს და ბოლოს, ასაკიც მეტი მაქვს და გამოცდილებაც. რამდენიმე წამის შემდეგ ჩემმა ქალიშვილმაც შენიშნა. მაშინვე შევეხე, მინდოდა დავრწმუნებულიყავი, რომ სხეული, სურვილი არ დავინყებოდა. ჩანდა, ყველაფერი წესრიგში იყო. კონტურები თანდათანობით გამოიკვეთა. იმ უცნაურმა ციმციმმაც იკლო. მერე, როგორც დამსახურებული ჯილდო, იატაკზე დავანვინე

და ტურებში ვაკოცე- მანაც ვნებიანი კოცნით მიპასუხა. მის-  
მა ტურებმა ნელ-ნელა ფერი დაიბრუნეს, ხორცი შეისხეს.  
მომდევნო ნაბიჯი ჩემმა ქალიშვილმა გადადგა და მაშინ უკვე  
ნამდვილად დავიჯერეთ, რომ ცოცხალი იყო.

ფანჯრების გამოღებისა და ბნელი წიაღით გლიცინიის  
ნორჩი ყლორტებით ცდუნების დრო დაბრუნებულიყო.

საავტორო საღამო

საუკეთესო იდეები ყოველთვის ღამით მოსდიოდა თავში, თითქოს ამ დროს სხვა ადამიანი იყო და დღისით სხვა. ის კაცი ამ ფრაზაზე აუცილებლად იტყოდა, ბანალურიყო, საუბრის თემას მაშინვე შეცვლიდა და ახალ წინადადებას აუცილებლად „მე“-თი დაიწყებდა. „აი, მე თუ მკითხავ“, – იტყოდა, – „მე, როგორც წესი, გონება ყველაზე მეტად დილაობით, პირველი ფინჯანი ყავის შემდეგ მინათდება ხოლმე“.

როდესაც შემთხვევით (ღმერთო მაღალო, ან ეს უცნაური დამთხვევა რალა იყო!) გაზეთში ამოიკითხა, რომ ის კაცი მათთან პრუსიაში, კერძოდ კი, ალენშტაინში აპირებდა ჩამოსვლას, მოსვენება დაკარგა. ყველა გრძნობა, ყველა მოგონება, რაც კი მას უკავშირდებოდა, მაშინვე უკან დაბრუნდა. ან იქნებ კი არ დაბრუნდა, უბრალოდ, არსადაც არ წასულა და ამ ხნის განმავლობაში სულ მასთან იყო? გულაღმა იწვა და ფიქრობდა, როგორი შეიძლებოდა ყოფილიყო მათი შეხვედრა. აი, ის უკვე მატარებლის სადგურზეა, მისთვის სრულიად უცნობ ქალაქში და ბაქანზე მიაბიჯებს. კაცი მეორე მხრიდან მოდის მისკენ, უახლოვდება და მოულოდნელობისგან ადგილზე შეშდება; კაცის დაჟინებული მზერა, ქალის მაღლა აწეული პირბადე, გამოხედვა, რომელიც ქალს ოდესღაც სასიამოვნო ჟრუანტელს ჰგვრიდა. სხეული კი არა, მისი გამოხედვა ჰგვრიდა ჟრუანტელს. ან იქნებ, სულ სხვანაირად ყოფილიყო

ყველაფერი: ქალი ქუჩაში მიაბიჯებს, ქალაქის რომელიღაც მოედნისკენ მიმავალ მზით განათებულ ქუჩას მიუყვება (ნეტავ როგორ გამოიყურება ასეთი მოედანი ალენშტაინში?), და უცებ მას ხედავს (ისევ მისკენ მომავალს), ამჯერად მამაკაცი და ქალიც ახლავს თან. ქალი მაშინვე ხვდება, რომ კაცმა იცნო, რადგან უცბად გაფითრდა და თანამგზავრებს ნაჩქარევად ეუბნება: „მომიტყვეთ!“ მერე აკანკალებული ხელით შლაპას იხდის (ნეტავ თმა თუ შეუთხელდა? იქნება უკვე იმ ასაკში, როცა თმა შეთხელებას იწყებს?). ქალს საერთოდ არ ეტყობა, რომ ლელავს. ბოლოს და ბოლოს, უკვე მთელი საათია მასთან შეხვედრის მოლოდინში ამ მოედანზე წინ და უკან დააბიჯებს. ის თამამად ესალმება კაცს და ხელს უწვდის. ნეტავ ალენშტაინი დიდი ქალაქია? ვინ იცის, იქნებ იმხელაა, რომ მაისის მზეში ურიცხვ მოსეირნეთა შორის ერთმანეთსაც ასცდნენ? ან იქნებ სადგურიდან პირდაპირ დროშკით წაიყვანონ სასტუმროში, ან იქნებ იმ ქალაქში საერთოდ არ არის მოედანი. და რომ იწვიმოს? ან, სულაც რომ არ ჩამოვიდეს? იქნებ მეუღლის შეუძლოდ ყოფნა მოიმიზეზოს და ბოლო წამს თქვას უარი ჩამოსვლაზე? არც ისაა გამორიცხული, რომ გერმანიაში საგამომცემლო საქმეების გამო შეყოვნდეს. იქნებ იმდენად ცნობილი მწერალია, რომ მისი სახელი ყველა განათლებულ ადამიანს პირზე აკერია, ან იქნებ სულაც არ არის ასე და ქალი ერთადერთია, ვინც პრესას მუდმივად ადევნებს თვალყურს და მის შესახებ დაბეჭდილ უმნიშვნელო ინფორმაციასაც დიდი ინტერესით კითხულობს. იქნებ ისიც მარტო მას ადარდებს, აქვთ თუ არა წიგნების მალაზიაში კაცის ორტომეული, რომელსაც გვერდით ჩავლისას ოდნავ შესამჩნევად გადაუსვამს ხოლმე თათმანიან ხელს, გამყიდველს კი სულ სხვა რამეს ეკითხება?..

დილით ქალს ალენშტაინში გამგზავრების იდეა სრულიად აბსურდული მოეჩვენა. სასაუზმოდ ქვემოთ ჩასულს, იოჰანმა ნელზე შემოხვია ხელი და ტუჩებში აკოცა. ერთ საათში ბავშვებთან მუსიკის მასწავლებელი მოვა. თოხლოდ მოხარშული კვერცხის წვერს ნაჭუქს რომ აცლიდა, ისე ეუცხოვა თავისი თხელი, მშრალი თითები, თითქოს ისინი მას არასოდეს ეკუთვნოდნენ და ნამიერად სევდა დაეუფლა. მერე ისე მოულოდნელად, რომ თვითონაც გაუკვირდა, თქვა, რომ რამდენიმე დლით დანციგში, მამასთან აპირებდა წასვლას. ქმარმა პირი ხელსახოცით შეინმინდა. სახეზე გაკვირვება არ დასტყობია. მაგიდიდან ოდნავ უკან დაიხია და სიგარას მოუკიდა. ქალმა მოსამსახურეს ფანჯრის გამოღება სთხოვა. ქუჩიდან სასადილო ოთახში ჯერ დროშკებისა და კონკის ხმა შემოიჭრა, შემდეგ კი მაქმანიანი ფარდის ნაზ რხევას ფანჯრის წინ მდგარი აყვავებული იასამნის სურნელიც შემოჰყვა.

ჩალის პანამა შლაპებისთვის განკუთვნილ ყუთში. მუქი უორჟეტის ქვედაბოლო. თეთრი, მკერდზე ფურფუშელებზემოვლებული კოფთა. მაქმანებიანი ქოლგა. მომცრო ხელჩანთა და ტყავის დიდი საკეოიაჟი. მაშიები ღილების შესაკრავებით. აბრეშუმის თეთრეულში ჩაფლული სუნამოს ფლაკონი. წყვილი სუფთა ხელთათმანი საცვლელად. ბარგი. ქალი დანციგის სადგურზე ალენშტაინში წასასვლელ ბილეთს ყიდულობს და სადგურის კაფეში სამი საათი იცდის. საპირფარეოს სარკეში გაოცებული შეჰყურებს თავის ანარეკლს – რატომღაც ბევრად ახალგაზრდა ეგონა თავი. ვაგონში ხელჩანთიდან „ნოიე დოიჩე რუნდშაუს“ ძველ ნომერს იღებს, რომელშიც იმ კაცის მოთხრობაა დაბეჭდილი და წაკითხვას ცდილობს. აქამდე ფიქრობდა, რომ მოთხრობა ზეპირად ახსოვდა, მაგრამ ახლა აღმოაჩინა, რომ მთელი ფრაგმენტები ჰქონია თავიდან ამოვარდნილი.

პატარა საოცრება ხდება მის თვალწინ. ალენშტაინი და ვენეცია უცბად ერთმანეთს უერთდება. ეს ორი ქალაქი კონტინენტის, მოვლენებისა და პროცესების უწყვეტობის თავი და ბოლო ხდება. ქალის ცხოვრების გარკვეული მონაკვეთის უხილავი ღერძი. ჩრდილოეთი და სამხრეთი. ჰავის სიმშრალე და ტენიანობა. ისტორია და დროის არარსებობა. მომავლისა და წარსულის ერთნაირად ხედვა. ერთმანეთისგან სრულიად განსხვავებული ორი, სრულიად მოულოდნელად ერთმანეთს გადაეყარა.

კაცი მან პირველად ზღვის ნაპირზე დაინახა. ღია ფერის სამოსი ეცვა და თავზე შლაპა ეხურა. ეს სურათი სამუდამოდ ჩარჩა მეხსიერებაში. მხედველობითი მეხსიერება არასოდეს დალატობდა. მაშინ იქ, ზღვის პირას, ჭაბუკურად წინდაუხედავი ჩანდა. მერე კი, როცა ერთმანეთს წარუდგინეს, მოეჩვენა, რომ ნიღაბს ატარებდა. მწერალი ვარო, უთხრა ქალს, მაგრამ ამ სიტყვებისთვის დიდი მნიშვნელობა არ მიუნიჭებია. ახსოვს, რომ კაცი თავს უხერხულად გრძნობდა, თვალს არიდებდა. ისიც ახსოვს, საერთო ნაცნობთაგან რომელიღაცამ, უკვე გვარიანად შეზარხოშებულმა, მას „ვირი“ რომ უწოდა. როცა ქალმა სასტუმროში მისი სააბაზანო პირველად ნახა, მათ შორის უკვე ყველაფერი მომხდარი იყო. ქალი მიხვდა, რომ მაშინღა გაიცნო კაცი ახლოს. არც მასთან გატარებულმა ღამემ და არც მისი ვნებიანი სხეულის სიახლოვემ, მხოლოდ მისმა სააბაზანომ მისცა კაცის შეცნობის საშუალება: აბაზანაზე გადაკიდებულმა პირსახოცმა, პირის გასაპარსმა ნივთებმა, ფუნჯმა, სისველისგან ატკეჩილი ხის ტარი რომ ჰქონდა, სასაპნემ, უსულო საგნებმა. ადამიანის ყოფის უტყვემა მოწმეებმა. სანამ მას ეძინა, ან იქნებ უკვე ეღვიძა კიდევ და ქალის სანოღში დაბრუნებას ელოდა (სასიყვარულო ღამის შემდეგ დილის დარცხვენილი დუმილი), ის სააბა-

ზანო ოთახში იდგა და ფრთხილად ეხებოდა მის ნივთებს. უცბად გული აუჩუყდა. ცივ სარკეზე შუბლის მიყრდნობა და ტირილი მოუნდა. მერე ხშირად იხსენებდა ხოლმე ამ წუთებს. სიყვარულის დასაწყისიც ეს იყო, ალბათ. განა სიყვარული მეორე ადამიანის შეცნობა არ არის? განა ადამიანები ამიტომ არ ილტვიან ერთმანეთის სხეულებისკენ? მხოლოდ მოსალოდნელი სიამოვნების გამო კი არა, იმისთვისაც, რომ რაც შეიძლება მეტად დაუახლოვდნენ ერთმანეთს. აბა, სხვას რას უნდა ნიშნავდეს საყვარელი სხეულის ყოველ კუნჭულში შეღწევა, ყველა დადგენილი ზღვრის გადალახვა, ერთმანეთის ყველაზე დაფარულისკენ ლტოლვა.

ალენშტაინის რკინიგზის სადგური იმაზე ბევრად უფრო პატარა აღმოჩნდა, ვიდრე მოელოდა. ქალი წამიერად შიშმა შეიპყრო. მატარებლიდან ჩამოსვლისას მისი ხელი უნებურად საჭიროზე დიდხანს ჩაებლაუჭა კიბის ცივ მოაჯირს, მაგრამ როდესაც დროშკას ქალაქის საუკეთესო სასტუმროსკენ მიჰყავდა, თავს უკვე მსოფლიოს მბრძანებლად გრძნობდა. ხალხი – რალაცნაირი პატარა, ორგანზომილებიანი, არაფრის აზრზე მყოფი, რბილი, სისხლისა და ხორცის ნაზავი მანქანები. მათი საბრალო პანანინა მალაზიები, მათი არაფრისმცოდნე პირები, რომლებიც იმ წუთებში ყავის ფინჯნებში მდგარი სითხის გლუვ ზედაპირს ეხებოდნენ. საკუთარ სხეულებს მიჯაჭვულები. შლაპის კიდესთან მიტანილი და მერე ისევ უკან დაბრუნებული ხელების სასაცილო რიტუალები. მაგრად ჩაბლუჯული ქოლგის ბუნეკები და ხელჯოხები. მათი უღიმღამო და ფუჭი საღამოები გაცვეთილი ხალიჩებით მოფენილ სახლებში. მათი შეზღუდული აზროვნება, რომელიც მომდევნო წინადადებასაც კი ძლივს სწვდება. პანანკინტილები. ნამცეცები. ტიკინის მსგავსები. მიუხედავად ამ ყვე-

ლაფრისა, დროშკაში მამაკაცივით უდარდელად მჯდომ ქალს ეჩვენებოდა, რომ უყვარდა ადამიანები. უყვარდა და თანაუგრძნობდა კიდევ მათ და ეს გულწრფელი თანაგრძნობა იყო და არა სიბრაღული. დიახ, თანაგრძნობა და სიყვარული, როგორც შვილების მიმართ, რომლებიც შენს აღმზრდელივით მეთოდებს მშვიდად ემორჩილებიან, მათ მიზანს კი არასოდეს კითხულობენ. დროშკით მიმავალი ქალი იმ ადამიანებზე ბევრად მაღლა იდგა და მათზე ბევრად მეტი იცოდა. ის თვითონ ადგენდა ცხოვრების წესებს. გეგმავდა მას ნუთიდან ნუთამდე, ჟესტიდან ჟესტამდე, მოსახდენიდან მოსახდენამდე.

როდესაც სასტუმროს წიგნში გამოგონილ გვარ-სახელს წერდა, სასხვათაშორისოდ ჰკითხა სასტუმროს ადმინისტრატორს:

– მართალია, რომ თქვენს სასტუმროში დღეს ცნობილი მწერალი ტ. გაჩერდება?

სასტუმროს ადმინისტრატორმა სათვალის სქელი შუშებიდან დაბრეცილი თვალებით შეხედა. ეტყობოდა, რომ სიხარულისა და სიამაყისგან თავს ძლივს იკავებდა.

– დიახ, მართალი გახლავთ! ხვალ ლექცია უნდა წაიკითხოს მუსიკასა და ლიტერატურაზე. ხვალ, ნაშუადღევს, – თქვა და უცბად დასერიოზულდა. – ოღონდ, გემუდარებით, ქალბატონო, ნურავის ეტყვიტ ამის შესახებ, მიუხედავად იმისა, რომ ჩვენს პატარა ქალაქში სხვა არჩევანი არ არსებობს. ეს საუკეთესო სასტუმროა. აპარტამენტიც კი გვაქვს მისთვის. უკვე რამდენიმე დღის დალაგებული და გაკრიალებულია და მას ელოდება. – სასტუმროს ადმინისტრატორმა რომაულად დანერილი პირველის ქვეშ ჩამოკიდებულ გასაღებზე მიუთითა. – უბრალოდ, ხომ გესმით, ვშიშობთ, რომ მკითხველები არ მოასვენებენ.

– მართლა ასეთი პოპულარულია?

– ჩემს ცოლს მისი ყველა წიგნი აქვს წაკითხული, – ისე ამაყად თქვა ადმინისტრატორმა, თითქოს ეს ფაქტი ყველაფერზე მეტყველებდა.

– ბერლინის მატარებელი როდის ჩამოდის, ნაცნობს ველოდები.

სასტუმროს ადმინისტრატორმა ქალს დაეჭვებულმა შეხედა, მაგრამ კითხვაზე მაინც უმაღვე გასცა პასუხი.

უბადრუკი ოთახი იყო. ორი დიდი ფანჯარა მთავარ ქუჩას გადასცქეროდა. ფანჯრის რაფაზე მტრედები ჩამომსხდარიყვნენ.

ქალმა ხელ-პირი დაიბანა და სახე უხეში პირსახოცით შეინმინდა. ზედატანი გამოიცვალა, თმა ჩამოივარცხნა და სარკის წინ საგულდაგულოდ მოჰყვა მის სწორებას. სარკე საჭირო სიმაღლეზე გაცილებით ზევით ეკიდა. მხოლოდ თმა-სა და შუბლს ხედავდა. სუნამო თითებით შეიზილა კანში. გაიფიქრა, რომ ჯერ კიდევ ბევრი დრო ჰქონდა. შეეძლო გარეთ გასულიყო. ქუჩებში უაზროდ ებორიალა. მალაზიები დაეთვალეირებინა. ვიტრინებში თავისი ანარეკლიც დაეტოვებინა. პატარა მოედანი ნაბიჯებით გაეზომა. რომელიმე ქოლგის ქვეშ ლიმონათი დაელია.

თავზე ქუდი დაიხურა თუ არა, მაშინვე გადაიფიქრა გარეთ გასვლა. ტანგაუხდელად, ხელში ქოლგით, გულაღმა დაწვა ალაგებულ ლოგინზე. დაბზარული ჭერი თავისი საიდუმლო დამწერლობით თითქოს რაღაცაზე მიანიშნებდა.

მთელი დღეები ქალაქის ქუჩებში დააბიჯებდნენ. ვენეციაში ცხელოდა. მზე ყველაფერს ადნობდა. არხები აუტანლად ყარდა. უნებლიეთ სულ უფრო და უფრო უჩქარებდნენ ფეხს. მათი შემხედვარე იფიქრებდი, რომ სადღაც მიიჩქაროდნენ. „ნეტავ სად გავრბივართ“, – ეკითხებოდნენ ერთმანეთს და

ხმამალა იცინოდნენ. თუმცა მთავარი ამ დროს ის იყო, რომ მათი ხელები, მათი მხრები, თითქოსდა შემთხვევით შეხებოდნენ ერთმანეთს. საიდანღაც მონაბერ ქარს ისინი ერთმანეთის სურნელში გაეხვია, ერთმანეთის ჩრდილი ფეხებზე ელამუნებოდათ. გვერდიგვერდ მიმავლები ერთმანეთს არც კი უყურებდნენ, ისე სწავლობდნენ ერთურთს. თქვენ ამბობთ, რომ ეს შეუძლებელია? ვაჟი ქალს გაუთავებლად უყვებოდა თავის ოჯახზე. ქალს, ცოტა არ იყოს, უკვირდა, რადგან თვითონ ამ თემაზე არაფერი ჰქონდა სათქმელი. ის კი ჰყვებოდა და აღარ ჩერდებოდა; თითქოს საკუთარ თავს აჯერებდა იმაში, რომ ნამდვილად არსებობდა და ჰამბურგელი დიდვაჭრების, მათი ბავშვების გაჩენით დაღლილი ცოლების, მათი საერთო შეილების, მრისხანე დიდულვაშა მენარმეების სისხლი დაუდიოდა ძარღვებში. ქალმა შენიშნა, რომ ვაჟი ადამიანებით საზღვრავდა დროს. იქნებ სწორედ ასე ხდები მწერალი? ვაჟს ყველაფერი ზედმინევნით კარგად ახსოვდა, წინაპრების სახელები, მათი ობუნჯობები, მათი თითოეული ნაფორხილება და უცნაური ჩვევები. თითოეულ მათგანს გულუხვად ასაჩუქრებდა სრულყოფილი დახასიათებით. ქალს ბოლომდე არ სჯეროდა მისი. შეუძლებლად მიაჩნდა, რომ განურჩევლად ყველა ასეთი საინტერესო ადამიანი ყოფილიყო. ეს ხომ ყოველგვარ ლოგიკას ეწინააღმდეგება? სამყარო ხომ, როგორც წესი, უსახო ბრბოსა და სულ რამდენიმე, თითებზე ჩამოსათვლელი გამორჩეული ადამიანისგან შედგება. ყოველთვის ასე ფიქრობდა და ამ ფიქრს ვერც ახლა გაექცეოდა. მისთვის ადამიანები ტალღებს ჰგავდნენ – ერთმანეთისგან არაფრით განსხვავდებოდნენ. რა თქმა უნდა, იმათ გარდა, ვინც უყვარდა. ყველას სიყვარული კი შეუძლებელია.

როდესაც ცოტა ხნით სადმე ჩამოსხდებოდნენ, კაფეში, ცარიელ პლაჟზე მდგარ მონწულ კალათაში ან ზღვაში შეჭრილ ფიცარნაგზე, აი, მაშინ, ბოლოს და ბოლოს, მათი მზერა ერთმანეთს კვეთდა. სათქმელი არაფერი ჰქონდა. ერთადერთი ის უნდოდა, რომ მიხუტებოდა. მის ყოველ შემოხედვას კანით გრძნობდა. ვაჟის ნათელი, ცისფერი თვალები ხარბად აშტერდებოდნენ.

ზოგჯერ, სალამოობით, სხვებთან ერთად ყურეში გამავალ ტერასაზეც ისხდნენ, სადაც ნათურებით ყვითლად განათებული ხეების ფოთლები რომელიღაც მჭიდროდ დასახლებული ქალაქის ილუზიას ქმნიდნენ. მეგობრები, მხიარულად მოლაყბე მათი საერთო ნაცნობების ჯგუფი, იმ კუნძულს ჰგავდნენ, რომლებთანაც სულ ცოტა ხნით ჩაეშვათ ლუზა, რათა ცოტა ხნით მაინც ეგრძნოთ ფეხქვეშ მყარი ნიადაგი. ისე კი, ცხადია, ქარისგან დაბერილი აფრები ყველაფერს ერჩივნათ.

მაღალი ღობით გარშემორტყმულ, ლენცოფებში ჩაფლულ სახლს ქალი ფეხაკრეფით ეპარება. ის იქ ეგულება და ასე იმიტომ იქცევა. უბრალოდ, თვალის შევლება უნდა მისთვის, მეტი არაფერი. გვიანლა ახსენდება, რომ სრულიად შიშველია, ბილიკიდან მკვირცხლად გადაირბენს და თავს ლენცოფების ბუჩქნარს აფარებს. ასე მიიკვლევს გზას სახლის უკან მდებარე ბალამდე. იქიდან სალონის განათებულ ფანჯრებს ხედავს. ეტყობა, სახლში წვეულებაა. ფანჯრის მიღმა ადამიანები მიმოდინა მაღალფეხიანი ბროლის ქიქებით ხელში. ის ქალი, აი, ის ლამაზი ქალი, ცისფრებში, იმ კაცის ცოლია. ღიმილს არიგებს. და კარგადაც გამოსდის! ბირკები ქალს შიშველ სხეულზე ჩხვლეტენ. კაცი არ ჩანს იმ აკვარიუმის მსგავს სალონში. ის იქ არ არის.

ქალი ისევ რეალობას დაუბრუნდა. ქუდი მტკიცუნულად აჭერდა კეფაზე. ნამოდგა, სარკეში ჩაიხედა. თვალეზი ოდნავ შემუშებოდა და ეცრემლებოდა. ნასვლის დროაო, გაიფიქრა.

აღენშტაინი: სულ რაღაც ორიოდ ქუჩა, ერთი სასახლე, ქალაქის რატუშა და გუშინდელი მოდა. აქ ყველა ამბავი, ალბათ, რკინიგზის სადგურიდან იწყება. არა, აქ ცხოვრება ყოვლად შეუძლებელია. აქ მხოლოდ ცოტა ხნით შეიძლება ჩამოსვლა. ქალაქში პრუსიული ნესრიგი და აზიური მელანქოლია ერთმანეთს შერევია. წყლის ოდნავ საგრძნობი სუნი. საათმა სამჯერ რომ ჩამოჰკრა, ქალმა ფინჯანი ყავა შეუკვეთა. შინ, ბავშვების ოთახში, ახლა სიესტაა. უცბად მათი სურნელი მოენატრა. რატომ ასდის ბავშვის თმას ქარის სუნი? მიმტანმა ფული გამოართვა და ინტერესით, თითქმის კეკლუცად შეათვალიერა. ქალი ნამოდგა და ნელი ნაბიჯით გაემართა სადგურის მიმართულებით. მისი სიმშვიდე ერთბაშად გაქრა. გულმა რიტმულად და აჩქარებით დაუნყო ცემა. ახლა თვითონაც ორგანზომილებიან არსებად გრძნობდა თავს. მხოლოდ ახლა და ამ ნუთას არსებობდა. არ ჰქონდა არც წარსული და არც მომავალი. ერთი არაფრით გამორჩეული, სადგურზე მიმავალი ქალი იყო.

ბაქანი თითქმის ცარიელი დახვდა. ვიღაც ახალგაზრდა კაცი თაიგულით ხელში, დედა ორი ბავშვით და ერთიც მერხზე განმარტოებით მჯდარი მგზავრი იმ კატეგორიიდან, რომელთაც მატარებლები შორიდანვე აუვლიან ხოლმე გვერდს და ყველგან აგვიანდებათ. ქალს ბაქანზე ფეხდაფეხ შემოჰყვავა ადამიანთა კიდევ ერთი ჯგუფი. ჭარბწონიანი მამაკაცები, სერიოზულები. ერთი ლითონის ჩარჩოიანი სათვალის, მეორე ელევანტურ შავ კოსტიუმში გამოწყობილი, თვალზე მონოკლით (ცოტა არ იყოს, დასაფლავების ბიუროდან გამოსულს ჰგავს, - გაიფიქრა ქალმა დანახვისთანავე)

მესამეს და მეოთხეს განსაკუთრებული ვერაფერი მოუძებნა. სავარაუდოდ, ბაქანზე მწერლის დასახვედრად მოსული ალენშტაინელი კულტურის მესვეურები უნდა ყოფილიყვნენ. მერე ახალგაზრდების მოზრდილი ჯგუფიც გამოჩნდა და ბაქანმაც მაშინვე იცვალა იერი, გამოცოცხლდა და ახმაურდა. ახალგაზრდები, ალბათ, სამაისო უქმეებზე მიდიოდნენ სადმე. იქნებ პრუსიის სკოლებში იმ დღეს სწავლა არც იყო და თავისუფლები იყვნენ. მათი ხანში შესული მასწავლებელი უშედეგოდ ცდილობდა წესრიგის დამყარებას.

მაინც რა უცნაურია ეს ცხოვრება. ვენეციაში, როდესაც ერთმანეთს ემშვიდობებოდნენ, ვაჟი ტიროდა. ხელში ქალის ხელი ეჭირა და ის ცივი, ცისფერი თვალები ცრემლებით ჰქონდა სავსე. თქმით კი მხოლოდ ეს უთხრა: „ვიცი, ტირილი საჭირო არ არის. ჩვენ ხომ ისევ შევხვდებით“. ქალმა მაშინ იფიქრა, რომ ვაჟი ხელს სთხოვდა. განა მტკიცე ტრადიციონალისტად არ მოჰქონდა თავი? „რა სისულელეა. ხელის თხოვნა რა საჭიროა, ჩვენ ხომ ისედაც ერთად ვიქნებით“, – განუწყვეტლივ იმეორებდა გონებაში. მაშინ ამ ამბის სხვაგვარი დასასრული ყოვლად წარმოუდგენლად ეჩვენებოდა.

მოგვიანებით მიხვდა, რომ ვაჟი მაშინ საკუთარ თავს დასტიროდა. „ოთხი წერილი მოგწერე“, – წერდა ის მეხუთეში, – „მაგრამ არცერთი არ გამომიგზავნია. ჭრილობებს მიახლებდნენ, რომელთაც, წესით, ამდენი ხნის შემდეგ პირი უნდა შეეკრათ. შენ ისეთი ლამაზი ხარ, ისეთი ნორჩი, თითქოს ცხოვრება ჯერ არც კი შეგხებია. ანგელოზს ჰგავხარ. ასე შორეული და მიუწვდომელი უფრო სასურველი ხარ ჩემთვის“. ამ წერილმა ქალს მოსვენება დაუკარგა. ზუსტად ვერც ხედებოდა, რატომ. ფიქრობდა, რომ ის მისთვის არ იყო განკუთვნილი.

უეცრად ბაქანზე შეგროვებული ხალხი შეჩოჩქოლდა. თაიგულიანი ახალგაზრდა კაცი სკამიდან წამოიჭრა. შავებში ჩაცმულმა მამაკაცმა მოუსვენრად დაიწყო ცხვირსახოცით მონოკლის წმენდა. ასაკოვანი მასწავლებელი უშედეგოდ ცდილობდა ყმანვილების ორ მწკრივად დაყენებას. ქალი ახლავდა მიხვდა, რომ მთელი ეს ხალხი სწორედ ტ.-ს ჩამოსვლას ელოდა, რომ ის აღარ იყო მარტო მისი საკუთრება და სხვებსაც ეკუთვნოდა: ამ მოუსვენარ ყმანვილებს, გარნიტურებში გამონყობილ მამაკაცებს, თაიგულიან ქაბუკს, სადგურისა და სასტუმროს თანამშრომლებს და ნიგნის მოყვარულ მათ ცოლებს.

არადა, რა იცოდნენ მათ ტ.-ს შესახებ? ისინი ხომ მას მხოლოდ მისივე რომანებიდან და ჟურნალ-გაზეთებში გამოქვეყნებული მოთხრობებიდან იცნობდნენ? ანუ იცნობდნენ ვის? იმ ყველაფერში, რაც კი მას დაუწერია, წამდვილი და მისეული ხომ თითქმის არაფერია, შაქარლამის უბადრუკი ნაფხვენების გარდა. ვინ სახლობდა სინამდვილეში მის დახვეწილ, მკაფიო და თავდაჯერებულ წინადადებებში? არადა, მაშინ, იქ, ვენეციაში, იმ ხანგრძლივი სეირნობების დროს, ყოველთვის ნერვიულად, მოკლედ, ნაწყვეტ-ნაწყვეტ ჰყვებოდა ამბებს. შენ თვითონ უნდა მიმხვდარიყავი, წერტილი სად იყო საჭირო და მძიმე სად. და ვინ ცხოვრობდა მის დაწერილ ამბებსა და მოგონებებში? მას ხომ რიგიანად ანეკდოტის მოყოლაც არ შეეძლო? არა, მაინც როგორ იოლად მოახერხა ხალხის გაცურება და მათაც როგორ გულუბრყვილოდ დაუჯერეს, რომ მისი ნაწარმოებების გმირი თავადვე იყო. ან იქნებ თვითონ ცდებოდა სიყვარულით და სურვილით თავბრუდახვეული ქალი. არა. ვერცერთ მის დაწერილ წინადადებაში ქალი მას ვერ პოულობდა. ქალისთვის საგას მოთხრობელი ზედმეტად ნეიტრალური იყო, ვილაც სხვა, ძალიან უცხო,

რომელშიც ტ. საერთოდ ვერ აღმოაჩინა. და იქნებ ამაში იყო მთელი ხიბლიც – რეალურ ადამიანში სწორედ ის ვილაც მოეძებნა, ვისაც უამრავი განსხვავებული სამყაროს შექმნა შეუძლია. მოეძებნა სიტყვების მბრძანებელი, მოეძებნა მის სუნთქვაში მაშინ, როდესაც თავად ქალის მკლავზე მიხუტებულს უდარდელად ეძინა. მოეძებნა მის მზერაში – თურმე რამხელა სივრცეები შეიძლება გადაიშალოს თვალების მიღმა! არ არსებობს უფრო დიდი ბედნიერება, ტკბებოდე იმის ყურებით, როგორ ლოკავს ის ნაყინს. ფიქრობდე, მასაც ისევე ეგემრიელება თუ არა, როგორც სხვებს. ნუთუ მისი რეცეპტორებიც ისევე მიაქანებენ აღქმულს ტვინისკენ, როგორც სხვა დანარჩენი ადამიანებისა? არა, მათ შორის აუცილებლად უნდა არსებობდეს განსხვავება. ქალს გაახსენდა, რომ მაშინ, ვენეციაში, ვაჟს უღვაშის მოშვება უნდოდა. გაახსენდა, თითების უნებური შეხებით როგორ ეთამაშებოდა მის ზედა ტუჩზე ამონვერილ ჩხვლეტია მუქ ლერებს.

მატარებელი სადგურში შემოვიდა. ორთქლმავლის კვამლი მომლოდინეთა თავებზე თითქმის მატერიალად იქცა. ქალს გული აუჩქარდა, პირში სიმშრალე იგრძნო. უკან დაიხია, სადგურის რესტორნის აბრის ქვეშ დადგა და პირბადე ჩამოიფარა. მატარებლის ჩამოდგომიდან რამდენიმე წამის განმავლობაში არაფერი შეცვლილა. სადგური თითქოს გაიყინა. მხოლოდ ოთხი მამაკაცის დაბნეულ სახეს უყურებს, ერთი ვაგონიდან მეორეზე გადატანილ მზერას. მერე კი დაინახა, როგორ მოსწყდა ადგილს ეს პატარა ჯგუფი და მარჯვნივ, მატარებლის წინა ნაწილისკენ აიღო გეზი. შეუხედავი ქალიც, ორი ბავშვით, ლოყებშეფაკლული აედევნათ უკან. ახალგაზრდა კაცმა, ყვავილების თაიგულით ხელში, ყველას გადაასწრო. ის თითქმის მირბოდა.

თვითონ მას კი მაშინლა მოჰკრა თვალი, როცა დამხვდურთა ჯგუფით გარშემორტყმული სადგურის შენობაში შემოვიდა. გაოცებულმა მაშინვე აღმოაჩინა, რომ მიუხედავად სხეულის სისავსისა, მის მიხრა-მოხრაში სიტლანქე სჭარბობდა სიღბოს. სახე, რომელსაც ასე კარგად იცნობდა, თითქოს არ შეცვლოდა, მაგრამ მაინც სხვანაირი ეჩვენა, რეალობას უფრო დამაჯერებლად მორგებული. მერე ვილაცები ჩამოეფარნენ. ყმანვილები შტამბუხებს აწვდიდნენ და ავტოგრაფს სთხოვდნენ. მონოკლიანი მამაკაცი ტანით მთლიანად ფარავდა. ის კი მთელი ამ ორომტრიალის მთავარი ლერძი იყო – ჭალარა, მშვიდი, აუღელვებელი, თითქოს მისი გაკვირვება უკვე აღარაფერს შეეძლო.

ახლა არა. მოგვიანებით, – გადანყვიტა ქალმა და გული შედარებით დაუმშვიდდა. უსაფრთხო მანძილზე მიჰყვებოდა უკან მამაკაცებს. დაინახა, როგორ ჩასხდნენ დროშკაში.

საავტორო საღამო ქალაქის თეატრში უნდა გამართულიყო. ამას რამდენიმე ადგილას გამოკრული აფიშა იუნყებოდა. „ცნობილი მწერალი ნაიკითხავს ლექციას“. ქალმა თითქმის ყველას დაასწრო მისვლა. ხალხი ნელ-ნელა იყრიდა თავს. საუკეთესო სადღესასწაულო კაბებში გამოწყობილი მშვენიერი ქალაქელი ქალები, მათი ღიპიანი ქმრები, ყილეტის ჯიბეებიდან ძენკვიან საათებს რომ იღებდნენ წამდაუნუმ და ნერვიულად დაჰყურებდნენ. აღენშტაინის ბურჟუაზია. მათ შორის უფრო სადად ჩაცმულებიც იყვნენ, ალბათ, მასწავლებლები, ადგილობრივი, მორიდებული ინტელიგენცია. ის ახალგაზრდა კაციც იქ იყო, სადგურიდან, ოღონდ უკვე თაიგულის გარეშე და კიდევ სამი მოკისკისე ქალი, ნაპერწკლები რომ უელავდათ თვალებში. ვინ უნდა ყოფილიყვნენ, მსახიობები?

გიმნაზიის მოწაფეები? აი, თურმე ვინ არიან ტ.-ს მკითხველები, მისი თავყვანისმცემლები აღმოსავლეთ პრუსიაში.

„ცხოვრებაში ყველაფერი უმნიშვნელოა ჩემთვის, გარდა წერისა. ვიცი, რომ გამიგებ“, – ასე მთავრდებოდა მისგან მიღებული ბოლო წერილი. არა. არ ესმოდა მისი. ვაჟის აზრით, ერთი მეორეს ხელს უშლიდა, ეწინააღმდეგებოდა. აი, თვითონ კი წინააღმდეგობრივს ვერაფერს ხედავდა ამაში. მდიდარი ქალი იყო. ვაჟს შეეძლო მასთან ვენეციაში დარჩენილიყო, ან თუნდაც სხვაგან სადმე ერთად ყოფილიყვნენ და ეწერა. იქნებ ვაჟი ფიქრობდა, რომ მას სათანადო განათლება არ ჰქონდა? იქნებ ჩამომავლობას უწუნებდა? კარგად ახსოვს, სიტყვა „პროფესორის“ ხსენებაზე როგორ დაიძაბებოდა ხოლმე, თითქოს რაიმეს აყურადებდესო. ქალს კი უკვირდა, რომ ასეთ ადამიანს შეეძლო მყვირალა ტიტულებს დახარბებოდა. ბოლოს მაინც მოახერხა და პროფესორის ქალიშვილი მოიყვანა ცოლად. განა წარმოუდგენელი არ იყო მათი ვენეციური თავგადასავლიდან სულ რაღაც ერთი წლის შემდეგ სხვისთვის ხელის თხოვნა? სხვა ვინმეს შეყვარება? არა. ვერ დაიჯერებს, რომ ის ქალი უყვარდა. სხვა რამეში უნდა ყოფილიყო ამ სულელური მოთხრობის დანყების მიზეზი. ბოლოს და ბოლოს, მარტო კარგს და ღირებულს ხომ ვერ დანერ. ზოგჯერ წაიფორხილებ კიდეც. მიზეზებისა და თავის მართლებების პოვნა-ძიებაშიც, ალბათ, მაშინ დაოსტატდა. არადა, ყველა მათგანი ერთნაირად არადამაჯერებლად გაისმოდა.

ქალიც ადგა და ვრცელი წერილი მისწერა. პასუხი არ მოსვლია. ალბათ, წაკითხვის შემდეგ დაჭმუჭნა და ნაგვის ყუთში მოისროლა. შესაძლოა, დანვა კიდეც, თავის ბიოგრაფიაზეც ხომ უნდა ეზრუნა და საჭირო კონტურები მოეხაზა? სად გაგონილა, ცხოვრება ყოველთვის გვთანხმდებოდეს იმაზე, რისი გაკეთების სურვილიც გვაქვს? ცხოვრება ჩვენ

გემართავს. ის ჩვენთვის ძნელად წარმოსადგენ მიზნებს ახორციელებს და თან მიგვიყოლებს. ამ აზრმა უცებ ისე შეაკრთო ქალი, რომ გარეთ, ქალაქის მზით გაჩახჩახებულ ქუჩებში, მოუნდა გასვლა.

სწორედ ასე იყო. პასუხად ერთი სიტყვაც აღარ მოუნერია. მოგვიანებით შეიტყო, რომ ცოლი შეერთო და ბავშვები შესძენოდა. ორი? სამი? პრესაში მის გვარს წაანყდებოდა თუ არა, სტატიაში მაშინვე რაიმე მისთვის ჩადებული ნიშნის ძებნას იწყებდა. ყველაფერი ნაიკითხა, რაც დანერა. ამოიჩემა, რომ კაცის თხზულებებში მხოლოდ მისთვის განკუთვნილი საიდუმლო ინფორმაცია იმალება, რომ ის მხოლოდ მისთვის წერს და ცდილობს, ის საშინელი წინადადება განუმარტოს: „ცხოვრებაში ყველაფერი უმნიშვნელოა ჩემთვის, გარდა წერისა“.

ხალხი დარბაზში ადგილებს იკავებდა. ქალმაც მიბაძა დანარჩენებს და წითელხავერდნიანი მაგიდის შორიახლოს დაჯდა. დარბაზში ბუნებრივი განათების არქონის გამო მაგიდა პროექტორების შუქით ნათდებოდა. ასე ჯობდა. ის იქიდან ვერ დაინახავდა. პროექტორების შუქი თვალს მოჭრიდა.

თეატრში ჩვეული ატმოსფერო სუფევდა. მოსულები ჩუმი ხმით საუბრობდნენ და თან ნელ-ნელა დარბაზში მყოფთ ათვალიერებდნენ. ადგილობრივი ფოტოგრაფი ზედმეტი სიფრთხილით დგამდა შტატივს. ბოლოს შემოსასვლელ კართან ჩურჩული ატყდა და ტ.-ც გამოჩნდა. უნაკლოდ გამოიყურებოდა. თავადაც უნაკლო იყო. ყოველთვის გამოირჩეოდა სხვებისგან, მაგრამ ქალმა არ იცოდა, რით. ტ.-მ სისუფთავის შეგრძნება მოიყოლა თან – ახალგაპარსული ფერმკრთალი სახე, თეთრი პერანგი, გახამებული საყელოს მკვეთრი ხაზი, ვერცხლის სათვალე. ფოლადისფერი კოსტიუმი. აქედან ფეხსაცმელს

ვერ ხედავდა, მაგრამ გაახსენდა, როგორი ფეხსაცმელი ეცვა მაშინ: ყავისფერი, გრძელცხვირიანი, ოდნავ შიგნით შებრეცილი. მისი შიშველი ტერფებიც გაახსენდა. ყველაზე გულწრფელ აღიარებაზე მეტად შიშველი. წარმოიდგინა, რომ დარბაზშიც ფეხშიშველი შემოვიდა.

დაბერებულა და შეცვლილა. დარბაზისკენ არც გამოუხედავს. სკამზე მოთავსდა. გრაფინით წყალი და ჭიქა მიუტანეს. გვერდზე გასწია. პიჯაკის გულის ჯიბიდან დაკეცილი ქალღლები ამოიღო, მაგიდაზე გაშალა, ჩაახველა და მაშინლა მოავლო თვალი დარბაზს. თვალები მონკურა. ქალი შეკრთა, მოჭუტული ქუთუთოებიდან წამოსული ეს სუსტი მზერა მისმა სხეულმაც იგრძნო. ტ.-მ კი ვერ იცნო. ვერც იცნობდა. შორს იჯდა. აი, თვითონ კი ყოველთვის იცნობდა. ყოველთვის. ნებისმიერი მანძილიდან.

– ბატონებო და ქალბატონებო, – დაიწყო კაცმა, – მე აქ იმისათვის მომინვიეს, რომ...

ქალაქზე არაფერი უთქვამს. არც აღელვებული მსმენლისთვის გაუღიმიო, არც მზერა შეუჩერებია მათზე, არც სადგურზე დახვედრისა და მირთმეული ყვავილებისთვის გადაუხდია მადლობა, არც ამ სუნთქვაშეკრული მოლოდინისთვის. თავიც არავისთვის წარუდგენია, არც ის უთქვამს, რა მიზნით ჩამოვიდა აქ, მოსწონს თუ არა აქ ყოფნა, მაისის მზე, ქალების სადღესასწაულო შლაპები და მათი ქმრების ძენკვიანი საათები. არც ენა დაბმია, არც დაუხველებია, არც სახეზე დასტყობია რამე. გასაგებად, თუმცა მონოტონურად ლაპარაკობდა. ერთადერთი ფესტი, რომლის უფლებაც თავს მისცა, ყელზე გაკეთებული ბაფთის შესწორება იყო. ალბათ, უნდოდა, სტოიკურად ბრძენ, სტოიკურად ნეიტრალურ ევროპელ მწერლად წარმოეჩინა თავი. განუსაზღვრელობას ამო-

ფარება ეგებ დადებით თვისებად მიაჩნდა. არისტოკრატიული ელევანტურობა – არც მეტი, არც ნაკლები. ნაცნობი მდგომარეობა იყო! ჰო, ნაცნობი და ამაღელვებელი, ოღონდ, უნდა გცოდნოდა, რომ რამდენიმე წუთში ეს ნილაბი სახიდან ჩამოუცურდებოდა და ძირს დაენარცხებოდა. აი, ეს კონტრასტი იყო ამაღელვებელი. ეს უყვარდა სწორედ მასში. და ახლა შეუდარებელი ოსტატობით აკეთებდა ამას.

ტ. მშვიდად და საქმიანად ლაპარაკობდა. დროდადრო ყოვნდებოდა და ცისფერ მზერას ჭერს მიაპყრობდა. ეს შეყოვნებები იყო მძიმეები, ინტერვალები, ტირილები. როგორ დახვეწილა. თანაც მუსიკაზე საუბრობდა და არა ლიტერატურაზე. დარბაზში მყოფთა დიდ ნაწილს, ალბათ, იმედიც გაუცრუა. განა მწერალმა ლიტერატურაზე არ უნდა ილაპარაკოს?

– „ეს იგივეა, რაც მუსიკაში მონოდიიდან მრავალხმოვნებაში, ჰარმონიაში გადასვლა. ამას ახლა წინსვლას და განვითარებას ეძახიან, სინამდვილეში კი ბარბაროსთა მონაპოვარია“ – ჩაესმოდა ქალს.

ქალზე გადმომხობილი, მიზიდულობის ძალით ფორმაშეცვლილი მისი სახე. ყმანვილი ბიჭის ნახევრად უმანკო, საკმაოდ დაუნდობელი ღიმილი. ბედნიერი გამომეტყველების ნაცვლად, სახეზე აღბეჭდილი ტკივილი. ოფლის წვეთები. აწყვეტილი ღილი.

დაასრულა თუ არა საუბარი, მსმენელები ფეხზე წამოდგნენ და ისეთი ტაშით დააჯილდოვეს, თითქოს ოპერის დივა იყო. მერე რამდენიმე მათგანი მაგიდას მიუახლოვდა. ტ.-მ ჯიბიდან კალამი ამოიღო, რომელმაც პროექტორიდან არეკლილ შუქზე გაიბრწყინა და თავი წიგნებზე დახარა.

ქალი გარეთ გამოვიდა და ჩქარი ნაბიჯით სასტუმროსკენ გაემართა. თითქმის სასონარკვეთილების პირას მისული,

ახლა უკვე ორმაგად, სამმაგად, ათასმაგად მარტოსულად გრძნობდა თავს. არაფრის შეცვლა არ შეუძლია. არაფრის რატომ არ შეგვიძლია ღვთის მადლიერები ვიყოთ იმისთვის, რაც მოგვეცა? რატომ გვიჭირის ამის დაფასება? რატომ გვინდა ყოველთვის ის, რაც არ გვაქვს? სად და როდის გაჩნდა ეს ბზარი ადამიანის გონებაში?

სასტუმროს მისაღებში არავინ იყო. ახალგაზომცხვარი ნამცხვრის სუნი იდგა ყველგან. ქალი ერთხანს დახლთან ელოდა ადმინისტრატორს, მაგრამ ეს უკანასკნელი არა და არ ჩანდა. ვინ იცის, იქნებ ისიც თეატრშიც იყო. მერე ხელი გაიწოდა და თავისი ოთახის გასაღები ჩამოხსნა. წამის შემდეგ იმ მეორესაც მისწვდა, რომაული ციფრის, პირველის, ქვეშ რომ ეკიდა. დაუჯერებელია! ასე უყურადღებოდ აქ როგორ დატოვეს? ქალმა ქურდივით ფეხაკრეფით და ნაჩქარევად მიაშურა კიბეს.

ფრთხილად გამოალო აპარტამენტის კარი. შუქი არ აუნთია. ოთახში ჩამავალი მზის თბილი შუქი იღვრებოდა. ფართო აივანზე გასასვლელ კართან უხვნაოჭიანი ფარდები გადაწეული დაეტოვებინათ. ორადგილიანი განიერი სანოლი თითქმის მთლიანად ავსებდა სივრცეს. ტ.-ს ბარგის ამოლაგებაც ვერ მოესწრო, ჩემოდანი გახსნილი დაეტოვებინა სანოლთან. იქვე იდო მისი ახალი წიგნის სამი ეგზემპლარი. სულ ცინცხალი. ჯერ კიდევ გადაუშლელს ჰგავდა. სკამზეც ახალთახალი, ტენიანი ფუმფულა პირსახოცი ეკიდა. ალბათ, სასტუმრომ სპეციალურად მისთვის შეიძინა. ქალმა ფრთხილად შეახო პირსახოცს ხელი. გვერდით სააბაზანო ოთახი, ფანჯარასთან მდგარი ვეებერთელა აბაზანა, მასიური პრუსიული სპილენძის ონკანები და ფეხიანი პირსაბანი. პირსაბანზე იგივე ხის კოლოფი და პირის საპარსი საპნით. „შეუძლებელია“, გაიფიქრა. ხელში აიღო, დაყნოსა. ეცნო სუნი, თუმცა ეგონა,

რომ შთაბეჭდილება ბევრად უფრო ძლიერი იქნებოდა. ღმერთო, რამდენი ხანი ეძებდა ამ საპონს მაღაზიებში, რომ თანდათან კიდევ უფრო მეტად დარწმუნებულიყო მის არარსებობაში. სველი ფუნჯი – ალბათ, პირი გასვლის წინ გაიპარსა. კბილის ჯაგრისი – მშრალი. მოჭიქულ იატაკზე დაუდევრად დაყრილი წყვილი მუქი წინდა. ქალი აბაზანის კიდეზე ჩამოჯდა და უცნაური რამ გაიფიქრა: კარგი იქნებოდა, თვითონ ყოფილიყო ტ., რომელიც ისე ეყვარებოდა, როგორც საჭირო იყო. მასში ყოფილიყო ჩასახლებული. მის სხეულს მისივე ხელით მოჰფერებოდა. მოველო მისთვის ბევრად უკეთ, ვიდრე ამას თვითონ ტ. შეძლებდა. რა მოხდებოდა, შესაძლებელი რომ ყოფილიყო მათი ასეთი გამთლიანება? ტ. დაჯდებოდა და დაწერდა, რადგან წერას ვერ უღალატებდა, ის კი მოუვლიდა. ცოდვასაც გადაურჩებოდნენ ასე და გაორებას და გარდაუვლობასაც. აქ საკუთარი თავისადმი უმნიცკლო სიყვარული იქნებოდა, სხვა არაფერი, ალერსი სააბაზანოების სამლოცველოებში. საკუთარ კანზე შეხება ხომ ალერსად არ ითვლება. აქ სიყვარული თუნდაც მისი კანისთვის საუკეთესო საპნის შერჩევას ერქმეოდა. „მისი სხეულის ყველა უჩინარი კუთხე-კუნჭულიც კი ზეპირად მეცოდინებოდა“, – ფიქრობდა ქალი, „მისი პირის ღრუ, ენა, თითოეული კბილის ფორმა. მისი სუნი უცხო არასოდეს გახდებოდა, ჩემი იქნებოდა და იმიტომ. მე მას მკლავებში მოვიქცევდი და ნაზად დავარწვდი“.

ქვემოდან ხმაური შემოესმა, სწრაფად დატოვა ოთახი და კიბით თავის სართულზე აირბინა.

სასადილო დარბაზისკენ ზურგშექცევით მდგარი ოთახის საფასურს რომ იხდიდა, მამაკაცები მაშინლა დაბრუნდნენ ლექციიდან. მისი ხმა ჩაესმა, რალაცას ამბობდა.

– აი, სწორედ ეს არის ის ტ.! – გადაუჩურჩულა სიამაყით სავსე ადმინისტრატორმა ქალს, – ჩემს ცოლს მისი ყველა წიგნი აქვს წაკითხული.

ქალს ძალიან მოუნდა, უკან მიეხედა, მაგრამ ვერ შეძლო. ადგილზე გაშეშდა ხელში ჩაბლუჯული ბანკნოტებით. დროშკაში რომ ჩაჯდა, საშინელი დაქანცულობა იგრძნო. მოეჩვენა, რომ მთელ ტონას იწონიდა. ალბათ, ცხენიც გრძნობდა ამას, რადგან ადგილიდან დაძვრას არ აპირებდა.

– საით მიბრძანებთ, მონყალეო ქალბატონო, – ჰკითხა კარგა ხნის შემდეგ მისი ხანგრძლივი დუმილით გაბეზრებულმა მეეტლემ.

– რკინიგზის სადგურზე.

ალენშტაინის მსგავს ქალაქებში ყველა ამბავი რკინიგზის სადგურზე იწყება და იქვე მთავრდება.

უმტლანდიური თვე

პირველი კადრი, წესით, ასეთი უნდა ყოფილიყო: ჩემოდნებით ხელში მოხრეშილ ბილიკზე მივაბიჯებ, კართან ვყოვნდები, ზარს ვრეკავ და კარს შავად ჩაცმული მოსამსახურე მიღებს. მოთხრობები და ფილმები უმეტესად სწორედ ასე იწყება ხოლმე და თვითმფრინავში მჯდარმა, მეც ასე წარმოვიდგინე. გარე სამყაროს ძირითადად წიგნებიდან და ფილმებიდან ვიცნობ. ისიც კი არ ვიცი, მაქვს თუ არა უფლება, ვამტკიცო, რომ ცხოვრებას ვიცნობ-მეთქი.

ვფიქრობ, ეს იმის ბრალია, რომ სამყაროში ბევრი ცვლილება ხდება, იმაზე ბევრად მეტი, ვიდრე ჩემს წარმოსახვას შეუძლია დაიტყოს. მარტო ჩემი კი არა, ამას ვერავის წარმოსახვა ვერ გაუძლებს, თუ შთაგონება არ ეწვია, თუ ხილვები არ დაეწყო. ამ ყველაფერს სხვა ახსნაც შეიძლება მოეძებნოს – ღმერთთან თამაში. ღმერთი ჩვენ წარმოსახვის უნარით გვაჯილდოებს, იმავდროულად კი ნებას არ გვაძლევს, ყველაზე ბანალური მოვლენები ვინინასწარმეტყველოთ. ანუ ისე გამოდის, რომ ხელში ბლაგვ დანას, ქალაღდის ჩაქურჩს, შუშის ლურსმანს გვაჩეჩებს და მათ ანაბარა გვტოვებს. არ არის გამორიცხული, რომ წარმოსახვამ რალაცნაირად ამოწუროს რეალობა. ის, რაც წარმოდგენილია, აღარ მოხდეს, ანდა პირიქით, მოხდეს მხოლოდ წარმოუდგენელი რალაცები, რა-

საც იმით ავხსნიდი, რომ ორივე მათგანის სათავე – წარმოსახვისაც და სინამდვილისაც – ჭეშმარიტებაა. ამაზე რომ ვფიქრობდი, უცებ ზიარჭურჭელი გამახსენდა.

იქნებ მარტო მე დამიჩლუნგდა წარმოსახვა? იქნებ ისეთი ადამიანებიც არსებობენ, რომელთაც შესწევთ უნარი, მოსახდენი სულ უმნიშვნელო დეტალებში წარმოიდგინონ და თავს გადასახდენი სრულად თუ არა, ნაწილობრივ მაინც შეიგრძნონ? ნათელმხილველები. პასიანების მშრალი, ავტორიტარული სიბრძნე.

ქალბატონმა, მოდით, პირობითად მას ქალბატონი სკოტსმენი დავარქვათ, თავისი ლონდონელი მეგობრების საშუალებით ხმა გაავრცელა, ვინმე მწერალს შევიკედლებ და სიტყვაძუნნი მწერლური კომპანიის სანაცვლოდ (მწერლები ხომ უმეტესად გულჩათხრობილი ხალხია) შემოქმედებითი მუშაობისთვის პირობებს შევუქმნიო. ოღონდ, მწერალი ქალი უნდა ყოფილიყო და უსათუოდ პოლონელი.

სწორედ ამ გზით მოვხვდი მასთან და ყველაფერი, რაც აქ დამხვდა, სულაც არ აღმოჩნდა ისეთი, როგორც წარმომედგინა. მსგავსი ცვალებადი ამინდი ცხოვრებაში არ მინახავს. ბუხრის თავზე შემოდგმული პატარა რადიოდან BBC-ის მესამე არხი ისეთი ჩუმი და გაუგებარი ბუტბუტით გადმოსცემდა ამინდის პროგნოზს, თითქოს საკუთარ სიმართლეში ეჭვი თავადვე ეპარებოდა. ყველა გასეირნების წინ ხელი შეჩვეული მოძრაობით მოსინჯავდა ხოლმე ქოლგის ტარს. მონმენდილი, ლურჯი ცისთვის ერთი თვის განმავლობაში თვალი არ მომიკრავს. ხის კენწეროებთან აქა-იქ ჩასაფრებული ღრუბლები წამში მოედებოდნენ სივრცეს და მოულოდნელად, თუნდაც სულ ცოტა ხნით, თუნდაც მარტო თვალისთვის დასანახად, იწყებოდა წვიმა.

- მებაღემ ფეხი მოიტეხა და სახლს ელექტროლუმელე-  
ბით ვათბობთ. - ეს ერთ-ერთი პირველი წინადადება იყო,  
რომელიც ჩემმა დიასახლისმა მითხრა. მაშინ ვერაფრით ვერ  
მივხვდი, რა საერთო უნდა ჰქონოდათ ერთმანეთთან მებაღე-  
სა და ღუმელს, მაგრამ ღუმელი ჩემს ოთახს სულ რამდენიმე  
წუთში ათბობდა. ისეთ ქვეყანაში ვიყავი, სადაც სახლს ივნის-  
შიც ღუმელით ათბობდნენ.

აქ ყველაფერი დიდი ხნის წინ გადაეწყვიტათ. იმპროვიზა-  
ციისთვის ადგილი აღარ დაეტოვებინათ. მთელი იმ წლების  
განმავლობაში, სანამ ჩემს ქვეყანაში არაერთხელ დააყენეს  
ყირაზე ყველაფერი, რაზეც ხელი მიუწვდებოდათ, აქ ნივთე-  
ბიც კი არავის გადაუადგილებია. ნივთები აქ მოთმინებით  
ელოდნენ საკუთარ ბუდეს და იპოვიდნენ თუ არა, სამუდა-  
მოდ იქვე რჩებოდნენ. მაინც რამდენი დრო სჭირდება ნეფრი-  
ტის ჩინური დრაკონის ფიგურას თავისი კუთვნილი ადგილის  
საპოვნელად? ასი წელი? იქნებ ორასი? პიანინოზე შემოდ-  
გმული ფაიფურის ნატიფი ფიგურები თითქოს შეზრდიანო  
შავად გალაქულ ზედაპირს. კედლებზე სურათები ისე მოში-  
ნაურებულან, შემჩნევა გაგიჭირდება. ხის იატაკს უნაკლოდ  
ერწყმის სილბოსა და სიფაფუკის განსახიერებადქცეული ხა-  
ლიჩა. ვიქტორიანული სტილის ბრინჯაოს სანათურები საკუ-  
თარი შუქის უკან შეყუჟულან.

მაშინვე მივხვდი, რომ ჩვენ, ორივენი, თავისებურად, ჩვენ-  
ჩვენს წარსულში ვიყავით ჩარჩენილები. მე იმის გამო, რაზეც  
დანერა მინდოდა: ექვსი წლის ვარ და რადიოში პირველად  
მოსმენილი ბიტლების სიმღერით მოხიბლული ოდერის ნა-  
პირზე გაშლილ ვრცელ, მზიან ზეგანზე მივაბიჯებ. ჩემი დია-  
სახლისი თავისი ასაკის გამო: როცა უკვე იმდენი წლის ხარ,  
რომ ყოველდღიურობის გამონვევებს ველარ უმკლავდები.

ასე იყო თუ ისე, ჩვენ შორის მთელი ნახევარი საუკუნე იდგა. მისი სახლის მოზრდილი სალონი ცდილობდა, როგორმე ერთმანეთს დავახლოვებოდათ. მიჭირდა ჩემი მასპინძლის წარსულის წარმოდგენა. მირაჟივით შორეული და ბუნდოვანი მეჩვენებოდა.

იქნებ თავხედურადაც გამომივიდა, მაგრამ თავიდანვე ვთხოვე, ნუ ეცდებოდა სიღრმისეულ მსჯელობებში ჩემს ჩათრევას. ჩემი ინგლისურის მარაგი, როგორც ხედავთ, საკმაოდ მწირია და არც ენების ნიჭი მაქვს-მეთქი. ჩემდა გასაკვირად, იმედგაცრუების მსგავსი არაფერი არ შემიტყვია სახეზე, პირიქით, გამილიმა კიდევ.

დილაობით სასაუზმოდ დაბლა ჩავდიოდი ხოლმე. ზუსტად იმას მახვედრებდა, რასაც წინა საღამოს პატარა ბარათზე ჩამოვუნერდი: უმეტესად თოხლოდ მოხარშულ კვერცხს, გახუხულ პურს, წვენს და ყავას. თვითონ უკვე ნასაუზმევი მხვედებოდა, ან იქნებ არც საუზმობდა. მოუჯდებოდა მაგიდას ჩემთან ერთად და მიყურებდა, როგორ ვჭამდი. იქნებ მეჩვენებოდა, მაგრამ ამ დროს მის გამოხედვაში ერთგვარ სინაზესაც კი ვგრძნობდი. ლაპარაკი დილით უფრო მეხალისებოდა. შეიძლება ამის მიზეზი ახალი გაზეთებიც იყო, საიდანაც კოსოვოს ომის დასრულების, ლონდონში მომხდარი არეულობებისა და პრინც ედუარდის ქორწინების ამბებს ვიგებდი. ვცდილობდი, მსოფლიოში მიმდინარე მოვლენების შესახებ ჩემი აზრი საჭმლით გამოტენილი პირით არ გამომეთქვა.

საშუალო სიმაღლის თხელი ქალი იყო, თმას, ალბათ, იღებავდა – ყოველ შემთხვევაში, ბუნებრივი სელის ფერი ამ ასაკში, წესით, აღარ უნდა ჰქონოდა. გრძელ ქვედაბოლოებსა და ქიშმირის შავ ან რუხ სვიტერებს იცვამდა, საღამოობით კი მხრებზე მოტლანდიური ტარტანის შალს იხვევდა.

მთელი დღე ვწერდი და ვერ ვიჯერებდი, რომ ამისთვის აურაცხელი თავისუფალი დრო მქონდა. მხოლოდ შიმშილის გრძნობა თუ შემანწყვეტინებდა ხოლმე წერას. კლავიატურაზე კაკუნით მაჯები რომ მეტკინებოდა, იატაკზე ვწვებოდი და გონებაში წარსულში განცდილი, მივიწყებული დეტალების აღდგენას ვცდილობდი, ვოცნებობდი, ვფიქრობდი. საკუთარ თავზე პირველად ვწერდი და გაოცებულმა აღმოვაჩინე, რომ ეს პროცესი სულ სხვა ვინმედ გაყალიბებს. თურმე შეუძლებელია, ერთდროულად დამკვირვებელიც იყო და დაკვირვების ობიექტიც – ის, ვისაც შეიცნობენ და ის, ვინც შეიცნობს. ალბათ ამიტომაც, რომ ყველა მოგონებაში თავისი წილი ტყუილი იმალება, ყველა ავტობიოგრაფია კი ფიქციაა.

მე ლიტერატურას სანქცირებულ, ეთიკური ნორმებისგან შორს მდგარ და საყოველთაოდ აღიარებულ სიცრუედ მივიჩნევ. ვფიქრობ, წერამ სწორედ ამის გამო მიმიზიდა. სხვა რა იძლევა ტყუილის, შეთითხნილი ამბების, შელამაზებული რეალობისა და მომხდარიდან ალტერნატიული გამოსავლის ძიების სანქციას? მწერლები? – ანარქისტები, პირნავარდნილი რელატივისტები, ჭეშმარიტების ექსპერიმენტატორები, ალტერნატივების მაძიებელნი. ასეთი იყო ჩემი პასუხი დიასახლისის მორიდებულ კითხვაზე, რაზე მუშაობო.

ამ ქალის წარსულს ძველი კინოსურათივით შავ-თეთრ ფერებში ვხედავდი. იქ ადამიანები რეალურზე გაცილებით სწრაფად და ნერვიულად მოძრაობდნენ. ყველაფერი რალაცნაირად კუშტი და ზედაპირული ჩანდა.

თვითონაც ასეთი იყო – არარეალური. მოჩვენებასავით გამოკრთებოდა ხოლმე და მალევე ქრებოდა სართულების ლაბირინთებში.

საუზმის შემდეგ ჩემს ოთახში დაბრუნებული სიგარეტს ვწეოდი. ფანჯარას ვაღებდი, დიასახლისი სუნს რომ არ

შენუხებინა. მეშინოდა, სიგარეტის ბოლს მის საძინებელში არ შეეღნია, რომელიც სადღაც გადაკარგულში იყო. ხანდახან ვცდილობდი, საღამურში წარმომედგინა თმიდან გამოჩრილი პაპილოტებით. იმედი მქონდა, რომ ეს წარმოსახვა ოდნავ მაინც დამაახლოებდა მასთან. საუზმის შემდეგ სახლში სრული სიწყნარე ისადგურებდა. მხოლოდ პარკიდან წამოსული ბალახის სათიბი მანქანის ხმა თუ მოსწვდებოდა ზოგჯერ ჩემს სმენას. შუადღისას ლანჩს, ჩაითა და სუპით სავსე თერმოსებსა და სენდვიჩს, ხელსახოცში გახვეულ დანა-ჩანგალთან ერთად კალათით მიტოვებდნენ კართან. უგულისყუროდ ვჭამდი და თან ვკითხულობდი.

ჩემი ჩამოსვლის პირველივე დღეები უცნაურად დაიწყო. აეროპორტში ბარგი დამიკარგეს და ჩემოდნის გარეშე, მხოლოდ ხელჩანთისა და, საბედნიეროდ, ლეპტოპის, ამარა დავრჩი. მარგარეტმა, მოსამსახურემ თუ... კომუნისტურ ქვეყანაში გაზრდილმა არც კი ვიცი, აქ როგორ ეძახიან, სააბაზანოს ხალათი, კბილის პასტა და ჯაგრისი მომიტანა. ერთიც მას-პინძლის შავი ქიშმირის სვიტერი მერგო და სანვიმარი. საკუთარი ამ დღეებში მხოლოდ კომპიუტერი მქონდა, რომელიც მაგიდაზე იდო და დასაკეცი საკურთხეველივით მონდომებით ციმციმებდა.

ვწერდი. ვწერდი დილიდან, ნაუცბადევი ლანჩისთვის გამოყოფილ დროს, მოკლე შესვენებას თუ არ ჩავთვლით. ვწერდი მაშინაც, როცა ოთახში ბოლთას ვცემდი ან ფანჯრიდან ვიყურებოდი, მოუსვენარ შოტლანდიურ ცას ვათვალიერებდი და ვენეოდი. შინიდან წამოყოლილ ჩანაფიქრს ვავითარებდი. ვცდილობდი, ჩემს საწყის დროს დავბრუნებოდი. მიჭირდა მეხსიერებაში ჩარჩენილი ფრაგმენტების გადმოტანა. მონასტერი-მეთქი, გავიფიქრე. ალბათ, მონასტერშიც ასეა, რეალობა იკუმშება და ხვდები, რომ მისი ერთადერთი წყარო თავად

თვითონ ხარ, რომ შენს იქით სხვა სამყარო არ არსებობს, რომ სამყაროს აღწერა სხვა არაფერია, თუ არა შენივე თავის აღწერა და რომ ბანალური შეიცან თავი შენის მეტი გზა არც არსებობს. აღწერე თავი შენი, აღწერე ის, ვინც გგონია, რომ ხარ.

ნაშუადღევს, ორი-სამი საათისკენ, ქოლგას ხელს წამოვავლებდი და სასეირნოდ მივდიოდი. მალე წვიმასაც შევეჩვიე. დაბურულ პარკში დავბორიალებდი, მის სველსა და სრიალა ბილიკებზე, რომელთა ქვემოთაც, უფსკრულში, მდინარე გაწოლილიყო. ხშირი როდოდენდრონები, მოღუშული ღვიები, ბებერ ხეებზე შემოხვეული სურო. ზოგჯერ გარეული კურდღლები პირდაპირ ფეხებთან გამომიხტებოდნენ ხოლმე, ჩემგან ორიოდე ნაბიჯში შეშდებოდნენ და, დარწმუნებულები იმაში, რომ მე მათ ვერ ვხედავდი, ცალი თვალით მაშტერდებოდნენ. ხანდახან ედინბურგისკენ მიმავალი თვითმფრინავები ისე დაბლა ეშვებოდნენ, მათი ფერადი კუდების გარჩევაც კი შემეძლო.

უკან ჩაის სმის დროს ვბრუნდებოდი, რომელსაც მარგარეტი კართან მდგარ პატარა მაგიდაზე მიტოვებდა ლანგრით და ყოველთვის ნამცხვრის ნაჭერთან ერთად.

სალამობით სადილზე ვხვდებოდით ერთმანეთს სასადილო ოთახში, ორისთვის განწყობილ მაგიდასთან. მე მაგიდის ერთ მხარეს, ის მეორე მხარეს.

– რატომ აკეთებთ ამას? სახლში უცხო ადამიანებს რატომ ეპატიჟებით? – ვკითხე ერთხელ.

მან კი სულ სხვა, არდასმულ კითხვაზე მიპასუხა.

– თავს მარტოსულად სულაც არა ვგრძნობ, – მითხრა. – წყნარ, მშვიდ გარემოში ვცხოვრობ, თქვენ ეს სიმშვიდე გჭირდებათ, მე კი მინდა, რომ ის გაჩუქოთ. სულ ეს არის.

გრძელ-გრძელ საღამოებს ვიღებდი საჩუქრად, რომელ-  
თაც ბოლო არ უჩანდა. იქ, ჩრდილოეთში, იენისში ხომ გა-  
ცილებით გრძელი დღეებია, ვიდრე პოლონეთში. დღის შუქზე  
ვნვებოდი. მერე ვდგებოდი, რომ აფორიაქებულს საათისთვის  
დამეხედა, გამკვირვებოდა და ძილი ისევ შემებრუნებინა.

სააბაზანოს სასონარკვეთამდე მივყავდი. ჩემთვის გაუგე-  
ბარი მიზეზით ცალ-ცალკე დამონტაჟებულმა ცხელი და ცივი  
წყლის ონკანებმა ბოლო მომიღო. თავის ყოველი დაბანა აბა-  
ზანის მიღებას ნიშნავდა. აბაზანაში წოლისას შპალერის ერთ-  
ფეროვან მოტივს ვაკვირდებოდი, რომელსაც მედიტაციურ  
მდგომარეობაში გადავყავდი.

საკუთარ თავთან ჭამიდან ჭამამდე შუალედებში ვრჩე-  
ბოდი, როცა საკეთებელი ბევრი არაფერი იყო, არც მოუ-  
ლოდნელი ხდებოდა რამე, არც ტელეფონები რეკავდნენ და  
არც წერილები მირღვევდნენ ამ უცნაურ კონტემპლაციურ  
წონასწორობას. ყველაფერი თანმიმდევრობით და უმოწყა-  
ლო სიზუსტით ხდებოდა. საშაქრეში შაქარი არ გამოლეულა,  
მარილი არ დაბნეულა და არც ღვინო დაქცეულა. მთელი  
სახლი მუსიკალური ზარდახმასავით მომართულ, ძველე-  
ბურ დახვეწილ მექანიზმად ქცეულიყო. გაბმული სიჯიუტით  
უკრავდა დილიდან საღამომდე და მუდამ ერთსა და იმავე  
ადგილას, ცხელი და ცივი წყლის ონკანებთან იჭედებოდა  
მანამდე, სანამ ეს უმნიშვნელო ნაკლიც ერთიანი წესრიგის  
ნაწილად არ აღვიქვი. საათებს ერთი და იგივე სიგრძე ჰქონ-  
დათ, წუთებს ერთი და იგივე ზომა. განა გასაკვირი იყო, ნე-  
ბისმიერი სიახლე მანძილისგან დაბლაგვებული, გახუნებული  
და იერდაკარგული სახით რომ აღწევდა აქამდე და მხოლოდ  
ექოლა ეთქმოდა იმ შორეული სამყაროსი, რომლის არსებო-  
ბაშიც ეჭვი გეპარებოდა? სახლები აქ ბუნებრივად ძველდე-  
ბოდა, ნივთებიც თითქოს თავისით გროვდებოდა სხვენში და

მტვრის მზარდი ფენის ქვეშ თვლემას ეძლეოდნენ. ვიქტორიანული ავეჯი ღირსეულად უძლებდა დრო-ჟამს, არც შუა საუკუნეებიდან შემორჩენილ სკივრებს უკვირდათ თავიანთი არსებობა. შოტლანდია ღვთის სახელოსნოში შექმნილ უნაკლო ნივთს ჰგავდა.

სადილს უხმაუროდ, დაფიქრებული შევექცეოდით. მარტო ძველებური დანა-ჩანგლის წკრიალი ისმოდა. ფრთხილ კითხვებს მირჩევდა, თითქოს კბილს მისინჯავდა, ფაქიზად ხსნიდა განდობისთვის საჭირო სივრცეს. არასოდეს პირდაპირ. არასოდეს ძალით. მომწონდა მისი ეს თვისება. ალბათ, ასე აღზარდეს ან ყბადაღებული ბრიტანული თავდაჭერილობა სწორედ ამაში გამოიხატებოდა – მეორე ადამიანისთვის საარსებო სივრცის, პიროვნებად შედგომის, საკუთარი თავისა და იმის ნაბიჯ-ნაბიჯ შეცნობის საშუალების მიცემაში, თუ რამდენად მყიფე არსებასთან გაქვს საქმე. ამიტომ, გაკვირვებულმა იმით, რომ ეს თავადაც შევძელი, მეც ფრთხილად ვუვლიდი გარს. როდესაც რაიმე მქონდა შესაკითხი, კითხვას ჯერ ინგლისურად ვთარგმნიდი გონებაში, რის გამოც ის საგრძნობლად შორდებოდა პოლონურ ორიგინალს. კითხვის ინგლისურად თარგმნა ქოგრიტში უკულმა გახედვას ჰგავდა, როდესაც ის, რაც გინდა, რომ ახლოდან დაინახო, უფრო გშორდება. ალბათ, ამიტომ იყო, რომ მსიამოვნებდა ეს საუბარი. წინადადების well-ით დანყება, რომელიც ყველაფერს, რასაც წარმოთქვამ, წარმოსახვითი კითხვის ნიშნის ქვეშ აყენებს და ნებისმიერ ჩანაფიქრს შეფარდებითს ხდის. well-ში ნებისმიერი რევოლუციური წამოწყება ჩანასახშივე ილუპება და ნებისმიერი მანიფესტის მონახაზი ჰაერშივე კარგავს ფორმას.

ხანდახან ვგრძნობდი, რომ სხეულს ველარ ვიმორჩილებდი. ვიმანჭებოდი, ხელებს ვიქნევდი.

– შენს სახეზე ბევრი რამის ამოკითხვა შეიძლება, მითხრა ერთხელ და ფინჯანი დინჯად მიიტანა პირთან.

ნათქვამი კომპლიმენტად არ ჩამითვლია, მაგრამ პირველად ვიგრძენი მისგან ოდნავი სიმპათია. თუმცა ამას რომ მეუბნებოდა, არაფრისმთქმელი გამომეტყველება ჰქონდა.

პოლონეთზე მეკითხებოდა. ერთხელ, სალონში ყავის ცერემონიული სმის დროს, რუკაზე ვაჩვენე სადაც ვცხოვრობდი. რეგიონის ისტორიას რომ ვუყვებოდი, მოჩვენებითი ინტერესით მისმენდა. მაღლა აწეული წარბები. მშვიდად გამეორებული yes, yes. უცბად მიეხვდი, რომ ამას მისთვის არანაირი მნიშვნელობა არ ჰქონდა. იმ საღამოს შედარებით ადრე წავიდა დასაძინებლად. დღეს ძალიან დავიღალეო.

სანამ ჩემი ნაცნობი ნივთებით სავსე ბარგი ჩამომივიდოდა, თავისი ბიბლიოთეკა მაჩვენა. სახლიდან მოშორებით იდგა. 1965 წელს გამოცემული ენციკლოპედია ბრიტანიკა და მსოფლიო პროზის ულამაზესი, მწვანე ტყავისყდიანი კოლექცია, სახელოვნებო ალბომები, აუქციონების კატალოგები, ლექსიკონები, ალაღბებზე შერჩეული რამდენიმე ფილოსოფიური წიგნი, მსოფლიო ისტორია, მითოლოგია. ჩემი წიგნების დაბრუნებამდე აქ ვიჯექი ხოლმე კიბეზე და მარცხნიდან მარჯვნივ ვფურცლავდი, რაც ხელში მომხვდებოდა. ჩემდა გასაკვირად, პოლონურ თემატიკაზე წიგნების მთელ თაროს წავანყდი და საინტერესო რამეებიც აღმოვაჩინე. მაგალითად: „Poland is a country which has popped up on the map of Europe from time to time though never quite in the same place twice“. 1958 წელს გამოცემული სქელტანიანი მითოლოგია გრეივისის შესავლით, ინგლისური თავდაჯერებულობით ამტკიცებდა „Silesia, Germany“. ვერც მაშინ დავუჯერე თვალებს, როცა ერთ-ერთ ამერიკულ ჟურნალში ამოვიკითხე – „Polish concentration camps“. იმ საღამოს დასახლების ტელეფონის ჯიხუ-

რიდან სახლში დავრეკე, რომ გადამემონებინა, კიდეც თუ არსებობდა ასეთი რამ.

ჩამოსვლიდან ერთი კვირის შემდეგ პირველად ნავედი მხარეთმცოდნეობის მუზეუმში ადგილობრივი ღირსშესანიშნაობების დასათვალიერებლად. საქალაქთაშორისო სართულებიან ავტობუსს სულ რაღაც ოციოდე წუთი დასჭირდა როსლინში ჩასასვლელად. ჩემს ტურისტულ გზამკვლევში ეს ქალაქი თავისი მომხიბვლელი სამლოცველოს გამო შეეტანათ. სამლოცველოს კედლებზე კოლუმბამდე დაახლოებით ასი წლით ადრე ის მცენარეებია ამოკვეთილი, რომლებიც ამერიკაში იზრდება, რაც იმის უტყუარი ნიშანია, რომ შოტლანდიელებს ახალი კონტინენტის შესახებ მასზე ადრე სცოდნიათ. ეს ამბავი მე ნაკლებად მალეღებდა. საერთოდაც, ისტორიას დიდ მნიშვნელობას არასოდეს ვანიჭებდი. იქ მხოლოდ იმიტომ ნავედი, რომ ცოტა ხნის წინ სადღაც ამოვიკითხე, ამ სამლოცველოში წმინდა გრაალია დამალულიო. რატომაც არა. შეიძლება ასეც ყოფილიყო, თუკი ის ოდესმე მართლა არსებობდა. ჩემს პატარა ოთახში მარტო რომ დავრჩი, უცნაურმა გრძნობამ შემიპყრო. უეცრად გამახსენდა, წინა საღამოს ჩემმა დიასახლისმა რომ მითხრა, ის კვლევითი ინსტიტუტი, სადაც ცხვარი დოლის კლონირება მოხდა, როსლინშიაო, რაც მოულოდნელ აფეთქებას ჰგავდა, ცხვარი, ვერძი, ქრისტე, ქრისტეს სისხლი, ქრისტეს სხეული, გენები, ქრომოსომები, უკვდავება. წუთუ უნებლიეთ სამყაროს ცენტრში აღმოვჩნდი, საიდუმლოებების ცენტრში? პატარა, წვიმიანი შოტლანდიური იერუსალიმი. სამყაროს პერიფერიული ცენტრი. ყველაზე ნაკლებად მოსალოდნელ ადგილას გადამალული განძი. სამყაროს მაქმანებიანი, ძვირფასი ქვებით მოოჭვილი განაპირი. ავტობუსის ზედა პლატფორმაზე ვიჯექი და გლუვ და სიმე-

ტრიულ, მწვანე და ნოტიო მოსანყენ დაბლობს გავყურებდი. სამლოცველომდე ბილეთი ორ ფუნტ-ნახევარი ღირდა.

მერე რომელიღაცა სასტუმროს პაბში დავეჯექი და მოზრდილი გინესი შევუკვეთე. სამლოცველო მართლაც ულამაზესი აღმოჩნდა. ტურისტების ერთ ჯგუფს შევერიე, რომელიც შოტლანდიურ ქვედაბოლოში გამონყობილ გიდს დაჰყვებოდა და აღფრთოვანებულ მზერას დინჯად დაატარებდა თალებზე. მაგრამ გრაალი იქ არ ყოფილა. ასეც ვიცოდი. იქ რომ ყოფილიყო, აუცილებლად ვიგრძნობდი. ცხვარი დოლიც ერთ-ერთი მორიგი სამეცნიერო ექსპერიმენტი და მეტი არაფერი. არც მისი ზვარაკად შეწირული სხეული ნიშნავს რამეს. უკვდავების ციციქნა, უმნიშვნელო იმედი. ძლიერი და მწარე ლუდი თავში ამივარდა. შინ რომ ვბრუნდებოდი, წვიმდა.

გალიზიანებულმა და გაბოროტებულმა სადილზე ის წიგნი წავიღე, სადაც პოლონეთი იყო ნახსენები.

- „Poland is a country...“ - დავიწყე კითხვა.

ჩემმა დიასახლისმა დანა-ჩანგალი გვერდზე გადადო და მოსასმენად მოემზადა.

- დიახ, ასეა, - ვუთხარი, - ღამის მცენარეებით ვიზრდებით, წელიწადში მხოლოდ ერთი ღამით, იოანე ნათლისმცემლის ღამეს ვყვავილობთ. ჩვენი თესლი მდინარეების დინებას მიჰყვება და ამ გზით ვრცელდება მსოფლიოში. მოკლე ხნით აღმოცენდებით ხოლმე და, ისიც ომების, აჯანყებებისა და სხვა ისტორიული კატაკლიზმების დროს. ყოველ დილით ენას ტანსაცმელივით ვიცვლით. იშვიათი ნაბიჭვრები ვართ, ბორბლებიან სახლებში ვცხოვრობთ, ჩვენს პასპორტებში ვერც გაარჩევ, რა წერია. აჰ, არა, კირილიცას ნაკითხვა არ გვიჭირს. ის კი არა, პაპიც კი მოძრავი გვყავს, აღმა-დაღმა დადის და დამოგზაურობს მოუსვენარი, თეთრად შემოსილი კაცი. ჩვენ არ ვიზრდებით, ჩაროზს სადი-

ლის წინ გეახლებით. ნამდვილად იდუმალი ხალხი ვართ. ხან გამოვჩნდებით, ხან ვქრებით. იქნებ ეს კლიმატის, ან სულაც უკიდევანო ტაფობების ბრალია. ჩვენი პატარა მცენარეული ცივილიზაცია მომავალი არქეოლოგებისდა სავალალოდ, მხოლოდ უმნიშვნელო, ინფანტილურ კვალს ტოვებს: დოლებს, თუთიის დამტვრეულ ჯარისკაცებს, სულ რაღაც ორიოდ სიტყვას და, იმასაც რთულად გამოსათქმელს.

მერე მდუმარედ შევექცეოდით haggi-ს. მარგარეტმა კიდევ ერთი ბოთლი ღვინის გახსნა მოხოვა. ჭიქები მიუჭახუნეთ. ყავის დაღვეის დროს სადღაც გაუჩინარდა. უკან დაბრუნებულს ხელში ჩარჩოში ჩასმული ახალგაზრდა კაცის ფოტო ეჭირა. თითქმის ბიჭი იყო, RAF-ის მუნდირით. პირლიმილიანი, ქერა თმით, ცელქად აპრეხილი უღვაშით. ღია ფერის თვალები პირდაპირ ობიექტივში იყურებოდნენ. ეშმაკურად, ოდნავ დამცინავად. უკან ძნელად გასარჩევი ბრტყელი ლანდშაფტი მოჩანდა.

- ტადეუშ პონიატოვსკი ერქვა.

სახელი ნელა, გამართულად, უშეცდომოდ წარმოთქვა. პოლონეთში ცნობილი გვარია-მეთქი, ვუთხარი. სურათი მაგიდაზე დადო, ჩვენ კი ყავის ფინჯნებით ხელში ელექტროლუმელთან გადავინაცვლეთ (მებაღემ ფეხი მოიტეხა). ვცდილობდი, გონებაში რაიმე დელიკატური კითხვა ჩამომეყალიბებინა, კიდევ ერთი კითხვა, რომელიც სიტუაციას ისე მოერგებოდა, როგორც პაზლს ბოლო დეტალი - რბილად, ბუნებრივად; რომელიც სიცარიელეს შეავსებდა, მაგრამ სინამდვილეში არაფერს შეგეკითხებოდა და არც არაფერს დააჩქარებდა. პირველად მან დაარღვია დუმილი. ომის მიწურულს დაილუპაო, მაგრამ არ იცოდა, სად დაილუპა. მე ჩუმად ვიჯექი.

- მიყვარდა, - თქვა და ყავის ფინჯანი ოდნავ ხმაურთანად, მოხდენილად დადგა ლამბაქზე.

გაოცებულმა შევხედე. ალბათ, ახლაც მრავლისმეტყველი სახე მქონდა. თბილად მიღიმოდა.

ბანალური სასიყვარულო თავგადასავალი იყო, თუ შეიძლება რომ სასიყვარულო თავგადასავალს ბანალური ერქვას. ორივე ხაკისფერ მუნდირში. სურსათი მკაცრად განსაზღვრული იჯრებით. დამლამობით მინის პირიდან გამქრალი, ჩაბნელებული დიდი ქალაქები.

– ასე მეგონა, მის გარეშე ერთ დღესაც ვერ ვიცოცხლებდი, – ისეთივე აქცენტი ჰქონდა, როგორიც შენ გაქვს. – და დაასრულა.

თურმე რატომ ვიყავი აქ. თურმე იმიტომ, რომ ტადეუშ პონიატოვსკისთან, სადღაც ჰამბურგის ზეცაში დაღუპულ მეფრინავთან, რაღაც მქონია საერთო.

დილით ისევ ვწერდი. ამჯერად დუნედ, უხალისოდ. კომპიუტერის ეკრანი დიდხანს და მოთმინებით ელოდა ყოველ მომდევნო წინადადებას. თვალის დახამხამებაში ითვისებდა ყველა შეცდომას და კორექტურას. მოციმციმე კურსორის მეშვეობით თავაზიანად მომიწოდებდა სიჩქარისკენ. შეუმჩნევლად გადავინაცვლე წარსულში. ვწერდი ჩემ შესახებ, ჯერ კიდევ ჩამოუყალიბებელი თვისებებისა და პირადობის მონშობის, პასუხისმგებლობის, გეგმების, ჩვევებისა და დაფიქრებების გარეშე; ვწერდი ჩემს თავზე, რომელიც ბუნდოვან გამოსახულებებში ჩაკარგულიყო. პატარა გოგონას ცნობიერება, რომელსაც ჯერ მხოლოდ გრძნობის ორგანოები აქვს, აბურდულ-დაბურდულია, ის მხოლოდ იმას ხედავს, რისი დანახვაც უნდა. სამყარო წყლის წვეთია, მოვლენებს არც ფაბულა გააჩნია და არც მიზეზი, ისინი ან სულ შემთხვევით ხდება, ან რაღაც იდუმალი კავშირების წყალობით. კომპიუტერი ყველაფერს უსიტყვოდ ითვისებდა. მისი მორჩილება სითამამეს მმატებდა. სამაგიეროდ მე ვორჭოფობდი – ვის ვაინტერესებ,

რატომ გადავწყვიტე ჩემს უღიმღამო, უმნიშვნელო წარსულზე წერა. განა ქვეყანაზე დაილია უფრო მნიშვნელოვანი, აღწერისა და ყურადღების ღირსი მოვლენები? განა სულ ასე არ არის, რომ სხვები ყოველთვის უფრო მნიშვნელოვანნი არიან? განა საუბრებზე წაკითხული გაზეთიც იმავეს არ გვეუბნება დაუფარავად და საყოველთაოდ აღიარებულ ღირებულებათა იერარქიაზე მიგვითითებს? რა ღირებულება აქვს ისტორიისთვის შეუმჩნეველად ჩავლილ ოცდაათიოდე წლის წინანდელ ერთ საღამოს, რომელიც ჩემი მეხსიერების გარდა არსად არ აღწერილა, არ ჩანისმწულა და არ დამახსოვრებულა?

ლანჩის კალათში კრემისფერი კონვერტი დამხვდა, კონვერტში – დიასახლისის ბარათი. ნაშუადღევს ჩემთვის რალაცის ჩვენება უნდოდა. სამ საათზე სასადილო ოთახში მელიოდებოდა. რა ბრიტანულია-მეთქი ეს ყველაფერი, გავიფიქრე.

მეორე სართულზე ერთ დაკეტილ ოთახში შემიძღვა. კუთხის საძინებელი იყო, ბავშვის. სანოლზე მაქმანებიანი გადასაფარებელი ეფარა. ოთახი ბამბუკის მსუბუქი, კოლონიალური სტილის ეგზოტიკური ავეჯით იყო განწყობილი.

ბამბუკის სკამებზე ჩამომსხდარი ფაიფურის თოჯინები გაოცებული სახეებით იცქირებოდნენ. სანოლზე – ორი დათვი. აღერსისგან ბენვგაქუცული მელანქოლიური არსება. მაგრამ მას ჩემთვის სულ სხვა რამის, თოჯინების დიდი სახლის ჩვენება უნდოდა. სახურავიც ჰქონდა და საკვამურებიც, ათზე მეტი ფანჯარა და ორი კარი. ფრონტალური კედელი თეატრის ფარდასავით ფრთხილად გადახსნა და სახლის შიგთავსი გამოაჩინა.

ჩვენ თვალწინ ოთხი სართული გადაიშალა. სულ დაბლა ძველებურ სტილში მოწყობილი სამზარეულო და საკუჭნაო იყო განთავსებული – ხორცისა და ბოსტნეულის გასარეცხი

ორგანოცილებიანი ნიჟარით, ფაიფურის ქურჭლით სავსე კარადით, სადაც ჩაროზის მისართმევი ფრჩხილისოდენა პანია თეფშები ეწყობო. კედლებზე ტარიანი ქვაბები და ტაფები ეკიდა. ხის მაგიდა ხმარებისგან გადაღლილს ჰგავდა. არარსებული ნაგვის ხვეტაში გაქვავებული ცოცხი აქანდაზს დაყრდნობოდა. ცოცხთან ორი მოცუცქნული თავი იჯდა. მღრღნელებს აუმღვრეველი სიმშვიდით მისჩერებოდა შავი კატა.

– ცვილის ფიგურებია, – ჩაილაპარაკა.

საკუჭნაოში კავებზეც ცვილის ხორცი, ლორი და გამოშინებული კურდღლები ეკიდა. თაროებზე ამაყად ჩამწკრივებულიყვნენ თავდაცობილი ღვინის ბოთლები. ოდნავ მოშორებით ფხვიერი ნამცხვრის თუნუქის კოლოფები ეწყობო. თვალს ახარებდა ნივრის გალები, ბოსტნეულით სავსე კალათები, კომბოსტოს თავები, მურაბითა თუ თაფლით სავსე ქილები.

საკუჭნაოს თავზე სასტუმრო ოთახი იყო. კედლებზე ნაზი ორნამენტებით დამშვენებული აბრეშუმის მოვარდისფრო შპალერი გაეკრათ. ოთახში მდგარ კომოდებზე ჩარჩოებში ჩასმული საოჯახო ფოტოები გამოეფინათ. ერთმანეთისგან მოშორებით იდგა ორი მაგიდა. შედარებით დიდი და მოჩუქურთმებული მაგიდის გარშემო უნესრიგოდ შემომეწკრივებინათ სკამები. პიანინოს, ან იქნებ კლავესინის, თავსახური ახდელი დაეტოვებინათ, თითქოს საღამოს კონცერტი ნუთის წინ დასრულებულიყო და იქ მყოფნი ვახშმის წინ ბალში სასეირნოდ გაკრეფილიყვნენ. კედელზე ჩამოკიდებული ნახატები რამდენიმე შტრიხით ვრცელ ლანდშაფტებს ბაძავდნენ. მომცრო მაგიდაზე, რომელიც ბუხართან ახლოს მიედგათ, გაზეთები დაეწყობო. თუ მზერას ოდნავ დაძაბავდით, მათი სახელიც იკითხებოდა – Daily Mail. არც გადაშლილი ფოტოალბომის შემჩნევა იყო ძნელი, რომელიც ნამდვილს ისე ჰგავდა, რომ სურვილი გაგიჩნდებოდათ, ორი თითით აგე-

ლოთ და გამადიდებელი შუშით ფოტოებზე აღბეჭდილ ადამიანთა სახეებისთვის შეგვევლოთ თვალი. ალბომის გვერდით ღია ბარათებსა და მაკრატიელსაც დაინახავდით. სასტუმრო ოთახიდან აღიოდა კიბე, რომელსაც მომდევნო სართულზე განლაგებული ორი საძინებლისკენ მიჰყავდით. პირველში, პატარა და ბნელი რომელიც იყო, ვინრო სანოლი, ტანსაცმლის კარადა და სატუალეტო მაგიდა დაედგათ. მეორე ოთახში, მდიდრულ, ბალდახინიან სანოლთან ამ მუყაოს სამფლობელოს დიასახლისი იდგა – გახუნებულ მაქმანებიან კაბაში გამოწყობილი ცვილის თოჯინა, რომელსაც ღია ფერის გაშლილ თმაში ვარდისფერი ბაფთა ჰქონდა ჩაბნეული. მის მრგვალ, ხშირი ნარბებით გამოკვეთილ მიტკლისფერ სახეს თითქოს ფიქრი შეყინვოდა. შევეცადე ჩავნვდომოდი, რა შეიძლება ყოფილიყო ამ ჩემთვის კარგად ნაცნობი სახის მქონე თოჯინის ფიქრის საგანი, მაგრამ გამიჭირდა გამოცნობა. თოჯინის ფეხებთან ცისფერი ქოლგა ეგდო, პლუმის დივანზე უნესრიგოდ ეყარა რამდენიმე შლაპა. ვერცხლის ქალაღდის სარკის წინ, სატუალეტო მაგიდაზე, პანანინა ბოთლები და ქილები ენყო.

საძინებლების ზევით, მუყაოს სახლის დამრეცი სახურავის ქვეშ, ბავშვის ოთახი და შლაპების ყუთებით, დაზიანებული ავეჯითა და სკივრებით გამოტენილი სხვენი იყო. ბავშვის ოთახში სარწვევლა ცხენის გვერდით მინიატურული თოჯინების სახლი იდგა – იმიტაციის იმიტაცია ნამცეცა შიგთავსით, რომლის აღქმა თითქმის შეუძლებელი იყო. ჩემმა დიასახლისმა თოჯინა ფრთხილად დასვა სანოლზე. ჩვენი აქ ყოფნის განმავლობაში ეს მისი ერთადერთი მოძრაობა იყო.

– სამი ქმარი ჰყავდა, – თქვა თოჯინაზე. – პირველის გაუჩინარების შემდეგ მეორედ გათხოვდა. ამ მეორემ ფეხი დაკარგა და მებალედ აიყვანა. მესამე ქმარმა ცუდი გზა აირჩია – გალოთდა და სასმელს გადაჰყვა.

ეს ამბავი დამაჯერებლად მხოლოდ იმიტომ მეჩვენა, რომ თავად სჯეროდა ამისი.

– როცა გინდა, მოდი ხოლმე აქ, – მითხრა ბოლოს.

ვერ გაგებდე. საწოლზე ვინეჩი და მეხსიერებაში სამყაროს მუყაოს იმიტაციის თითოეული დეტალის აღდგენას ვცდილობდი. ჩემს წარმოსახვაში ვთამაშობდი. ის ორი თავი კატას გაექცა და სამზარეულოს კარადის ქვეშ შექვრა.

სალამოს სააბაზანოში ტანზე რომ ვიხდიდი, სარკეში საკუთარ შიშველ სხეულს შევაველე თვალი. მკერდის დანახვაზე წამით შევცბი. არც ისე დიდი ხნის წინ მე იქ პატარა, გამხდარი გოგონას ბრტყელ ტანს ვხედავდი. მერე კი, კომპიუტერის ეკრანის მკრთალ შუქზე დიდხანს ვითვალიერებდი ხელის მტევნებს.

ივნისის ბოლოს, რამდენიმე დღეს, მზემ გამოანათა, თუმცა ქარიც ქროდა. წერა აღარ მინდოდა. ტერასაზე ვიჯექი, მზეს ვეფიცებოდი და ჭოგრიტით ფრინველებსა და მშიშარა გარეულ კურდღლებს ვაკვირდებოდი. რამდენჯერმე მასაც მოვკარი თვალი. პარკის ბილიკებზე რკინის ჯოხით მოზრდილ ლითონის რგოლს მიაგორებდა. თავზე ნიკაპქვეშ რბილი ბაფთებით შეკრული ცისფერი შლაპა ეხურა.

ღამეები პირობითი, არამდგრადი და აქროლადი გახდა. დაისს მაშინვე აისი ენაცვლებოდა. დასავლეთით გაჩენილი მოვარდისფრო ციალი აღარ ქრებოდა. ორიენტაცია დაგვაზრგე. ველარ გამეგო, ცის რომელ მხარეს იყო აღმოსავლეთი და რომელ მხარეს დასავლეთი.

ყველაზე მასინჯი ქალი

მან მსოფლიოში ყველაზე მახინჯი ქალი შეირთო ცოლად, რომლის სანახავადაც საგანგებოდ ჩავიდა ვენაში. არანაირი წინასწარი განზრახვა არ ჰქონია. მანამდე აზრადაც არ მოსვლია, რომ ცოლად მოიყვანდა, მაგრამ როგორც კი პირველად დაინახა და მისი დანახვით გამოწვეულმა პირველმა ელდამ გაუარა, მას შემდეგ თვალი აღარ მოუშორებია. ქალს უზარმაზარ თავზე კოპები ასხდა. ვინრო, დაღარულ შუბლს ქვემოთ პატარა ნახვრეტებივით აჩნდა წვრილი, ყოველთვის სველი და დაწირპლიანებული თვალეები. მიჭყლეტილი ცხვირის წვერზე უხეში ბენეები ამოსვლოდა. ჩამოვარდნილი დიდი ლაშიდან მუდმივად დორბლი გადმოსდიოდა, პირიდან წვეტიანი კბილები მოუჩანდა და თითქოს ეს ყველაფერი საკმარისი არ იყო, მთელ სახეზე გრძელი, აბრეშუმით რბილი და მეჩხერი ბალანი მოსდებოდა.

პირველად ქალი მოხეტიალე ცირკის არენაზე დაინახა, როდესაც ის ფირფიცრის დეკორაციის უკნიდან გამოვიდა და მაყურებლის წინაშე წარდგა. გაოცებისა და ზიზღის შეძახილებმა ექოდ გადაირბინა მაყურებლების თავზე და მახინჯი ქალის ფეხებთან დაეცა. ქალმა, ალბათ, გაღიმება სცადა ამ დროს, სინამდვილეში კი საცოდავად დაეღმიჭა სახე. გაქვავებულივით იდგა და სახლების სახურავებისთვის გაემ-

ტერებინა მზერა. იცოდა, რომ ათეულობით ადამიანის თვალი ხარბად აკვირდებოდა და მისი გარეგნობის უმნიშვნელო დეტალებსაც იმახსოვრებდა, რათა მერე ნაცნობებისთვის, მეზობლებისთვის ან შვილებისთვის მოეყოლათ, მათ კი სარკეში ჩახედვისას საკუთარი სახისთვის შეედარებინათ მისი სახე.

მაყურებელი რამდენიმე წუთით გაირინდა და გაოგნებული სახით შეჰყურებდა ქალს. მერე ვილაცამ დაიძახა:

– რაღას უდგახარ, მიდი, გვითხარი რამე!

ქალმა იქით გაიხედა, საიდანაც ხმა მოისმა. ამ სიტყვების მთქმელს ეძებდა. მაგრამ უცებ ფირფიცრის უკან მდებარე კულისებიდან ჩაკურატებული კონფერანსიე გამოვარდა და მსოფლიოში ყველაზე მახინჯი ქალის მაგივრად თქვა:

– მას ლაპარაკი არ შეუძლია!

– მაშინ შენ გვითხარი მისი ამბავი, – თქვა ისევ იმავე ხმამ. კონფერანსიემ ჩაახველა და მოყოლა დაიწყო.

გარკვეული დროის გასვლის შემდეგ კაცმა, უკვე ცირკის ცნობილმა იმპრესარიომ, რომელიც ცირკის ფურგონში თუნუქის ღუმელს მიფიცხებული მახინჯ ქალთან ერთად ჩაის სვამდა, გაიფიქრა, რომ ეს ქალი სულაც არ იყო ბრიყვი. მთელი საღამო დაჟინებით მისჩერებოდა და თან თავს ებრძოდა, რომ ბუნების ამ შეცდომას მეტისმეტად არ მიეზიდა. ქალი მიუხვდა ფიქრს და უთხრა:

– თქვენ, ალბათ, მოელოდით, რომ ჩემი სიტყვებიც ისეთივე უცნაური და ამაზრზენი იქნებოდა, როგორიც ჩემი სახე, არა?

კაცი გაჩუმდა.

ქალი რუსული წესით სვამდა ჩაის, სამოვრიდან უყურო ფიალებში ასხამდა და ყოველი ყლუპის წინ შაქარყინულს კვნიტდა.

კაცმა მალე ისიც აღმოაჩინა, რომ ქალი რამდენიმე ენაზე ლაპარაკობდა, თუმცა სრულყოფილად არცერთს არ ფლობდა. ხშირად გადადიოდა ერთი ენიდან მეორეზე, რაც გასაკვირი არ უნდა ყოფილიყო, რადგან ბავშვობიდან მოხეტიალე ცირკში იზრდებოდა, სხვადასხვა ეროვნების ყოველად უცნაურ არსებათა წრეში. ერთ ადგილას ზედიზედ ორჯერაც კი არ ყოფილა.

– ვიცი, რაზეც ფიქრობთ, – კიდევ ერთხელ თქვა ქალმა და კაცს თავისი ცხოველური, წვრილი და შემუშვებული თვალები მიაპყრო.

მერე გაჩუმდა და ცოტა ხანში დასძინა:

– მას, ვისაც მშობლები არ ჰყოლია, მშობლიური ენაც ვერ ექნება. მე ბევრ ენაზე შემიძლია ლაპარაკი, მაგრამ მათგან მშობლიური არცერთი არ არის.

ქალი გამართულად, ლოგიკურად ლაპარაკობდა, რაც სრულიად მოულოდნელი იყო. კაცი უეცრად გაღიზიანდა, ხმის ამოღება გაუჭირდა და წასვლა გადაწყვიტა.

დამშვიდობების წინ ქალმა, მისდა გასაკვირად, საოცრად გრაციოზულად, ნამდვილი ქალბატონივით გაუნოდა ხელი. საკმაოდ ლამაზი ხელის მტევანი ჰქონდა. კაცი ხელზე საკოცნელად კი დაიხარა, მაგრამ ტუჩები არ შეუხია.

სასტუმროს ნესტიან, ჩახუთულ ოთახში წამოწოლილი, სიბნელეს მიშტერებოდა და მახინჯ ქალზე ფიქრობდა. სიბნელე წარმოსახვის უნარს უძლიერებდა. იწვა და ფიქრობდა, როგორი განცდები შეიძლებოდა ჰქონოდა ასეთ ქალს, როგორი შეიძლებოდა ყოფილიყო მისი ლორივით წვრილი თვალებიდან დანახული სამყარო, როგორ სუნთქავდა ის თავისი ფორმადაკარგული ცხვირით, ჰქონდა თუ არა საერთოდ ყნოსვის უნარი, ან რას გრძნობდა ყოველდღე საკუთარ სხეულთან

შეხებისას, დაბანისას, ფხანისას და სხვა ჩვეულებრივი, ყოველდღიური ქცევების დროს.

სიბრალულით არცერთხელ არ შებრალებია. რომ შეპბრალებოდა, მის ცოლად მოყვანასაც არ გადანყვეტდა.

მოგვიანებით ზოგიერთები ამის შესახებ ისე ჰყვებოდნენ, როგორც უიღბლო სიყვარულის ამბავს ჰყვებიან ხოლმე: რომ კაცი გულით იხედებოდა და მას ქალის მახინჯ სხეულში გამომწყვდეული კეთილი ანგელოზი შეუყვარდა. არადა, არაფერი მსგავსი არ მომხდარა. პირველი შეხვედრის შემდეგ ქალისგან წამოსულმა, იმ ღამით უბრალოდ წარმოიდგინა, როგორი უნდა ყოფილიყო ასეთ არსებასთან დანოლა, მისი კოცნა, მისთვის ტანსაცმლის გახდა.

კაცი კიდევ რამდენიმე კვირის განმავლობაში უტრიალებდა მოხეტიალე ცირკს. ამასობაში დირექტორის ნდობაც მოიპოვა – ბრნოში კონტრაქტი გააფორმებინა და შეხვედრაზეც მივიდა. ამის შემდეგ დასში უკვე შინაურად თვლიდნენ. ჯერ ბილეთების გაყიდვა გადაიბარა, მერე ჩაკურატებული კონფერანსიე შეცვალა და, სიმართლე ითქვას, მასზე უკეთესადაც უძღვებოდა ამ საქმეს. უნიჭოდ მოხატული ფარდის გახსნამდე მაყურებელს პირდაპირ მოლოდინის ცეცხლს უკიდებდა.

– თვალები დახუჭეთ! – გაჰყვიროდა. – ყველამ თვალები დახუჭეთ, განსაკუთრებით ქალებმა და ბავშვებმა, რადგან ადამიანის თვალს უჭირს ამ არსების სიმახინჯის გაძღება. ყველა, ვინც ახლა ბუნების ამ ჭირვეულობას იხილავს, მშვიდად ველარასდროს დაიძინებს. მისი ნახვის შემდეგ ვინმემ შეიძლება უფლის ნდობაც კი დაკარგოს სამუდამოდ...

მერე მოულოდნელად ხმას დაუნევედა, რომ მსმენელს ჰგონებოდა, წინადადება არ დაუსრულებიაო. ამ დროს კი, საქმე ის იყო, რომ უბრალოდ, აღარ იცოდა ნათქვამისთვის

კიდევ რა დაემატებინა. სამაგიეროდ კარგად იცოდა, რომ „უფლის“ ხსენება ყველაფერს ნათელს მოჰფენდა. თუმცა სინამდვილეში ფიქრობდა, რომ იმავე უფალმა, რომლის მიმართაც დანარჩენებს ნდობა უნდა დაეკარგათ, ის სხვებისგან გამოარჩია და ასეთი იშვიათი შესაძლებლობა უბოძა. მსოფლიოში ყველაზე მახინჯი ქალი. სანამ ბრიყვები ყველაზე ლამაზი ქალებისთვის ერთმანეთს დუელში ხოცავდნენ, სანამ იდიოტები ქალების ჭირვეულობის გამო ქონებას ფლანგავდნენ, ყველაზე მახინჯი ქალი, სევდიანი, მოთვინიერებული ცხოველივით იქით ცდილობდა მასთან დაახლოებას და ყველაფერთან ერთად ფულის შოვნის საშუალებასაც აძლევდა. მას თუ ცოლად შეირთავდა, თვითონაც გამორჩეულ, განსხვავებულ ადამიანად წარმოჩნდებოდა. ექნებოდა ის, რაც სხვებს არა აქვთ.

ქალისთვის დროდადრო ყვავილებსაც ყიდულობდა, მაგრამ რამე განსაკუთრებულს კი არა, უბრალო, ვერცხლისფერ ცვილოფანში გახვეულ და მდარე ქალაღდის ბაფთებით შეკრულ იაფფასიან თაიგულებს. კრეტონის ყელსახვევიც უჩუქებია, პრიალა ლენტის და შოკოლადის კანფეტებიც. მერე კი იდგა და შიპსოზში მყოფივით უყურებდა, როგორ იკრავდა შუბლს იმ ლენტით, რაც მაყურებელს აღფრთოვანების ნაცვლად შოკში აგდებდა. უყურებდა, როგორ ჭყლეტდა შოკოლადს თავისი დიდრონი, გაჯირჯვებული ენით და მეჩხერი კბილებიდან გაჯაგრულ ნიკაპზე როგორ გადმოსდიოდა ყავისფერი ნერწყვი.

ქალის ყურება ყველაზე უფრო მაშინ მოსწონდა, როცა მანაც იცოდა, რომ უყურებდნენ. კაცი დილიდან სადღაც გაქრებოდა ხოლმე და ცირკის კარავს ან ფურგონს ამოეფარებოდა. მიდიოდა, რომ სადმე დამალულიყო და მერე ამ სამალავიდან, თუნდაც ეს ღობის ფიცრებს შორის დარჩენილი ჭუჭრუტანა

ყოფილიყო, საათობით ეცქირა მისთვის. ქალი მზეს ეფიცებოდა და თან დიდხანს და ნელა, თითქოს ტრანსშიაო, თავის თხელ თმას ივარცხნიდა, ნერილ ნაწნავებად იწნავდა, მერე კი ისევ იშლიდა. ზოგჯერ ქსოვდა. მზეზე აელვარებული საქსოვი ჩხირები ხმაურითა და ჟრიამულით სავსე ცირკის ჰაერს ჩხვლავდა. ზოგჯერ კი ხალვათი პერანგის ამარა, მხრებშიშეშვლებული, ვარცლში ტანსაცმელს ირეცხავდა. მხრები და დეკოლტე ღია ფერის ნაზ ბალანს დაეფარა და ცხოველივით რბილი და ფუმფულა ჩანდა.

კაცს სჭირდებოდა ეს თვალთვალი, რადგან ამ გზით ქალის მიმართ ზიზღი დღითი დღე უქრებოდა, თითქოს მზეზე ლღვებოდა, ზაფხულის ცხელ დღეს პატარა გუბესავით თვალსა და ხელს შუა ქრებოდა. მისი მზერა თანდათან ეჩვეოდა ქალის სახის აუტანელ ასიმეტრიას და დარღვეულ პროპორციებს და ზოგჯერ ის სრულიად ჩვეულებრივიც კი ეჩვენებოდა.

როცა ჩვეული ფორიაქი შეიპყრობდა, დასში იტყოდა, უნდა გავემგზავრო, გადაუდებელი საქმე გამომიჩნდა, მავანს და მავანს უნდა შევხვდე და ამ დროს რომელიმე სრულიად უცნობ, ან პირიქით, ძალიან ცნობილ გვარს დაასახელებდა, ხელშეკრულებებს ხელი უნდა მოვანერო და მოლაპარაკებები გავმართოო. მერე დიდხანს აპრიალებდა თავის მაღალყელიან ფეხსაცმელს, საუკეთესო პერანგს ირეცხავდა და მიდიოდა. შორს არასოდეს წასულა. იქვე, მეზობელ დაბაში ჩერდებოდა, ვინმეს საფულეს ანაპნიდა და სვამდა. მაგრამ ქალს ვერც ასე ეხსენებოდა. გამუდმებით მასზე ლაპარაკობდა, თითქოს ამ პატარა გაქცევების დროსაც კი არ შეეძლო მის გარეშე ცხოვრება.

სწორედაც რომ გასაკვირი იყო ეს ყველაფერი, რადგან მახინჯი ქალი ნამდვილ განძად ექცა. მისი სიმახინჯის საფა-

სურად ღვინის ყიდვა შეეძლო და უფრო მეტიც, ახალგაზრდა, ლამაზ ქალებს მისი სიმახინჯის აღწერით თავბრუს ახვევდა, ხოლო ისინი მაშინაც კი სთხოვდნენ მასზე მოეყოლა, როდესაც უკვე შიშვლები იწვნენ მის ქვეშ.

უკან დაბრუნებულს კიდევ ერთი ახალი ამბავი ჰქონდა შეთხზული იმაზე, თუ საიდან მოდიოდა ქალის განსაკუთრებული სიმახინჯე, თუმცა ისიც კარგად იცოდა, რომ ამქვეყნად აბსოლუტური სიმართლე არ არსებობს. თავიდან მახინჯ ქალს აიძულებდა ამ ამბის ზეპირად სწავლას და მაყურებლისთვის მოყოლას, მაგრამ მალე მიხვდა, რომ ქალს თხრობის ნიჭი არ ჰქონდა. უსიცოცხლოდ, მონოტონურად იწყებდა მოყოლას, მერე კი უცბად ქვითინი წასკდებოდა ხოლმე. ამიტომ გადაწყვიტა, ესეც თვითონ გაეკეთებინა: მოშორებით დადგებოდა, ხელს მისკენ გაიშვერდა და თხრობას იწყებდა:

- აი, ამ უბედური არსების დედა, რომელიც ახლა თქვენ წინ დგას და რომლის სიმახინჯეც თქვენი უცოდველი თვალებისთვის ძნელი შესახედაია, შვარცვალდის განაპირას, რომელიღაც სოფელში ცხოვრობდა. ზაფხულის ერთ დღეს ტყეში კენკრის საკრეფად წასულ ქალს ცხოველურად შეუცნობელი და დაუოკებელი ჟინით შეპყრობილი ველური ტახი აედევნა, რომელმაც საბრალო ქალი მოიხელთა და დაეუფლა კიდევ.

ამ დროს შეძრწუნებულ მაყურებელს ყვირილი აღმოხდებოდა ხოლმე. ზოგიერთი ქალი კი ფეხზე წამოიჭრებოდა და თანმხლებ მამაკაცს, რომელსაც დარჩენა უნდოდა, სახელოზე ექაჩებოდა წასასვლელად.

კაცს მახინჯი ქალის თავგადასავლის რამდენიმე ვერსია ჰქონდა:

- ეს ქალი ერთ ღვთისგან დაწყევლილ ადგილას გაჩნდა. ის ბოროტი, სულმდაბალი ადამიანების შთამომავალია, რომელთაც ერთი სწეული მათხოვარი არ გაიკითხეს და ამის

გამო უფალმა მთელი სოფელი ამ საშინელი მემკვიდრეობითი სიმახინჯით დასაჯა.

ან ეს:

- აი, ეს გახლავთ ხვედრი მსუბუქი ყოფაქცევის ქალე-  
ბისა. იხილეთ ნაყოფი ათაშანგისა, საშინელი დაავადებისა,  
რომელსაც გარყვნილებისთვის ხუთი თაობის განმავლობაში  
ასეთი განაჩენი გამოაქვს.

კაცი თავს სულაც არ გრძნობდა დამნაშავედ. ხომ შე-  
საძლებელი იყო, რომ ყველა ვერსია მართალი ყოფილიყო?

- არ ვიცი, ვინ არიან ჩემი მშობლები, - დაუინებით  
იმეორებდა მახინჯი ქალი. - რაც თავი მახსოვს, ასეთი ვარ.  
ჩვილობის ასაკიდან აღმოვჩნდი ცირკში. ოღონდ არავინ იცის,  
როგორ.

მათი თანამშრომლობის პირველი სეზონი რომ მიიწურა  
და მოხეტიალე ცირკი გამოსაზამთრებლად ვენაში დაბრუნდა,  
კაცმა მახინჯე ქალს ცოლობა სთხოვა. მახინჯს სახეზე აღმუ-  
რი მოედო, კანკალმა აიტანა და ჩაიჩურულა: „კარგი“. მერე  
კი კაცს ნაზად მიაყრდნო თავი მხარზე. კაცმა საპნის ნაზი  
სურნელი იგრძნო. ცოტა ხნით გაუძლო ქალთან სიახლოვეს,  
მერე კი განზე გაიწია და აღგზნებულმა ქალს მათი მომავალი  
ცხოვრების გეგმა გაანდო - თუ როგორ იმოგზაურებდნენ,  
როგორ ივლიდნენ ქვეყნიდან ქვეყანაში და ქალაქიდან ქალაქ-  
ში. დანაღვლიანებული ქალი მდუმარედ ადევნებდა თვალს  
მოსიარულე, აღმოდებულ, გატაცებით მოლაპარაკე კაცს,  
რომელიც ოთახში ბოლთას სცემდა. ლაპარაკი რომ დაასრუ-  
ლა, ქალმა კაცს ხელი ჩასჭიდა და უთხრა, რომ მას სრულიად  
საპირისპირო რამ უნდოდა: ერჩივნა, სადღაც უკაცრიელ ად-  
გილას დასახლებულიყვნენ, საიდანაც არსად აღარ წავიდო-  
დნენ და არც არავინ მივიდოდა მათ სანახავად. ის გემრიელ

სადილებს მოუმზადებდა, შვილები ეყოლებოდათ, პატარა ბალი და ბოსტანიც ექნებოდათ...

- მასე შენ დიდხანს ვერ გაძლებ, - აღშფოთდა მოულოდნელად კაცი. - ცირკში ხარ გაზრდილი. შენ გჭირდება, რომ ხალხმა გიყუროს. ადამიანთა მზერის გარეშე შენ მოკვდები.

ქალმა არაფერი უპასუხა.

შობისთვის იქორწინეს. პატარა ეკლესიაში დაინერეს ჯვარი. რიტუალის შესრულების დროს ღვთისმსახურს ხმა აუთრთოლდა, ხელები აუკანკალდა და კინალამ გული წაუვიდა. სტუმრად მხოლოდ ცირკის დასი ჰყავდათ მიწვეული, რადგან კაცმა ქალს უთხრა, რომ ისიც მასავით მარტო იყო და ოჯახი და ნათესავეები არ ჰყავდა.

როდესაც ყველა ბოთლი დაიცალა და დაშლის დრო დადგა, შეზარხოშებული ქალი კაცს სახელოზე ექაჩებოდა და დასანოლად წაყოლას სთხოვდა, მაგრამ კაცმა კიდევე შეუკვეთა ღვინო და სტუმრებს დარჩენა სთხოვა. თვითონაც მონდომებით სვამდა, თუმცა სასმელი არ ეკიდებოდა. მთელი ცხოვრება სულ რაღაცის მოლოდინში მყოფი, მუდამ ლარივით იყო მოჭიმული. არც ბეჭებში მოხრა შეეძლო, არც ფეხის ფეხზე გადადებდა. ახლაც პირსახეზე ალაჟღაყებული, ისარივით გაჭიმული იჯდა და თვალებს ალაპლაპებდა.

- წამოდი, გთხოვ, წავიდეთ რა, ძვირფასო, - ეჩურჩულებოდა ქალი.

ის კი მაგიდას თითქოს უხილავი ლურსმნებით მისჭედებოდა. ვინმე ფხიზელს რომ დაენახა, ალბათ, იფიქრებდა, ქალთან ინტიმური მომენტის დადგომას, გარდაუვალი და იძულებითი ქორწინების ღამეს გაურბისო. იქნებ მართლაც ასე იყო?

- სახეზე მომეფერე, - სთხოვა ქალმა, როდესაც მარტოები დარჩნენ, მაგრამ კაცმა ეს არ გააკეთა. იდაყვებზე დაყრდ-

ნობილი ქალის სილუეტს მრუმე ლაქასავით ხედავდა, რომელიც ოთახში ჩამონოლილ უკუნზე ოდნავ ღია ფერისა იყო. მერე კაცმა თვალები დახუჭა, რაც ქალს არ დაუნახავს და როგორც ყველა სხვა ქალს, ისე დაეუფლა, სწრაფად, ფიქრის გარეშე.

მომდევნო სეზონი უკვე მარტოებმა დასისგან დამოუკიდებლად დაიწყეს. ქალს ახალი ფოტოები გადაუღო და მთელ მსოფლიოში დაგზავნა. პასუხები ტელეგრაფით მოსდიოდა. უამრავი წარმოდგენა ჰქონდათ. პირველი კლასით მგზავრობდნენ. ქალი არასოდეს იხდიდა რუხ პირბადიან სქელ შლაპას. ამ პირბადიდან ნახა რომი, ვენეცია, ელისეს მინდვრები. კაცმა რამდენიმე კაბა უყიდა. კორსეტის შეკვრაშიც თვითონ ეხმარებოდა. ევროპის ქვეყნებში, ხალხმრავალ ქუჩებში რომ დააბიჯებდნენ, ჩვეულებრივი წყვილისგან ვერ განასხვავებდი, მაგრამ მაშინაც, როცა ბედნიერები იყვნენ, კაცს გაქცევის სურვილი ეძალებოდა. ასეთი იყო. მარადიული ლტოლვილი. უეცრად რაღაც პანიკის მაგვარი შემოუტევდა, აუტანელი შინაგანი ფორიაქი ეწყებოდა, ოფლი ასხამდა, სული ეხუთებოდა. სასწრაფოდ ჩაიბლუჯავდა ბანკნოტებს და შლაპას, სულმოუთქმელად ჩაირბენდა კიბეს და პორტის ლუდხანებისკენ მიუყვებოდა გზას. იქ მოდუნდებოდა, სახის ნაკვთები მოეშვებოდა, ხმა ურბილდებოდა და ბრილიანტინით გაზეპილი თმის ქვეშ საგულდაგულოდ დამალულ სიმელოტესაც თამამად აჩენდა დღის სინათლეზე. კმაყოფილი სახით სასმისს სასმისზე ცლიდა, მთვრალების ბლუკუნს უსმენდა და უეცრად გაგულისებულ მეძავეებს ხელის დარტყმის უფლებას აძლევდა.

მახინჯმა პირველად რომ უსაყვედურა, მუცელში დაარტყა. სახეზე გასარტყმელადაც კი ვერ მიაკარა ხელი.

ათაშანგსა და გავეშებულ ტახზე უკვე აღარ ჰყვებოდა. ვენიდან მედიცინის დარგში მოღვაწე პროფესორისგან წერილი მიიღო და ცოლს ახლა სამეცნიერო ენაზე წარადგენდა:

– ბატონებო და ქალბატონებო, აი, ბუნების ჭირვეულობა, აი, მუტანტი, გნებავთ, ევოლუციის ჩიხი. ასეთები იშვიათად იბადებიან. მათი გაჩენის ალბათობა ისეთივე მცირეა, როგორც აქ ამნამს მეტეორის ჩამოვარდნისა. თქვენ გეძლევათ ცოცხალი მუტანტის ნახვის განუმეორებელი შესაძლებლობა.

უნივერსიტეტშიც დადიოდნენ, პროფესორებთან. მათ გადაღებულ ფოტოებშიც ერთად პოზირებდნენ: ქალი იჯდა, კაცი გვერდით ედგა და ხელი მის მხარზე ჰქონდა ჩამოდებული.

ერთხელ, სანამ ქალს სიმალლეში ზომავდნენ, კაცს პროფესორი გამოელაპარაკა:

– საინტერესოა, მემკვიდრეობითია თუ არა ეს მუტაცია. ბავშვის ყოლაზე არ დაფიქრებულხართ? არ გიცდიათ? თქვენი მეუღლე თუ...? თქვენ საერთოდ... გაქვთ თუ არა...?

პროფესორთან დისკრეტული საუბრიდან არც ისე დიდი ხანი იყო გასული, რომ ქალმა კაცს ფეხმძიმობის ამბავი ამცნო. ამის შემდეგ საერთოდ გაორდა. ერთი მხრივ, უნდოდა, ბავშვი ქალს მგვანებოდა, რადგან ასე გაცილებით ბევრი წარმოდგენა ექნებოდათ. თანაც, ქალს რომ რამე დამართნოდა, მის მატერიალურ კეთილდღეობას არაფერი დაემუქრებოდა. იქნებ უფრო მეტადაც გაეთქვა სახელი? მაგრამ, მეორე მხრივ, უეცრად შიში აიტანდა ხოლმე, ენანებოდა ბავშვი ურჩხულის ხვედრისთვის. რომ შესძლებოდა, სიამოვნებით გამოგლეჯდა მას ქალის მუცლიდან და მისი შხამიანი სისხლისგან გაათავისუფლებდა. ზოგჯერ ესიზმრებოდა, რომ თვითონ იყო ქალის მუცელში გამომწყვდეული და მასზე დამოკიდებუ-

ლი მათი ვაჟი/შვილი და ქალი, რომელმაც თავის მუცელში გამოამწყვდია, ნელ-ნელა უმახინჯებდა და უცვლიდა სახეს. ზოგ სიზმარში კი თვითონ იყო ის ველური ტახი, რომელიც ტყეში უმანკო ქალწულს აუპატიურებდა. ოფლში განწუნულს ეღვიძებოდა და ლოცულობდა, ქალს მუცელი მოშლოდა.

მაყურებელს ქალის წამოზრდილი მუცლის დანახვა ახლა უფრო მეტად ათამამებდა. ადამიანები გაცილებით იოლად ეგუებოდნენ მის სიმახინჯეს და მეტ კითხვასაც უსვამდნენ, რომლებზეც ქალი დარცხვენილი, ჩუმი ხმით პასუხობდა. ნაცნობებმა სანაძლეოების დადება დაიწყეს, როგორი ბავშვი დაიბადებოდა ან რა სქესის იქნებოდა. ქალი მოთმინებით იტანდა ამ ყველაფერს.

სალამობით კი იჯდა და ბავშვის პერანგებს კერავდა.

- იცი, - უთხრა ერთხელ, თან სადღაც იყურებოდა უაზროდ, - ადამიანები ისეთი უსუსურები, ისეთი მარტოსულები არიან, რომ მებრალებიან. მებრალებიან, როცა სხედან და მიყურებენ. ასე მგონია, ისეთი ცარიელნი არიან, რომ რაღაცას ეძებენ ამ სიცარიელის ამოსავსებად. ხანდახან ისიც კი მგონია, რომ შურთ ჩემი. მე რაღაცნაირი მაინც ვარ, ისინი კი - უთვისებონი არიან, არაფერი განსაკუთრებული მათში არ არის.

კაცს არაფერი უთქვამს, მხოლოდ სახე დაეღმიჭა.

მახინჯმა ღამით მოილოგინა, უპრობლემოდ, ცხოველვით ჩუმად. ბებიაქალი მხოლოდ ჭიპლარის გადასაჭრელად დასჭირდა. კაცმა მას ბანკნოტების დასტა მისცა, რომ ენისთვის კბილი დაეჭირა და ჭორები ნაადრევად არ გაეფრცველებინა. მერე ოთახი გაანათა, ახალშობილი კარგად რომ დაეთვალიერებინა. გული ძალუმად უცემდა. ბავშვი საშინელი დასანახი იყო, დედაზე უფრო საშინელი დასანახი. კაცს

ნამოაზიდა და იძულებული გახდა, თვალეზი დაეხუჭა. ცოტა ხანში როგორღაც ისევ შეძლო, ჩვილისთვის დაეხედა და ქალის ნათქვამში დარწმუნებულიყო. გოგო შესძენოდათ.

ასე იყო ეს ამბავი. ამის შემდეგ კაცი ჩაბნეულ ქალაქში გავიდა. ალბათ, ვენა იქნებოდა ეს ქალაქი ან ბერლინი. სველი თოვლი წვრილად ცრიდა. ქვაფენილზე ნამდაუნუმ ფეხი უცურავდა. ისევ გაორებული იყო – თან უხაროდა, თან სასწონარკვეთილება უღებდა ბოლოს.

სვამდა და არ თვრებოდა. ოცნებობდა და ეშინოდა. რამდენიმე დღის შემდეგ უკან რომ დაბრუნდა, მორიგი საგასტროლო ტრასა და მისი რეკლამა დაწვრილებით ჰქონდა მოფიქრებული. პროფესორს წერილი მისწერა. ფოტოგრაფსაც მოელაპარაკა, რომელიც კაშკაშა შუქში, მაგნიუმის აფეთქების შედეგად რომ გაიღვებდა, ხელის კანკალით ორივე არსების ერთ აუნერელ სიმახინჯეს ფირზე აღბეჭდავდა.

ოღონდაც მალე გავიდეს ზამთარი, აყვავდეს ფორსიციები, აშრეს დიდი ქალაქების ქვაფენილები. პეტერბურგი, ბუქარესტი, პრალა, ვარშავა და კიდევ უფრო შორს, გაცილებით შორს... ბოლოს კი ნიუ-იორკი და ბუენოს-აირესი... ოღონდ კი ზეცა რაც შეიძლება მალე აფრიალდეს დედამიწის თავზე ცისფერი იალქანივით. მთელი მსოფლიო მისი ცოლისა და ქალიშვილის უსახურობით აღფრთოვანდება და მათ ფეხთით გაეგება.

იმავე ხანებში პირველად აკოცა ქალს სახეზე. ოღონდ ტუჩებში კი არა, მარტო შუბლზე. ქალმა გაცისკროვებული, თითქმის ადამიანური სახით შეხედა. ის კითხვაც, რომელსაც მას ვერ დაუსვამდა, სწორედ მაშინ დაებადა: „ვინ ხარ?“, „ვინ ხარ?“, „ვინ ხარ?“, განუწყვეტლივ იმეორებდა გულში და ვერც კი შენიშნა, როგორ დაიწყო ამ კითხვის სხვებისთვის

დასმა. საკუთარ თავსაც უსვამდა ხოლმე, როდესაც პირის პარსვის დროს სარკეში იყურებოდა, ისეთი შეგრძნება ჰქონდა, თითქოს რაღაც დიდ საიდუმლოს ახადა ფარდა და აღმოაჩინა, რომ ყველა ნიღაბს ატარებს, რომ ადამიანთა სახეები სინამდვილეში ნიღბებია, თითქოს ისინი მთელ ცხოვრებას დიდ ვენეციურ მეჯლისზე ატარებდნენ. როცა ნასვამი იყო, ხანდახან თავის ფანტაზიებში ადამიანებს ამ ნიღბებს ხსნიდა, რის უფლებასაც ფხიზელი არასოდეს აძლევდა თავს, ისინი კი დანებებული ქალაქის ტკაცანით აშიშვლებდნენ. ოღონდ რას, ეს უკვე ველარ გაეგო და ამის გამო ისე იტანჯებოდა, რომ ცოლისა და ბავშვის გვერდით დიდ ხანს ვერ ჩერდებოდა. ეშინოდა, რომ ერთ მშვენიერ დღეს ცდუნებას ველარ გაუძლებდა და მათი სახეებიდან სიმახინჯის ჩამოფხეკას შეეცდებოდა. დაფარულ ნანიბურებს, გადაწებებულ ადგილებს, ძაფებს თითებით დაუნწყებდა ძებნას. თმებში ხელების ფათურს მოჰყვებოდა. ამ დროს ჩუმად ტოვებდა ბინას და დასალევად მიდიოდა. თან გონებაში მომდევნო საგასტროლო ტრასას ადგენდა, პლაკატებს აპროექტებდა, დეპეშების წარმოსახვით ტექსტებს წერდა.

ნაადრევ გაზაფხულს თან ესპანური გრიპის ეპიდემია მოჰყვა და ორივეს, ცოლსაც და შვილსაც, ერთდროულად შეეყარა სნეულება. სიცხიანები გვერდიგვერდ იწვნენ, სახეზე ალმური ასდიოდათ, მძიმედ სუნთქავდნენ. ქალი დროგამოშვებით, ალბათ, პანიკის შემოტევისას, ან ცხელების დროს ბავშვს გულზე მიიკრავდა და ცდილობდა, მისთვის ძუძუ ეჭმია. იმას კი ვერ ხვდებოდა, რომ ჩვილს წოვის თავი აღარ ჰქონდა და კვდებოდა. როდესაც ბავშვმა სული დალია, კაცმა ფრთხილად აიყვანა ხელში, სანოლზე დააწვინა და სიგარას მოუკიდა.

იმ ლამით მახინჯი ქალი წამით გონს მოეგო მხოლოდ იმიტომ, რომ სასონარკვეთილს შესაბრალისი ტირილი ამოეშვა. ამის ატანა კაცის ძალ-ღონეს აღემატებოდა. ეს იყო უკუნი ლამის, სიბნელის, წყვდიადის ხმა. კაცმა ჯერ ყურების თითებით დაცობა სცადა, ბოლოს კი შლაპას ხელი დაავლო და ბინიდან გარეთ გავარდა. მაგრამ ამჯერად შორს არ წასულა. გათენებამდე საკუთარი ბინის ფანჯრებქვეშ სცემდა ბოლთას, თითქოს ამით ქალს სიკვდილში ეხმარებო. ეს ბევრად უფრო მალე მოხდა, ვიდრე კაცი ელოდა.

კაცმა საძინებლის კარი შეიკეტა და მიცვალებულთა უცნაურად დამძიმებულ, ტლანქ, მატერიალურ სხეულებს დააკვირდა. გაოცდა, როცა შენიშნა, როგორ ჩაეზნოქა მათ სიმძიმეს ლეიბი. წარმოდგენა არ ჰქონდა, როგორ უნდა მოქცეულიყო, ამიტომ ეს ამბავი მხოლოდ პროფესორს აცნობა. მერე კი, როცა ოთახში მჯდარი პირდაპირ ბოთლიდან სვამდა ღვინოს, იმის მოწმეც გახდა, თუ როგორ წაშალა ჩამონოლილმა სიბნელემ ლოგინზე მწოლიარე ცხედრების კონტურები.

- გემუდარებით, გადამირჩინეთ, - ევედრებოდა სასმელისგან გაბუჟებული ენის ბორძიკით პროფესორს, რომელიც ამასობაში მოსულიყო და გვამებს ათვალიერებდა.

- თქვენ რა, გაგიჟდით? ისინი უკვე კარგა ხნის მკვდრები არიან, - გაღიზიანებული ტონით გასცა პასუხი პროფესორმა.

მერე კაცს რალაც ქალადი გაუნოდა, რომელზედაც მან მარჯვენათი ხელი მოაწერა, მარცხენათი კი თანხა გამოართვა.

იმავე საღამოს, სანამ კაცი პორტში გაუჩინარდებოდა, პროფესორს ცხედრები დროშკით გადაატანინა უნივერსიტეტის კლინიკაში, სადაც რალაც დროის შემდეგ მათგან საიდუმლოდ დაამზადეს ფიტულები.

ეს ფიტულები დიდხანს (თითქმის ოცი წლის განმავლობაში), იდგა კლინიკის ცივ სარდაფში, მანამდე, სანამ არ დადგა იმის დრო, რომ უფრო დიდ კოლექციაში დაედოთ ბინა, გადაენაცვლებინათ ებრაული და სლავური თავის ქალების, ორთავიანი ბავშვების, ერთმანეთზე უცნაურად შეზრდილი ტყუპების მეზობლად. მათი ნახვა დღესაც შეიძლება პათოლოგიური მუზეუმის საცავში, სადაც შუშისთვალებიანი დედა და ქალიშვილი ამაყად დგანან გაყინულ პოზაში, როგორც ნიმუში ცოცხალ ორგანიზმთა ახალი სახეობის წარუმატებელი დასაწყისისა.

მღვათჳპარაჳი მუზეუმი



ჩაიძინებდნენ თუ არა ტყუპები, მაშინვე აკეცავდა ხალიჩას და იატაკს დააყურადებდა. ხმა, მართალია, ოდნავ მოგუდულად, მაგრამ მაინც ატანდა საცხოვრებელი კორპუსის სართულებს შორის დატანებულ თბოსაიზოლაციო შრეებში. მაღალი ბგერები ბოლომდე სწვდებოდა სმენას, აი, დაბლები კი, სასიამოვნო ყრუანტელს რომ ჰგვრიდა, ზოგჯერ საერთოდ იკარგებოდა. თვალებს მილულავდა და გაირინდებოდა ხოლმე, სანამ ტყუპების პატარა, შიშველი ტერფების ტყაპატყუპი არ გამოარკვევდა ამ ბურანიდან. ზღურბლზე იდგნენ ახალგაზრდა მოღვიძებულები, შეშუპებული თვალებით, პირიდან გადმოსული ნერწყვის ძაფებითა და დაბრანული ლოყებით. ბავშვების გამჭოლი, ცინცხალი მზერა. დედის დარაჯები! მაშინვე დგებოდა მუდამ ოდნავ დარცხვენილი, ცხვირებს მოხოცავდა, შარვლებს გაუსწორებდა ან ლამის ქოთნებზე დასვამდა. ამასობაში ქურაზე ბოსტნეულის სუპი თუხთუხებდა. იოგურტი დედებოდა. წყვილი ნამცეცა პირი მონდომებით უსინჯავდა გემოს გარემომცველ სამყაროს.

დღემდე ვერაფრით გადაეწყვიტა, სასეირნოდ წასვლის წინ ჯერ ბავშვებისთვის ჩაეცმია და მერე თვითონ ჩაეცვა, თუ პირიქით. ბავშვებისთვის რომ ჩაეცმია, იცოდა, მის მოლოდინში ქულებს მოიძრობდნენ და ფეხსაცმელების ზონრებიც უმაღვე გაეხსნებოდათ. თვითონ ჩაეცვა და, სანამ პა-

ტარებს ქურთუკებს შეუკრავდა, ოფლში გაღვითქულს, ის მსუბუქი მაკიაჟიც უმოწყალოდ ჩამოადნებოდა სახეზე. როგორც ჩანს, ამ საქმიდან გამოსავალი ჯერ ვერავის მოეძებნა. ამიტომ იქცეოდა ხოლმე სასაქონლოდ წასვლა დღის ყველაზე სტრატეგიულ მომენტად – გამოცდად სისწრაფესა და გონებადამახვილობაში, მსოფლიოს ტაქტიკურად დაპყრობის მცდელობად, მისი მართვის მანიფესტად.

ცხადია, ერჩივნა, ლიფტით ესარგებლა, მაგრამ მაშინ იმ კართან გავლაზე უნდა ეთქვა უარი. თუმცა იქ სასაქონლო არაფერი ხდებოდა. ერთი ჩვეულებრივი რუხი ფერის კარი იყო სადარბაზოსკენ მომართული სათვალთვალო ხვრელით. იმ შუშის თვალის წინ საგანგებოდ შეანელებდა ხოლმე ნაბიჯს, სმენას დაძაბავდა, ელოდა, შემოესმებოდა თუ არა აღმასივით გამჭვირვალე, კრიალა მელოდის ჰაეროვანი ძაფად გაბმული ნაცნობი ბგერები. არა, სეირნობის დრო არ ემთხვეოდა სიმღერისას. შესაძლოა, სწორედ მაშინ იღებდა ქალი შხაპს ან მეგობრებთან საუბარში გართული ტელეფონზე ეკიდა, ან სულაც ჭურჭელს რეცხავდა.

თავის სართულზე იძახებდა ლიფტს. დაბლა ჩასული, ბიჭუნებს საბავშვო ეტლში ტენიდა და გზას აგრძელებდა. ჯერ ქუჩას გაუყვებოდა ნაპირ-ნაპირ, სკვერამდე, იქ შადრევანს ორ წრეს დაარტყამდა და მერე პარკისკენ გასწევდა ქვიშაში სათამაშოდ, ან, უბრალოდ, სასაქონლოდ. ყვავილნარების ირგვლივ ბაჯბაჯი, ნაბლის შეგროვება, ჩამოცვენილი ფოთლების აკრეფა და დიდ თაიგულად შეკვრა, ბავშვებთან საუბარი – წყვეტილი, დუნე, ყოველგვარ ლოგიკას მოკლებული. მერე კი, პატარები კალთიდან რომ ჩამოაფორთხებოდნენ და ცოტა ხნით თავისით ერთობოდნენ – სასიამოვნო დუმილი. შინ დასაბრუნებელი გზა მალაზიების გასწვრივ გადის. მათი თანმიმდევრობა უკვე ზეპირად იცის: ჯერ ფეხსაცმლის, მერე

საყოფაცხოვრებო ნივთებისა, მერე ბარი „კოლორი“, დელიკატესები. თვითონ ისეთ მაღაზიაში დადის, რომელშიც ყველანაირი საქონელი იყიდება, დელიკატესებმა რომ არ აცდუნოს და მხოლოდ აუცილებელი შეიძინოს, თანაც სულ ერთსა და იმავეში. საბავშვო ეტლის სახელურებზე ჩამოკონწიალებული სავესე ცელოფნის პარკები ეტლის წონასწორობას არღვევს. ასეთ დროს ბორდიურებზე უნდა იფრთხილოს ხოლმე. მერე ტყუპების საბავშვო ეტლი და სანოვაგით სავესე პარკები როგორმე ლიფტში უნდა შეატეოს და მეცხრე სართულზე ავიდეს. კარში გასაღებს გადაატრიალებს თუ არა, ბავშვების, სარეცხი ფხვნილის, მოხარშული ბოსტნეულის მიძინებულ ნაცნობი სუნი ისევ იღვიძებს.

ერთი სართულით ქვემოთ ამ დროსაც სინყნარე სუფევდა. მთელი კორპუსი ისეთ სიჩუმეს მოეცვა, თითქოს, მათ, ვინც დილით ბინიდან არ გამოდიოდა, ნაშუადღევს ჯერ კიდევ ეძინათ. ცდილობდა, ეს ადამიანები წარმოედგინა. ერთიმეორის ზემოთ და გასწვრივ, გიგანტურ რუბიკის კუბიკში გამომწყვდეულები, პანანინა სამზარეულოებში შეკეტილები, გასაშლელ მაგიდებზე იდაყვებით დაყრდნობილები, ცხელი სუპის ღრმა თეფშებს ჩაშტერებულები, სადილის შემდეგ მისი მონელებით დაკავებულები, ან მინებებულები შუადღის ძილს, რომელიც მათ ფიქრებს ერთმანეთთან შეუთავსებელ, ტლანქ ფრაგმენტებად ანანევრებდა. რა თქმა უნდა, კორპუსში ცარიელი ბინაც ბევრი იყო – მათი წარმოდგენა უფრო უჭირდა – დილაადრიაანად ნაჩქარევად მიტოვებული, მოუნესრიგებელი, ჩართული რადიატორებით გადახურებული ბინები, სადაც მხოლოდ მტვრის ნაწილაკებილა დაფარფატებდნენ.

ჯერ ქამდნენ ტყუპები. მერე ლამის ქოთნებზე ისხდნენ. ცოტა ხნის შემდეგ თვითონაც მათთან ერთად იჯდა დივანზე და უძალო, დაღლილი ხმით უკითხავდა უკვე კარგად ნაცნობ

ზღაპარს. ზღაპარში ჩაფლული პატარები უსმენდნენ და ჭერში იყურებოდნენ. თავიდან ფხიზლად ათვალიერებდნენ აქაიქ დაბზარულ, დაშრევებულ საღებავს, თანდათან თვალები ეხუჭებოდათ, თუმცა ბოლომდე არა. ნახევრად მილულული ქუთუთოებიდან შიგადაშიგ მოუსვენრად კრთებოდა გუგები.

მეზობელი სნორედ ამ დროს იწყებდა სიმღერას.

ასე სინქრონულად თანაარსებობდნენ. მათი ცხოვრების რიტმი იდუმალი ძალით ემთხვეოდა ერთმანეთს, ემორჩილებოდა დროის უხილავ ქარგას. ქალი ფრთხილად ჩამოდგამდა ფეხებს დივანიდან, თითის წვერებით გაირბენდა მეორე ოთახამდე, ხალიჩას გადასწევდა და იატაკზე განვებოდა სიმღერის მოსასმენად.

მეზობელი გამებით იწყებდა. ზოგჯერ ხანგრძლივად ვარჯიშობდა ასე, ზოგჯერ მცირე ხნით, სანამ ყელს გაითბობდა. მისი ხმა თითქოს უხილავი კიბის საფეხურებზე ადი-ჩადიოდა მსუბუქად, მრგვალად გადადიოდა ბგერიდან ბგერაზე, თითქოს მეტალის ჯაჭვის რგოლებს მარცვლავდა. ქალს ეჩვენებოდა, რომ იქ, იატაკის ქვეშ, ჟელატინის რბილი, ფერადი ბურთები ჩნდებოდნენ, მერე კი მერე ისე ნარნარად იწყებდა ახალ მელოდიას, თითქოს აბრეშუმის, ხავერდის, ნაზი, გამჭვირვალე შიფონისა და მოელვარე ფარჩის ქსოვილების ფერად გრაგნილებს შლიდა. მელოდია ძალდაუტანებლად მოიწევდა ზემოთ, უხილავი აჩრდილივით დალივლივებდა რამდენიმე ბინაში. იატაკზე მიყურადებული ამას უფრო გრძნობით აღიქვამდა, ვიდრე სმენით. ყური მისი სხეულის მხოლოდ ერთი მცირე ნაწილი იყო. მკერდი, მუცელი და კიდურები სულაც არ იყვნენ უფრო ცუდი მსმენელები. კანქვეშ მძიმედ თრთოდნენ ნერვები. სხეული სულ უფრო და უფრო რბილი და დამყოლი ხდებოდა.

ყველა ნანარმოების ამოცნობა შეეძლო უკვე. პირველივე ნოტიებიდან ხვდებოდა, რას მოისმენდა, თორემ არიების ნამდვილი სახელწოდებებისა არაფერი გაეგებოდა. „ეს ძალიან ლამაზია“, „ეს ის არის, ძალიან სევდიანი“, „ეს... ეს რაღაც უცნაურია“, – ახსენებდა საკუთარ თავს. მეზობელი ხანდახან მოულოდნელად ჩერდებოდა და ერთსა და იმავე ფრაზას მომაბეზრებელი სიბეჯითითა და სიჯიუტით მრავალჯერ იმეორებდა. ზედა სართულის იატაკზე განოლილი ამ განმეორებებს შორის განსხვავებას ვერ ამჩნევდა და ისეთი შეგრძნება ჰქონდა, თითქოს მომღერალი ფირფიტასავით ერთ ადგილზე გაიჭედა, თითქოს ისიც მექანიკური მოწყობილობა იყო. იქნებ არც ცდებოდა, იქნებ ეს ანგელოზებრივი ხმა მართლაც თოჯინას ამოსდიოდა, რომელსაც კაბის ქვეშ მოსამართი მექანიზმი ჰქონდა ჩადგმული?

თანდათან გახშირდა ლიფტების ზევით-ქვევით მოძრაობის ხმები. კორპუსი ნელ-ნელა იღვიძებდა შუადღის ძილიდან. ისმოდა კარების ჯახხუნი და ნაგავსაყრელი მიწებიდან გამოსული ხრიალის ხმები. კიბეებზე ყრიაშულობდნენ სკოლიდან დაბრუნებული მეზობლის ბავშვები. კორპუსის წინ მდგარ მანქანაში თავისით ირთვებოდა სიგნალიზაცია. ვილაცასთან განუწყვეტილვ რეკავდა ტელეფონი. ჩხაკუნებდნენ გასაღებები. ტყუპები ისევ იღვიძებდნენ. ამჯერად გახეხილი ვაშლისა და ორცხობილას დრო იყო, ან სტაფილოსი, ან ატმის მუსის, ან ომლეტისა. საჭირო იყო სინათლის ანთებაც. ჯერ სამზარეულოში, მერე ოთახებში. სარეცხი მანქანა ბავშვის საფენების დღიურ ულუფას ითხოვდა. მხოლოდ მეზობელს აჩუმებდა გამოცოცხლებული სალამო. დღე თავის ლიანდაგზე იდგა. ახლა სალამოს უნდა ერბინა დიდი მეტრონომის თანხლებით – თანაბრად, რიტმულად, ნუთიდან ნუთში, საათიდან საათში.

ამასობაში ქმარიც ბრუნდებოდა სახლში – გრძელ, მუქ ლურჯ ლაბადას შემოსასვლელში ჰკიდებდა, ხელებს იბანდა, ბიჭებს კალთაში ისვამდა, ქალს კი ტურჩებში კოცნიდა. შეუმჩნევლად ირთვებოდა ტელევიზორიც. სამზარეულოს პატარა მაგიდასთან სადილობდნენ. თუ ყველაფერი კარგად წავიდა, ახალ ბინაში ლამაზი სასადილო ოთახი გვექნებაო, ჰპირდებოდა კაცი.

კვირაში ერთხელ კინოში დადიოდნენ. ამასაც მეტრონომი კარნახობდათ. ტყუპებისთვის მომვლელ გოგონას იძახებდნენ. ბავშვები არ ჭირვეულობდნენ. არც სახლიდან გასულ მშობლებს ეტირებოდნენ, მათი დაბრუნებისას კი უკვე ღრმად ეძინათ. კინოს შემდეგ სადმე სავახშმოდაც სხდებოდნენ. ამ დროს, როგორც წესი, თითქმის ყველაფერი დაკეტილი იყო, ამიტომ ხშირ შემთხვევაში რომელიმე თურქულ ბარში შედიოდნენ და პლასტმასის თევზებიდან შაურმას ჭამდნენ.

არა, ამას თვალთვალი არ ერქვა. თვალთვალი მეტისმეტად გაზვიადებული სიტყვაა. უბრალოდ, ასე მოხდა, რომ კარგად შეისწავლა მომღერლის დღის განრიგი. იცოდა, რომ დილაობით სახლში იყო, მაგრამ მისი ბინიდან ჩამიჩუმე არ ისმოდა. შუადღისკენ სიმღერას იწყებდა, მერე ისევ სიჩუმე ისადგურებდა. მოგვიანებით, დაახლოებით სამისთვის, კიდევ ერთხელ იმღერებდა, ხანდახან ერთი, ხანაც ორი საათი და მერეღა გადიოდა სახლიდან. მანამდე იატაკზე განოლილი მსმენელი ახლა მეცხრე სართულის ფანჯარასთან იდგა და მის გამოჩენას ელოდა. მეზობელი ენერგიულად მიაბიჯებდა და მოცეკვავესავით ოდნავ განგან ადგამდა ფეხებს. სქელი, ხვეული შავი თმის ნაწილი ნაჩქარევად აეკრიფა კეფაზე, ნაწილი მხრებზე ეყარა. გრძელ, ფართო ლაბადებს იცვამდა, ქვეშ კი რაიმე მოკლეს და ვინროს, ყოველთვის ცივ ფერს ირჩევდა – ჟოლოსფერს, ინდიგოს, იისფერს. ეზოში ჩასული,

პატარა შავ მანაქანაში ჯდებოდა და კორპუსებს შორის უჩინარდებოდა. შინ დაბრუნებული არასოდეს დაუნახავს ტყუპების დედას. ალბათ, გვიან ბრუნდებოდა და იმიტომ.

როგორღაც მოახერხა და ისე შეცვალა დღის განრიგი, რომ თვითონაც მეზობლის სახლიდან გასვლის დროს გაესეირნებინა ბავშვები კორპუსის წინ გაშენებულ სკვერში. ბიჭები ქვიშაში თამაშობდნენ, მას კი მზერა ბავშვების თავებიდან ხან სადარბაზოს კარზე გადაჰქონდა, ხან – პირიქით. ხედავდა, როგორ იღებდა ხოლმე ღიღინით ჩანთიდან მანქანის გასაღებს, ერთხანს ხელში ათამაშებდა, მერე საჭირო ღილაკს თითს დააჭერდა და მანქანაც მყისვე გაეპასუხებოდა ჩუმი წრიპინით და ანთებული ფარებით. ჩანთას უკანა სავარძელზე დაუდევრად მიაგდებდა და მიდიოდა. ქრებოდა.

ეზოში დარჩენილი ქალი ბავშვებს ხელს დაავლებდა და შინ ბრუნდებოდა.

მალე მეზობლის სახლიდან გასვლის დროც დაადგინა. თუმცა ზოგჯერ მაინც ასცდებოდა ხოლმე. როგორც ჩანს, ქალი განსაკუთრებული პუნქტუალობით არ გამოირჩეოდა. როდესაც ყველაფერი გეგმის მიხედვით მიმდინარეობდა, ტროტუარზე ხვდებოდნენ ერთმანეთს. ჯერ სრულიად გულგრილად – დღის განმავლობაში ხომ უამრავ უცხო ადამიანს ვუქცევთ გვერდს, უამრავ სახეს, ლაბადას, ფეხსაცმელს, პორტფელს და ხელჩანთას. რაღაც დროის შემდეგ ერთმანეთის შეთვლიერებაც დაიწყეს. ნელ-ნელა გაჩნდა ერთმანეთისთვის გამეტებული ღიმილის ჩანასახიც. ბოლოს, მეზობელმა, გამარჯობაო, უთხრა. განითლდა, პასუხი მორცხვად დაუბრუნა. ქალმა ენერგიულად ჩაუარა გვერდით და ყვავილის ნაზი სურნელი დატოვა.

ასე განვლო წელიწადის კიდევ ორმა დრომ ოდესღაც თეთრი საღებავით შეფეთქილ, ახლა კი ჭუჭყისფერ კორპუ-

სებს შორის, რომლებიც ერთმანეთისგან თითქმის არაფრით განსხვავდებოდა.

ზაფხულში ქალი შიშმა მოიცვა, რომ მეზობელი სადმე გაემგზავრებოდა და იატაკზე განოლილი მის სიმღერას ვეღარ მოისმენდა. თუმცა, ადრე თუ გვიან ეს მაინც მოხდებოდა. ხომ არ შეიძლება მთელი ცხოვრება ერთ ადგილას გაატარო, მით უმეტეს, როდესაც მომღერალი ხარ. ერთხელ მთელი თვით გაუჩინარდა და, მიუხედავად ლიფტების გაუთავებელი ხრიგინისა, ნაგავსაყრელების ხმამალალი გმინვისა, კიბეზე ასწრებაში ერთმანეთს დაჯიბრებული ბავშვების ნაბიჯების არპეჯიოებისა, მათი კორპუსი საშინლად დაცარიელდა, გამოყრუვდა და მასში ცხოვრება გაუსაძლისი გახდა. აი, მაშინ კი თვითონ ითხოვდა ქმრისგან დაპირებული ულუფის გაორმაგებას – სიმწვანეში ჩადგმული სახლი უნდოდა დიდი სასადილო ოთახით და ბაღში გამავალი ტერასით. ქმარიც ისევე ჰპირდებოდა, მაგრამ ქალმა რაღაც გაუცნობიერებელი კანონზომიერებით იცოდა, რომ ის ვერასოდეს აუსრულებდა ამ გულისნადილს. მხოლოდ მაშინ, როდესაც კაცი (და ეს არც ისე დიდი ხნის წინ იყო) რძით სავსე მის ძუძუებში ჩარგავდა სახეს, ქალი უეცარი ძალების მოზღვავენას გრძნობდა; ამ დროს ხვდებოდა, რომ თვითონ იყო სხვისი თავშესაფარი, ადიდებულ წყალზე გადებული ხიდი, სულაც „ტრანსატლანტიკი“, რაც მართლაც არ იყო ურიგო შეგრძნება, მაგრამ დაძინებით მაინც იმედგაცრუებული იძინებდა. იმედგაცრუებული იმით, რომ არ შეეძლო თავის თავს თვითონ ჩახუტებოდა, თავისსავსე მკლავზე გადაერწია ის და ამის გამო ისეთი შეგრძნება ეუფლებოდა, რომ საკუთარი თავისთვის მხოლოდ ტვირთი იყო, ერთგვარი საპყრობილე, თავისივე ნეკნებისგან აგებული გალია.

შაბათობით, როდესაც ქმარს ბავშვებთან დარჩენა შეეძლო, მარტო მიდიოდა საყიდლებზე. გორგოლაჭებიან დიდ ჩანთას აიღებდა და ტროტუარის ოღროწოლო ფილებზე მიაგორებდა. მიდიოდა და გორგოლაჭების ხმაურს ლილინს აყოლებდა, მეორე ხმას უძებნიდა მათ მიერ გამოცემულ რიტმულ „მელოდიას“. მოასფალტებული ქუჩის გადაკვეთისას ეს რიტმი იკარგებოდა, მაგრამ მალაზიების წინ დაგებულ ქვაფენილზე ისევ გაისმოდა. „ეს გორგოლაჭებიანი ჩანთა გრამოფონის ნემსია, რომელიც მდუმარე ზედაპირებში ჩამალულ მუსიკას წარმოაჩენს“, – ფიქრობდა თავისთვის. გზად ბეტონის ბორდიურებიც ხვდებოდა და მათზე ჩანთის აგორება ვილინოზე ხემის ჩამოსმას ჰგავდა. იყო ქვაფენილის ნერვიული დაფდაფებიც ძველ ქუჩაზე, ბოსტნეულის მალაზიის წინ, საყვირების რბილი დუდუნი მალაზიების გასასვლელებში, ფაგოტების რბილი ხავერდი ასეულობით ფეხის მიერ გატკეპნილ ბილიკებზე, დიდი ჩანთის ქვეშ სხვადასხვა ხმით მღეროდა ქვიშა, ხრეში, ქვა, ასფალტი და ბეტონი და მისგან ხმის აყოლებას ითხოვდა, მაგრამ მას მხოლოდ საწყალი კნავილი ან უხეში ხრიალი ამოსდიოდა პირიდან. „ეჰ, განა ასე არ არის, – ჩაეკითხებოდა ხოლმე თავს – ადამიანი როგორც შენს მკერდს ვერ მიეყრდნობი, ისე შენს შინაგან ხმას გარედან ვერ მოუსმენ. არა, არავისაც არა აქვს ნიჭი საკუთარი თავის სამყაროს თვალთ დანახვისა, საკუთარი ხმის სამყაროს ყურით მოსმენისა და საკუთარი სხეულის თავისი ხელებით შეხებისა“.

– შეხედე, – უთხრა ქმარს, – ბადრიჯანიც ვიყიდე, კომბოსტოც, და ვაშლი და ქლიავიც მოვიტანე.

და ეს მუსიკალური ფრაზასავით, მისამღერივით რამდენჯერმე გაიმეორა. ტყუპები ამასობაში მონუსხულებივით ათ-

ვალეერებდნენ სიმინდის ტაროს დაკრეჭილ, ყვითელ კბი-  
ლებს.

ერთ დღესაც, ნაშუადღევს, დიდი ყოყმანის შემდეგ გაბე-  
და და ერთი სართულით ქვემოთ მდებარე ბინის კარზე დაა-  
კაკუნა. კარი გაიღო. მეზობელს არც გაკვირვება დასტყობია  
სახეზე, არც რამე უთქვამს. ქალმა აუჩქარებლად, მკვეთრად  
წარმოთქვა წინასწარ დაზეპირებული წინადადების თითოეუ-  
ლი სიტყვა:

– ბ. მქვია და მესმის ხოლმე როგორ მღერით. თქვენს ზე-  
მით ვცხოვრობ და...

შინ შეიპატიუა.

ერთნაირი ფორმისა და ზომის მიუხედავად, მათი ბინები  
მაინც საკმაოდ განსხვავდებოდა ერთიმეორისგან. ოთახისა  
და სამზარეულოს გამყოფი კედელი საერთოდ აეღოთ და  
ალბათ ამიტომ, სულ სხვა აკუსტიკა ჰქონდა აქაურობას. ნა-  
თურების ქალაღდის აბაჟურები ოთახებს მკრთალ, რძისფერ  
სინათლეს ჰფენდა. კედელზე ნახატივით ეკიდა უზარმაზარი  
თეთრი ტილო. ქალს თვალში მოხვდა ხის უზომოდ პრიალა  
იატაკი, ოთახის ყვავილების ვერცხლისფერი ბუსუსებით და-  
ფარული ფოთლები. მეზობელმა შავი, სქელი, ხვეული და  
კეფაზე დაუდევრად აკრეფილი თმა შეისწორა. ბ-ს შეხედა,  
დააკვირდა. ალბათ, ასაკის გამოცნობა უნდოდა. ბოლოს შე-  
ნობით მიმართა:

– ანუ, ჩემს ზემოთ ცხოვრობ. ტყუპები გყავს, ხომ? იდენ-  
ტურები.

– არ არიან იდენტურები, – შეუსწორა.

– ეს მარტო დედებმა იციან ხოლმე.

უხერხულად დუმდნენ. ბ. მსუბუქ, სადა ავეჯს ათვალიე-  
რებდა. არადა, ხავერდის ფარდებს მოელოდა, მძიმე დივანს,

სქელ ხალიჩას და კედელზე გაკრულ რომელიმე ცხოველის ტყავს.

- აბა, რით შემოძლია დაგეხმარო? ერთი ჭიქა მარილი გჭირდება? შაქარი? იქნებ ორი კვერცხი? - თითქოს სხეულის სიღრმიდან ამოხეთქა მეზობლის სიცილნარევმა ხმამ. შეუძლებელი იყო, ეს სიცილი არ გადაგდებოდა.

ბ.-ც აპყვა.

- არა, არაფრის სასესხებლად არ მოვსულვარ. უბრალოდ, მინდოდა მეთქვა, რომ გისმენ ხოლმე.

- ასე ამოდის ხმა? - გულწრფელად შეწუხდა მეზობელი.

- არა, რას ამბობ! ულამაზესია. შენი ხმაც და ისიც, რასაც მღერი.

მადლობა გადაუხადა უფასო კონცერტებისთვის. მეზობელმა მოიბოდიშა, ალბათ, ბავშვებს ვალვიძებო. ბ-მ უარის ნიშნად თავი გააქნია.

- არა. რას ამბობ? ისეთი სასიამოვნოა, - თქვა და გასასვლელი კარისკენ წავიდა.

მეზობელმა ჩაი შესთავაზა. ბ-მ გაიფიქრა, რომ ბავშვებს კიდევ ნახევარი საათი მაინც ეძინებოდათ და დათანხმდა. ბართან ჩამოჯდა მალაღფეხიან სკამზე. მასპინძელმა ფაიფურის ჩაიდანა შემოდგა. შავი, პრიალა პარკიდან გრძელ, დახვეულ ფოთლებს ყრიდა შიგ, თან კითხვებს უსვამდა ბავშვებზე, მათ სახელებზე, მოსწონდა თუ არა ამ დასახლებაში ცხოვრება. ბ. მის ყოველ მოძრაობას დაკვირვებით ადევნებდა თვალს. ფინჯნების ხმაური. ცელოფნის შრაშუნი. თეფშზე გადმოყრილი მშრალი ნამცხვრის მადისალმძვრელი ხმა. მეზობლის დიდი და ძლიერი ხელები, გლუვი ვარდისფერი ფრჩხილები რძისფერი დაბოლოებებით. ფრანგული მანიკური. ფაიფურზე მოხვედრილი ფრჩხილის წკაპუნი. ადულებული წყლის შიშინი.

იმაზე გაცილებით მაღალი და მოხდენილი ტანისა იყო, ვიდრე ბ-ს ეგონა. ლამაზი დეკოლტე. რუხი, რბილი ქსოვილის ზედატანი სავსე და ოდნავ ჭორფლიან მკერდს უფარავდა. ფეხზე თეთრი შალის წინდები ამოეცვა. ტანსაცმლის ზომა 42, ფეხსაცმლისა, ალბათ, 40, – გაიფიქრა ბ.-მ. იმ ნაწარმოებზე ჰკითხა, რომელსაც მეზობელი ბოლო დროს ხშირად მღეროდა. უნდოდა წაემღერა კიდეც ყურში ჩარჩენილი მელოდია. ის იყო ჩაისუნთქა, რომ უეცრად გონს მოეგო და პირზე ხელი აიფარა.

– მიდი, მიდი, წაილილინე! – შეაგულიანა მეზობელმა ბავშვური ღიმილით, – ნუ გერიდება, წაიმღერე, წაიმღერე!

მაგრამ ბ.მ ვერ შეძლო. მხოლოდ თითით ჩამოაკაკუნა მელოდია მაგიდაზე.

– აჰ, მგონი, მივხვდი. ალბინონი.

ბ.-ს ეგონა, რომ მეზობელი ახლა თავად წაიმღერებდა, მაგრამ შეცდა. ჩაის სვამდა. საოცრება იყო, – იმ ყელით, რომლითაც მღეროდა, ახლა ჩაის სვამდა.

– ხო, ალბინონი, – გაიმეორა მეზობელმა.

კომპაქტური დისკების გრძელი მწკრივიდან ორი დისკი გამოაძვრინა და გაუნოდა. ერთზე მისი სახე ეხატა. შუბერტი, მოცარტი, ვივალდი, – ამოიკითხა ბ.-მ. მეორეზე კი ეწერა „არიადნე ნაქსოსზე“, იოზეფ ჰაიდნი. საჩვენებელი თითი ფრთხილად გადაუსვა დისკის ჩასადებ პლასტიკის კეისს.

– აი, ამაზე ვმუშაობ.

მაგრამ ბ.-ს სიმღერები უფრო მოეწონა. შინ დაბრუნებულმა მაშინვე ჩადო დისკი საკრავში. რიკულებიანი სანოლეზიდან ნამძინარევი ტყუპები შესცქეროდნენ. იოგურტი ხილით. ნამცხვარი, რომლის ნოტიო ნაფხვენები მოგვიანებით ნამოკრიფა ხალიჩიდან.

– Sposa son disprezzata – მღეროდა მეზობელი კომპაქტური დისკიდან.

სალამოს ხელიც კი დაუქნიეს ერთმანეთს. ერთი აივანზე იდგა, მეორე – მანქანასთან.

მას შემდეგ ბ. ყოველ ღამე ელოდა მეზობლის დაბრუნებას. კონცერტები გვიან მთავრდებოდა, შემდეგ კი, როგორც მეზობელი ამბობდა, მეგობრებთან ჭიქა ღვინის დასალევად მიდიოდა ხოლმე. გვიან აღარაფერს ვჭამო. ესე იგი, ამ „ჭიქა ღვინის“ დალევა გრძელდებოდა შუალამემდე, ხან კი უფრო გვიანობამდეც. ამ დროს ბ. ჯერ სანოლში, ქმრის გვერდით იწვა, რომელსაც ღრმად ეძინა და, ალბათ, სახლი ესიზმრებოდა, ფართო სასადილო ოთახით, მერე კი ფეხაკრეფით გამოდიოდა შემოსასვლელში, სადარბაზოდან შემომავალი ხმაურისთვის უკეთ რომ მიეყურადებინა. რამდენჯერმე მართლაც შეესწრო მის შინ დაბრუნებას. ლიფტის ხმა, ჭრიალით გაღებული ლიფტის კარი, ჩანთიდან ამოღებული გასაღების ძლივს გასაგონი ჩხარუნი, რომელიც ჯერ ხელს ერგებოდა, მერე კი კარში მისთვის განკუთვნილ ჭუჭრუტანას. გასაღების საკეცში გადაბრუნება, საკეცის ენის განკაპუნება, კარის უხმაურო შეღება და აბსოლუტური სიჩუმის რამდენიმე წამი. ბოლოს კარის მიხურვის ხმა. ხანდახან კი ისევ იგივე და ამ ხმებს შერეული მამაკაცის ხმა, კარის დახურვამდე რამდენიმე წამით ადრე მოგუდული ხითხითი. მერე ისევ აბსოლუტური სიჩუმე, ხალიჩის აკეცვისა და იატაკზე ყურის დადების ცდუნება.

ნაჩუქარი ფირფიტა თითქმის დაიხეპირა. გულში ხმას აყოლებდა და ხანდახან ეჩვენებოდა, რომ ახლა მისი ხმით თვითონ მღეროდა, თითქოს მისი ხმა ახლა ბ.-ს ყელიდან ამოდიოდა. ზოგჯერ საქმეში გართულს, დაუთოების ან დალაგების დროს თავი ავიწყდებოდა და სიმღერას საკუთარ ხმასაც უერთებდა, მაგრამ მაშინვე ხვდებოდა, როგორ ამახინჯებ-

და, როგორ სრესდა და აზიანებდა ბგერებს, თითქოს ხეხავდა მათ. შეცბუნებული მაშინვე გაიკმენდდა ხოლმე ხმას. მე ვმღეროდი, – ფიქრობდა.

- მიმღერე რამე, გთხოვ, – უთხრა ერთხელ, ფოლგის ქალღმერთადგაფარებული თეფშით ღუმელში შემწვარი, სატენიანი ბადრიჯანი რომ ჩაუტანა შესანიირვით.

მეზობელს, როგორც ჩანს, ესიამოვნა თხოვნა. მაშინვე დაიღვარა მისი ხმა ჰაერში, ჯერ ნყნარად, ნაზად, ხავერდოვნად, მერე უფრო და უფრო მძლავრად და თავდაჯერებულად. ამ დროს ბ.-მ მის მოშიშვლებულ დეკოლტეს შეავლო თვალი, თხელ, დაჭორფლილ კანს, ძუძუების ღარს შორის გაჩენილ ოდნავ შესამჩნევ ნაოჭებს, ქალღმერთით სიფრიფანა საზღვარს, რომლის ქვემოთაც სულ სხვა ბგერებით ათრთოლებული სიცოცხლე მიედინებოდა სხეულის ბნელ და ნოტიო ლაბირინთებში. მაგრამ როდესაც მეზობელმა თვალები დახუჭა და თავისივე ბაგეებიდან ამოსულ ბგერებში გაუჩინარდა, ბ.-ს მოეჩვენა, რომ მის გულს ხედავდა, მის ძლიერ და ამავდროულად ძალიან ნაზ კუნთს, რომელიც თავდაუზოგავად ზომავდა დროსა და რიტმს, თითქოს მისი თავდაჯერებული კუმშვები, მისი ძალუმი ფეთქვა სხვა არაფერი იყო, თუ არა თრთოლვა და ცახცახი, რომელსაც სიკვდილი ედო უფრო საფუძვლად, ვიდრე სიცოცხლე.

ბ.-ს ასე ეგონა, რომ რალაც დიდი საიდუმლო ამოხსნა და როგორც კი მეზობელი თვალს გაახელდა, მაშინვე შეიტყობდა ამას. ამიტომაც ერჩივნა, მისთვის მზერა აერიდებინა და რამე უსულო, გლუვი, მარტივი რამ აერჩია სამიზნედ – მაგალითად, მაგიდის ზედაპირი ან რადიატორის იოლად გასაზომი, რიტმული კონკრეტულობა. არა, სულაც არ უნდოდა იმის აღმოჩენა, რომ ეს მისი სხეული, მისი კუნთები, სხეულის სიღრმეში სამარადისო ნესრიგით განლაგებული მისი დაჭიმული,

მთრთოლავი ნაწილები, სათანადოდ აგებული ხორხი, გენეტიკურად დაპროექტებული სივრცეები, ხორცშესხმული სტვირები მღეროდნენ. გული – ქსოვილების მორცხვი, ინტიმური გროვა, რომელიც სისხლს ატარებს. სხეულის სიღრმე – იდუმალების ჯადოსნური ხავერდი, ამაღლევებელი წარმოდგენა შეუხებლის თითის წვერებით შეხებისა – დრეკადი არტერიებისა, სიცოცხლით სავსე ჯიუტი ხრტილებისა, ფარული და მოძრავი ადგილებისა. გაცნობიერება ამ მყიფე სასწაულის არსებობისა. ვერაფრით აეხსნა, რატომ იყო მეზობლის გულის, მისი ხორციელების არსებობის უეჭველი ფაქტი მისთვის ერთდროულად ამაღლევებელიც და აუტანელიც. ნებისმიერი შესაძლო ტკივილის წარმოდგენა, რომელსაც ამ ჭორფლიანი კანის ქვეშ მოთავსებული მეტრონომის მუშაობის შეფერხება შეეძლო, ბ.-ს აუტანელი ტანჯვით ავსებდა. თვალები უნებურად ცრემლით ევსებოდა და მათი ხშირი ხამხამით ამის დამალვას ცდილობდა. მოუფრთხილდება ამ გულს, უცხო თვალს მოარიდებს. ქალაქგარეთ რომელიმე ბაღში ისეთ ადგილას ჩარგავს, რომ არასოდეს არაფერი მიეკაროს. ამ გულის მცველი გახდება. ფიქრობდა და იცოდა, რომ ბოდავდა. მუსიკის ბრალი იყო! როგორ შეიძლებოდა, ადამიანს გულის გარეშე ეცხოვრა!

ამასობაში მეზობელმა დაასრულა სიმღერა. ოდნავ წინ წახრილი დაღლილობას არ მალავდა. წარბი შეიჭმუხნა, როდესაც მისი პირიდან ჩუმი, აბრეშუმისით ბგერები გადმოვინდა. ხელი პირთან მიიტანა, თითქოს უნდოდა ამ ბგერებისთვის საბოლოო, იდეალური ფორმა მიეცა. მგლოდია სრულიად მოულოდნელად იქცა სიჩუმედ. ისიც ადგილზე გაიყინა, თვალები გაახილა და გაიღიმა. მერე ბადრიჯნის თეფში გარეცხა და უკვე კართან მომლოდინე ბ.-ს მიანოდა.

კინოს ნაცვლად ბ. ახლა ოპერაში დაატარებდა ქმარს. ორივე რალაცნაირად, დაკარგულად გრძნობდა იქ თავს. მეზობელს შორიდან ხედავდა, მაგრამ ნაოჭაყრილ კაბებსა და მკვეთრ მაკიაჟში, რომელიც მის სახეზე წარბების, თვალებისა და პირის ურთიერთგანლაგებას ნილაბივით იდეალურ, ერთმანეთისგან დამოუკიდებლად არსებული ლაქებით ცვლიდა, მაინც უფრო დიდი ეჩვენებოდა. მის ხმას უცხო, სმენად ქცეული ადამიანები ინანილებდნენ. თითქოს გაზეთს ემსგავსებოდა, რომელიც ერთდროულად ბევრს ესაუბრება, მაგრამ კონკრეტულად არავის.

წარმოდგენის დასრულების შემდეგ ჩვეულებისამებრ თურქულ ბარში სხდებოდნენ სავახშმოდ, მერე კი მანქანით შინ ბრუნდებოდნენ ჩაძინებულ დასახლებაში და ბ. ისევ ლიფტის ხმას აყურადებდა.

მომდევნო დღეს ისევ გადასწევდა ხოლმე ხალიჩის კიდეს, იატაკზე განვებოდა და გაირინდებოდა. ეს გაცილებით სჯობდა ოპერის თეატრში ჯდომას. ამასობაში სიტყვების გარჩევაც ისწავლა: „Teseo mio ben! Ove sei? Ove sei tu?“ ანდა შესაბრალისი „Ah, di vedetti, o caro, ia mi stringe il desio“. ზღვის პირას მდგარი სასონარკვეთილი ქალის სახეა. ხანდახან ეჩვენებოდა, რომ ერთი სართულით დაბლა ბინა კი არა, კლდოვანი, ხომალდებით სავსე ზღვის სანაპირო იყო, რომლებიც ფარულად შორდებოდნენ სრუტეს, სადაც თვალისმომჭრელად ბრწყინავდა მზე და თავბრუდამხვევად ხმაურობდა ზღვა. მაგრამ, როდესაც მეზობელი კარს უღებდა, ყველაფერი პირვანდელ სახეს უბრუნდებოდა – ის ისევ მოხდენილი ქალი იყო ბამბის რუხი ზედათი, მის იატაკზე კი ქალაღდები ეყარა.

– ისპანახიანი ბლინები მოგიტანე, – ეტყოდა ხოლმე ბ., ამ დროს კი თვალებში დაუფარავი თხოვნა ედგა: „მიმღერე

რამე. მიჩვენე, როგორ მღერი. როგორ ახერხებ ასე მღერას. შენ რატომ გამოგდის, მე კი - არა! საიდან ამოგდის ეს ხმა? მე რატომ არ შემოძლია იგივე გავაკეთო, რატომ ვარ მე მკვდარი, შენ კი ცოცხალი?"

მეზობელი ქამდა და თან „არიადნეს“ მოახლოებულ პრემიერაზე ელაპარაკებოდა. უყვებოდა, რომ უკვე კოსტიუმს უკერავდნენ, ქათქათა თეთრ ტუნიკას, წელს ზემოთ, მკერდთან, ოქროს სარტყლით; რომ თმებიც ბერძნულად ექნებოდა დახვეული და კეფაზე აკრეფილი, როგორც ქვისგან გამოკვეთილ ქალღმერთებს. სპილენძის სამაჯურები. უმაღური თესვესი, რომელიც აგერ უკვე მებათედ, მებასედ მიატოვებდა მინოტავრის სისხლში გასვრილი ხმლითა და შებილწული ლაბირინთით. მერე კი ისევ ყოველდღიურობას დაუბრუნდება. ისე იცხოვრებენ ამ გაჩირალდნებულ სცენაზე, თითქოს ყოველ საღამოს ხელახლა კარგავდნენ მეხსიერებას. მოსახდენი მოხდება, თავისით, ყოველგვარი ცვლილების გარეშე და მერე ისევ დასანყისს დაუბრუნდებიან. მაგიაა ეს ყველაფერი, ჯადოსნობაა, გადაიტანო ამდენი მიტოვება, ფარულად წასვლა, გაპარვა, უსიტყვოდ გაუჩინარება. და რომ არიადნე სულ მალე ქვეყნის საზღვრებს გასცდება, დიდ ქალაქებს შემოივლის, უფრო დიდ სცენებს, რათა ყოველ საღამოს ისევ ხელახლა გაუტყდეს გული, ისევ ხელახლა განიცადოს მიტოვების ტკივილი იმ მამაკაცისგან, რომელსაც სისხლიანი ხმალი მოუღერებია.

- რა თქმა უნდა, გიმღერებ!

ჩართო კასეტა აკომპანიმენტით და ჩაის ფინჯნით ხელში დივანზე მჯდარმა წამოიწყო არია, მაგრამ მეორე ფორტეზე უცბად წამოდგა, ოთახში სიარულს მოჰყვა, ხელებს ჰაერში იქნევდა, მისი ხმა კი თრთოდა, ირხეოდა და ყველაფერს, რაც კი გარშემო იყო, პანანინა ქინძისთავებივით ერჭობოდა.

თვალეები დახუჭა თუ არა, ხმაც შეურბილდა. ახლა თითქოს ნივთებს ფაფუკი ფუნჯით უხილავი მტკრისგან ასუფთავებდა. ბ. ხედავდა, როგორ ეჭიმებოდა მეზობელს ყელის კუნთები, როგორ აუღ-ჩაუდიოდა ჭორფლიანი, თხელი კანით დაფარული მკერდი, სუნთქვა კი პედანტურად მართავდა ხმას. და სწორედ მაშინ მიხვდა ბ., რომ ვერასოდეს შეიტყობდა ამაზე მეტს მისი კანის, გულის, კუნთებისა და ხმის თავბრუდამხვევი ურთიერთკავშირის შესახებ და ამ დასკვნამ სასო წარუკვეთა; მიხვდა, რომ ხორციელსა და არახორციელს შორის უზარმაზარი უფსკრულია, რომ ეს ორი სრულიად სხვადასხვა განზომილებაა, რომელიც მხოლოდ ასეთ მომენტებში ერწყმის ერთმანეთს და მათ არასოდეს მიეცემათ ერთმანეთის შეხების, ერთმანეთის საზღვრების გადალახვის, ერთმანეთში შესვლისა და აღრევის საშუალება, რადგან მათ შორის არ არსებობს მსგავსება. მათ ურთიერთსაწინააღმდეგო ბუნება აქვთ, ცეცხლი და წყალი არიან, მატერია და ანტიმატერია. და რომ თუკი ერთხელ მაინც შეესწარი მათი ასე უიმედო შეწყვილების სურვილს, მას შემდეგ მისი განმეორებით ნახვის მონატრება გაგანამებს. თითქოსდა, ერთხელ უკვე იყავი მათი შეუძლებელი ერთობის მონმე. რომ უკან თავგადასწული, თვალდახუჭული მომღერალიც იმავე მიზეზით იტანჯებოდა – ნარბებს შორის პატარა ნაოჭი, ყელზე ორი პარალელური ხაზი. თავისებურად ყველაფერი გამიჯნულია ერთმანეთისგან, ისე, როგორც ისინი, სამყაროს მოპირდაპირე კიდეებზე მდგარნი.

მეზობელმა სიმღერა დაასრულა, მაგრამ თვალი არ გაუხეხა. გაუნძრევლად იდგა სამზარეულოს ფონზე, თითქოს იმ სიჩუმით გაოცებული, რომლის შემოქმედიც თავადვე იყო. ამ დროს მიუახლოვდა ფეხაკრეფით, თითის წვერებზე მოსიარულე ბ.-ც, ჭორფლიან მკერდზე თავი დაადო და გაიგონა,

როგორ დადუმდა ბგერა მის კანქვეშ, სუნთქვად დაიშალა, ერთხანს კიდევ იბორიალა სხეულში და აორთქლდა, გაუჩინარდა. მეზობლი არ განძრეულა. მერე ფრთხილად შეეხო ბ.-ს სახეზე და მოეფერა.

ამის შემდეგ ბ.-მ არიადნე პრემიერაზე ნახა, რამპის შუქზე გაბრწყინებული, არამინიერი და გაზეთებში – დადგმას დიდი წარმატება ხვდა წილად. მერე კი დიდი ტურნე დაიწყო და მეზობლის ბინაში სიჩუმემ დაისადგურა.

მისი გამგზავრების შემდეგ არა და აღარ დასრულდა შემოდგომა. ქალაქის თავზე ჯერ კიდევ თბილი ჰაერი იდგა, რის გამოც ფოთლები ნელა ყვითლდებოდნენ და ჩამოცვენას არ ჩქარობდნენ. მზეც ყოველდღე გამოდიოდა, თითქოს ეს ანომალია მასაც აკვირვებსო, თუმცა დღითი დღე ძალას კარგავდა და სუსტდებოდა.

ალბათობის თეორიას თუ დავეყრდნობით, შესაძლოა, ეს ის ერთადერთი წელიწადი იყოს ისტორიაში, როდესაც ზამთარი სულაც არ დადგება, ის, უბრალოდ, სადღაც წყვედა და რიჟრაჟს შორის გაიხიდება და მსუბუქად მოყინავს ბალახის წვერებს, ყველაფერი ჰაერში გამოეკიდება და გაურკვეველი დარჩება ისიც – მოხდა უკვე რაც მოსახდენი იყო, თუ... ჯერ ახლა უნდა დაიწყოს ყველაფერი.

ლოგიოს მარცვლებით  
მკითხაოგა

პიოტროვსკის მიჰყავდა ხოლმე სასკა კემპაზე, თუმცა მანქანას ყოველთვის სახლიდან მოშორებით, სადღაც ფრანცუზკას დასაწყისთან აჩერებდა. გულმოდგინედ გარეცხილ-გაპრიალებული შავი ლიმუზინი თითქოს შეუმჩნევლად მისრიალებდა ხეების მუქ ჩრდილში, მაგრამ გამვლელები მის დანახვაზე მაინც ანელებდნენ ნაბიჯს და გაოცებულ მზერას აყოლებდნენ. ასეთ მანქანას ქალაქში იშვიათად თუ მოჰკრავდი თვალს.

იქიდან უკვე მარტო მიდიოდა. პიოტროვსკი მანქანაში რჩებოდა და სავარძლის საზურგეზე ნებივრად მიწოლილი სიგარეტს სიგარეტზე ეწეოდა. ს.-მ კარგად იცოდა, რას ფიქრობდა პიოტროვსკი იმ დროს, როცა ჩანეული ფანჯრიდან ბოლქვებს უშვებდა. ფიქრობდა, რომ ის აქ საყვარელთან მოდიოდა და ის საჩუქრებიც, რომელთაც გამვლელების ყურადღება რომ არ მიექცია, ყოველთვის უბრალო ქალაქის პარკში აწყობდა, მასთან მიჰქონდა. არც საყვარლის ყოლა იქნებოდა უსაფრთხო, ფიქრობდა ს., მაგრამ მისი ნაცნობები, იმის გათვალისწინებით, რომ მათ უმრავლესობას თვითონაც ჰყავდა ოფიციალური თუ არაოფიციალური საყვარელი, ადამიანურად, ალბათ, ამას უფრო გაუგებდნენ. სახის დასაფარად ს. შლაპას თვალებზე ჩამოიფხატავდა და ლაბადის საყელოს ბოლომდე აიწევდა. ჯერ ქუჩის კუთხეში მდებარე პატარა

მალაზიას ჩაუვლიდა, მერე მარცხნივ შეუხვევდა და რკინის მესრის გასწვრივ მანამდე ივლიდა, სანამ ის მოულოდნელად ჭიშკრად არ გადაიქცეოდა. ჭიშკართან აუცილებლად შედგებოდა, ფრთხილად მოავლებდა იქაურობას თვალს, ვინმე ხომ არ მითვალთვალეზო, არადა, ამ ჟესტით უფრო მეტად იქცევდა უცხოთა ყურადღებას და დაბზარული ბეტონის ბილიკით ბალახით დაფარულ ეზოს გაუყვებოდა, საიდანაც ვინრო სადარბაზოში შედიოდა.

და-ძმა პირველ სართულზე, სამოთახიან ხალვათ ბინაში ცხოვრობდა. თითქოს ყოველთვის წინასწარ იცოდნენ, როდის მივიდოდა ს. (ან იქნებ თვითონ ეგონა ასე), რადგან მუდამ მზად იყვნენ მის დასახვედრად. მრგვალ, რუხი ფერის ქალაღდაგაფარებულ მაგიდაზე ყოველთვის იდო ქიმიური ფანქარი, რომელიც დროთა განმავლობაში თანდათან ილეოდა. ჰაერში მასტიკის, კომბოსტოს, სოუსისა და დამწვარი ცხიმის სუნნი იდგა. ზოგჯერ მოხუცი ქალების ოთახიდან გრამოფონის ხმაც ისმოდა, ომის წინანდელი ტანგოს მელოდია. საჩუქრებით სავსე ქალაღდის პარკს, რომელშიც უმეტესად ყავა, ამერიკული შოკოლადი, ხიზილალის პატარა ქილა, დაკონსერვებული ლორი ეწყო ხოლმე, ხანდახან კი ერთი ბოთლი ნამდვილი ფრანგული ლვინოც, – ანუ ყველაფერი ის, რისი შეძენაც ცკ-ის სასადილოში შეიძლებოდა, ს. შემოსასვლელში, სარკის ქვეშ მდგარ ვინრო ტუმბოზე დებდა.

დალეული, ბურბუშელასავით გამომშრალი პანი იადვიგა ფრთხილად იღებდა ძვირფას ძღვენს ქალაღდის პარკიდან და სიამოვნებისგან ხმამაღლა ოხრავდა, მასზე გაცილებით მალაღლი ტანის პანი ურშულა კი ამ დროს ზემოდან დასცქეროდა დას. საჩუქრებს და-ძმებიდან ყველაზე უმცროსი, თუმცა სამოცდაათს გადაცილებული მათი ძმაც ინტერესით ათვალიერებდა. ძმაზე გადაფოფრილი დები მას რუსულ სახელს,

ჟენიას ეძახდნენ. ჟენია ბედნიერი იყო ს.-ს სტუმრობით. ურ-  
შულა ბუფეტიდან ბოთლს იღებდა და ორივეს თითო სირჩა  
არაყს უსხამდა. დები არ სვამდნენ. იქნებ ამიტომაც უხარო-  
და მოხუც კაცს ს.-ს გამოჩენა. არაყს გაბრწყინებული სახით  
გადაუძახებდა ხოლმე ყელში და ტუჩებს ალაგ-ალაგ დაჭორ-  
ფლილი, თეთრფრჩხილებიანი და ისეთი გამჭვირვალე კანიანი  
ხელით ინმენდდა, თითქოს ღია ფერის აპკი აქვს გადაკრუ-  
ლიო. გალეული ჭალარა ქალები, ყელზე დაბნეული ბროშე-  
ბით, როგორც კი დივანზე გვერდიგვერდ დასხდებოდნენ,  
მაშინვე ერთმანეთს ემსგავსებოდნენ. ელვარებადაკარგული  
სამკაულები უკანასკნელ სხივსაც სტაცებდა მათ პუდრშე-  
ფრქვეულივით გაცრეცილ სახეებს.

– აბა, რა ისმის ახალი ქვეყანაზე? – ტრადიციულ კითხვას  
სვამდა ჟენია, ს. კი პასუხობდა: „ჯერჯერობით კარგი არაფე-  
რი, მაგრამ მთავარია, საქმე უკეთესობისკენ მიდის“. ამის  
შემდეგ იწყებოდა მშვიდი მუსაიფი ამინდის, ქალაქში მოარუ-  
ლი ხმების, ქუჩაში მოსმენილი ჭორების, ფანჯრის რაფებზე  
ქოთნებში გამოყვანილი და ბაღში ჯერ კიდევ გადაურგავი  
პომიდვრის ჩითილებზე. პანი ურშულა ჩაის ასხამდა, რომე-  
ლიც უხმოდ და კმაყოფილი სახით უნდა დაეღიათ, მიუხედა-  
ვად იმისა, რომ ის თითქმის ყოველთვის უგემური იყო. პანი  
იადვიგას ნაყიდი ორცხობილა შემოჰქონდა. თავისი გრძელი,  
ჩხირივით თითებით შაქარმოყრილ ნაჭრებს სათითაოდ იღებ-  
და მუყაოს ყუთიდან, თეფშის კიდეზე ფერთხავდა და ისე  
ანყობდა ზედ, რაც ჭამის სურვილს სულმთლად დაგიკარგა-  
ვდა. შეთავაზებული ორცხობილა ს.-ს არასოდეს გაუსინჯავს.  
ყოველთვის ეგონა, რომ პანი იადვიგა წლების განმავლობაში  
მუდამ ერთსა და იმავე ფხვიერ ნამცხვრებს იღებდა ომამდე-  
ლი თუნუქის კოლოფიდან, მერე ისევ უკან ანყობდა და მის  
მომავალ სტუმრობამდე ინახავდა.

ყენიასთან სერიოზული ლაპარაკი შეუძლებელი იყო. უცრად ყველაზე შეუფერებელ მომენტში აუტყდებოდა ხოლმე სიცილი, ან მოულოდნელად აღგზნებული ფეხზე წამოხტებოდა. შუბლზე მოკლედ შეკრეჭილი თმით ბებერ ბავშვს ჰგავდა, ბავშვს, რომელიც რაღაც უცნაურმა სწეულებამ უდროოდ ჩამოაბერა. მიუხედავად ყველაფრისა, ს. ამ ოჯახში თავს უჩვეულოდ კარგად გრძნობდა. ჩაის სმის დროს სასიამოვნოდ მოდუნდებოდა, მოეშვებოდა, პერანგის საყელოს შეიხსნიდა ზოგჯერ პიჯაკსაც იხდიდა და სკამის საზურგეზე გადაჰკიდებდა, თითქოს ძველ მეგობრებთან ბრიჯის სათამაშოდ მოვიდაო. დიას, უბრალოდ ბრიჯის სათამაშოდ. როგორც კი პანი იადვიგა მოზრდილ ბროლის საფერფლეს ახლოს მიუწევდა და პირველ სიგარეტს მოუკიდებდა, მაშინვე გრძნობდა სხეულში აღდგენის იდუმალი პროცესის დაწყებას. თითქოს ისევ იმ თავის ძველ თავს უბრუნდებოდა, როგორც ომამდე იყო – ახალგაზრდა, სამომავლო გეგმებით სავსე, ლალი, თავისუფალი, ერთი სიტყვით, ადამიანი-საცობი, რომელიც, რაც უნდა შეემთხვეს, მაინც სწრაფადვე ამოტივტივდება ზედაპირზე.

რუხ ქალღმადგადაფარებულ მრგვალ მაგიდასთან მხოლოდ ის და ყენია ისხდნენ ხოლმე. ქალები პატარა ტომსიკას, რომელშიც ლობიოს მარცვლები ეყარა, ძმას წინ დაუდებდნენ და ისევ დივანს უბრუნდებოდნენ. ასე იწყებოდა ყველაფერი. ყენია უცებ დასერიოზულდებოდა. ჯერ დიდხანს იშვინებდა თავის უფერულ ხელებს, მერე კი მონაცვლეობით მანამდე უჭერდა ერთ ხელს მეორეს, სანამ ძვლებს უსიამოვნოდ არ აატკაცუნებდა. თითქოს ცდილობდა, იქ მყოფნი დაერწმუნებინა, რომ მისი სხეული მართლაც აპკივით თხელი კანით დაფარული ძვლებისა და ხრტილებისგან შედგებოდა. შემდეგ ლობიოს მარცვლებს ქალღმადგე წამოყრიდა და ორ-

ორ მარცვლობით გროვიდან თითებით გვერდზე გაჰქონდა. ამას მანამდე აგრძელებდა, სანამ ს.-ს თვლელმა მოერეოდა. ამ დროს ის ფიქრებით თავის კაბინეტში ბრუნდებოდა, ზედაპირულად იხსენებდა განვლილ სამუშაო დღეს, მშრალი და ჩახუთული კაბინეტების ლაბირინთს, სანერ მაგიდასთან დაფენილი სპარსული ხალიჩის ნაყშებს, დერეფანში შემთხვევით შეხვედრილ ადამიანთა სახეებს, ხელმოსაწერად გამზადებულ საბუთებს, ჟურნალ „პშეკროიში“ კროსვორდის შესავსებად თავნარგულ რიტას სილუეტს. მშვიდად მობუტბუტე მოხუცის ხმაზე ძილმორეული ს.-ს თვალწინ სურათები ერთმანეთს ენაცვლებოდა, ჟენია კი თითებით ქალაქზე ლობიოს მარცვლებს დაასრიალებდა, რომლებიც ერთმანეთთან შეჯახებისას სასიამოვნოდ წკაპუნებდნენ. ს.-ს ყოველთვის ახსენდებოდა ისიც, რომ გადაღლილი იყო, რომ ძალიან ბევრს მუშაობდა და რაც ყველაზე მთავარია, მისი შრომა არამარტო სრულიად უსარგებლო, არამედ საეჭვოც კი გახლდათ, ისევე როგორც სხვა ყველაფერი ირგვლივ. თანდათანობით სულ უფრო და უფრო დუნდებოდა და ითენთებოდა, და ჟენიაც სწორედ მაშინ მოიმარჯვებდა ხოლმე ხელში ქიმიურ ფანქარს, ქალაქზე დარჩენილ ლობიოს მარცვლებს შორის უცნაურ, ერთი შეხედვით, შემთხვევით ხაზებს ავლებდა და ლაპარაკს იწყებდა. ხან რომელიმე სიტყვას იმეორებდა, მაგალითად: „უძრაობა, უძრაობა, უძრაობა...“, აიჩემებდა. ხან კი იტყოდა: „შენ მარჯვნივ მყოფ ადამიანს დაებადება აზრი, რომელიც შენ სახიფათო ცვლილებებს მოგიტანს. ამის თავიდან აცილება შეუძლებელია. ამიტომ აუცილებლად უნდა შეიტყო მისი განზრახვის შესახებ, რომ მოსალოდნელი ცვლილებებისთვის შემზადება მოასწრო. შენ მარცხნივ მყოფი ადამიანი ავადაა და მას სიკვდილი ემუქრება. „ჰო, რომ მოკვდება, ეს ხომ ისედაც ცხადია“, ადრე თუ გვიან ყველა

მოკვდება", – თავს ვერ იკავებდა პანი ურშულა რეპლიკების სროლისგან. „ეგ ძალიან ზოგადი ინფორმაციაა. შენ ის თქვი, როდის მოკვდება“. ჟენია ბრაზდებოდა დის გამოხტომაზე, ქალაღზე გაბნეული ლობიოს მარცვლებისკენ იხრებოდა და დაძაბულობისგან სწრაფად ახამხამებდა თვალებს. „აბა, მე საიდან უნდა ვიცოდე, როდის მოკვდება? თუ ეგეთი ჭკვიანი ხარ, მოდი და შენ თვითონ თქვი“. ს. კი ამ კამათის დროს იმაზე ფიქრობდა, ვინ შეიძლებოდა ყოფილიყვნენ ეს „მისგან მარჯვნივ და მარცხნივ მყოფი კაცები“. ოთახების განლაგება ჰქონდა მხედველობაში ჟენიას თუ უფრო რთულ მეტაფორას იყენებდა? ან რას შეიძლება ნიშნავდეს „მარცხენა“ და „მარჯვენა“? მათ მსოფლმხედველობაშია საქმე თუ მათ ადამიანურ მორალში?

მოხდა ისე, რომ სწორედ ის სიკვდილის წინასწარმეტყველება გამართლდა. ამხანაგ კასპიკს, ს.-ს უფროსს, მოულოდნელად ფილტვების ანთება დაემართა და ორი კვირის თავზე გარდაიცვალა. ამ ფაქტის შემდეგ ს. მიხვდა, ვინ ყოფილა „მარცხენა“. როგორც კი შესაძლებლობა მიეცა, ეს ამბავი მაშინვე აცნობა და-ძმას. „ხომ გეუბნებოდი! მე ხომ გითხარი! არ გითხარი?“, იმეორებდა აღტაცებული ჟენია.

ღიას, ჟენიას სჩვეოდა, ერთი შეხედვით, მეტისმეტად განზოგადებული და იდუმალი რამეების თქმა, რომლებიც გარკვეული დროის შემდეგ უცნაურად მართლდებოდა. ნათლად და დაზუსტებით მას არასოდეს არაფერი უთქვამს. უმნიშვნელო, ბანალურ შემთხვევებს კი, მაგალითად, ის, რომ სახლის გასაღებს დაკარგავდა ან მანქანაში ვიღაც გაორმაგდებოდა (პიოტროვსკის ტყუპები შეეძინა), ან ვიღაც დროებით გველად გადაიქცეოდა (მორიგი კამათის დროს რიტამ, შე ცივისისხლიანო გველოო, მიაძახა), და ასე შემდეგ, უფრო კონკრეტულად წინასწარმეტყველებდა. ს. იმაზე ფიქრობ-

და, რა მექანიზმით ხდებოდა ეს ყველაფერი, რა შეიძლებოდა სდებოდა საფუძვლად ამ დამთხვევებს. ჭეშმარიტი რეალისტის ურწმუნოებით ცდილობდა წარმოედგინა, რომ რის ამოცნობასაც უენია ლობიოთი ახერხებდა, იმ მოვლენათა თესლი იყო, რომლებიც მომავალში უნდა აღმოცენებულიყო, მაგრამ პრინციპს ბოლომდე ვერ აცნობიერებდა. როგორც ჩანს, ლობიოს თესლმა სხვა თესლების ბუნება იცოდა, ანუ იმ მოვლენათა თესლებისა, რომელთაც სამომავლოდ უნდა ეჩინათ თავი – სხვადასხვა პოტენციალს, ალბათ, ერთმანეთთან კავშირი და ინფორმაციის გაცვლის უნარი ჰქონდა. ამიტომ აღარ უნდა გაჰკვირვებოდა, თუკი მისი გონება ყველაფერს ვერ შესწვდებოდა. მომავლის ზუსტი და იოლი წინასწარმეტყველება სანდო ვერაფრით ვერ იქნებოდა, რადგან მომავალი ჯერ არ დამდგარიყო; და ვერც ის ენა იარსებებდა, რომლითაც მას გადმოსცემდნენ. ალბათ, უენიას გაუგებარი მეტაფორების მიზეზიც ეს იყო. ათას ცხრაას ორმოცდაცამეტი წლის თებერვალში, თუ იანვრის ბოლოს, როდესაც მოხუცმა უთხრა, „დიდი სიკვდილი ახლოვდება, რომლის შემდეგაც გარემომცველი სამყარო შენთვის გაცილებით კეთილგანწყობილი გახდებაო“, ს.-მ ერთი შორეული ნათესავის შესაძლო გარდაცვალებასა და ანდერძზე იფიქრა, მაგრამ ახლა, მომხდარი ფაქტის შემდეგ, ნათელი იყო, რომ უენიამ სტალინის სიკვდილი იწინასწარმეტყველა. ერთი წლის შემდეგ ს.-მ მეოთხე სართულიდან პირველზე ჩამოინაცვლა, მოკლე ხანში შავი ლიმუზინითაც დაიწყო სიარული და რიტაც მალევე გაახარა უზარმაზარი ბინით. მაგრამ თავად მას რა შესძინა იმის ცოდნამ, რომ უენიას უცნაური ნათქვამი მომხდარის შემდეგ ცხადდებოდა მისთვის?

„რაში მჭირდება მომავლის ამგვარი ცოდნა, როდესაც ის მხოლოდ მომხდარი ფაქტის შემდეგ იჩენს თავს და რომელ-

საც ვერაფერში გამოვიყენებ?" – ფიქრობდა ს. და ერთხელაც, როდესაც სამზარეულოში იჯდა და რიტასთან ერთად კონიაკს წრუპავდა (რიტას თავისი ეგზოტიკური, ფარშავანგეზიანი ხალათი და პომპონებიანი ქოშები ეცვა და საკუთარ სამზარეულოშიც კი მუდამ მსახიობად რჩებოდა), მიხვდა, რომ აქ მომავალში სულაც არ იყო საქმე. სინამდვილეში მას სულაც არ აინტერესებდა ის, რაც უნდა მომხდარიყო. საქმე კანონზომიერებაში გახლდათ. „არის ვითომ ჩვენ ირგვლივ რაიმე კანონზომიერება, წესრიგი, რომელსაც ვექვემდებარებით?“, – ჰკითხა რიტას, რომელმაც სიგარეტს მოუკიდა და უპასუხა: „მხოლოდ ისეთი, როგორსაც თვითონ შექმნი“. მაგრამ ს. პასუხმა ბოლომდე არ დააკმაყოფილა. „აი, რაღაც დიდი, განზოგადებული, ის, რაც ჩვენზე არ არის დამოკიდებული?“, უფრო ღრმად სცადა ჩაძიება. „ცხადია, არის“, მიუგო რიტამ და სასადილოდან ს.-ს მოტანილი ძვირფასი კონიაკი მოწრუპა. „რა თქმა უნდა. სამართლიანობა, დიალექტიკა, კლასობრივი ბრძოლა... რა იყო, გადანწყვიტე, რომ ბრიყვად მომაჩვენო თავი?“

ჟენიას არსებობას რიტას ვერ გაუმხელდა. ამის შესახებ მასაც კი არ უნდა სცოდნოდა. ჟენიას არსებობა საიდუმლოდ უნდა დაეტოვებინა, უჯრის სიღრმეში შემალული პორნოგრაფიული სურათებივით სამარცხვინო საიდუმლოდ.

პიოტროვსკის დროდადრო, ყოველგვარი ახსნა-განმარტების გარეშე, ერთი ბოთლი შამპანურით ან ნახევარი კილო შეფუთული ყავით ასაჩუქრებდა. კარგად იცოდა, რომ სასკა კემპაზე სიარულს შესაძლო იყო, მისი კარიერა შესწირვოდა. შეეძლოთ ჯაშუშობა დაებრალეზინათ ან თუნდაც მოხუცებულ და დაუძლურებულ დაზვერვის აგენტთან შეხვედრებში დაედანაშაულებინათ, რომელიც მას ლობიოს მარცვლების მეშვეობით საიდუმლო ინფორმაციას აწვდის, ეს ინფორმა-

ცია კი სხვა არაფერია, თუ არა სახალხო რესპუბლიკისთვის ზიანის მიყენების მცდელობა.

და-ძმასთან მორიგი სტუმრობიდან შინ დაბრუნებული, ფიქრობდა, რომ თუკი საერთოდ შესაძლებელია მომავლის განჭვრეტა, მოცემულ რეალობაში ამის შანსი ყველაზე ნაკლებად არსებობდა, რადგან სამგანზომილებიან სივრცეში დრო ერთი მიმართულებით მიისწრაფვის A პუნქტიდან B პუნქტამდე, ხოლო რეალობა ობიექტურად, ობიექტურად, ობიექტურად... იმეორებდა და იმეორებდა ამ სიტყვას, რადგან აქ ფიქრის ძაფი მოულოდნელად გაუნყდა. ანუ, თუ დავუშვებთ, რომ მომავლის განჭვრეტა შესაძლებელია, მაშინ ამას საშინელ ფაქტამდე მივყავართ. და უცბად, დაძაბულმა და შეშინებულმა, აღმოაჩინა, რომ არსებობს მტკიცე შინაგანი წესრიგი, რომელზეც რამე ზეგავლენის მოხდენა შეუძლებელია; ჩვენ ჩვენზე უფრო დიდ ძალებს მოვყავართ მოძრაობაში და არ ვიცით, რა არის ჩვენთვის მნიშვნელოვანი და რა - არა. ვითომ რატომ უნდა იყოს გასაღების დაკარგვა დანინაურებაზე ან საზღვარგარეთ მოგზაურობაზე უმნიშვნელო? ან პიოტროვსკის ტყუპები სამყაროსთვის იმაზე ნაკლებად ღირებული, ვიდრე მორიგი პლენუმის შემდეგ ცენტრალური კომიტეტის სკამებზე მომხდარი ცვლილებებია? ან თუნდაც განრისხებული რიტას დაუფიქრებელი შეძახილი - „შეცივისსხლიანო გველო“, განა მისთვის სტალინის სიკვდილით გამოწვეულ არეულობაზე მნიშვნელოვანი არ არის? იქნებ საქმე სწორედაც ისაა, რომ მოვლენათა იერარქიისა არაფერი გაგვეგება? და თუ მართლა ასეა, მაშინ, როგორღა ვიცხოვროთ, რით ვინებდვანელოთ?

მაგრამ თუ მომავლის წინასწარმეტყველება სრულიად შეუძლებელია და ყენია მის გაცურებას ცდილობს? და ისიც, ზრდასრული მამაკაცი, შერეკილ მოხუცს თავს ატყუები-

ნებს? იქნებ მომავლის დრო, როგორც ასეთი, საერთოდ არ არსებობს? იქნებ მთელი ეს მომავალი მხოლოდ და მხოლოდ ანმყოში გადადგმული ნაბიჯების შედეგია? მაშინ გამოდის, რომ სასკა კემპაზე სტუმრობები ერთგვარი ფსიქოლოგიური რიტუალი ყოფილა, მშვიდი, უსაფრთხო გარემოს პოვნის სურვილი, რაღაც ეკლესიაში სიარულის მსგავსი. და ეს წარმოდგენა პირველზე გაცილებით უარესია, რადგან ამ შემთხვევაში აქ და ახლაც ტყვეები ვყოფილვართ, ქაოსის საზარბაზნე ხორცი, სხვა ადამიანთა ილუზიების მსხვერპლი, დამფრთხალი ლემინგების ხროვა და მეტი არაფერი.

როგორც კი ლიმუზინი სასკა კემპიდან დაიძვრებოდა და ვისლის მეორე ნაპირზე გადავიდოდა, უენია და მისი დებიც მაშინვე დავინწყბას ეძლეოდნენ. ხანდახან, პონიატროვსკის ხიდზე გადასვლის დროს, საკუთარ თავს ჰპირდებოდა, რომ უენიასთან აღარასოდეს დაბრუნდებოდა, მაგრამ ორიოდე კვირის ან ერთი თვის შემდეგ ისევ წამოუვლიდა მისი ნახვის სურვილი, იმ ერთი სირჩა არაყის დაღევა, და მოდუნების სურვილიც ისევ უჩნდებოდა. მოკლედ ეტყოდა პიოტროვსკის „სასკა კემპაო“ და მასაც მიჰყავდა სალამოს მორიგი დოზა სასონარკვეთის მისაღებად: „რა მრჯის, ეშმაკმა დალახვროს, რაში მჭირდება ეს ყველაფერი?“

მეორე დღეს დილით ადრე შედიოდა შენობაში, ჩქარი ნაბიჯით აივლიდა ფართო მარმარილოს კიბეს, ოდნავ შესამჩნევად დაუკრავდა თავს გზად შემხვედრ მუქ ლურჯ პიჯაკებსა და შარვლებში გამოწყობილ მამაკაცებს. თავის ოთახში სანერ მაგიდასთან მჯდარს კი გამუდმებით იმის განცდა ჰქონდა, რომ საერთოდ არ შეეფერებოდა ამ ადგილს, რომ ყოველ დილით დიდი ძალისხმევის ფასად უნდა აამოქმედოს მასში არსებული რაღაც მექანიზმი, რომელიც აქ გაძლებაში დაეხმარება. სინამდვილეში ეს მშვენიერი კაბინეტი მასში

ნერვიულ მთქნარებას იწვევდა, ფსიქოლოგიურად გაუსაძლის, ერთმანეთის საპირისპირო შეგრძნებას – ცხოველური შიშით გამოწვეულ მომაკვდინებელ მოწყენილობას. შეგრძნებათა ეს უცნაური ნაზავი განაპირობებდა იმასაც, რომ სამსახურში მოსვლიდან ერთი საათის შემდეგ საშინლად ოფლიანდებოდა და პერანგს იცვლიდა. ამიტომ ზუსტად ასეთივე კიდეც ერთი პერანგი (რიტას ხელით სათუთად დაკეცილი) შინიდან მოჰქონდა. ცხადია, კარს კეტავდა და ისე იცვლიდა, რომ მდივანს არ დაენახა, რომელსაც ყველაზე ნაკლებად ენდობოდა. ამის შემდეგ კი ის და მისი სხეული თითქოს ბნელში ხელის ცეცებით პოულობდნენ ერთმანეთს, რაშიც ერთი სირჩა კონიაკი და რამდენიმე ღერი სიგარეტიც ეხმარებოდა. ყველაფერს ქრონიკულ გადაღლილობას აბრალებდა. ნევრასთენია მაქვსო, „გამივლის, ყველაფერი თავისით გამივლის“, ამბობდა და ასეც ხდებოდა.

სუფთა პერანგით უკვე სრულიად დამშვიდებული მიდიოდა ფანჯარასთან და გამარჯვებული იერით გაჰყურებდა ცკის შენობის წინ გადაშლილ მოედანს. აქედან კარგად ჩანდა, თუ როგორი მარტივი წესები აწესრიგებდა მოძრაობას. იქნებ სამყაროშიც ასეთი და მწვანე შუქები ერთმანეთს რიტმულად ენაცვლება, ხოლო ქაოსის ეპიცენტრში ახოვანი მილიციელი დგას მთავარანგელოზის სათნო სახით და ადამიანებს სწორ მიმართულებას უჩვენებს.

იერუსალიმის აღება. რატონი  
1675

1675 წელს სამასი სოფლელი კაცი მთელი ზაფხული თხრიდა კედრონს. ბრაზობდნენ. ყანა მოსამკელი იყო, ბალახი მეორედ გასათიბი, სხვაც უამრავი საქმე ითხოვდა ხელს. მათთან ნებისმიერ თემაზე დაწყებული საუბარი ბოლოს მაინც ფქვილზე, კომპოსტოზე, კარტოფილზე, ხორცზე (ხორცის ხსენებაზე თვალები ძალღებვივით უელავდათ) ლაპარაკით მთავრდებოდა. „არ მინდა დავიჯერო, – სწერდა ცოლს, რომელიც ზაფხულს ბავარიაში ატარებდა, – რომ ჩვენც ადამ და ევასგან მოვდივართ და ისინიც. ნუთუ მართლა საერთო წინაპრები გვყავდა?“. წერილის მომდევნო სტრიქონში კი საკუთარ თავს თვითონვე პასუხობდა: „არა, არ მჯერა. კაცობრიობის ისტორიაში რალაც უზუსტობა უნდა იყოს გაპარული, თორემ როგორ შეიძლება, მე ასეთი დიადი იდეები მამოძრავებდეს, ისინი კი საკუთარი მუცლის იქით ვერ იხედებოდნენ? ისიც კი არ ვიცი, საერთოდ ესმით თუ არა, რაზე ველაპარაკები“.

მართალი იყო. მუდამ შუბლსქვემოდან უყურებდნენ ეჭვიანი და უნდობლობით სავსე მზერით. ხანდახან სიძულვილიც გაუკრთებოდათ ხოლმე თვალეში. ღმერთმა ნუ ქნას, მაგრამ კიდევ ერთი ომი და არეულობა რომ დაწყებულიყო, არც დაფიქრდებოდნენ, ისე დაესხმებოდნენ თავს სასახლეს, დაარბევდნენ და მიწასთან გაასწორებდნენ.

ჭალებს, ძვირფას გობელენებს და ჩინურ ფაიფურს კი არ დაიტაცებდნენ, გაანადგურებდნენ და დაამსხვრევდნენ, როგორც ყოვლად უსარგებლო და გამოუსადეგარ ფუფუნების საგნებს. სასახლის მთელ ამ სამშენისებს მარტო იმ შემთხვევაში დააფასებდნენ, ისინი პურის, ხორცისა და ქონში შემწვარი კარტოფილისგან რომ ყოფილიყო დამზადებული, – გაიფიქრა ირონიულად. მაშინ რევოლუციაც უმაღლეს რულდებოდა, ამბოხი საყოველთაო ღრეობაში გადაიზრდებოდა, ჩამცხრალი ვნებათაღელვის შემდეგ გამეფებულ სინყნარეს კი მხოლოდ ბუჩქებიდან გამოსული კუილისა და ჭინთვის ხმები დაარღვევდა. საერთოდ ყველაფერი ხომ ყოველთვის ამით მთავრდება.

ამიტომ არ უკვირდა, როდესაც გლეხები ჯგუფ-ჯგუფად მოდიოდნენ მასთან და დაღრეჯილი სახეებითა და კრძალვით ევედრებოდნენ, რომ სამკალის მიტოვება და არხის თხრა ოდითგან დადგენილი ჩვენი ადათ-ნესების ღალატს ნიშნავსო. ერთთავად პური ელანდებოდათ. მათი ერთი მესამედი რამდენიმე დღით გაათავისუფლა კიდევც, ყანებისთვის რომ მიეხედათ და ხორბალი ბელელში დაებინავებინათ, თუმცა ეს უფრო აღმზრდელითი მოსაზრებით გააკეთა. უნდოდა, როგორმე მიეხვედრებინა ისინი, რომ მუცლის ამოყორვაზე უფრო ღირებული და მნიშვნელოვანი სულიერი საქმეებიც არსებობს, რომ ჩვენ ჩვენმა კეთილშობილურმა მისწრაფებებმა უნდა გადაგვარჩინოს, რადგან ამქვეყნად ადამიანი მალა-ლი იდეალების განსახორციელებლად იბადება.

სასახლე, რომელიც რატენში შეიძინა, სასტიკი ომებისგან მთლიანად გაპარტახებული, გაძარცვული და ხანძრისგან გადაბუჯული იყო. ბალებით გარშემოტყმულ, გორაკზე წამომართულ სასახლეში ჯერ კიდევ ტრიალებდა ოდესღაც ქვის იატაკზე დაგებული, ახლა კი ცეცხლში ჩამწვარი შალის

ძვირფასი ხალიჩებისა და ფარდაგების სუნი, ტრუსის სუნი, როგორც მსახვრალ ომებში თვით ჯოჯოხეთის თანამონაწილის სამხილი. იმ უგუნურთა ნათესავეები, ვინც ეს სასახლე ცეცხლს მისცა, ახლა მის აღდგენაზე ირჯებოდნენ, აღმართში ქვასა და ქვიშას ეზიდებოდნენ, კირის დულაბს ზელდნენ, ხის მორებს თლიდნენ.

დღემდე ახსოვს ის განცდა, ალისფრად მოელვარე შემოდგომის ერთ დღეს მოპირდაპირე გორაკზე რომ ავიდა, რათა ველური, მთაგორიანი ლანდშაფტის ფონზე თავისი მრავალწლიანი მშენებლობის შედეგით: ქვიშისფერი კედლებით, ათეულობით ფანჯრით, ტბორისკენ დაშვებულ ტერასებზე გაშენებული ვენახებითა და ვარდის ბაღებით, ორანჟერიის დახვეწილი სვეტებით, ზეცის ლაჟვარდისფერ ატლასზე დაბნეული მავრეტანიული ატიკით, ამ არქიტექტურული მაქმანის მშვენიერებითა და სუნთქვის შემკვრელი სილამაზით დამტკბარიყო. სიყვარულის მოზღვავება – აი, რა იგრძნო მაშინ ფონ კინასტის გულმა და მღელვარებისგან თვალზე ცრემლი მოადგა.

სასახლის გარშემო დადიოდა და ხელებით შეიგრძნობდა მის ქვის სხეულს, ნაზად ეხებოდა, ეალერსებოდა, თითს აყოლებდა დულაბის ხორკლიან ხაზებსა და ქვების უსწორმასწორო კიდეებს. ის დღესასწაულიც, მაისობა, სასახლისადმი სიყვარულის ნიშნად დაანესა. მოიწვია ორკესტრი, ჩამოიყვანა მოცეკვავეები, თავი მოუყარა საუკეთესო მზარეულებს, აყიდინა ასობით ქათქათა სუფრა, ვერცხლის დანა-ჩანგალი, ფაიფურისა და მინის ჭურჭელი, ყვავილებით სავსე კალათები. ბაღებში თეთრი მარმარილოს შიშველი ფიგურები, ნიმფები და ქალღმერთები დადგა, რომლებიც გლეხებს შიშის ზარს სცემდა. მერე მთელ მსოფლიოში გაფანტულ ნათესავეებს უხმო, რომელთა სიმცირესაც თავისი ნარჩინებული გვარის გამო არ უჩიოდა და სასახლის დარბაზებშიც მალევე აივსო

სხვადასხვა ენაზე მოსაუბრე ადამიანთა ხმებით, აღტაცების შეძახილებითა და ენამოსწრებული დიალოგებით. უშველებელი მაგიდები ერთმანეთს მიადგეს. რამდენიმე მოახლე გოგო დილიდან საღამომდე რეცხავდა ჭურჭელს. შორიდან ჩამოყვანილი მზარეულები ასად იჭრებოდნენ, სამზარეულოს სარკმლებიდან ბოლქვებად გამოდიოდა ორთქლი, თუჯის ტაფებში გოჭები, ხობები და უზარმაზარი ორაგულები შიშინებდა, ნაკვერჩხალზე შამფურებზე წამოცმული ნანადირევი ტრიალებდა.

ამინდმაც ხელი შეუწყო. სტუმრები წალკოტში დასეირნობდნენ და შადრევნებისა და ქანდაკებების სილამაზით ტკბებოდნენ, თუმცა მათ ყველაზე მეტად მაინც ბალის სხვადასხვა ნაწილში მოწყობილი ცოცხალი სანახაობა აღაფრთოვანებდათ, სადაც ნაირგვარ სამოსში გამოწყობილი და შეპუდრული მსახიობები ხვდებოდნენ.

ჩრდილოეთ მხარეს ისინი ზამთრის ალეგორიას განასახიერებდნენ: მიწაზე გაშლილ თოვლივით თეთრ ტილოზე გაშემებული მონადირეთა ჯგუფი გარეული ტახებისა და კურდღლების ფიტულებს იარაღს უმიზნებდა. იქვე მდგარ ჯარას და სართავ დაზგებს გარინდებული ქალები მისხდომოდნენ. ძვირფასი მარხილები სრიალში გასაჯიბრებლად მომზადებულიყვნენ. ქათქათა ტილოზე ამოჭრილ ხერელში რამდენიმე კაცს ანკესები ჩაეკიდა. თავად ზამთარს ერთი ტანხმელი, ხანში შესული სოფლელი ქალი განასახიერებდა, რომელიც ჯოხს დაყრდნობოდა და თავიდან ფეხებამდე დათვის ტყავში გახვეულიყო. ქალს ფრიდა თუ გრეტა ერქვა, თუმცა სახელს რა მნიშვნელობა აქვს. შიშისმომგვრელი, მაგრამ იმავდროულად დიდებული სანახაობა იყო.

მაისის კვალობაზე ზედმეტად თბილი დღის გამო მსახიობებს სახეზე ოფლის წვეთები ჩამოსდიოდათ, რომელსაც უხვად შეფრქვეული პუდრი იშრობდა.

მოხიბლული დამთვალეირებლები გზას ბალის აღმოსავლეთ ნაწილისკენ მიჰყავდა, სადაც მათ გაზაფხული ელოდათ, ჰაეროვან თეთრ კაბაში გამონწყობილი ნორჩი ქალწული, რომელსაც ქერთმიანი თავი ყვავილების გვირგვინით დაემშვენებინა. „ახ!“ – აღტაცების შეძახილი აღმოხდა დიდგვაროვან მაყურებელს. ჭაბუკები გაზაფხულის მოხდენილ, შიშველ კოჭებზე აჩერებდნენ მწველ მზერას, ქალბატონები აბრეშუმისა და ტიულის სინატიფეს იწონებდნენ. გაზაფხულის გარშემო გლეხებს მოეყარათ თავი, რომლებიც ვითომდა მიწას ხნავდნენ. ხნულში ჩამდგარ მთესველს კი მარცვლის მოსაბნევედ განვდილი ხელი ადგილზე გაშეშებოდა.

სამხრეთით, ახალგაზრდა გათხოვილი ქალი, რომლის სახელსაც ფონ კინასტი ველარ იხსენებს, მაგრამ სამაგიეროდ არასდროს დაავიწყდება მისი გრძელი და სქელი ქერა თმა, ზაფხულს განასახიერებდა. თავადაც ყვავილებით მოჩითულ კაბაში გამონწყობილ, ცოცხალი ყვავილების ზღვაში მდგარ ქალს თავთავებისგან დაწნული გვირგვინი ედგა თავზე და ხელში მაისის პირველი ვარდების კონა ეჭირა. მის გარშემო კი მიწისკენ თავდახრილ ჩალისქუდიან მომკელებს – მთიბავებსა და ნამგლიან ქალებს მოეყარათ თავი.

ნალკოტის დასავლეთით, ზედ ტბორის პირას, მთელი თავისი პირვანდელი სილამაზით – ვაშლითა და მსხლით სავსე კალათებით, გაკრიალებული სტაფილოთი, შემოდგომისფერი ქსოვილების ფოთლების გროვაში შემოდგომა გაყურსულიყო. შემოდგომის როლი ფონ კინასტის სოფლელ ხასას, გამორჩეული სილამაზის წითურთმიან და ხორცსავსე მარსელა ოპტიზს მოერგო. მარსელა დედოფალივით ყელმოღერებული იდგა წელში მოხრილ ქალებს შორის, რომლებიც მიწიდან ვითომდა კარტოფილს იღებდნენ და სელს ცეხვავდნენ.

და ამ ყველაფრის შემდეგ, განა საჭიროა იმის თქმა, რომ სანახაობამ უკლებლივ ყველა სტუმარი ერთნაირად აღაფრთოვანა? დღესასწაული რამდენიმე დღე-ღამე გრძელდებოდა. გათენებამდე იღვრებოდა მუსიკა, რომელსაც საყვირის შედახილები, ვიოლინოების ფალცეტები და მკვნესარე ჰობოები ერთად ქმნიდნენ. ბილიკებზე მიმობნეული კენჭები სასიამოვნოდ ხრაშუნებდა სტუმართა ფეხქვეშ.

ზეიმის დასრულების შემდეგ კი, როცა სტუმრები ეტლების ჭრიალით შინისკენ მიმავალ გზას დაადგნენ და მათი სასახლეში ყოფნის ნიშნად მხოლოდ გათელილი ბალახი და აურაცხელი დასარეცხი ჭურჭელია დარჩა, როცა ილაჯგანყვეტილი დაქირავებული მზარეულები სულის მოსათქმელად მაგიდებთან ჩამოსხდნენ, მაძლარი ძაღლები ნაგვით სავსე აივნებზე მიეყარნენ და გლეხებმაც დაღლილი სხეულების მოსასვენებლად თავიანთ ქოხებს მიაშურეს, ფონ კინასტი დივანზე მიწოლილ, შაკიკით შეწუხებულ მეუღლეს ფერხთით ჩამოუჯდა და თავის მართლებას მოჰყვა:

– ძვირფასო ქალბატონო, ხანდახან ერთი შეხედვით ყოვლად უსარგებლო რამეებიც უნდა ვაკეთოთ ხოლმე. ამის გარეშე ჩვენი ცხოვრება საშინლად მოსაწყენი იქნებოდა. ისეთივე, როგორიც აგერ, იმათი... – და ხელი ქვემოთ, ტაფობზე გაშენებული სოფლისკენ გაიშვირა. – ჩვენ ცხოველებისგან ფიქრისა და სიბრძნით სავსე წიგნების კითხვის უნართან ერთად არასაჭირო რამის კეთების მოთხოვნილებაც განგვასხვავებს. დიახ, ზოგჯერ ისეთი უსარგებლო საქმეებიც უნდა ვაკეთოთ, რომელთა არსებობაც ხანმოკლეა, მაგრამ მომხიბლავი, რომლებიც გვაოცებენ, მიუხედავად იმისა, რომ მსწრაფლვე ეძლევიან დავიწყებას. ჩვენი ყოფა აი, ასეთი ცვეცხოვანი აფეთქებებით უნდა იყოს სავსე, თორემ სხვანაირად მოვდუნდებით და გამოვიფიტებით.

იმ წელიწადს ფონ კინასტს ბრწყინვალე იდეა დაებადა, რომლის მსგავსიც მანამდე არასოდეს მოსვლია თავში. მისი განხორციელება ივლისში კედრონის გათხრით დაიწყო, მკისა და წელიწადის იმ დროის მიუხედავად, რომელიც ადამიანებს ათასგვარ საქმეს ახვევს თავს. ფონ კინასტი შუალამემდე ჯერ თავის მდივანს ეთათბირა, მერე კი პრალაში, დიოცეზიის დედაქალაქში, იქაურ ეპისკოპოსთან თავისი ნამოწყების საბოლოო დეტალების შესათანხმებლად გაემგზავრა. იქვე შეუკვეთა მაუდის ფერადი ქსოვილები, ხეზე კვეთის ოსტატებსაც მოურიგდა, თავისი მჭედლებისთვის საჩვენებლად ძველებური იარაღი – ფარ-ხმალი და შუბებიც შეიძინა და სხვადასხვანაირი ალმებიც დაუკვეთა. სექტემბრიდან მის სამჭედლოებში დროებით დაივიწყეს ნალები, კასრის სალტეები, ურმის ლერძები და თვლები. აქ ახლა იარაღის პირებს ამზადებდნენ, დანარჩენ ნაწილებს კი ხისგან თლიდნენ. ქალები ხიფთანებსა და მოსასხამებს კერავდნენ, მოსამსახურე გოგოები დროშებზე უცნაურ ემბლემებს აქარგავდნენ. ამ შრომაში რამდენიმე სოფლის მცხოვრებნი იყვნენ ჩაბმულნი. მოლაპარაკების თანახმად, გასამრჯელოდ ისინი საკვები პროდუქტებს მიიღებდნენ, რომლებიც ახლომდებარე სასახლეებიდან ან ქალაქში გამართული ბაზრობებიდან მოჰქონდათ. ფონ კინასტის ყველა სოფელი, რატენი, რატენაუ, სტენაუ, ალბენდორფი, ზაიფერსდორფი, შრაფენეკი, რომელიც ჩრდილო-სამხრეთისკენ, დაბლობში მდებარეობდა, ისევე როგორც გორაკებზე შეფენილი მბეჭველთა მომცრო დასახლებები, მისთვის მუშაობდა. თითოეული სოფლიდან თითო კაცი აირჩია, რომლებიც პასუხისმგებლები იქნებოდნენ თანასოფლელთა შრომაზე, ყოველი კვირის ბოლოს კი, წირვის შემდეგ, ანგარიშს ჩააბარებდნენ. ისინიც მოდიოდნენ და თავიანთი გლეხური სიტყვაძვირობით უყვებოდნენ, თუ

რამდენი ხის ხმალი გამოითალა, რამდენი ხიფთანი და ფერადი მოსასხამი შეკერეს ქალებმა, ფონ კინასტის მამასახლისს კი ეს მონაცემები ხორბლის, სელის ძნების, კარტოფილისა და საქონლისთვის ცალ-ცალკე გამოყოფილ გრაფებში შეჰქონდა. პატარა კუნცენდორფში მცხოვრები დურგლები ამ დროს ხესავით მალალ და ხისავე ბორბლებზე შემდგარ საალყე მანქანებს აგებდნენ და ფონ კინასტიც ყველაზე მთავარ საქმეს – იერუსალიმის აგებას შეუდგა.

ამბობდნენ, გოტფრიდ ლოტარინგიელი ფონ კინასტის წინაპარი იყო. ყოველ შემთხვევაში, მისი დიდი ოჯახი ასე მიიჩნეოდა. თუკი სისხლს მართლა გააჩნია მეხსიერება, მაშინ იმ სურათსაც მოეძებნება ახსნა, რომელსაც მოსასვენებლად წამოწოლილი, თვალებმილულული ფონ კინასტი წარმოიდგენდა ხოლმე. ის უმეტესად უდაბნოს თაკარა მზის ქვეშ გაშლილ ოქროსფერ ქალაქს ხედავდა – მის მალალ კედლებსა და კოშკებს, ეკლესიებისა და მინარეთების წვეტიან და მრგვალ გუმბათებს – სამყაროს მიერ ლანგრიტ მორთმეულ ოქროსფერ ორცხობილას.

იცოდა, რომ ამ სურათის სიღეზიის ნოტიო ველებზე გადატანა იოლი საქმე არ იქნებოდა. ადგილი, რომელიც, მისი აზრით, ძალიან ჰგავს იქაურ ლანდშაფტს, კარგა ხნის წინ შეარჩია: აღმოსავლეთით და სამხრეთ-აღმოსავლეთით მდებარე ორი დაბლობი და ხეობაში თავქვეზე მიმავალი პატარა მდინარე, რომელიც დღითი დღე სულ უფრო მეტად ემსგავსებოდა კედრონს, სამხრეთ დასავლეთით კი მომცრო ბორცვი, რომელიც სიონის მაგივრობას გასწევდა. გარდა ამისა, ეს ადგილი სასახლის ტერასიდან ხელისგულივით იშლებოდა და ფონ კინასტის ჩანაფიქრის განსახორციელებლად პირდაპირ ციდან ჩამოვარდნილ წყალობას ჰგავდა.

მუშაობა დურგლებმა ხის კედლების აგებით დაიწყეს, რომლებიც სიმაღლით, მართალია, ბევრად ჩამოუვარდებოდა ორიგინალს, მაგრამ ნმინდა ქალაქის იმიტაციის შესაქმნელად საკმარისი იყო. შუა ნაწილიც პირობითად მონიშნეს იმის გამო, რომ აქცენტი ქალაქზე კი არა, მის დაპყრობაზე უნდა გაკეთებულიყო. სამაგიეროდ სამი მოზრდილი კოშკი წამომართეს – დავითის კოშკი, შედარებით მცირე ზომის ჰეროდეს კოშკი და იაფას კარიბჭე დასაველეთით.

ნოემბრის ბოლოს იერუსალიმის მშენებლობა უკვე დასრულებული იყო. ზამთრის ამ ცივ და მოღუშულ პერიოდში გლეხები, რომელთაც საქმე აღარაფერი ჰქონდათ, ისხდნენ და თავიანთ როლებს სწავლობდნენ. რობერტ ნორმანდიელის როლი გოლიათური აღნაგობის გლეხს, ჰანს ჰოდისს, ხვდა წილად, რომელსაც გრძელი და ხშირი წვერი ჰქონდა და აბჯარში ნამდვილი რაინდივით გამოიყურებოდა, თუმცა ფეხსაცმლით სიარულს მიუჩვეველი, ძალზე მოუხეშავად დაალაჯებდა. რობერტ ფლანდრიელად ფონ კინასტმა ოპტიზი დაასახელა, ლამაზი, ნითურთმიანი შემოდგომის მამა. ვინმე კმეტი სტენაუდან, რომელსაც რაიმუნდ ტულუზელი უნდა განესახიერებინა, ყველაზე მონდომებული აღმოჩნდა: გამჭრიახმა და გონებაგახსნილმა გლეხმა თავისი როლი საუკეთესოდ მოიარგო და დიდი სამსახიობო ნიჭიც გამოავლინა. აი, ტანკრედის როლმა კი ძალიან გააწვალა – მისი შემსრულებელი შობა დღეს ავად გახდა და ახალი წლის შემდეგ გარდაიცვალა. სასწრაფოდ უნდა მოეძებნა ახალი ტანკრედი. რაც შეეხება გოტფრიდ ლოტარინგიელის როლს, ფონ კინასტს ცოტა დააკლდა, ის თავად განესახიერებინა და იერუსალიმზე თავდასხმელთ რიგებს შეერთებოდა, მაგრამ ბევრი ფიქრის შემდეგ მაინც თანამეცხედრის სურვილს დაჰყვა, რომლის აზრითაც, დიდგვაროვანს არ შეჰფეროდა გლეხე-

ბთან ერთად ველ-მინდვრად წინ და უკან სირბილი. ფონ კინასტმა ეს როლი თავის საბრალლო მდივანსა და შორეულ ნათესავს ანდო.

რაც შეეხება ურჯულოებს, იმის გამო, რომ გლეხებმა, თუნდაც რამდენიმე საათით ნებაცოფლობით უარი განაცხადეს მათი როლის შესრულებაზე, ფონ კინასტი იძულებული გახდა, კატეგორიულად მოეთხოვა, რომ მის მფლობელობაში არსებულ ყველა სოფელს თხუთმეტი-თხუთმეტი კაცი გამოეგზავნა ურწმუნოთა როლების შესასრულებლად. იერუსალიმის მმართველის, იფტიკარ ად-დავლას, როლი კი მან ერთ შავგვრემან მოჯამაგირეს მისცა.

პირველი რეპეტიციების ჩატარება შობამდე დაიწყეს, სანამ ჩამოთვოდა. ახლად აგებული იერუსალიმი მაშინ საკმაოდ უღიმღამოდ გამოიყურებოდა და მნახველზე ვერანაირ შთაბეჭდილებას ვერ ახდენდა.

იქნებ ეს დეკემბრის მოქუფრული ცის ბრალი იყო, რომელიც მთის წვერებს ჩამომხობოდა ან იქნებ მოკლე დღისა, რომლის სუსტ შუქსაც ნაშუადღევამდე ძლივძლივობით მოჰქონდა თავი, მერე კი წყვიდადთან ბრძოლაში დიდხანს და წვალებით კვდებოდა? მაგრამ, ასე იყო თუ ისე, ეჭვმა და სასონარკვეთამ ფონ კინასტის გულშიც შეაღწია: შეძლებს კი ამდენი ადამიანის მართვას, გაართმევს თავს შეტევის განხორციელებას? ან ეს ჩამოკონკილი მცონარა სოფლელები მოახერხებენ ასე უცებ რაინდებად გადაქცევას?

ამ დროს კი ორკესტრი უკვე სადღესასწაულო მუსიკას ხვენდა, იკვლებოდა საქონელი და ცხვარი, გატყავებული კურდღლები ფეხებით ეკიდა ყინვაში, სამზარეულოს იატაკი გაპუტული ფრინველის ბუმბულს დაეფარა. მაგრამ რად გინდა! რეპეტიციებზე გლეხები ზანტად, უნადინოდ ირჯებოდნენ, ნამდაუნუმ ტალახში ეცემოდნენ, სირბილი ეზარებო-

დათ და ერთი სული ჰქონდათ, შინ როდის წავიდოდნენ. ფონ კინასტს რისხვა ეუფლებოდა მათზე ფიქრის დროს, ზიზლს ჰგვრიდა ამ პრიმიტიული, ცხოველური ინსტინქტებით შეპყრობილი არსებების ცქერა. ძველი დროის ადამიანები სულ სხვანაირები უნდა ყოფილიყვნენ, თუკი ისინი ხალისით მიდიოდნენ უფლის საფლავისკენ, თუკი მათ გულებში სხვა სურვილებიც კიაფობდა, გარდა ჭამისა და ბნელ, ჩახუთულ ქოხებში ბავშვების კეთებისა.

თავლებთან აგროვებდა და ბავშვებივით უყვავებდა. ისინი კი წამდაუნუმ ფეხს ინაცვლებდნენ, ნერვიულად ახველებდნენ და სევდიანი თვალებით გაჰყურებდნენ მოშორებით მდგარ თავიანთ ქოხებს. შეძლებისდაგვარად მარტივად უხსნიდა იმ კეთილშობილი მიზნის შესახებ, რომელმაც არამარტო ქრისტიანი რაინდები, არამედ დაბალი ფენის ხალხიც, ქალები და ბავშვებიც კი ასე შორს, მთებისა და ზღვების იქით წაიყვანა, რათა უფლის დახმარებით წმინდა ქალაქი ურჯულოთა ხელიდან გამოეხსნათ. მხატვრულად აღუნერდა მათ მიერ განვლილი გზის სირთულეს, ტრიალ მინდვრებს, ველურ უდაბნოს, ურჯულოთა სიავეს. სიტყვით შეაგრძნობინებდა აუტანელ სიცხესა და წითელ მტვერს, შიმშილსა და წყურვილს და იმ სასწაულებს, რომლებიც მაშინ გაცილებით ხშირად ხდებოდა. და იქვე იმასაც დასძენდა, რომ ახლა მაშინდელთან შედარებით დუნე დრო იდგა, მათი რწმენა კი დაობებულ პურის ყუას ჰგავდა. ცდილობდა, მათთვის გასაგებ ენაზე ეთქვა, რომ ეს იყო მარადიული საიდუმლოს ამოხსნის მისტერიაში მონაწილეობის მიღების შესაძლებლობა, ისეთივე რამ, როგორც ყოველ წირვაზე დასწრება და უფლის აღდგომაში მონაწილეობა; ცდილობდა დაერწმუნებინა ისინი, რომ იერუსალიმის დაპყრობის განსახიერება მისი წამდვილი დაპყრობის ტოლფასი იქნებოდა, რომ ამის გაკეთება ისეთ შეგრძნებას

გაუჩენდათ, თითქოს ახლა კი არ დაიბადნენ, როცა სამყარო თავის დასასრულს უახლოვდებოდა, არამედ ბევრად ადრე, როდესაც ის სასწაულებით ყვაოდა, როდესაც ყოველდღიურად და ყველაფერში უფლის სიახლოვე იგრძნობოდა. ისინი კი... თითქოს ყურები დახშული ჰქონდათ, ყოველ მომდევნო რეპეტიციაზე კიდევ უფრო მეტად უგუნებოდ და უყმური განწყობით მოდიოდნენ, რის გამოც ფონ კინასტი ხანდახან ხმასაც აუწევდა ხოლმე. მისი წყრომა სუსხიან ჰაერში დატრიალდებოდა, ფიჭვების ბნელ კედელს დაეჯახებოდა და ექოდ ბრუნდებოდა უკან. ალბათ, ეს უძრავი და უტყვი ხეები ამათზე იოლად მიიტანენ იერიშსო, ფიქრობდა ფონ კინასტი.

ერთხელაც, საშობაო დღესასწაულების პერიოდში, შუალამისას, ფონ კინასტმა შექმნილი პრობლემიდან გამოსავალს მიაგნო, ოღონდ ეს სიზმარში კი არა, მაშინ მოხდა, როცა ტვინი ყველაზე მეტად ფხიზლობს, როდესაც, როგორც ნესი, სამყაროში საუკეთესო იდეები იბადება ხოლმე. დანადგლიანებული ფონ კინასტი მოუსვენრად ბორგავდა ფრანგულ თეთრეულში. სტუმრები უკვე ერთი მეორის მიყოლებით ჩამოდიოდნენ, მსახიობები კი ჯერ კიდევ არ იყვნენ მზად. რა ქნას, რა გააკეთოს, რომ ბრძოლა ფიცხელი და დამაჯერებელი იყოს? როგორ გაუღვივოს მათ ბრძოლის ჟინი? ფონ კინასტმა დახუჭული დაღლილი თვალის ქუთუთოებს მიღმა მოსალოდნელი მარცხის იმდენი შესაძლო ვერსია წრმოიდგინა, რომ ინანა კიდევ, რა მრჯიდა, ასეთი სიშლეგე რისთვის წამოვიწყო, მაგრამ მოულოდნელად ამ ყველაფერს სულ სხვა თვალით შეხედა: სრულყოფილად ვერაფერს გააკეთებ, თუ მსხვერპლს არ გაიღებ, რადგან სამყარო ვაჭრის დუქანს ჰგავს, სადაც უსასყიდლოდ არავინ არაფერს მოგცემს. შესაბამისად, მხოლოდ სულიერებისკენ სწრაფვით გლეხებს ვერ დაიყოლიებ, მით უმეტეს, რომ მათ ის ჩირადაც არ უღირთ.

გლებებმა უნდა იცოდნენ, რომ იერუსალიმის კედლის აღებით იმას მიიღებენ, რაც ყველაზე მეტად ენატრებათ, რაზეც ოცნებობენ. ხორცი, აი, რა უნდა შესთავაზოს ფონ კინასტმა მათ, შემწვარი ღორის ხორცი! საგულდაგულოდ გაბანრული მკლავისსიმსხო ძეხვები, შებოლილი ღორი, დაკეპილი ღვიძლით და სისხლში მოხარშული ბურღულით გამოტენილი ნანლაგები!

გადანყდა, რომ წარმოდგენა სამი მოგვის დღესასწაულზე გაიმართებოდა. შობის დღეებში მოსულმა თოვლმა ხისგან აგებული იერუსალიმი ზღაპრულ სანახაობად აქცია. წინა დღეს სიღეზიიდან, პომერანიიდან, საქსონიიდან და ჩეხეთიდან ასეულობით სტუმარი ჩამოვიდა და დღესასწაული დიდი მეჯლისით დაიწყო. მოცეკვავე წყვილები ფერად ფერხულში ჩაებნენ. რატენის სასახლის ყველა კუთხე-კუნჭულში მუსიკა ისმოდა. თასები და ფიალები რაინული ღვინით ივსებოდა, ჩეხური ლუდი და აღმოსავლური ცხარე არაყი კი პირდაპირ მისწრება იყო სიცივისგან გათოშილი სხეულებისთვის. სუფრაზე უხვად მოეტანათ პური, კარაქი, ყველი, ქადა და ნამცხვარი, ასევე სამხრეთიდან დიდი ძალისხმევით ჩამოტანილი ხილი, ტკბილეული, შემწვარი, მოხარშული და ლადარში გამომცხვარი თევზი, ჩაშუშული კომბოსტო, ლობიოსა და ბარდის მსუყე შეჭამანდი. ზღაპრული სანახაობით აღფრთოვანებული სტუმრები თან იმედგაცრუებულნიც იყვნენ: კერძების სიუხვისა და ათასნაირი გასართობის მიუხედავად, სუფრაზე მათ ხორცი არ დახვედრიათ. არსად ჩანდა ცხვრის მადისაღმძვრელი ბარკლები, ძეხვის რგოლები, შებოლილი ნეკნები, მაგრამ რადგან ჯერ ისევ ფხიზლები იყვნენ, ამ უცნაურ ფაქტს ჩურჩულით აღნიშნავდნენ. ეუხერხულებოდათ, რომანტიკოსი მასპინძლისთვის, ან ფერმკრთალი, ტუჩებდაკვნეტილი დიასახლისისთვის ეკითხათ, ხორციან კერძებს როდის

შემოიტანენო. თუმცა მოგვიანებით კარგად შეზარხოშებულე-ბმა ისე მოილხინეს, რომ საჭმელი საერთოდ გადაავიწყდათ, გამთენიისას კი დაღლილები და სანოლებში მორკალულები ნეტარ ძილს მიეცნენ.

შუადღისას, როცა ბენვის ქურქებში გახვეული სტუმრე-ბი სასახლის ტერასებზე გამოეფინნენ, მუსიკამაც იქუხა და ინსტრუმენტებიდან მუსიკოსების გაყინული თითებით შეს-რულებული მძლავრი უვერტიურის ფონზე იქ თავმოყრილ-თა თვალნინ ულამაზესი სანახაობა გადაიშალა: თეთრად დათოვლილი ქალაქი თვალის მომჭრელად ბრწყინავდა მზის სხივებზე. ქალაქის გალავანზე ფერადჩალმიანი მამლუქე-ბი მიმოდრიოდნენ, გალავნის ძირში კი ქრისტიანთა ლაშქარი იდგა. წარმოდგენა კანტორის რიხიანი შეძახილით დაიწყო:

– უფალო ღმერთო! შენს სამფლობელოს ურჯულოები შე-მოესივნენ და შენი ნმინდა ტაძარი ნაბილნეს!

ამის გაგონებაზე ჯვაროსანთა ლაშქარი ოთხ ნაწილად გაიყო. მეომრებმა მწყობრი ნაბიჯით სასახლის ტერასებს ჩაუარეს და წინასწარ მითითებული ადგილები დაიკავეს.

– აჰა, იხილეთ კეთილშობილი რაინდები, – გაჰყვირო-და კანტორი და სათითაოდ წარადგენდა მთავარსარდლებს, რომლებიც მონაცვლეობით ესალმებოდნენ მაყურებელს. – გულადი მებრძოლი გოტფრიდი და მისი ძმა ევსტაქი ბულო-ნიდან. ესეც ლუტოლდი და ყილბერი ტურნედან, რჩეული მეომრების ამალით. ეს ტანკრედია თავისი მებრძოლებით, ეს კი რობერ ფლანდრიელი. რაინდთა შორის ყველაზე თავდადე-ბული გოტფრიდ ლოტარინგიელი...

რაც შეეხება ქალაქის გალავანზე გადმომდგარ ურჯულო იფტიკარს, მას მაყურებელი ფეხების ბრახუნითა და „ურწმუ-ნოს“, „ლაჩარისა“ და „ძალღოს“ შეძახილით შეხვდა.

მსვლელობითა და მრავალფეროვანი სამოსით აღტაცებული მაყურებელი ტაშს სცემდა. ქალბატონები რაინდებს ცხვირსახოცების ფრიალით ესალმებოდნენ და აზრადაც არავის მოსვლია, რომ ამ დახვეწილ კოსტიუმებში, მზეზე აელვარებულ აბჯრებსა და ჯაჭვის პერანგებში ნამდვილი რაინდები კი არა, ადგილობრივი ტურტლიანი გლეხები იყვნენ გამონწყობილი.

– ნმინდა ქალაქი უნდა გავათავისუფლოთ! – კვლავ დასჭექა კანტორმა და ხმამაღალი მუსიკის ფონზე ჯვაროსნები შეტევისთვის საჭირო პოზიციებზე განლაგდნენ.

– ტყეთა შთანთქმელი ცეცხლი, მთებიდან ამოვარდნილი ალი, შენი რისხვის ქარიშხალი დაატეხე მათ თავს, უფალო!

ქალაქის გალავანზე იერიშის მიტანისას ისეთი ხელჩართული ბრძოლა გაჩაღდა, რომ ფონ კინასტს შეეშინდა კიდეც. ურჯულოები გააფთრებით იცავდნენ საკუთარ პოზიციებს, რის გამოც ჯვაროსნებს უკან დახვევა მოუხდათ. ორი სააღყო მანქანა, ერთი დიდი, მეორე შედარებით მცირე ზომისა, მძიმედ დაიძრა და გალიპულ კედელთან შეჩერდა. ლოდსატყორცნიებიდან ტყავის ღვედებით ნასროლი უზარმაზარი გუნდები ქალაქის შუაგულში ეცემოდნენ და კიდეც უფრო მეტ ქაოსს ქმნიდნენ. ამ დროს სამხრეთ-დასავლეთიდან ტანკრედმა თავისი ლაშქრით ქალაქზე მოულოდნელი იერიში მიიტანა, წარმოუდგენელი სიმამაცე გამოიჩინა და გალავანზე ავიდა. მომხდური და დამხვედრი ერთმანეთს ტოლს არ უდებდნენ. ისეთი თავგანწირვით იბრძოდნენ, თითქოს მართლაც სიკვდილ-სიცოცხლის საქმე წყდებოდა. შეტაკების დროს რამდენიმე მებრძოლი გალავნიდან გადმოვარდა და თოვლის ნამქერში ჩაეფლო, თუმცა მათთვის ყურადღება არავის მიუქცევია. ამასობაში ხის კედელი ერთ ადგილას შეინგრა და გულადი რაინდები იქიდან შეეცადნენ ქალაქში

შესვლას. ვილაც ჭყლეტაში მოყოლილმა სიმწრისგან საშინელი ღრიალი მორთო, თოვლს კი სისხლის უზარმაზარი ლაქა დააჩნდა. ერთმანეთის მიყოლებით ცვიოდა ძირს ფერადი ჩაღმები, ირღვეოდა ჯაჭვის პერანგები, იბზარებოდა ჯავშანი, ხის ჯვრები კომბლებივით ხვდებოდა ზურგებს. მოვლენები უკვე იმდენად უსწრებდა სცენარს, რომ კანტორი ტექსტის ნაკითხვას ველარ ასწრებდა.

– უგალობდეთ უფალს, უგალობდეთ! უგალობდეთ ხელმწიფეს ჩვენსას, უგალობდეთ. რამეთუ უფალი არს ხელმწიფე ამა ქვეყნისა!

რაინდებს სულ ცოტალა რჩებოდათ გამარჯვებამდე, რომ ქალაქის დამცველები მოულოდნელად გაჯიქდნენ. მათ ქალაქის შუაგულში მოიყარეს თავი, სადაც ტერასებზე მდგარი მაყურებლის თვალი ვერ მისწვდებოდათ და ხელჩართულმა ბრძოლამაც იქ გადაინაცვლა. სტუმრები ფეხის წვერებზე იწეოდნენ და კისრებს იგრძელებდნენ, ახალგაზრდები ბალუსტრადებზე ამძვრალნი ადევნებდნენ თვალს სანახაობას. ფონ კინასტს მოუსვენრობა დაეტყო. მალლა ანეული წარბით მან ნიშანი მისცა ნდობით აღჭურვილ პირს. ისიც მაშინვე შლეგიანივით მოსწყდა ადგილიდან და თითქმის უჩინრად შეერია პილიგრიმებისა და რაინდთა რიგებს. სადაც იყო ქალაქის დამცველები გამარჯვებას იზეიმებდნენ. წელათრეული ქრისტიანი რაინდები ერთმანეთის მიყოლებით ტოვებდნენ ბრძოლის ველს. ფონ კინასტმა ახლა კაპელმაისტერს გადახედა და მჭექარე მუსიკის ხმამ წამში გადაფარა წარმოდგენის მონანილეთა ხმები. გამარჯვების აღსანიშნავად მესაყვირებმა საყვირებს ჩაჰბერეს. ამ ნიშანს წინ უკვე ველარავინ აღუდგებოდა. მებრძოლები ჯერ დაიბნენ, თუმცა რეპეტიციებიდან მათთვის კარგად ნაცნობ საყვირის ხმაზე მალევე მოეგნენ გონს. ჯვაროსნები ისევ ჩაებნენ ბრძოლაში, ქალაქის შუაგულ-

ლშიც ისევ რალაც ჩოჩქოლი ატყდა – სავარაუდოდ, ურჯულოები იარაღის დასაყრელად ემზადებოდნენ. დაპირისპირება დასასრულს უახლოვდებოდა. სიამაყით სავსე მაყურებლებს გულები ასჩუყებოდათ. ქალბატონები ჩუმ-ჩუმად ინმენდნენ ცრემლებს. თვით ქალბატონ ფონ კინასტსაც კი შეეფაკლა ღანვები და მიუღლეს სიყვარულით ხელზე ხელი მოუჭირა.

დრო იყო, ურჯულოთა დროშები გამარჯვებულებს ფეხით გაეთელათ, მაგრამ ჩოჩქოლი ისევ გრძელდებოდა, გრძელდებოდა მუსიკაც და კანტორიც მოთმინებით ელოდა ხელსაყრელ მომენტს მომდევნო ფრაზების წარმოსათქმელად. სტუმრები შეცბნენ, როდესაც დაშავებულმა რაინდებმა მუზარადებისა და იარაღის გარეშე დაიწყეს დანგრეული კედლიდან გამოსვლა. მეომრებს გზადაგზა ნატეხებად სცვიოდათ ტანზე შერჩენილი აბჯარი. მოდიოდნენ და სახელდახელო ტომრებად გადაკეთებული მოსასხამებით რალაც ფუთები მოჰქონდათ. უმეტესობა მათგანი თან ენერგიულად იქნევდა ყბებს, რასაც მოშორებით მდგარი მაყურებელი ვერ ამჩნევდა. ფონ კინასტი გულში ღმერთს მადლობას სწირავდა. დაგლეჯილსამოსიან ურჯულოებს ჩამოფლეთილი ხალათის კალთები ხელში ეჭირათ, ჩალმებიდან ჩამოშლილი ქსოვილი კი სიარულის დროს ფეხებში ებლანდებოდათ. თავიანთ ჩამოკონკილ, თავჩაქინდრულ და ხელცარიელ წინამძღოლთან, იფტიკართან, ერთად მათი დანახვა ახლა უკვე სიბრალულის გრძნობას იწვევდა. გამარჯვებული რაინდები წაგებულებს ფარასავით მოერეკებოდნენ და მათ დამტვრეულ დროშებს ფეხით თელავდნენ. მუსიკამ კიდევ ერთხელ დასჭეჟა ტრიუმფის აღსანიშნავად და მსახიობებმაც თავი დაუკრეს სანახაობით აღტაცებულ მაყურებელს.

– კურთხეულია ის კაცი, რომელსაც სულში შენი ძალა აქვს, გულში კი შენგან ხელდასხმული ჩანაფიქრი, – ამბობდა

კანტორი, - რამეთუ შენს ჩრდილში გატარებული ერთი დღე სჯობს სხვა ათასს.

წარმოდგენის შემდეგ ფონ კინასტმა სწრაფად დააბრუნა სტუმრები სასახლეში გასათბობად, სადაც მათ ცხელი ღვინო და სხვა საახალწლო სიამენი ელოდათ (მით უმეტეს, რომ ნაომარი ადგილის ყურებაში სახარბიელო აღარაფერი იყო), თვითონ კი შეუჩნველად გავიდა სასახლიდან. კარგა ხანს მიდიოდა თოვლში, სანამ ბრძოლის ველამდე მიაღწევდა. გზაში შინისკენ მიმავალ გლეხებს მხარს უქცევდა, ისინიც თვალს არიდებდნენ. კაცები მოზრდილ ტომრებს მიათრევდნენ, მათი ქალები კი ჯერაც იქ იყვნენ და თოვლში მიმოხეულ ძეხვებს, სისხლიან კუპატებს, ლორისა და ქონის ნაჭრებს აგროვებდნენ, ერთმანეთს ხელიდან გლეჯდნენ შემწვარ გოჭებს და კალათებში ტენიდნენ. თან ჭამდნენ. ყველანი ხარბად ჭამდნენ. სიჩუმეში მარტო მათი პირების წკლაკური და გადაძახილი ისმოდა. მხოლოდ მისი მდივანი ჩამჯდარიყო თოვლში, შუაზე გადატეხილი ხის ხმალი გვერდით ედო და ქვითინებდა, გატეხილი შუბლიდან კი სისხლი სდიოდა.

- ჩვენ ეს მოვახერხეთ, ქალაქი ავიღეთ. - უთხრა ფონ კინასტმა და მოულოდნელად გულაჩუყებულმა, მზრუნველად წამოაყენა თოვლიდან დაშავებული ნათესავი.

მაღე დაბინდა, როგორც წელიწადის ამ დროს იცის ხოლმე. სასახლის გაჩირაღდებული ფანჯრები გატყეპნილ თოვლს გრძელ, თბილ ჩრდილებს ჰფენდნენ. ოთახებში მუსიკა იფრქვეოდა. ჯვაროსნების გამარჯვებას ახლომახლო სოფლებშიც ზეიმობდნენ. დათოვლილი მინდვრებიდან, სადაც კოცონები გაეჩაღებინათ, ყიჟინისა და სიმღერების ხმა ისმოდა. ვიღაც ბავშვი ყელზე ჩამოკიდებული ძეხვის რგოლით დატანტალებდა. ძირს დაყრილ ძვლებს ძალღები ღრღინდნენ და აქეთ-იქით დაათრევდნენ.

გალორინა

ამ დანგრეულ შენობას თურმე სულ შემთხვევით გადააწყდნენ. საიდანღაც მანქანით მომავლებს გზად ბენზინი გასთავებიათ და რადგან უკვე შებინდებული იყო, ღამის გასათევადაც აქ, დუშნიცაში, ამ უამური სახელის მქონე სოფელში დარჩენილან, რომელიც ადრე პატარა კურორტი იყო თავისი მინერალური წყლით, პარკით, შადრევნითა და ორი პანსიონით. ერთი მათგანი აღარ არსებობს, მეორე კი, აი, სწორედ ის მეორე იქირავეს სოფლის საბჭოსგან გროშის ფასად იმ პირობით, რომ შიგ თეატრს გახსნიდნენ.

საბალეტო თეატრი დუშნიცაში.

ქალი შენობამ იმით მოხიბლა, რომ სცენა ჰქონდა.

მომცრო, პრუსიული ყაიდის ხითა და აგურით ნაშენი ნაგებობა იყო. პირველ სართულზე უწინ მისაღები და სამზარეულო ყოფილა განთავსებული, ვერანდაზე კი – პატარა სასადილო ოთახი. ჩრდილოეთის მხრიდან, როგორც სოფლის ყველა სასტუმროს, საცეკვაო დარბაზი ჰქონდა. ოდესღაც ხის პანელებით მოპირკეთებული კედლები ახლა დაშლილი და ჩამომპალი იყო. მათი ბედი ნაწილობრივ იმ პატარა ხის სცენასაც გაეზიარებინა, თავისი მცირე ზომის მიუხედავად, მაინც სცენა რომ ერქვა – ორი ასასვლელით შენობის ორი სხვადასხვა მხრიდან, რომლებიც საჭიროების შემთხვევაში კულისების როლსაც ასრულებდა.

მეორე სართული რამდენიმე ოთახისა და ორი სააბა-  
ზანოსგან შედგებოდა.

გამხდარი ქალი იყო, თუმცა გამხდარიც აღარ ერქვა  
უკვე იმას - ჯობივით დანვრილებულიყო და გამოხმარიყო.  
ყველაფერი მოგრძო და წვეტიანი ჰქონდა - ვინრო სახეც,  
წამახული ცხვირიც და მუდამ გაშლილი, ჭალარაშერეული  
თმაც, რომელიც ცოტათი კუდიან დედაბერს ამსგავსებდა.  
მაშინვე გამოარჩევდი მისი ასაკის ქალებისგან, მონესრიგე-  
ბულ ვარცხნილობებს ან თუნდაც სადა კოსებს რომ ატარებ-  
დნენ. თხელი, გრძელთითებიანი ხელები ჰქონდა და გაკნაჭუ-  
ლი ფეხები. თან მუდამ შარვალი ეცვა. უკნიდან ახალგაზრდა  
გოგოს ჰგავდა, მაგრამ სახე უმაღლვე გასცემდა მის ნამდვილ  
ასაკს - თითქოს ნაკვთებს ნაოჭების ბადე უმაგრებს, რომ  
არ ჩამოეშალოსო. მაინც ეტყობოდა, რომ ერთ დროს ლამაზი  
ქალი უნდა ყოფილიყო.

მისი ქმარი, მეგობარი, თუ, რა მნიშვნელობა აქვს, ვინც  
იყო, თეატრის დაფუძნებიდან სამი თვის შემდეგ ცამონმენ-  
დილზე გაუჩინარდა. ის ქალზე გაცილებით ახალგაზრდა  
ჩანდა, ან იქნებ, უბრალოდ, თავის ასაკთან შედარებით გა-  
მოიყურებოდა კარგად? იქნებ ულვაშსაც იღებავდა, ან ჟან-  
გისფერი გარემოსა და ფერდაკარგული სიმწვანის ფონზე,  
მის თვალშისაცემ ნითელ და ლაჟვარდისფერ პერანგებს  
შეჰყავდი შეცდომაში? „მოკეტე, ძვირფასო!“ - ასე ეტყოდა  
ხოლმე, როცა ცუდ ხასიათზე მყოფი ქალი უმნიშვნელო რა-  
მეზე განინმატდებოდა. - ხდება ზოგჯერ ასე, გგონია, რომ  
მთელი ქვეყანა შენ გადაგემტერა; ან როდესაც ღამლამობით  
ხერხემლის ტკივილისგან განამებული კვნესოდა ხოლმე, რო-  
მელსაც კარგა ხანია არანაირი წამალი აღარ უყურებდა. ამ  
დროს კაცი სანოლში გვერდს იცვლიდა და სიბნელეში გამოს-  
ცრიდა: „მოკეტე, ძვირფასო!“

არავინ იცის, რატომ, რა მიზეზით მიატოვა ქალი – იქნებ ბოლოს სერიოზულად იჩხუბეს? იქნებ ეს გვერდზე გადაზნექილი, ჭერიდან ნადენი წყლით ჩამომპალი, დაფეხვილი და ჩალენილფანჯრებიანი სახლი ამოუვიდა ყელში? ასე იყო თუ ისე, წავიდა, გადაიკარგა.

ქალი ისე იქცეოდა, თითქოს კაცის გაუჩინარება არც კი შეუნიშნავს. ხანდახან სოფელში ერთადერთი მანქანის მფლობელ გლეხს აბარებდა ხოლმე ქალაქში რალაც-რალაცებს – გზავნილების ფოსტაში წაღებას, ელექტროენერჯიის გადასახადის ჩარიცხვას და ასეთ რამეს. ფულსაც მუდმივად ღებულობდა – ალბათ, პენსიას. ზოგჯერ თვითონაც მიდიოდა ხოლმე ახლომდებარე პატარა ქალაქში და იქ აფთიაქში აბებსა და ნელსაცხებლებს ყიდულობდა – ყველაფერს ძვირფასს, დასავლური ფირმებისას.

მშრალი კანი ნამდვილი სატანჯველია. დილა-სალამოს ცხიმიანი საცხი უნდა შეიზილო. კაკაოს ზეთს არაფერი სჯობს და შველის კიდეც, მაგრამ მისი მოტკბო სუნი თავს გატკივებს. ჰო, უნდა დაიტენიანო სხეული, გაიპოხო, ნელსაცხებელი შეიზილო. ხანდახან ის ძვირიანი საცხებიც ვერაფერს შველოდა და ისევ უბრალო ზეითუნის ზეთს მიაკითხავდა ხოლმე. რა ექნა, ასეთი კანით დაიბადა. თითის წვერებს რომ ჩამოისვამდა სახეზე, დეკოლტეზე, მხრებზე, მკლავებზე, ტკივილამდე დაჭიმული მშრალი კანი თითქოს ჭრიალებდა თითებქვეშ. ადამიანებსაც ისევე რომ უჩნდებოდათ ხანძარი, როგორც ტყეებს ეკიდებათ ცეცხლი გვალვაში, ალბათ, ჩირაღდანით ააღდებოდა. მშრალ, გავარვარებულ სხეულზე სიცივე თითქმის არ ეკარებოდა. ბალერინას ჩვევებს არ ივინყებდა – ცერებზე მდგარი ხელებს მალლა ასწევდა, ღრმად და დინჯად ივსებდა ჰაერით ფილტვებს და ნელა, ელეგანტურად ადგამდა ნაბიჯებს, თითქოს ცეკვავდა.

ჩამონგრეული სახლის შეკეთება არც უცდია. ხანდახან იმ სოფელელ გოგოს ალაგებინებდა, უკანონო შვილი რომ ჰყავდა და კარგადაც უხდოდა. ისიც თავს არ ზოგავდა, თუმცა დასალაგებელი ბევრი არაფერი იყო. სახლის პატრონი აჩრდილივით შეუმჩნევლად და უხმაუროდ დადიოდა თავის სახლში. მეორე სართულზე ერთ ოთახში ცხოვრობდა, დანარჩენებში კი არც იხედებოდა. ადგომისას თავის ლოგინს თუ გაასწორებდა და ხანდახან სარეცხს თუ დარეცხავდა, სულ ეს იყო მისი საქმე. საქმელი არც ახსოვდა, ხან რას ნაცოცქნიდა და ხან – რას. სადილს არასდროს აკეთებდა. მისი ძირითადი საკვები ხილი, სტაფილო, შავი პური და რძეში ჩამბალი შვრიის ფანტელი იყო. რძე სოფლიდან მოჰქონდა. იქვე, პატრონის თვალწინ მოსვამდა ხოლმე ახლად მონველილს. გლეხის ქალი კი ზიზღით შეჰყურებდა. – ასაკში ოსტიგოპოროზი და ათასი სხვა საშიშროება გემუქრება, ამიტომ ძვლებს უნდა გაუფრთხილდე. ადამიანი ამ დროს ისეთივე მყიფე და მსხვერველადი ხდება, როგორც გამხმარი, დაფუტუროვებული ხის ტოტიო, ეუბნებოდა.

სახლში არაფერი შეუცვლია. მისაღებში, აბრის ქვეშ, ჯერ კიდევ ეკიდა დაფა რამდენიმე გასაღებით, რომლებზეც ხის ბრელოკი კონნიალობდა ულაზათოდ ამოჩორკნილი ნომრებით. გაუქმებულ სასადილო ოთახში ჩამტვრეული ფანჯრებიდან შემოდგომით ქარს გამხმარი ფოთლები შემოჰქონდა. ხანდახან ბაყაყებიც ახერხებდნენ შიგნით შეძრომას. ამიტომ ჩაკეტა ვერანდის კარი გასაღებით და მას შემდეგ იქ ფეხი აღარასოდეს შეუდგამს.

ყველაზე მეტ დროს დარბაზში, სცენაზე ატარებდა. იქაურობა საგულდაგულოდ დაასუფთავა, ჭერში მუყაოს ლამპიონები ჩამოჰკიდა, კედლები ცისფრად შეღება. სცენის ფიცრები გულმოდგინედ გაახეხინა გოგოს და მერე დიდხანს

ამონმებდა იატაკის სიმყარეს მაღალი ქუსლებით. ხან სტეპ-საც ცეკვავდა – ამ დროს მთელ შენობაში გაისმოდა მხიარული, მელოდიური კაკუნი – პაკ, პუკ, პაკ, პუკ, პაკპუკ, პუკ გრამოფონიდან ხშირად ისმოდა სიმფონიური მუსიკა, რომელიც პარკსა და სოფელს ისე ეფინებოდა, როგორც რომელიმე ეგზოტიკური სუნამოს სუნი. საღამოს კი საძინებელ ოთახში მაგიდას მიუჯდებოდა წერილის დასაწერად. ყველა წერილი ერთნაირად იწყებოდა, სიტყვებით – „საყვარელო მამიკო!“, და ყველა დაუსრულებელი იყო. მერე ქალაქს გადაკეცავდა და ტყავის ჩემოდანში შეინახავდა, სადაც უკვე ასობით ასეთი წერილი დაგროვილიყო – ერთმანეთის მსგავსი პატარა, მრგვალი ასოებით ნახევრადშევესებული გვერდი. ერთი და იმავე წერილის ასობით პირველი გვერდი. ლურჯი მელანი კი ნელ-ნელა ბაცდებოდა ჩემოდნის სიბნელეში:

„საყვარელო მამიკო, ვერც კი წარმოიდგენთ, ისეთი რამე უნდა გახაროთ: თეატრი ვიყიდე! საუკუნის დასაწყისში აშენებული ძველი, ულამაზესი შენობაა, სასტუმრო ოთახებით, დიდი შემინული სასადილო დარბაზით და, რაც მთავარია, სცენით! დაუჯერებელია, არა? ბოლოს და ბოლოს, შევძლებ, დამოუკიდებლად ვიმუშაო და ყველა ის როლი ვიცეკვო, რომელსაც მოვისურვებ. კარგად ვიცი, ჩემს ასაკში მოცეკვავეები კარიერას უკვე ასრულებენ, მაგრამ რა ვქნა, სული არ ბერდება. აურაცხელი გეგმა მაქვს. ხანდახან ცეკვასაც ვახერხებ. მამიკო, ძალიან ვნუხვარ, რომ ვიჩხუბეთ, მაგრამ, ვფიქრობ, სიბერეში მაინც უნდა შევრიგდეთ. სულ უფრო და უფრო ვნანობ, რომ ჩემი ცეკვა არ გინახავთ. შეიძლება მთავარი როლები არასოდეს მქონია და ჩემი ხერხემლის გამო ვერც პრემიაბალერინა ვერ გავხდი, მაგრამ არც მთლად უცნობი მოცეკვავე ვყოფილვარ და მსოფლიოს მრავალ სცენაზე ტაშითაც დაუფიქრებლად ვივარდებოდი მყარებელს ჩემს დას-

თან ერთად. ცდებოდით, მამიკო, მაშინ, ბოლო შეხვედრისას განრისხებულმა რომ მითხარი, უნიჭო ხარო! თქვენ უსამართლოდ მომექცით“.

ქალაქი ისევ დაიკეცა და ისევ ჩემოდანში აღმოჩნდა.

პირველი მოსანვევები დუშნიცას ბინადრებმა ქალის ჩასვლიდან სამი თვის თავზე მიიღეს. მაშინ ჯერ კიდევ იმ თავის ქმართან ერთად ცხოვრობდა. ღია ცისფერ მუყაოზე იისფერი მელნით ეწერა: „ნარმოდგენა გაიმართება 19:00 საათზე. ნანყვეტებს პეტრე ჩაიკოვსკის ბაღიდან „გედების ტბა“, იცეკვებს პრიმაბალერინა“. ქმარმა თავისი ხელით ჩამოარიგა მოსანვევები მთელ სოფელში გულის ფორმის მუყაოს ყუთში შეფუთულ შოკოლადებთან ერთად. ყველა უკლებლივ გამოცხადდა ნარმოდგენაზე, ახლად მოლოგინებული ქალიც კი, თოთო ბავშვით ხელში. სცენიანი დარბაზი ისე შეცვლილიყო, ვეღარ იცნობდით. სცენას ორი რეფლექტორი ანათებდა. ერთი, რომელზედაც ღია ცისფერი გოფირებული ქალაქი გადაეკრათ, წყლისფერ, ნისლისმაგვარ შუქს გამოსცემდა. მეორე ზემოდან დაჰყურებდა სცენას და შუაგულს ოვალური ნათებით ათბობდა. იატაკზე ცისფრად მოელვარე ცელოფანი ეფინა, ხოლო ბალიდან მოტანილი ხავსი და ბალახბულახი ტბის ნაპირის შთაბეჭდილებას ქმნიდა. იმ თოთობავშიან ქალს აღფრთოვანებისგან კენესაც კი აღმოხდა.

როდესაც მაყურებლებმა სავარძლები დაიკავეს, კულისებიდან ულამაზესი, ნარნარი მუსიკის ხმა მოისმა და ორიოდ წამში სცენაზე თეთრი ტიულის კაბიანი და პრიალა ატლასის პუანტებიანი გამხდარი, გრძელფეხება არსება გამოფარფატდა.

თავდავინყებით ცეკვავდა – მაყურებელი დაძაბული ადევნებდა თვალს თითოეულ მის მოძრაობას – თამამ ყესტებს, მოულოდნელ ნახტომებს, თითქოს იმის შიში ჰქონდა, ქალს

წონასწორობა არ დაეკარგა და იატაკზე არ დანარცხებულ-  
ლიყო. ჩამოქნილ ბარძაყებს ტიული ეფინებოდა, ყოველ  
ჯერზე ოდნავ დაგვიანებით, სხეულის მოძრაობას წამის  
სხვაობით მიდევნებულნი, და ქალს ქათქათა თვალისმომჭრე-  
ლი ღრუბელივით ეკვროდა ტანზე. თითქოს მტკიცე წინდებში  
გამოკვართულ მის ფეხებს ტერფები არც ჰქონდა, თითქოს  
არამინიერი არსება იყო, რომელსაც ნაბიჯი არასოდეს დაედ-  
გა მიწაზე. პრიალა ატლასის პუანტები ხან შეუმჩნევლად ეხე-  
ბოდნენ იატაკს, ხან კი კატისებური ნახტომებით ბაკუნობ-  
დნენ სცენაზე. თმა მალლა აენია და ვერცხლისფერი კოსის  
გარშემო წვრილი თეთრი ყვავილები ჩაებნია. მკვეთრ მაკიაჟს  
სრულიად შეეცვალა სახე, რაც მთლიანობაში მართლა კარგად  
ეხამებოდა ტიულსა და მუსიკას, მაგრამ თუ მხოლოდ სახეზე  
შეაჩერებდით მზერას, ამაზრზენი ნიღაბი შეგრჩებოდათ ხელ-  
ში. აი, ასეთ შთაბეჭდილებას ტოვებდა ეს ყველაფერი.

ცხრა ადამიანი, მათ შორის მისი ქმარიც, ბრავო-ბრავოს  
გაიძახოდა, ბალერინა კი მოხდენილად ხრიდა მათ წინაშე  
თავს. ბოლოს სტუმრებს ფორთოხლის წვენით, ყურძნითა  
და ნამცხვრით გაუმასპინძლდნენ. შინ ყველა კმაყოფილი  
დაბრუნდა. თუმცა სინამდვილეში საიდან უნდა ვიცოდეთ,  
მართლა ასე იყო თუ არა?!

„საყვარელო მამიკო, ვერც კი წარმოიდგენთ, რა ხდებოდა  
დღეს აქ. ნამდვილად გაოცდებოდით, რომ გენახათ. ამდენი  
წლის შემდეგ კიდევ ერთხელ ავედი სცენაზე და ჩემი საუკე-  
თესო პარტია ვიცეკვე „გედების ტბიდან“. ძალიან მწყდება  
გული, რომ ეს პარტია ჩემი შესრულებით არასოდეს გი-  
ნახავთ. ვიცი, მამიკო, ზოგადად რა აზრისაც ხართ ცეკვაზე,  
მაგრამ განა სამართლიანი საქციელია, გამკიცხოთ იმის-  
თვის, რაც თქვენი თვალით არ გინახავთ? ვოცნებობ, რომ  
ერთ მშვენიერ დღეს კვლავ შევხვდეთ, მინდა, ჩემი მამიკო

ჩემთან ჩამოვიდეს, თუმცა არა, ამხელა გზა თქვენ ძალიან გაგანვალებთ. მაინც ბევრს ვფიქრობ ამაზე. იმის წარმოდგენა, რომ მაყურებელთა შორის ზიხართ... თქვენთვის რაიმე განსაკუთრებულსაც კი ვიცეკვებდი, ოღონდ ჯერ არ ვიცი, რას. მაინტერესებს, როგორი განცდა გექნებოდათ ამ დროს, უხერხულად თუ იგრძნობდით თავს. პირველი, რაშიც ბავშვობიდან დამადანაშაულებთ, ის იყო, რომ მითხარით, მუსიკალური სმენა არ გაქვსო. ჩემი ფორტეპიანოს გაკვეთილები ნერვებს გიშლიდათ. თქვენ მათ უაზრო კაკუნს ეძახდით. არადა, ერთი ციდა ბავშვს სხვანაირად როგორ უნდა დაეკრა? თქვენ მუსიკის მასწავლებელი დაითხოვეთ, მე კი ფანჯრის რაფებსა და მაგიდის კიდეზე ვაგრძელებდი დაკვრას. ჩემს სურვილს, ცეკვაზე მიმიყვანეთ-მეთქი, უმოწყალოდ დასცინეთ. დედას თქვენს უჩუმრად მაინც დავყავი იქ, თქვენ კი გეუბნებოდათ, ფრანგულში ვამზადებო. სახელმძღვანელოც კი დამქონდა თან. თქვენ ვერაფერს მიხვდით! რამდენჯერ მიფიქრია, ალბათ, საერთოდ არ ვუყვარვარ-მეთქი. მაგრამ რატომ? რატომ არ უნდა გყვარებოდით? გოგო რომ ვიყავი იმიტომ? განა ეს მიზეზია? განა შეიძლება, მამას საკუთარი შვილი არ უყვარდეს? არა, ალბათ, ვცდებოდი. მე ჩემს მამიკოს სხვანაირად ვუყვარდი. დარწმუნებული ვარ, ის კარგის მეტს არაფერს მისურვებდა, მას არ ენდომებოდა დავტანჯულიყავი. მამიკო უბრალოდ ფიქრობდა, რომ არცერთ ხელოვანს არ შეუძლია იყოს ბედნიერი. არადა, ადამიანები ხომ იმიტომ ხდებიან ხელოვანები, რომ ვინმემ შეიყვაროს ისინი? ხალხს მომღერლები, მოცეკვავეები, მწერლები უფრო უყვარს, ვიდრე წარმატებული მენალები და სტამბის მუშები.

იმ უკანასკნელ ღამეს, ანუ მანამდე, სანამ მისი ქმარი, თუ ვინც იყო, სამუდამოდ მიატოვებდა და ქალაქში წავიდოდა, ქალს ის მათი განიერი სანოლის კიდეზე მძინარე დახვდა. უხ-

მოდ მიუწვა და რბილ, მხურვალე და ხავერდოვან ზურგზე მიეხუტა. სიამოვნებდა, კაცის კანს რომ ეხებოდა. ეს ათბობდა კიდევ. მაგრამ კაცმა რაღაც გაუგებარი სიტყვები ჩაიბურტყუნა, გვერდი იცვალა და გულალმა გადმობრუნდა. ქალს რული არ ეკიდებოდა, იწვა და ყურს უგდებდა ხის ჭიხა და თავების ღამეულ კონცერტს. ესმოდა, როგორ ეხლებოდნენ მინებს მწერები, სადღაც შორიდან ბუს კვილი აღწევდა. არ აძინებდა გათოშილი ტერფები და ხერხემლის ტკივილი. მისი გამხდარი, ხმელი სხეული შეშის ნაჭერივით ეგდო რბილ ლეიბში. რიტმულად, ავის მომასწავებლად ჩხვლელტდა ზურგი. დილით რომ გახედა, კაცი ისევ სანოლის კიდეში იწვა, მხოლოდ თვითონ მიჩოჩებულიყო მისკენ. ღამე დღისგან ბევრი არაფრით განსხვავდებოდა – ის კაცისკენ იწევდა, კაცი კი – განგან. ბოლოს საერთოდ წავიდა.

„საყვარელო მამიკო, – დაწერა იმ დღეს, – მინდა გითხრათ, როგორ განვიცადე თქვენი მაშინდელი ნათქვამი: დღემდე ყურში ჩამესმის. არა, ეჭვი არ მეპარება იმაში, რომ მამებს უყვართ შეილები, ამიტომ არ მჯერა, რომ ჩემთვის გულის ტკენა გინდოდათ. თქვენ, უბრალოდ, მაფრთხილებდით. არ გემეტებოდით ხელოვანის მძიმე ხვედრისთვის. ნაწილობრივ გეთანხმებით კიდევ. თავიდან რომ მომეცეს არჩევანის შესაძლებლობა, არ ვიცი, რას ავირჩევდი. მართლა არ ვიცი“.

ამასობაში დაზამთრდა კიდევ, მაგრამ უჩვეულოდ თბილოდა. ელექტროლუმელი თავისუფლად ათბობდა სამზარეულოს და საძინებელს. დარბაზსაც ორი ლუმელი ჰყოფნიდა. სწრაფად თბებოდა იქაურობა. მონდომებით ვარჯიშობდა. ხანდახან მუსიკასაც ჩამორჩებოდა ხოლმე. ხვდებოდა, ზედმეტად მკვეთრი მოძრაობების უფლება აღარ უნდა მიეცა თავისთვის, უნდა შეემოკლებინა ნახტომიც და ზნეიქიც.

სამოც წელს რომ გადააბიჯებ, ძნელია, სხეულს ძველებური სისხარტე და სიმსუბუქე მოსთხოვო, თუმცა მაშინდელზე მეტს არც ახლა იწონის.

„საყვარელო მამიკო, მინდა დაბადების დღეზე რამე გჩუქოთ, მაგრამ არ ვიცი, რა. უცნაურია, რომ ახლა ორივეს ასაკში შესული გვქვია და დროის ღერძზე სიბერისკენ ერთმანეთის პარალელურად გადავადგილდებით. მამიკო 90 წლის ხდება, მე ერთ თვეში 64 შემისრულდება. სულ მახსოვს, რომ ჩვენ შორის 26 წელია სხვაობა და ვისურვებდი, რომ თქვენს ასაკში მეც ისევე მხნედ ვიყო, როგორც თქვენ მეგულებით. რამხელა დრო გავიდა, რაც ერთმანეთი არ გვინახავს. თითქმის 35 წელიწადი...“

რა თქმა უნდა, არც ეს წერილი დაუსრულებია. ესეც დანარჩენებს მიემატა და შუა წინადადებაში შეწყვეტილმა ტყავის ჩემოდანში დაიდო ბინა.

საშობაოდ „მაკნატუნას“ დადგმა უნდოდა და მთელი დეკემბრის განმავლობაში მონდომებით ვარჯიშობდა. მოსაწვევებიც დაამზადა და ფოსტით დაგზავნა, ანუ ახლომდებარე პატარა ქალაქის საფოსტო ყუთში ჩაყარა. მამასახლისსაც გაუგზავნა, ქალაქის ბურმისტრსაც, აფთიაქარსაც, რომელთანაც საცხებს ყიდულობდა და იქაური სკოლის პედკოლექტივსაც. მოწვეულთაგან მხოლოდ ოთხი კაცი მოვიდა – ერთი გლეხი ცოლთან ერთად და ორიც მოხუცი დედაბერი, წელში მოკაკულებს და დაკოჭრილებს მზერა მინისტვის რომ მიებჯინათ და ნორმალური მოძრაობა სანატრელად შქცევოდათ. და სხვები? სხვებს, ალბათ, შეეშინდათ, ცეკვის დროს არ დაცემულიყო და ხმელი ტოტივით არ დალენილიყო, თავად კი ამ საცოდაობის მონმენი არ გამხდარიყვნენ. რას იზამ, ასეა, ადამიანებს მარტო იქით მიუწევთ გული, სადაც სიამოვნება ელოდებათ.

იმ საღამოს თავს ტირილის უფლება მისცა. გულაღმა იწვა და უდაბნოსავით მშრალი კანით ცრემლებს ისრუტავდა. ზენარზე ერთი მათგანიც კი არ დაცემულა.

შობისთვის რამდენიმე მისალოცი ბარათი მიიღო, მათ შორის ქმრისგან, მეგობრისგან, თუ ვინც იყო ის კაცი მისთვის, ნითელ პერანგებს რომ იცვამდა, იმისგან.

თებერვალში ორი კვირით სოფელი ერთიანად დაფარა თოვლმა. ამ ხნის განმავლობაში არ უფარჯიშია. ლოგინში დაყუნცული ფანჯრიდან დათოვლილ ლანდშაფტებს გაჰყურებდა. ერთი კვირის შემდეგ ვიღაცამ მის კარზე ბრახუნი ატეხა. მანქანიანი გლეხი იყო სოფლიდან. შემფოთებულმა ჰკითხა, ცოცხალი თუ ხარო? აქაურობას სიცოცხლის ნიშანწყალი არ ეტყობა, თოვლზე ნაფეხურები არ ჩანს, საკვამურიდან ბოლი არ ამოდის. ეს რა საქციელია, რა წესიაო, – დაამუნათა. მარხილით ქალაქში მივდივარ, ხომ არაფერს დამაბარებო, – ჰკითხა წასვლისას. ყურძენი, ზეითუნის ზეთი, ბლომად სალათის ფურცლები და პომიდორიო, – უთხრა. გლეხმა მხრები აიჩეჩა და მოსაღამოვებულზე უკან დაბრუნებულმა ცელოფნის პარკი მოუტანა. შიგ ერთი დიდი პური, პატარა პარკით მჟავე კომბოსტო, სალიამი და შოკოლადი ეწყო. ესეც ამდგარა და შეუჭამია. მას შემდეგ ყოველდღე მოდიოდა გლეხი, განიერ ქვის ღუმელში ცეცხლს ანთებდა, რომელიც მთელ ქვედა სართულს ათბობდა. არიგებდა, ზამთრობით ბიგოსი უნდა ჭამო აუცილებლად და ზედ სულ ცოტა ერთი სირჩა არაყი დააყოლოო. ეტყობოდა, რომ არც თვითონ იკლებდა.

„საყვარელო მამიკო, ნეტავ თუ იცი, როგორ გრძნობს თავს ადამიანი, რომელიც არავის უყვარს? ფიქრობს, რომ არასოდეს არაფერი გამოუვა, რომ გროშადაც არ ღირს მისი მცდელობა, მაგრამ, ამის მიუხედავად, მაინც ჯიუტად აგრ-

ძელებს საქმიანობას. ხო, ასეთს ყველაზე უღირსად მიაჩნია თავი. იატაკზე დაგდებული ჩვარივითაა, დაჭმუჭნილი ქალღმერთი. ასეთი ადამიანი ვერასოდეს იპოვის სულიერ სიმშვიდეს. მთელი ცხოვრება იმის მცდელობაში იქნება, ვინმეს სიყვარული დაიმსახუროს, მაგრამ ამასაც ვერასდროს მიაღწევს. ალბათ, სწორედ ასეთი უსიყვარულო ადამიანები მიილტვიან სრულყოფილებისკენ. რადგან რასაც არ უნდა მიაღწიონ, ბოლომდე მაინც ვერ კმაყოფილდებიან. თავს არ დაზოგავენ, წელში განყდებიან, მაგრამ მადლობას და გასამრჯელოს არ მოითხოვენ. ჩვენ, ასეთები, სიზიფები ვართ და საცრებით წყლის მხაპავები".

თოვლი რომ დადნა და გზაც გამოჩნდა, გლებს ქალაქში გაჰყვა და საღებავები და ფუნჯები იყიდა, უამრავი დიდ-პატარა ქილა და ტუბები. ვხედავ, რემონტს იწყებთ, უთხრა გლებმა, მაგრამ დამიჯერეთ, ამის გაკეთებას აზრი არა აქვს. ეს ნანგრევი საცაა ჩამოიშლება. არ ღირს ამისთვის ფულის დახარჯვა. სააღდგომოდ ახალი წარმოდგენის დადგმას ვაპირებო, უპასუხა, ამჯერად სულ სხვა რაღაცისო. გლებმა ნაღვლიანად გაულიმა. თქმით აღარაფერი უთქვამს.

ახლა უკვე სცენიანი დარბაზიდან აღარ გამოდიოდა. ხატავდა. მთელ სოფელს ესმოდა მისი გრამოფონიდან დაფრქვეული მუსიკა, რაღაცნაირი მოსაწყენი, ისეთი, რადიოში რომ გადმოსცემენ ხოლმე. ამ მელოდიას ჭილყავების ჩხავილი უერთდებოდა, რომელთაც იავარქმნილი პარკის ხეებზე დაედოთ ბინა. საღამოხანს შემთბარი წყლით სხეულიდან იმ საღებავს იშორებდა, რომლითაც მეორე დღეს ხელახლა უნდა დათხუპნულიყო. მერე ბალახების ჩაის მოადულებდა და წერილებს წერდა.

ვერანდაზე მდგარი მაგიდები ხარაჩოებს დაემსგავსა. საღებავს პლასტიკის ვედროებში ურევდა, ფერებს - მინის

მომცრო ქილებში. მარტში, ცოტა რომ დათბა, ფანჯრებს ბოლომდე ალებდა და სახლიდან მისი ღიღინის ხმა გამოდიოდა. ფოსტაში ან ბანკის საქმეზე ქალაქში წასული შინ დაბრუნებისას ერთ ბოთლ ღვინოსაც გამოიყოლებდა ხოლმე. დღეები ერთმანეთს ჰგავდნენ. მხოლოდ ბუნება არ ემორჩილებოდა ამ ერთფეროვნებას. აღარ ყინავდა. ნოტიო ჰაერი იდგა სოფლის თავზე. ხეებმა ქერქზე ბუსუსები გამოილეს და ხავერდით გაბზინდნენ. შარშანდელ ფოთლებს ნეშომპალას მოტკბო სუნი შეეპარა. ბოლოს ენძელებიც აყვავდნენ.

აღდგომის წინ, აპრილის დასაწყისში, მთელ სოფელს ახალი მოსაწვევები ჩამოურიგა. ნაცნობი გლეხი კარდაკარ დადიოდა და იხვენებოდა, ხალხი არა ხართ, მოდით, შეიბრალეთ ეს ქალიო, ბოლოს და ბოლოს, ორი საათი თქვენ არც დაგაქცევთ და არც აგაშენებთ, მას კი გაახარებთ, მთელი ზამთარი ემზადებოდა ამ დღისთვის, თანაც არ არის ცუდი ქალი, ხო, კარგი, შეიძლება ცოტა უსტვენს, მაგრამ ვის რას უშავებს, არის თავისთვის და ცეკვავსო. ჰოდა, აღდგომა დღეს, მსუყე სადილის შემდეგ, წარმოდგენაზე 9 კაცი მივიდა და კიდევ სოფლის 3 სტუმარი. მორიდებულად შელაგდნენ საგანგებოდ ჩაბნელებულ დარბაზში, წყნარი მუსიკის ფონზე კედელზე მიხატულ ისრებს მიჰყვნენ და ადგილებიც დაიკავეს.

შუქი რომ აინთო, გაკვირვებისგან ენა წაერთვათ. ნამდვილ, ხალხით გადაჭედნილ თეატრში აღმოჩნდნენ, როგორიც აქამდე მარტო კინოში ენახათ, თავისი პარტერით, ქანდარებით, ლოყებით. ის კი არა, ასობით ადამიანის ხმაც კი ჩაესმოდათ ყურში. იმ სევდიანი, ჩამოგლეჯილ-ჩამოფხავებული დარბაზისა კვალიც კი გამქრალიყო. კედლებიდან, იატაკიდან აყოლებული ჭერამდე, ადამიანთა სახეები იმზირებოდნენ. მარჯვენა ლოყაში გვირგვინოსნებიც ისხდნენ, მათ გვერდით კი მენამული ატლასის სარტყლები ელავდა, რომლებიც ქვეყ-

ნის პრეზიდენტებს მკერდზე ირიბად გადაეჭირათ. ქალები თავს ინონებდნენ მდიდრული შლაპებით, მამაკაცები პრიალა შავი ცილინდრებით, ერთმანეთის მსგავსი, დაუდევრად მიხატული სახეებიც მრავლად იყო – ასეთებს უმთავრესად პარტიერში მოეყარათ თავი. აი, ლოჟებში მყოფნი კი მკვეთრად განირჩეოდნენ ერთმანეთისგან და თუ კარგად დააკვირდებოდით, მათში მერლინ მონროს ქერა თმასა და ელვის პრესლის შეუდარებელ ვარცხნილობასაც ამოიცნობდით. აგერ ახლად შემოსული სტუმრები უკვე ხალისიანად უჩვენებენ ერთმანეთს მარშალ პილსუდსკის დიდულვაშიან სახეს, ან, იქნებ, ეს სულაც ლებ ვალენსა იყო. ჭარმაგი და ახალგაზრდული, მოგრძო და პირმრგვალი სახეები ერთმანეთში არეულიყო. უკანა რიგებში ისინი უფრო და უფრო მეტად ემსგავსებოდნენ ერთმანეთს, სულ უკან კი წრებადლა ჩანდნენ – ცხვირისა და პირის აღმნიშვნელი ორი პერპენდიკულარული შტრიხით, მაგრამ ამას უკვე აღარ ჰქონდა დიდი მნიშვნელობა. ამ ყველაფრის შემხედვარე გლეხი ხმამაღლა იცინოდა, ერთი ამას დამიხედეთ, რა ნიჭი ჰქონიაო. თავიდან ჩვილსაც უცინოდა სახე, მერე კი მოულოდნელად ატირდა, ალბათ, ხალხისა და ფერთა სიჭრელემ შეაშინა. მუსიკა აჟღერდა თუ არა, მაყურებელმა ტაში დასცხო. თეთრ ტიულში გამონყობილი ქალი მოხდენილად იდგა სცენაზე და იქიდან ესალმებოდა საზოგადოებას. ასაკი საერთოდ აღარ ეტყობოდა. იმ დღეს განსაკუთრებული სიმსუბუქით ცეკვავდა და მაყურებელიც იმდენად აიყოლია, რომ შესაძლო მარცხზე აღარავინ ფიქრობდა. არა, არ დაეცემოდა, არც დაიმსხვრეოდა და არც მტვრად იქცეოდა, რომელსაც მერე მოფრიალე ტიული ჰაერში გაფანტავდა. უცნაური მუსიკა იყო, თითქოს მწერები ბზუიანო. ისიც ხან ფუტკრად გადაიქცეოდა, ხან კრაზანად და ხელებსაც მათი ციცქნა ფრთებივით რიტმულად იქნევდა.

ის ორმაგი დიადემატ კი, რომელიც შუბლს უმშვენებდა, მწერის თვალებს წააგავდა. ამიტომ შემთხვევით არ მომხდარა, ყველა რომ მოიხიბლა წარმოდგენით და ბალერინა ბისზე გამოიწვიეს.

მომდევნო დღეს მოხატული დარბაზის ამბავი უკვე მთელმა სოფელმა იცოდა, მერე მთელმა დაბამ. მაისის უქმეებზე მის სანახავად ქალაქიდან რამდენიმე უცნობი ადამიანიც ჩამოვიდა. სტუმრები თავაზიანად მიიღო, სთხოვა, მისამართები დამიტოვეთ და მოსაწვევებს გამოგიგზავნითო.

მთელი ზაფხული თითქმის ყოველ კვირა დღეს ცეკვავდა ტურისტებისთვის, რომლებიც განცვიფრებული იყვნენ მისით და მისი პუბლიკით. ადგილობრივმა ტელევიზიამ მასზე დოკუმენტური ფილმიც გადაიღო. კამერა ხან მას აჩვენებდა, ხან მისი ხელით მოხატულ კედლებს. საჩუქრად გამოგზავნილ კასეტაზედაც ბევრჯერ ნახა ფილმი, უფრო სწორად, ყოველ საღამოს ნახულობდა, რისთვისაც საგანგებოდ შეიძინა ტელევიზორი. და მხოლოდ ამის შემდეგ, პირველად დაასრულა დაწყებული წერილიც:

„საყვარელო მამიკო, გიგზავნით კასეტას ჩემი სოლო გამოსვლის ჩანაწერით. ძალიან გთხოვთ, ნახეთ და ნუ გამკიცხავთ. ვფიქრობ, ჩვენი შერიგების დრო დადგა. ყოველთვის მახსოვდით და ახლა უკვე შემიძლია გაგიმხილოთ, რომ თითქმის ყოველდღე გწერდით წერილებს. ყველა მათგანი შენახული მაქვს. ოდესმე თუ წაკითხვას მოისურვებთ, შევკრავ და გამოგიგზავნით. თუმცა ბევრია. ცდებოდით, მამიკო! მე მქონდა ნიჭი, უბრალოდ, თქვენ ის ვერ შეამჩნიეთ. არც სიბეჯითე მაკლდა და დღეს ჩემს წარმოდგენებს უამრავი ხალხი ესწრება. ჩემი თეატრის დარბაზი ჩემს სანახავად მოსულ მაყურებელს ვერ იტევს. ვხედავ, მამიკო, რომ ისევ დამცინით, რომ ეს ის ირონიული ლიმილია, რომლისაც ყოველთვის

ძალიან მეშინოდა. მრცხვენოდა იმის, რომ ასეთი ვიყავი, და იმისიც, რომ ვარსებობდი ამქვეყნად. მაგრამ ყველაფერს აქვს თავისი საზღვარი – მე უკვე საკმაოდ დიდი ვარ საიმისოდ, რომ მსგავსი რამის მრცხვენოდეს, თქვენ კი, მამიკო, ძალიან ხნიერი, რომ უარმყოთ. იქნებ ახლა მაინც შევრიგდეთ, დავივინყოთ წყენა და ჩვეულებრივი მამა-შვილი ვიყოთ”.

იმავე დღეს, როცა წერილი ფოსტაში წაიღო, დეპეშით მამის გარდაცვალება აუწყეს. სასონარკვეთილმა ქალაქი მოჭმუჭნა, ზედ ქუსლებით შედგა და ნაფხრენებად აქცია. მერე გამწარებულმა შენობა მთლიანად გააჩახჩახა, საღებავები მოიტანა და კედელზე მიხატულ მაცურებლებს პარტერის მეოთხე რიგში კიდევ ერთი სახე მიამატა. ხატვა რომ დაასრულა, ნახატს თავი დაუკრა და ცეკვა დაიწყო.

ჩემი პიროვნება

მაშინ ყველაფერი სიბნელეში ხდებოდა. თუმცა ახლაც მიჭირს ამის დაჯერება. დღის შუქი მხოლოდ ცოტა ხნით ჩნდებოდა და მაშინაც ისეთი ხეშეში იყო, როგორც ტილოს საცვლები, საერთო საცხოვრებლის გახამებული თეთრეული ან ხელოვნური ძაფისგან მთელი შემოდგომის განმავლობაში ნაქსოვი ჯემპრი. მზე – მძლავრი სამოცვატიანი ნათურა. სასწავლებლიდან რომ გამოვდიოდით, გარეთ უკვე ბნელოდა და სიბნელე თანდათან მატულობდა. სველ ტროტუარზე ყვითლად ეცემოდა სუსტად განათებული გამოცარიელებული მაღაზიების ჩრდილი. ტრამვაიშიც ბინდი ჩამონოლილიყო. ბინდბუნდიდან იყურებოდნენ ნოვოტკოს ქუჩაზე ნეილონის ფარდებიანი ბინების ფანჯრებიც. დეკემბრის დასაწყისი. ვარშავა.

გამუდმებით მციოდა. გაჩერებაზე მდგარი, „დუტის“ ქურთუკზე ვოცნებობდი, მაგრამ მსგავს რამეს ჩვენს განზომილებაში ვერსად ნახავდით. ასეთი სამოსის მოპოვება მხოლოდ საზღვარგარეთ, სრულიად სხვა სამყაროში თუ შეიძლებოდა, რაც ჩვენთვის კოსმოსში გაფრენას უდრიდა. უნივერსიტეტთან ახლოს, ერთ სასადილოში, რომელსაც ყველა „ტარაკანას“ ეძახდა, ნახევარ ულუფა ბოსტნეულს და ერთ მაჭკატს ვუკვეთავდი ხოლმე. მერე ზედმეტი სიმაძღრისგან თავბრუ მეხვეოდა, მაგრამ მაინც იმაზე ვფიქრობდი, ჯემია-

ნი ფუნთუშისთვისაც ხომ არ გავიმეტო-მეთქი ფული. ვოცნებობდი, მუშაობას რომ დავინწყებ და ზრდასრული, შემდგარი ქალი ვიქნები, მთელ დუჟინ ფუნთუშას ვიყიდი მარხლევსკის ქუჩაზე, სადაც საუკეთესო ფუნთუშებს აცხოებენ, პირამიდასავით ერთმანეთზე აკოკოლავებულს დავიდგამ წინ, ზედა ფუნთუშიდან დავინწყებ და წყნარად და მაღიანად შევექცევი-მეთქი.

მოხალისეებმა აუდიტორიაში ჩატარებულ ერთ-ერთ კრებაზე გაფიცვის კომიტეტიდან სპეციალური საშვები მივიღეთ, რაც იმას ნიშნავდა, რომ პრივილეგირებული ვიყავი და გარეთ გასვლა შემეძლო. ამაყად ვახვევდი მაგიდიდან ჩემს საძილე ტომარას, რომელიც ცოტა ხნის წინ საწოლის მოვალეობას ასრულებდა, მერე დაბლა ჩავდიოდი, სადაც მორიგე სიაში ჩემს გვარს ამონებდა და გასაღებით ჩაკეტილ კარს მიღებდა. გარეთ სუსხიანი ჰაერი მხვდებოდა, მოულოდნელი სიჩუმე და მქრქალი სინათლე, რომელიც ინსტიტუტის პარკის ბევრ საიდუმლოს მალავდა. უცბად ქრებოდა ლაპარაკის, პინგ-პონგის მაგიდების გლუვ ლამინატზე დაცემული ბურთისა და სადღაც კედლებს მიღმა აჟღერიალებული გიტარის ხმები. ქრებოდა ის მტვრის ბოლქვიც, რომელიც ყველა ჩვენგანს ედგა სასულეში. ახლა უკვე სუსხიან ჰაერს ვისუნთქავდი. მხსნელებად ჩემი პაციენტები მევლინებოდნენ. ჩემს თავისუფლებასაც სწორედ მათ ვუმაღლოდი. ისინი შორიდან, პრალიდან მიგზავნიდნენ წყალობას, რომელიც ანგელოზის გრაგნილივით მოფრინავდა ვისლასა და სტავკიზე და სულიწმიდის მოციმციმე შარავანდედივით პირდაპირ ჩემს თავსზე მოთ ჩერდებოდა. თავს უფლის რჩეულად ვთვლიდი.

გარეთ გამოსული 111 ნომრის გაჩერებისკენ მივდიოდი და იქ, ძეგლს ამოფარებული, სიცივისგან ვითოშებოდი. ავტობუსში ასული, სკამზე დავეჯდებოდი თუ არა, სასწრა-

ფოდ მოვშინაურდებოდი. ფეხებს სავარძლის ქვეშ შევანყობ-  
დი, პალტოს კალთებს მჭიდროდ შემოვიხვევედი თეძოებზე,  
საყელოს მაღლა ავიწევდი და საკუთარი სუნთქვით გამთბა-  
რი, როგორც თვალის გუგა ქუთუთოში, ისე მივსრიალებდი  
ქალაქში.

ავტობუსი პლაც ტეატრალნის უკან რომ ჩამოიტოვებდა და  
კრაკოვსკიე პშედმესციეზე გავიდოდა, ფილოსოფიის ფაკულ-  
ტეტის კორპუსის გასწვრივ გამოკიდებული წითელწარწერია-  
ნი ტრანსპარანტები ჩნდებოდა, რომლებიც უნივერსიტეტში  
მიმდინარე გაფიცვის შესახებ იუწყებოდა. გაფიცვა – გამუდ-  
მებული ფორიაქი. უცნაური ეიფორია. ჯგუფ-ჯგუფად მდგა-  
რი ადამიანების მუქი სილუეტები. სამიზდატის ფარდულებსა  
და შენობასთან წინ და უკან მოსიარულე ორი ბიჭი გულზე  
ჩამოკიდებული ყუთებით, რომლებშიც გამვლელები სიგარეტს  
ყრიდნენ – ზოგჯერ მთლიან კოლოფებს, უფრო ხშირად კი –  
ღერობით. ჩვენ, სხვა კორპუსელები, შორს ვიყავით ამ ენთუ-  
ზიაზმის, ალიაქოთის, სინათლისა და სითბოსგან. უღიმვამო  
რუხ შენობაში შეყუყულებს ხავსი გვეკიდებოდა. ჩვენ პრო-  
ვინციელი გაფიცულები ვიყავით. რევოლუციური არღნის  
მუდამ ერთი და იგივე მელოდიასავით დაკრული ბობ მარლი  
ჩვენამდე ვერ აღწევდა და ვერაფრით გვშველოდა. ისტორია  
იქ, კრაკოვსკიე პშედმესციეზე იწერებოდა.

ავტობუსის ფანჯრიდან ნოვი სვიატზე ნაშუადღევის მი-  
მოსვლას ვაკვირდებოდი. იქ სულ რაღაც იყო სანახავი და  
საკეთებელი. ისტორიულ მომენტებში ხომ ჩვენი, ადამიანე-  
ბის, ჯოგური ინსტინქტი ძლიერდება. მე ან ნოვი სვიატზე ჩა-  
მოვდიოდი ხოლმე, ან ბნელი, გულგრილი ვისლის გაღმა მდე-  
ბარე სასკა კემპაზე ვაგრძელებდი გზას. იქ ქალაქი სიჩუმეში  
ჩაყურსულიყო, და თოვლიც, როგორც სოფელში, უფრო თა-  
მამად ჭრაჭუნებდა ფეხქვეშ. ქუჩას რომ დაადგებოდი, ისეთი

შეგრძნება გქონდა, თითქოს მზრუნველი ქალის-მკლავებში ექცეოდი.

სამი ზრდასრული ადამიანი მებარა. ჩემი უფროსი მ. მათ „კლიენტებს“ უწოდებდა. მეც „კლიენტებს“ ვეძახდი. „პაციენტებად“ მათი მოხსენიება ლალატად, ანუ საპირისპირო – კონფორმისტებისა და ფარისევლების (მმართველი) სისტემის მხარეს ყოფნასთან ასოცირდებოდა. მ. მათ „გიყებს“ და „შეშლილებსაც“ ეძახდა, რაც მე ყველაზე მეტად მომწონდა, რადგან უბრალოდ, ადამიანურად და შინაურულად ჟღერდა. თითქოს ამ სიტყვებით პირველ სანყისს ვუბრუნდებოდი – სელს, ბამბას, უბრალო შავ პურს. მათში არ იყო ტყუილი, არც დამრიგებლური ტონი და „მანიაკალურ-დეპრესიული ფსიქოზები“, არც „პარანოიდული შიზოფრენია“ და არც „ბორდერლაინი“. უბრალო სიტყვები სანდოა. რას ვიზამთ, ადამიანები გიყდებიან, ეს ოდითგან ასე იყო და ასე იქნება, ამბობდა მ. და რატომ ხდება ასე? თქვენ სწორედ იმისთვის სწავლობთ, რომ ლექციებიდან შეიტყოთ, გენების ბრალია ეს, ალზრდის, მიკროსკოპული ნაწილაკების ცვლის, ენზიმებისა, თუ სულაც დემონებისა და უძველესი რიტუალებისა. ადამიანები გიყდებიან, ამაზე ორი აზრი არ არსებობს. ასე იყო ყოველთვის. ადამიანთა მოდგმა გიყებად და ნორმალურებად იყოფოდა, სადღაც მათ შორის კი ვიყავით ჩვენ – მათი ჩუმი და მომთმენი მშველელები.

მ. ტამკაზე მდებარე შენობის მეორე სართულიდან უძღვებოდა საქმეს. მე ჩემზე უფროსი და გამოცდილი მოხალისეების გვერდით ვმუშაობდი, რომელთაც ჩემი ზედამხედველობაც ევალებოდათ. არსებული იერარქიული წესრიგისთვის პატივი უნდა მეცა, რადგან მეც მისი ნაწილი ვიყავი. ყოველდღე შუადღისკენ ვტოვებდით შენობას და რომელიღაც საიდუმლო ორგანიზაციის წევრებივით, ეხოთერული სასწრა-

ფო დახმარების მუშაკებივით თუ ფსიქიკური ჯანმრთელობის კომივიოიაჟერებივით სხვადასხვა მიმართულებით ვიფანტებოდით. ზოგჯერ, როცა გამოსავალს ვერ ვპოულობდი, ჩემს ადგილას ზორბა, წვეროსან, ფანელის კუბოკრულპერანგინან მ.-ს წარმოვიდგენდი ხოლმე, რომელიც რაფაზე დაყრდნობილი, ფანჯრიდან ხელისგულივით გადაშლილ ქალაქს გაჰყურებდა და ამაზე ფიქრი მამშვიდებდა. ის სრულიად ნათლად და მკაფიოდ ლაპარაკობდა, მიუხედავად იმისა, რომ პირდაპირ არასოდეს ამბობდა სათქმელს. არც მაშინ, როდესაც მორიგეობის შემდეგ მასთან ბინაში ავდიოდით და ვსვამდით: ადამიანები იტანჯებიან, რადგან წუთისოფელი ასეა მოწყობილი. ხანდახან მათ ტანჯვას არა აქვს საფუძველი, ვილაცას ან რალაცას სწირავენ თავს, თუმცა მათგან ასეთ მსხვერპლს არავინ ითხოვს და, შესაბამისად, ვერც მათ საქციელს იგებს ვინმე. ჩვენი მოვალეობაა, უბრალოდ, მათ გვერდით ვიყოთ. უნდა გვეჯეროდეს, რომ ამით ჩვენ მათ ვეხმარებით. თუ რაში მდგომარეობს ეს დახმარება, ჯერ ზუსტად არ არის ცნობილი.

მე ორი პუნქტი მეზარა – სასკა კემპას ხეებით დაჩრდილული რამდენიმე ქუჩა და ნოვი სვიატის კუთხე კაფე „ამატორსკასთან“. ზამთრის ერთ მოკლე ნაშუადღევს, სწორედ ამ დღენიადაგ გაბოლილ და უიმედოდ ჩაბნელებულ კაფეში, მაგიდასთან, ჩაის ფინჯნითა და სიგარეტით ხელში, ველოდებოდი ჩე გვეარას. ყოველთვის ფანჯარასთან მდგარ მაგიდას ვირჩევდი, საიდანაც ქუჩას და უმეტესად გამოცარიელებული ტანსაცმლის მალაზიის ფრაგმენტს ვხედავდი. უჯრულა, უფორმო პალტოიანი ქალები, რომელთაც ხელში ნაქსოვი ბადურები ეჭირათ, პროდუქტის ძებნისას აქეთ-იქით დადიოდნენ. მალე ჩემი პაციენტიც შემოკაკუნებოდა თვალების კვესებით. თითქოს სცენაზე გასასვლელად ემზადებო, ქა-

მარზე მათარები ჩამოეკიდებინა, მკერდზე ვაზნებიანი სარტყლების ნაცვლად უცნაური თასმები გადაეჭირა ირიბად, კოჭებამდე შინელი ეცვა, თავზე კი ჩაფხუტი ეხურა, რომლის ქვეშაც თბილი შალის ქუდი დაეფარებინა. „ჰაილ, ჰიტლერ!“ შესძახებდა ჯერ კიდევ ზღურბლზე მდგარი, ან: „სოლიდარობა მშრომელ ხალხს!“, ან კიდევ რამე ასეთსავე შეუსაბამოს. ადამიანები მაშინვე შეაბრუნებდნენ ხოლმე მისკენ თავებს, ან დამცინავად შეჰყურებდნენ, ან მეტ-ნაკლებად წრფელი სიბრალულით. ზოგჯერ ვილაც შეძახილითვე გაეპასუხებოდა: „სალამი, ჩე გევარა!“ და ისევ აგრძელებდა თანამოსაუბრეს-თან შეწყვეტილ ლაპარაკს.

სანამ ჩემამდე მოაღწევდა, კიდევ რამდენიმე სხვა ადამიანს გამოელაპარაკებოდა, ხმამაღლა წაიკითხავდა ლექსს, მიმტან გოგონას გაელლაბუცებოდა, სანამ ის ლიმონიან და უფერულ, სამაგიეროდ სიროფივით ტკბილ ჩაის უმზადებდა.

„მე შელოდება!“, ამცნობდა იქ მყოფთ და თითს ჩემკენ გამოიშვერდა.

როდესაც, ბოლოს და ბოლოს, დაჯდებოდა, ჩაფხუტსა და ქუდს მოიხდიდა და ჭაღარა, მოკლედ შეჭრილი თმა გამოუჩნდებოდა, ისეთი შეგრძნება მეუფლებოდა, თითქოს თავისი თეატრის საგრძნობროში შემოვიდა, სცენიდან ჩამოსულმა შუქები ჩააქრო და შვებით ამოისუნთქა.

„უჰ, მაგრად ცივა!“, იტყოდა სავსებით მშვიდი ხმით და გაყინულ ხელებს ჩაის ჭიქას შემოხვევდა გასათბობად.

იღიმებოდა. მისმა ბავშვივით გლუვმა, უნაოჭო სახემ არ იცოდა, რა იყო მიმიკა.

„აბა, როგორ ხარ?“, ვეკითხებოდი მე, ის კი მპასუხობდა: „კარგად“, ან – „ცუდად“. თუმცა მე ვხვდებოდი, რომ ამ პასუხებს არ ჰქონდა არანაირი შინაარსი. ნუთუ რამეს ნიშნავდა ეს „კარგად“ ან „ცუდად“? მის ცხოვრებაში შეფასებები

თავიანთსავე გაკვალულ ბილიკებს მიუყვებოდნენ და ინდივიდუალური ნაყმის მიხედვით ჩანყობილიყვნენ. მისთვის არც გამოწერილი წამლების დაძალებას ჰქონდა აზრი, რადგან მათი დაღევის არანაირი სურვილი არ გააჩნდა.

„წამლებს როცა ვსვამ, მე მე აღარ ვარ“, – მეტყოდა ხოლმე.

მ. ამბობდა, რომ სიგიჟე გარესამყაროსთან ერთგვარი შეწყობის მცდელობაა. ამაში ცუდი არაფერია. და იქვე საჩქაროდ დაამატებდა თავის საყვარელ წინადადებასაც – ეს იმიტომ ხდება, ადამიანმა უაზროდ რომ არ დაიტანჯოს თავიო. მერე კი ვბჭობდით, თუ რა შეიძლება ყოფილიყო „აზრიანად თავის დატანჯვა“. მთავარია, რომ შენი განიარაღების საშუალება არ მისცე წამალს. ეს სიტყვაც – განიარაღება – მის საყვარელ სიტყვებს განეკუთვნებოდა.

ჩემთვის მთავარი იყო, საჭირო დროს ჩე გევიარა დროულად გადამეყვანა საავადმყოფოში. მაშინ, როდესაც მისი ტანჯვა და ტკივილი ჩვეული კალაპოტიდან გადმოიღვრებოდა, მის სიცოცხლეს საფრთხის ქვეშ დააყენებდა და სრულიად აუტანელს გახდიდა; როდესაც გარე სამყარო მოულოდნელად ბასრ ეშვებს გამოაჩენდა და თავისი წამდვილი, მუდამ მრისხანე და დაუნდობელი სახით ეჩვენებოდა ადამიანებს. მთავარი იყო, ბინა დამეკეტა, გასაღები შემენახა, მის მოსაწახულებლად საავადმყოფოში მეველო და იქიდან რომ გამოვიდოდა, თავიდან ჩამება ყოველდღიურობაში. ამ ყველაფრის შემდეგ კი ისევ ჩე გევიარას ერთ-ერთი მაყურებელთაგანი გავმხდარიყავი. თვალი მედევნებინა, როგორ აეტორღიალებოდა გამვლელებს, გადაცმული როგორ აჩერებდა ქუჩაში მიმავალ ოჯახებს, ჩალისქუდიან და ყანსნალით ნაქსოვ ხელთათმანიან მოხუც ქალებს, დედაქალაქში მივლინებით ჩამოსულ მამაკაცებს, რომლებიც საქალაქდებით ცდილობდნენ

მის მოგერიებას და ჩქარი ნაბიჯით აგრძელებდნენ გზას. დამშვიდობების შემდეგ ხშირად მალულადაც მივყვებოდი უკან ნოვი სვიატსა და რუტკოვსკიზე. მიდიოდა და ქამარზე ჩამოკიდებული მათარების ყლრიალით მტრედებს აფრთხოვდა. ზოგიერთ გამვლელს ჩვეულებრივი მათხოვარი ეგონა და ნაჩქარევად უყრიდა მუჭში გროშებს. და ჩე გვევარაც მოურიდებლად ართმევდა. ისიც მინახავს, დემონსტრაციას რომ შეუერთდა. სამხედრო, მწყობრი ნაბიჯით მიდიოდა. „ჰენდე ჰოხ!“, „გესტაპო“ – ღრიალებდა ომის დროიდან თავში სამუდამოდ ჩაბეჭდილ ფრაზებს. ათას ცხრაას ორმოცდახუთი წლის მერე აღარაფერი ახსოვდა. მიმდინარე მოვლენებს აინუნშიც არ აგდებდა, და, ალბათ, ამიტომ, თავს სრულიად უსაფრთხოდ გრძნობდა. მიუხედავად ყველაფრისა, ძალიან მეშინოდა, რამე უბედურებას არ გადააჰყროდა. რევოლუციებს არ უყვართ გიჟები, მათგან განსხვავებით ისინი ზედმეტად სერიოზულები არიან.

„გინდა, კლუბში წავიდეთ?“, ვთავაზობდი და დარბაზად გადაკეთებულ სამრეცხაოს ვგულისხმობდი, სადაც ჩვენი მეურვეობის ქვეშ მყოფებთან ერთად მისვლა, ჩაის დალევა და შაშის ან პინგ-პონგის თამაში შეგვეძლო.

- არ მიყვარს იქ სიარული.
- რატომ?
- იმიტომ, რომ იქ გიჟად მთვლიან.
- და შენც ისე იქცევი, რომ გიჟად ჩაგთვალონ.
- ვიცი.
- პარტიზანივით გადაცმული ქურჩა-ქურჩა დადიხარ, გაჰყვირი, ხალხს აწუხებ, სისულელეებს ბოდავ...
- ვიცი.
- თუ იცი, რატომღა აკეთებ ამას? რატომ?
- რა ვიცი. იქნებ, მართლა გიჟი ვარ.

- ჰო, ვინ იცის, იქნებ ასეა.

სალამოს გაფიცვაზე ტელეფონის ორივე ჯიხური დაკავებული იყო, მათ წინ კი უგრძესი რიგი იდგა. დედა მოჯადობულივით ერთსა და იმავეს იმეორებდა: „შინ დაბრუნდი, შვილო! ჩაჯექი მატარებელში და შინ დაბრუნდი“. მამამ ყურმილი ხელიდან გამოგლიჯა და ჩასძახა: „თუ წამოხვალ, რამე საკითხავი ჩემთვისაც გამოაყოლე“. რადიატორთან მიდგმულ ერთ-ერთ მაგიდაზე გაშლილ საძილე ტომარაში ვძვრებოდი და ვკითხულობდი. მეზობელ მაგიდაზე, ჩემ გვერდით, ნყვილი იწვა, რომელიც ჩემზე ერთი კურსით წინ იყო, მაგრამ მათთან გამოლაპარაკება ვერც ერთხელ ვერ მოვახერხე. მათ ერთმანეთის გარდა არავინ აინტერესებდათ.

აუდიტორიაში დაუსრულებელი კრებები, პოსტულატები, რომელთათვისაც ხმა უნდა მიგვეცა, საგაფიცვო კომიტეტის თავმჯდომარის ხის ქოშების კაკუნი ბეტონის იმდროინდელ იატაკზე, როცა ფსიქოლოგიის ფაკულტეტის კორპუსში ჯერ კიდევ გესტაპოს შტაბ-ბინა იყო განთავსებული. თანდათანობით მეც მიპყრობდა რევოლუციური აღმაფრენა. დიდი მანქანის პატარა ხრახნად, ქვიშის მარცვლად, პანანინა ნანილაკად ყოფნის სურვილი, იმ თოვლის ფიფქის სასიამოვნო განცდა, რომელმაც კარგად იცის, რომ უზარმაზარი ნამქერის ნანილია. გამშვიდებს იმის გაცნობიერება, რომ შენც ჯგუფური ცხოვრების ნაწილი ხარ, შეებას გგვრის ზომიერების შეგრძნების თუნდაც ნამიერი დაკარგვა და აქამდე გადაულახავ საზღვრებზე გადაბიჯება. აუდიტორიისკენ მიმავალ დერეფანში ნამწვით სავსე საფერფლეებთან ვიდექით და სიგარეტს ვენეოდით. მწველთა ჯგუფები ტალღებივით ირწეოდნენ. რიგი მიდიოდა, რიგი მოდიოდა. მერე კი უცბად დაღლილობა მერეოდა და განმარტოების სურვილი იმხელა ძალით წამომივლიდა ხოლმე, რომ ტუალეტში ვიკეტებოდი და დიდხანს

და უაზროდ ვაშტერდებოდი კედლებზე აქერცლილ ზეთიან საღებავს. თუ ვინმე სახელურს დაეჯაჯგურებოდა, სუნთქვას ვიკრავდი, სანამ რომელიმე მეზობელ კაბინაში არ შევიდოდა. დარცხვენილი ვუბრუნდებოდი ჩემს სანოლ მაგიდას, უკვე მერამდენედ ვკითხულობდი „კლასობანას“, სახელმძღვანელო ცხრილიდან ამჯერად სხვა ნომერს ვირჩევდი და იქიდან ვინწყებდი კითხვას. იმის აღმოჩენამ, რომ მოვლენათა თანმიმდევრობის განმეორება აუცილებელი სულაც არ არის და რომ იქნებ ცხოვრებაშიც სწორედ ასე ხდება – მოვლენები შენ თვალწინ ირევა და შემთხვევით კონფიგურაციებს ქმნიან, – გული ამიჩუყა. ჩავდიოდი დაბლა, ტელეფონის რიგში ვდგებოდი, რათა რიგი მალევე მიმეტოვებინა და ბუფეტში წავსულიყავი, იქიდან მოსული კი ისევ ტელეფონის რიგს დავბრუნებოდი და ასე რამდენჯერმე გამემეორებინა. მერე ისევ სანოლი მაგიდა, ტუალეტი, აუდიტორია, ტელეფონი, სანოლი მაგიდა, ბუფეტი... ბოლოს ისეთი შთაბეჭდილება შემექმნა, რომ სხვებიც იმავეს აკეთებდნენ – ცდებს ატარებდნენ წესრიგითა და ქაოსით და შენობაში ადამიანთა ეს განუწყვეტელი გადაადგილება, ქუჩაში მდგარი ადამიანთა ჯგუფებიც, ყველა შესაძლო ადგილას დამაგრებული და ქარში მოფრიალე დროშებიც და დღის მეორე ნახევარში უცბად ჩამონოლილი, დაუნაწევრებელი სიბნელეც სწორედ ამით იყო განპირობებული.

ფანჯრის მიღმა დარჩენილი ქალაქი თანდათან წყვდიადში იძირებოდა. რადიატორთან მიდგმული მაგიდიდან, რომელზეც საძილე ტომარა იყო გაშლილი, ქალაქი ისეთ ადგილად გერყენებოდა, რომელშიც აღარ დარჩენილიყო ადამიანებისთვის საჭირო და სასურველი სივრცე. თითქოს დროს სამყაროსთვის რბილი ლეიბები და ბალიშები მოეშორებინა და შიშვლად დაეტოვებინა მისი წვეტიანი და მახინჯი ჩონჩხი.

ერთხელ მაიმუნებზე ექსპერიმენტი ჩაატარეს: გალიებში დედის ორი ტიპის მულაყები შეიტანეს. მათი ერთი ნაწილი რბილი და ფუმფულა იყო, მაგრამ რძე არ ჰქონდათ; მეორე ნაწილი მავთულებისგან დანნული და ცივი იყო, მაგრამ მათი ხელოვნური ძუძუსთავეებიდან უხვად მოედინებოდა საკვები. პატარა მაიმუნები ყოველთვის მხოლოდ თბილ და რბილ მულაყებს ირჩევდნენ, ხელოვნურ ბენვზე ღონემიხდილი ეხუტებოდნენ და შიმშილით სიკვდილს ამჯობინებდნენ. ძილის წინ მხურვალედ ვლოცულობდი ამ ექსპერიმენტში მონაწილე ყველა ცოცხალი არსებისთვის. მათ შორის ადამიანებისთვისაც.

მაშინ მეც ძალიან მჭირდებოდა სირბილე და სიმყუდროვე. ჩემი ხელები უნებლიეთ ეხებოდნენ კინოდარბაზებსა და რესტორნებში ჩამოკიდებულ პლუმის ფარდებს, ენატრებოდათ ძნელად საშოვნელი ხავერდის ქსოვილი, ეფერებოდნენ გაცვეთილ ველვეტის შარვალს, ჭმუჭინდნენ რეცხვისგან განწყალბებულ აბრეშუმის შარფს. მენატრებოდა თბილი და ნოტიო გაზაფხულის ჰაერის სირბილე, მზე, ქვიშა, ნამდვილი ყავა, სურნელოვანი საპონი. მაგიდაზე წოლისგან ძვლები მტეხდა, კანზე კი წითელ რგოლად მაჩნდა ჩემი როლინგის უხეში ყელის კვალი.

იგორზეც მე უნდა მეზრუნა, რომელიც ასაკით დაახლოებით ჩემხელა იყო და დედ-მამასთან ერთად შასერებზე, ათასი ხარახურით გამოტენილ ბინაში ცხოვრობდა. ეს თავმდაბალი, წყნარი, სიცოცხლის მოყვარული ბიჭი მშობლებს სახლიდან ეპარებოდა და ხან ერთ მატარებელს მიჰყვებოდა უბილეთოდ და ხან მეორეს. მგზავრობის დროს თითქმის უფულოდ, ადამიანების იმედად გაჰქონდა თავი. ვინ ბუტერბროდს უწილადებდა, ვინ ვაშლს, ვინ სანუნს კანფეტს. მგზავრებს მის მიმართ სიმპათია უჩნდებოდათ. ზოგჯერ თვეობით იკარგებოდა და შინ ბინძური და ძალაგამოცლილი ბრუნდებოდა.

ბოდა. გაცოფებული დედამისი ასეთ დროს საავადმყოფოში მიათრევდა, მაგრამ იქიდან მალე უშვებდნენ სახლში. როგორც კი ფოსტალიონი სახელმწიფოსგან დანიშნულ მწირ პენსიას მიუტანდა, იგორი მაშინვე ისევე რკინიგზის სადგურისკენ გარბოდა. არავინ იცოდა, სად უნდა ეძებნათ გადაადგილების ყინითა და მოგზაურობის სურვილით შეპყრობილი ბიჭი, სანამ ერთ დღესაც შორეული ელკიდან ან სუვალკიდან მილიცია ან სასწრაფო დახმარების მანქანა არ მოიყვანდა სახლში. ვცდილობდით, ბუჩქივით ერთ ადგილას დაგვეკერგო იგორი, როგორმე ერთ ადგილზე გაგვეჩერებინა. ამიტომ ხშირად დაგვეყავდა კლუბში, სადაც გაუთავებლად ვთამაშობდით ბანქოსა და სხვადასხვა სამაგიდო თამაშებს, ვხსნიდით კროსვორდებს, ვთავაზობდით ათასნაირ ჰობის – საფოსტო მარკებისა და მინერალების შეგროვებას, თვითმფრინავების მოდელების აგებას, სკალარიების მოშენებას. იგორს კი კეთილად ელიმებოდა, კვლავ მატარებლებისკენ მიუწევდა გული და მეხვეწებოდა, სადგურზე გავისეირნოთო. ხიდს გადავივლიდით, იერუსალიმის ხეივანს ავყვებოდით და უკვე იქ ვიყავით. ბაქნიდან ბაქანზე მოსიარულეები, ვაკვირდებოდით, როგორ იცვლებოდა ელექტრონულ ტაბლოებზე მატარებლების მოძრაობის განრიგი. წითელ ხაზზე დგებოდა და ისე უყურებდა შემოსულ მატარებელს, ვაგონებს ითვლიდა. ზეპირად იცოდა, რომელ მათგანში იქნებოდა საწოლები და რომელში – მხოლოდ დასაჯდომი სავარძლები.

– ნახე, ვაგონი-რესტორანი! – წამოიძახებდა აღტაცებული.

– არ შეიძლება ასე უმიზნოდ აღმა-დაღმა ხეტიალი, – ვეუბნებოდი. თითქოს ის ბავშვი ყოფილიყოს, მე კი ერთგვარი საზოგადო დედა.

- ვიცი, - მპასუხობდა სრულიად განონასწორებული ადამიანივით.

- რამე ხიფათს გადაეყრები. მერე ადგებიან და ისევ საავადმყოფოში გიკრავენ თავს. არ შეიძლება ასე ცხოვრება.

- არ შეიძლება, რომ მეც რკინიგზელი გავხდე?

- როგორ არ შეიძლება. მაგრამ ამისთვის ჯერ სპეციალური ტექნიკუმი უნდა დაამთავრო.

- ტექნიკუმის გარეშე არ შეიძლება?

„პოლონეთის დედოფალს“ მეძახდა.

რამდენიმე წლის შემდეგ, ერთ დღეს, ჩემს მშობლებსაც ესტუმრა. როგორც ჩანს, იმ პატარა ქალაქის სახელი, რომელშიც ისინი ცხოვრობდნენ, ჩვენი საუბრიდან დაიმახსოვრა. დილაუთენია დაადგა თავზე - მონესრიგებული, თავაზიანი და თავი ჩემს ნაცნობად წარუდგინა. დედა მას საუზმით გაუმასპინძლდა. მერე კარგა ხანს უსხდნენ სამივე ერთად სამზარეულოს მაგიდას და მუსაიფობდნენ. როგორც კი ცოტა გაშინაურდა, იგორმა მათ თავისი წარმოსახვითი, მუდმივად მოძრაობაში მყოფი სამყაროს შესახებაც გაუმხილა, რომელიც სავსე იყო რკინიგზებით, ლოკომოტივებით, სადგურებით, რკინიგზელებით, შემინული ტაძრის ნაგებობიდან ბაქნებისა და ბილეთის სალაროების საკურთხეველებისკენ მიმავალი ხალხის ნაკადით. იმ სამყაროს შესახებ, რომელშიც სადგურის ზედამხედველები - მოგვთა საძმოს წევრები, თავიანთ საიდუმლო რიტუალებს აღასრულებდნენ, მუნდირებში გამოწყობილი კონდუქტორები კი რეკოლექციისთვის ემზადებოდნენ. ელაპარაკა მატარებლების ბოლო სადგურების სინმინდებზე, დანიშნულების ადგილთა მისტიკასა და მგზავრობაში არსებულ ხსნაზე, ხსნაზე, ხსნაზე...

- აი, თქვენი ქალიშვილი კი, ნამდვილი პოლონეთის დედოფალია, ფსიქოლოგიის ცარიცა, ანტიკური ღვთაება. ღმერთსა

ვთხოვ, ლოცვა-კურთხევა არ მოაკლოს და ხელი მოემართოს როგორც სიცოცხლესა და სააქაო ცხოვრებაში, ისე სიკვდილში და სიკვდილის შემდგომ.

პატარა ქალაქს მაისის მზე დანათოდა, სამზარეულოს ფანჯრის წინ ლარიქსის რბილნიწვიანი ტოტები ირწეოდა. სახლის წინ მეზობელი ტროტუარს გვიდა. დედას უცბად ლუკმა ყელში გაეჩხირა, მამაჩემს კი მოსაქაჩად პირთან მიტანილი სიგარეტი ხელში შეეყინა.

გაფიცვაში ერთი ბიჭი მონანილეობდა, სახელად ცირილი. უცნაური, ანონილი ბიჭი იყო, დამუნუქებულ სახეზე აქა-იქ მეჩხერი წვერი ამოზრდოდა. თავისი ნიჭიერების წყალობით, აუტიზმის მიუხედავად, უნივერსიტეტში სწავლობდა და მუდამ მოლუშული დადიოდა. დერეფანში გამოჩნდებოდა თუ არა, მოსაუბრეები მაშინვე ჩუმდებოდნენ, თითქოს საკუთარი უაზრო ყაყანისა შერცხვათო, ცირილს სასწრაფოდ თვალს აარიდებდნენ და მის ნაცვლად ან კედლებიდან აქერცლილ ზეთის საღებავს მიაშტერებოდნენ, ან სიგარეტს აქრობდნენ ნაჩქარევად, ან დაფაზე გამოკრული განცხადებების კითხვას იწყებდნენ. აუდიტორიაში გამართული ცხარე კამათის დროს ცირილი კუთხეში აიტუზებოდა და იატაკს დასცქეროდა. უნებლიეთ ჩვენც მის მზერას ვაყოლებდით თვალს, ვეძებდით იატაკზე დაგდებულ რაიმე ნივთს, ქალაღდს, ხურდა ფულს, ძირს დაჩნულ ნაკანრს, მაგრამ ამაოდ. ის სიცარიელეს ჩაშტერებოდა. სტუდენტებისგან გაღმერთებული ბ. მასზე შორიდან ზრუნავდა და ჩვენც განუწყვეტილვ მოგვიწოდებდა ტოლერანტობისკენ. გვიხსნიდა, რომ ყოველი ჩვენგანი ერთადერთი და განუმეორებელია, რომ ჩვენ შეგვეძლო ადამიანები განგვეკურნა, რომ ყველა ადამიანი თანასწორია და სიყვარულსაც თანაბრად იმსახურებს და რომ ცნება ფსიქიკური დაავადება რეპრესიული სისტემის გადმონაშთი იყო. ცირილი

ნელა, მაგრამ ყოველთვის მწყობრად და ლოგიკურად ლაპარაკობდა, მაგრამ, მიუხედავად ამისა, მისი სიტყვით გამოსვლის დროს ჩვენ მაინც სულ რაღაც არანორმალურის გაგონების, რაღაც განსაკუთრებული ნიშნისა თუ ლაქის დანახვის მოლოდინში ვიყავით და დაძაბული ვუსმენდით. როგორც კი ის გამოსვლას დაასრულებდა, ერთხანს დუმილი ჩამოვარდებოდა ხოლმე, რადგან გონზე მოსასვლელად დრო გვჭირდებოდა. შემდეგ კი დარბაზი ისევ ძველებურად ახმაურდებოდა.

თითქოს ირგვლივ არაფერი იცვლებოდა. თითქოს ცხოვრების ამ ავარიულ მდგომარეობას უსასრულოდ შეეძლო გაგრძელებულიყო. ვინ იცის, იქნებ გაფიცვა სამყაროს სრულიად ჩვეულებრივი მდგომარეობაა, იქნებ ის ადამიანის ბუნებასთან უფრო ახლოსაა, ვიდრე შედედებული და სულისშემხუთველი ნესრიგი. მაგრამ სარჩულის ქვეშ, სადღაც სიღრმეში, დღითი დღე ყველაფერი სულ უფრო და უფრო აუტანელი ხდებოდა.

ერთ საღამოს ცირილი მართლა გაგიჟდა. დერეფანში მირობოდა, კედლებს ეხეთქებოდა და არაადამიანურად ღრიალებდა. მისმა მოულოდნელმა, შემზარავმა ხმამ, რომელიც ავისმომასწავებლად გაისმა გესტაპოს ყოფილი შტაბის კედლებსა და ცუდად განათებულ დერეფნებში გამეფებულ სიჩუმეში, მაშინვე ჩვენც გამოგვაფხიზლა – პოსტულატების სიებს მიშტერებულნი და როტაციული გაფიცვის იდეაზე ჩაფიქრებულნი და დაზაფრულნი გავეკარით კედლებს.

ცირილს უკან ბ. მისდევდა. ცდილობდა, როგორმე დაემშვიდებინა, გულში ჩაეკრა, ის კი ხელიდან უსხლტებოდა. „ცირილ, ცირილ“, მონოტონურად იმეორებდა ბ., თითქოს დაძინებას უპირებსო. ბოლოს, როგორც იქნა, ის დანებდა და ბ.-მ სხვებთან ერთად ბიჭი კლინიკური ფსიქოლოგიის კათედრის აუდიტორიიდან გაიყვანა. ჰუმანისტური ფსიქოლოგიის კათედრის პროფესორმა დაშლისკენ მოგვინოდა და ჩვენც

გრძელ დერეფნებსა და ცარიელ აუდიტორიებში გავიფანტეთ, თუმცა მისი საზარელი ღრიალი მაინც ჩაგვესმოდა. მერე რამდენჯერმე ყრუ დარტყმის ხმაც გავიგონეთ. როგორც აღმოჩნდა, ცირილი კედელს თავს უხათქუნებდა.

ამასობაში გამოძახებული სასწრაფო დახმარების მანქანაც მოვიდა და რამდენიმე წუთში დავინახეთ, როგორ გაიყვანეს დამამშვიდებელ პერანგში ჩაცმული და ხელებშეკრული ცირილი.

- ნებისმიერი გაგიჟდებოდა ამ ჩაკეტილობაში, - მომხდარის შესახებ შეგრძნებებს ვუზიარებდით ერთმანეთს ბნელ და ჩახუთულ, მტკრიან და გაბოლილ დერეფნებში, რომელთა ყველა ფანჯრიდან ერთი და იგივე ხედი მოჩანდა - რუხი კორპუსები და მათ შორის ჩარიგებული შიშველი ხეები. ღია ფერის ლაქებით დაფარული მომწვანო-მოყავისფრო და საზამთროდ შენიღბული მიწა კი სამხედრო კამუფლაჟს ჰგავდა. - ნეტავ მალე დამთავრდებოდეს ეს ყველაფერი! სჯობს, დავიშალოთ და შინ წავიდე.

პანი ანა ყველაზე ახლოს ცხოვრობდა ნოვი სვიატზე, ბლიკლეს საკონდიტროს გვერდით, პირველივე შესახვევში. დიდი ეზო, მის ირგვლივ უსწორმასწორო კვადრატის ფორმით განლაგებული სახლები, ქვიშის მოედანი ბავშვებისთვის, ორი სკამი, ბეტონის სანაგვეები, რამდენიმე ვერხვი და თოვლის კენკრის ბუჩქები. პანი ანას ბინა, რომელიც დერეფნის, ერთი ოთახისა და პატარა სამზარეულოსგან შედგებოდა, მეოთხე სართულზე იყო, რის გამოც ის იშვიათად ჩამოდიოდა დაბლა. აივნის მხარეს ფანჯრები ქუჩას გადაჰყურებდა. თავად პანი ანა ნოვი სვიატს ყოველთვის ნეილონის ფარდიდან უყურებდა, ამიტომ მისთვის ეს ქუჩა მრუმე და გეომეტრიული ნაყშებით დაფარული უნდა ყოფილიყო. სახლიდან კვირაში ორჯერ

გადიოდა. გამოფხეკილ დელიკატესების მალაზიაში ჯერ კიდევ შემორჩენილ მწირ პროდუქტს შეიძინდა, იქიდან კი კაფე „ამატორსკაში“ შედიოდა სირჩა კონიაკის დასალევად – ყავის სმას დიდი ხნის წინ დაანება თავი. ერთმანეთს ჩვენც ამ კაფეში ვხვდებოდით, სადაც ხანდახან ჩე გევარაც მოდიოდა და ჩვენს მაგიდასთან ჯდებოდა. მისი უცნაური ქცევები პანი ანას აღიზიანებდა და ამას არც მალავდა.

„ცოტა თავი შეიკავეთ, თუ შეიძლება!“, ნაუსისინებდა ხოლმე დროდადრო.

სირჩა აუჩქარებლად მიჰქონდა პირთან და როცა ჩე გევარა მათარების უღარუნითა და თასმებზე ჩამოკიდებული ცარიელი ვაზნების წკრიალით დაგვტოვებდა, მეტყოდა:

– დღითი დღე სულ უფრო და უფრო უარესდება ჩემი მდგომარეობა. ცხელ რძეს ვსვამ, ფეხებს სათბურათი ვითბობ, მაგრამ მაინც ვერ ვიძინებ. ღამეებს თეთრად ვათენებ. ხანდახან თხუთმეტი წუთით თუ წამთვლემს და მაშინაც გამუდმებით ძილ-ღვიძილში ვარ, სიზმრებს ვხედავ, მაგრამ აზრი ვერ გამომაქვს. რა ვქნა, შვილო... მითხარი, რა გზას დავადგე, – მეკითხებოდა მუდარანარევი ხმით და გამხდარ თითებს ხელზე მიჭერდა.

– იქნებ სუფთა ჰაერზე უფრო დიდხანს ყოფნა გჭირდებათ? – ვეკითხებოდი გულუბრყვილოდ. ამ თამაშს პირველად არ ვთამაშობდით.

– აჰ, არა, არა, ძვირფასო ბავშვო, ყოველ საღამოს სულ ცოტა ნახევარი საათით მაინც ვანიავებ ბინას, – მპასუხობდა ის.

– ან ვახშმად რამე მძიმედ მოსანელლებელს ხომ არ მიირთმევთ?

– არა, რას ამბობ, საყვარელო. საღამოს ხუთი საათის შემდეგ აღარაფერს ვჭამ.

– იქნებ ძილის ნამალი გვეცადა? – ძლივძლივობით ამოვლერღავდი.

ის ამ დროს აღშფოთებული სახით უკან გადაინეოდა ხოლმე და ნამიერად გაირინდებოდა.

– აი, ამას კი არასოდეს დავუშვებ, რადგან ვიცი, რომ საშინელი შედეგი მოჰყვება. მართალია, არ ვიცი, კერძოდ რა, მაგრამ საშინელი!

– პანი ანა, მოდით, გავისეირნოთ, – ვეტყვოდი ბოლოს, რადგან მეტს ველარაფერს შევთავაზებდი.

ფოქსალის გავლით კოპერნიკის ქუჩაზე გავდიოდით, მერე სვიენტოკოპიუსკას ავუყვებოდით და ისევ ნოვი სვიატზე ვბრუნდებოდით. ზოგჯერ მდინარის მეორე ნაპირზეც გადავდიოდით, რომლის გადაშლილი, თვალწარმტაც სივრცე შესაძლოა, ორივეს თანაბრად გეხიბლავდა, თუმცა ამაზე ერთმანეთთან ხმამაღლა არასდროს არაფერი გვითქვამს. ჭალა-ჭალა მდინარის დინების მიმართულებით სიარული, ქალაქიდან გასვლა, შეჭირბლულ მინდვრებზე ბილიკების გაკვალვა, ყანის პირას მდგარი ტირიფებისთვის თვალის შევლება. ასე სიარულ-სიარულში შეგვეძლო ზღვამდეც კი მივსულიყავით, ან პირიქით მოვექცეულიყავით – სამხრეთისკენ აგველო გეზი, ჯერ მთები გადაგვევლო, მერე ვრცელი დაბლობი, ჯერ ქუდები მოგვეშვლიპა და ძირს დაგვეყარა, მერე ხელთათმანები გაგვეძრო, ბოლოს კი, ვენახებამდე მისულებს ზამთრის პალტოებზეც გვეთქვა უარი. თანდათან უფრო და უფრო მეტად დაგრძელებულ დღეში შევესულიყავით, მის სინათლეს განვებანეთ.

როგორი ამინდიც უნდა ყოფილიყო, განუწყვეტილვ კანკალებდა. ყურადღებით ათვალეირებდა ტროტუარის თითოეულ მეტრს, მის გასწვრივ ჩამწკრივებულ ბოძებს, კიბეებს, ფეხსაცმლის წვერით ამონმებდა ბორდიურს და თან ტუჩებს

იკვნეტდა. თუ სადმე რამე ნაკლს შეამჩნევდა, ამოტეხილ ან დაჟანგებულ ადგილს, სიბრალულით სავსე თვალებით გადმომხედავდა ხოლმე. გვერდიგვერდ მივდიოდით, შეძლებისდაგვარად თბილად შეფუთვულები.

მთხოვდა, რომ ყურადღებით ვყოფილიყავი. ვათვალიერებდი დღენიადაგ რუხ, თუმცა მუდამ სხვადასხვა ფერის რუხში გახვეულ ცივ, ხაოიან და შუა ადგილას ქრილობასავით დაჩნეული მდინარით ორად გახლეჩილ ქალაქს, რომელთან შეხებაც უსიამოვნო გრძნობას გიტოვებდა. ავტობუსები კანტიკუნტად, თითქმის უხმოდ გადადიოდნენ ხიდებზე, უკან მალევე ბრუნდებოდნენ დიდ და ჩაბნელებულ ვიტრინებში არეკლილ, თითქოს გაორმაგებულ ადამიანებთან ერთად და პირიდან ყოყმანით შეპყრობილი სულებივით თეთრ ორთქლს უშვებდნენ. ერთხელ მკითხა, სად ცხოვრობო და რომ ვუთხარი, ზამენკოფზე-მეთქი, შიშისგან პირზე ხელი აიფარა.

- არა, სასაფლაოზე სახლების აშენება არაფრით არ შეიძლებოდა. მთელ ქალაქში გეტოს ნანგრევები უნდა შემოეღობათ და სასაფლაოდ, მუზეუმად ექციათ. ვარშავა კი სადმე, ჩენსტოხოვას, წმიდათანმიდა ქალწულის სიახლოვეს, ხელახლა უნდა აეშენებინათ, ან თუნდაც ნარევის ნაპირზე, სადმე ლამაზ ადგილას. წამოდი მაქედან, რაც შეიძლება მალე გადასახლდი სადმე სხვაგან, ძვირფასო ბავშვო!

შინ რომ მივაცილებდი, თავის ჩიტის სახლივით მაღალჭერიან და ვიწრო ბინაში, ბევრჯერ დავპირებივარ, რომ საჩქაროდ გავაკეთებდი ამას. პალტოდან თოვლს ვუფერთხავდი, თეთრი ფაიფურის ჩაიდანში მადრასის ჩაის ვაყენებდი და კარტოფილს ვდგამდი მოსახარშად. მაჩქარებდა:

- მითხარი რამე, ან მომიყევი, ან მე მომაყოლე, კითხვები დამისვი, დამლალე, იქნებ დამეძინოს. აი, ნახავ, როგორც კი ნახვალ, მაშინვე ჩამეძინება.

მეც ენას აღარ ვაჩერებდი. ვუყვებოდი გაფიცვაზე, გარდაუვალ ცვლილებებზე, ადამიანებზე, მაგრამ სინამდვილეში ეს რაღაც უცნაური, უაზრო თხრობა იყო. გარესამყარო პანი ანას ბინიდან სრულიად არარეალური ჩანდა და შიშსაც კი გგვრიდა თავისი უსიცოცხლობით. იქ, დაბლა, თითქოს არაფერი ხდებოდა – ლოზუნგები ასეთი სიმალლიდან აღარ იკითხებოდა, ქუჩაში მიმდინარე მანიფესტაციების ხმა სახლებისა და ეზოების ლაბირინთში იკარგებოდა, ქალაქი თითქოს მხოლოდ სახურავების, ანტენებისა და საკვამურებისგან იყო ნაშენი – მხოლოდ ჩიტებისა და ღრუბლებისთვის, დღენიადაგ ჩამოქუფრული ცისა და სიბნელისთვის და არა ადამიანებისთვის.

– ხედავ, შვილიკო, დასასრული გვიახლოვდება. ხედავ, ჰორიზონტზე ხედი როგორ ითხაპნება? ხომ ხედავ?

ასეთ ამინდში ყოველთვის ასეა ხოლმე, – ვამშვიდებდი.

მგონი, მაშინ ყველანი რაღაც კოსმოსურ ომში ვმონანილეობდით. იქნებ სადღაც ჩვენს თავს ზემოთ პლანეტები ერკინებოდნენ ერთმანეთს? რაღაც ამგვარი უნდა ყოფილიყო. ადამიანები ერთმანეთს უსაფრდებოდნენ, ახლო მანძილიდან უმიზნებდნენ და ესროდნენ ერთმანეთს იარაღს. ესროლეს პაპს, რეიგანს, ლენონს... თითქოს ყველაფერი ერთი ხელის მოსმით უნდა შეცვლილიყო და ძველის ადგილი ახალს და სრულიად უცნობს დაეკავებინა. რეალობა იტალღებოდა. ილუზია და დეზილუზია ერთმანეთს ენაცვლებოდა. მზიანი ქარში მათავადას ფარდა ტკაცუნებდა.

– სამყარო მესიზმრება, – ამბობდა პანი ანა, როდესაც ჩაის დალევის შემდეგ ჩვენს ფინჯნებს რეცხავდა ან უკვე გარეცხილ კოვზებს გულმოდგინედ ამშრალებდა. – მესიზმრება, ძილით კი ვერ ვიძინებ. შენ მე ვერაფრით დამეხმარები,

შვილიყო, – დასძენდა, – ვერც შენ და ვერც სხვა. უბრალოდ, მოდიხარ და ვსაუბრობთ. სამყარო ილუპება. ჩვენ მისი დასასრულის მონმენი ვართ.

არა, რა თქმა უნდა, არ მჯეროდა მისი, მაგრამ არც მისი გადარწმუნება მიცდია. ვითომ რატომ უნდა ვმდგარიყავით ყველანი მყარად მიწაზე, ვფიქრობდი ჩემთვის. რა არის იმაში ცუდი, თუ გგონია, რომ მთელი სამყარო ატლასივით შენ განვეს მხრებზე და მას საბოლოო განადგურებისგან იცავ? რომ შენ მას იხსნი, თავად კი ილუპები. გარკვეული თვალსაზრისით, ეს სრული ჭეშმარიტებაა. უცდომელი ჭეშმარიტება.

პანი ანას ონტოლოგია ასეთი გახლდათ: მას სწამდა, რომ მისი ძილი სამყაროს დალუპვისგან იცავდა. რომ მისი ძილის დროს ნანილობრივ უკვე ლპობაშეპარული, გაფუჭებული და გაცვეთილი სამყარო ისვენებდა და თავს აღიდგენდა. რომ მისი ძილი ირგვლივ ყველას და ყველაფერს სიკვდილისგან იცავდა. ამის შესახებ, რაღა თქმა უნდა, სხვამ არავინ იცოდა. ადამიანები ხომ ესოდენ საბრალოდ ორგანზომილებიანები არიან (ქალაქის ფურცელივითო, ამბობდა). მხოლოდ მან, მე და მისმა ექიმმა ვიცოდით სიმართლე. პანი ანას ქალიშვილსაც კი, ცნობილ სატელევიზიო წამყვანს, წარმოდგენა არ ჰქონდა ამის შესახებ. მას დედა მხოლოდ საავადმყოფოში მიჰყავდა, როცა სევდა და უძილობა პანი ანას მორიგ რამდენიმეთვიან დეპრესიაში აგდებდა.

– და რატომ მაინცდამაინც თქვენ? – შევეკითხე პირველი შეხვედრისას, მან კი პასუხად შევსებული კროსვორდების კვადრატებად დაჭრა დამავალა, რომელთგან მერე გიგანტურ კოლაჟებს ქმნიდა. მხოლოდ ამის შემდეგ, იოანე ნათლისმცემელივით მრავალმნიშვნელოვნად აღმართა თითი და ცაზე მიმანიშნა.

კი მაგრამ, თუ უძილობა ანუხებებს, მაშინ სამყარო როგორ-  
 ლა უნდა გადაარჩინოს? თვალთ მალაზიების წინ გაჭიმულ  
 რიგებში მდგარ ადამიანებზე, უნივერსიტეტის შენობებზე  
 გამოკრულ ტრანსპარანტებზე მიმანიშნებდა. – ეს ყველაფე-  
 რი სწორედ პანი ანა ტოპელის, ნოვი სვიატზე მცხოვრები  
 პოლონური ენის, ან უკვე პენსიაზე გასული მასწავლებლის,  
 უძილობის გამო ხდებოდა.

მშვენიერი მოოქრული ფაიფურის ფინჯნებიდან იმ საძა-  
 გელი მადრასის ჩაის დაღვეის დროს ამბობდა, რომ სამყაროს  
 გადასარჩენად მისი დაახლოებით რვა საათიანი ძილი სავსე-  
 ბით იკმარებდა. ეს სულაც არ იყო ბევრი. მაგრამ მას მხო-  
 ლოდ ერთი, ხანდახან კი ორი საათი თუ წასთვლემდა, ისიც  
 გამთენიისას და მაშინაც ამ ძილ-ღვიძილშიც ესმოდა, როგორ  
 ირყეოდა სამყაროს საძირკველი. კი, დასაძინებლად და უკე-  
 თესი განწყობისთვის ექიმმა მას წამლები გამოუწერა, მაგრამ  
 ამბობს, რომ მათ ვერაფრის დიდებით ვერ დაღვეს, რადგან  
 რეალობის პრიმიტიული ფარმაკოლოგიური საშუალებებით  
 მანიპულირება დაუშვებელია. დავეთანხმე და ვისტას, ყვე-  
 ლაზე მოსაწყენი თამაშის, სათამაშოდ ბანქო ჩამოვარიგე. მე  
 ის მოწყენილობით უნდა მეკვება, წვრილ ნაკადებად სიმშვიდე  
 გადამესხა მისთვის, სიტყვები გამენელა, არ დამეშვა, რომ  
 საუბრისას რაიმე დასკვნამდე მივსულიყავით, სიჩუმე სულის  
 ბერვით უნდა გამეღვივებინა, ჩაი ისე გამეზავებინა წყლით,  
 თითქოს რამე ჰომეოპათიური წამალი იყო, მეღიღინა. აი, ამა-  
 ში მდგომარეობდა ჩემი ჯადოსნური ძალა.

ერთხელ ვნახე, როგორ ჩაეძინა სავარძელში გვერდზე  
 გადახრილი თავით და მშვიდი, ლამაზი სახით. უნებლიეთ  
 ფანჯარასთან მივედი, რომ მენახა, რა ხდებოდა გარეთ. და-  
 ბალი, სწრაფად მოძრავი შემოდგომის ღრუბლებიდან მზემ  
 გამოაჭყიტა და სახლების სახურავებს ჩამოადაწა.

შაბათს, ნაშუადღევს, ტრამვაით ჩე გევარასთან წავედი. მინდოდა ჩემი თვალთ მენახა, ყველაფერი წესრიგში იყო თუ არა. ამასობაში გაფიცვას როტაციული ხასიათი მიეღო. მეორე დღეს უნივერსიტეტში დიდი მიტინგი უნდა გამართულიყო, ხოლო იმ საღამოს – კიდევ რაღაც შეკრება.

ჩე გევარა დიდხანს არ მიღებდა კარს. გაზეთებაკრული კარის უკან მისი სუნთქვა მესმოდა და სათვალთვალში გამოხედვისას მისი წამწამების ფხაჭუნი.

– პაროლი? – გამომძახა.

აუჩქარებლად წარმოვთქვი პირველივე სიტყვა, რაც თავში მომივიდა, ოღონდ აღარ მახსოვს, ცა იყო, ფოთოლი, მათარა, თუ რა. კიდევ ცოტა ხანს იყოყმანა. შემდეგ გასაღებმა ხმამალლა გაიჩხაკუნა საკეტში და კარიც გაიღო.

ცუდად გამოიყურებოდა. ნელზე ჩამოკიდებული მათარებისა და ხელყუმბარების, ჩაფხუტისა და სხვა სამხედრო ატრიბუტების გარეშე, პოლიაკრილის რუხ სპორტულეებში გამონყობილი, შიშველი მომეჩვენა. ერთიანად კანკალებდა. გასაცოდავებული ჩია ბერიკაცი, აი, ვინ იყო ის სინამდვილეში. არც ბავშვი, არც ურჩი და თავხედი ყმანვილი. ერთი გამხდარი, ნაადრევად მოტეხილი მოხუცი იყო, რომელსაც არც ბავშვობა გამოეელო, არც ახალგაზრდობა და ყრმობიდან პირდაპირ სიბერეში გადაენაცვლებინა. ახლა კი ცდილობდა, ის დაკარგული დრო როგორმე უკან დაებრუნებინა. ზომაზე დიდი ფლოსტების ფრატუნით შემოძღვა გაზეთებით სავსე ერთოთახიან ბინაში. ფანჯრებზე სანოლის ძველი გადასაფარებლები იყო ჩამოფარებული, საფარდე კარნიზებზე პირსახოცები ეკიდა. სიცივისგან თუ შიშისგან კბილს კბილზე აცემინებდა. პირიდან ისე ამოგვდიოდა ორთქლი, როგორც კომიქსების გმირებს დიალოგის ბუშტები.

მითხრა, დილიდან მითვალთვალეზენო. ჯერ ქუჩიდან მადევენებდნენ თვალს, ახლა კი ხეზე ავიდნენ და იქიდან ბინოკლით და ტელესკოპით პირდაპირ ჩემს ფანჯარაში იყურებიანო. სანოლის გადასაფარებლებიც იმიტომ ჩამოეფარებინა. ის იყო, უნდა შეკითხა, ვინ, ვინ გითვალთვალეზს, ვის რაში სჭირდება შენი უბადრუკი სიცოცხლე, საბრალო გიჟო-მეთქი, მაგრამ გაჩუმება ვარჩიე, დროულად ვიკბინე ენაზე. ჩემი მხრიდან ჩაძიების ნებისმიერი მცდელობა მისი ავადმყოფური წარმოსახვის ცეცხლზე ნავთის დასხმა იქნებოდა. თავის მტერზე ლაპარაკი მას კიდევ უფრო საშიშსა და დაუმარცხებელს გახდიდა. ამიტომ არაფერი მითქვამს. პაკეტის სუპის მომზადებას შევუდექი. იმედით სავსე თვალეზით შემომცქეროდა. ვატყობდი, უნდოდა, რომ რამე მეთქვა. კანკალსაც უმატა. გამათბობელი ჩავრთე.

– საავადმყოფოში დანოლა არ გინდა? – შევეკითხე, ემალის ტოლჩებიდან ცხელ სუპს რომ შევექცეოდით.

მიპასუხა, დაგვიანებულაო.

– სასწრაფო დახმარებას დავურეკავ, – შევთავაზე.

მაშინვე კარს ეცა და მთელი სხეულით ზედ აეკრა.

– არავითარ შემთხვევაში! აქედან ვერსად ვერ გახვალ. შენც ხაფანგში გაები. სადაცაა კარს მოადგებიან!

ყოყმანით გადავდგი მისკენ რამდენიმე ნაბიჯი და მივხვდი, რომ უბრძოლველად არ დამნებდებოდა. არ გამიშვებდა.

ჩანდა, ჩემი ფიქრების კითხვა შეეძლო. მაჯაში ჩამავლო ხელი და მაგრად მომიჭირა. ორივეს გაგვითეთრდა თითები. უეცარმა პანიკამ შემიპყრო. ვიფიქრე, რომ არ ვიცოდი, ასეთ დროს რა უნდა მექნა, რომ ამჯერად არავინ მომშველებოდა და მე თვითონ უნდა მომეძებნა გამოსავალი. ამ შიშისგან ჭკუიდან შეშლილი მამაკაცისთვის მშვიდი და უსაფრთხო ათვლის წერტილი უნდა გავმხდარიყავი. როგორმე

უნდა დამეთრგუნა მისი შიში და დამეწყნარებინა. ზურგზე ხელი მოვუთათუნე, პლედი მოვახურე, მერე კი გულზე მივიხუტე და მივხვდი, რომ ჩემი შიშიც კვამლივით გაიფანტა. ვრცელ და ბრტყელ დაბლობს დავემსგავსე, ლანდშაფტის ყველაზე მდგრად, უძრავ ნაწილს. კარგი, სანამ შენ არ მეტყვი, არსადაც არ წავალ-მეთქი, შევპირდი. ამ დროს პანი ანაც გამახსენდა, რომელსაც არ სძინავს და რომლისთვისაც სამყაროს გადარჩენის ერთადერთი საშუალება მისი ძილია. მხოლოდ მაშინ ვიპოვით შინაგან სიმშვიდეს, როდესაც ჩვენი ძილი ყველა იმ ხერელს ამოკემსავს, საიდანაც ზედაპირზე ბოროტება და წყვიადი ამოდის.

– დავიძინოთ, ჩე გევარა, დავიძინოთ! ნამოდი, დავწვეთ და დავიძინოთ, – ვუმეორებდი.

მონოტონურად ჩამოვთვალე ყველაფერი, რაც ჩვენთან ერთად საძილედ ემზადებოდა, თითქოს ვლიტანიობდი: იძინებენ გაჩერებები და საგზაო ნიშნები, ქუჩის ლამპიონები და მალაზიის კიბეები, მანქანები და საკვამურები, ხეები, ტროტუარები, ველოსიპედები, ხიდის მოაჯირები, ტრამვაის ხაზები და სანაგვეები, კანფეტის ქალაქები და სიგარეტის ნამწვები, გამოყენებული ბილეთები და ცარიელი ლუდის ბოთლები, იძინებს ყველა ქუჩა სასკა კემპაზე – ფრანცუშკა, ატენსკა და სასკა, ასევე სხვა უბნების ქუჩებიც და ბოლოს, თვითონ უბნები და ქალაქები – კატოვიცე და გდანსკი, ვალბუჟიხი და ლუბლინი, ბიალისტოკი და მრონგოვოც იძინებენ. ძილი დედამინაზე ისე მიიგრავნება, როგორც თბილი კვამლი. ის მთელ ქვეყანას ადუნებს. ადამიანებს ხელები სახეებთან მიაქვთ და დაღლილ თვალებს იფშვნეტენ. კალიშისკენ მიმავალი მანქანები გზიდან ნაპირზე გადადიან და ჩერდებიან, მძღოლები კი ზედ გზატკეცილზე, პირდაპირ თოვლში წვებიან დასაძინებლად. მატარებლები ტრიალ მინდორში შემდე-

ბიან და თვლემენ, ღუზაჩაშვეებული ხომალდები ტალღებზე ირწევიან, პორტის სირენა ყველას ძილისკენ მოუწოდებს. სძინავთ ნავსაშენებს, ფაბრიკებში კონვეიერები ჩერდებიან. ტელევიზორში დიქტორი ამთქნარებს, რომელიც ცოტაც და, პირდაპირ ნახევრად მთვლემარე მაცურებლის წინ მაგიდაზე განვება და დაიძინებს.

მე მას ისე ვიხუტებდი, როგორც ბავშვებს იხუტებენ დაძინებისას და არანაირი უხერხულობის განცდა არ მქონია. ერთნაირად ჩია ტანისუბი და გამხდრები ვიყავით. ამ ნამცეცა, გაზეთებით გამოტენილ ერთოთახიანში გამოკეტილები სამყაროს მონყვეტილ მყიფე და გამჭვირვალე კედლებიან გალაქტიკას ვგავდით თავისი ხელოვნური მზით, დიდი და ცივი ქალაქის თავზე მოფარფატე საპნის ბუშტს. ნელა ვბრუნავდით უხილავი ღერძის გარშემო. ვიგრძენი, რომ მისი სხეული ერთბაშად მოდუნდა და დამძიმდა, თითქოს დამწიფებული ნაყოფი მიწაზე დასავარდნად ემზადებაო, სადაც მას დედამიწის მიზიდულობის ძალა უნდა შეესრუტა, რომლის წყალობითაც კანფეტის ქალაღღივით ისევ მაღლა აღარ აფრიალდებოდა. მეჩვენებოდა, რომ ჩვენ შორის რაბი – ხის უზარმაზარი, წყალგაუმტარი ტიხარი – გაიხსნა ნელ-ნელა, ჭრიალით. მეჩვენებოდა, რომ ჩვენი რწევით რაღაც ზემძღავრი მექანიზმი ავამოძრავეთ, მის ღილაკზე დავაჭირეთ თითი, რომელსაც ახლა ველარავინ შეაჩერებდა – ჩვენი მდინარეები უკვე ერთმანეთს ერთვოდნენ, ჩემი და მისი ნაკადები ერთმანეთს ეჯახებოდნენ, ერთმანეთში რომ არეულიყვენ. უცბად სიხარულმა მომიცვა. მივხვდი, რომ ასეც უნდა ყოფილიყო, რომ ძალა შემწევდა, მისი შიში მე მეტვირთა და თბილ წყალში ჩაგდებული ყინულის ნატეხივით ჩემში გამედნო, რომ ამ ყველაფრის ანონა და გამოთვლა რომ ყოფილიყო შესაძლებელი – მისი შიშისა და ჩემი სიმშვიდისა – მე გადავწონიდი. მე

მასზე მეტი სივრცე მაქვს ჩემში. ჩემი მდინარე უფრო დიდი და თბილია და მზით გაჯერებული დაბლობში მიედინება. ის — ერთი პატარა ყინულივით ცივი და მოუსვენარი ნაკადულია. და როგორც კი ეს გავიფიქრე, ისევ შიშმა ამიტანა. პატარა ნაკადულს ხომ მოულოდნელი ადიდება სჩვეოდა? ის ძალას იკრებდა, ლოდოდან ლოდზე მოხტუნავდა, თხრიდა და აღრმავებდა კალაპოტს. თან შლამს და ტალახს მოიყოლებდა, იმღვრეოდა, მრისხანედ აქაფებული ყველაფერს ნთქავდა, რაც წინ შემოხვდებოდა. და ეს ყველაფერი სადღაც შიგნით, ხშირად უცხო თვალისთვის შეუმჩნევლად ხდებოდა. ჩე გევარამ თვალეზი დახუჭა და ამოიოხრა. მეგონა, სადაც იყო, ჩაიძინებდა, მაგრამ იქ, შიგნით, ისევ გაჩაღდა დაპირისპირება, ძალადობა და თავდასხმა. ვგრძნობდი, რომ ამ უდანაშაულო ბერიკაცს სადღაც, მისი არსების შიგნით, ხელჩართული ბრძოლა ჰქონდა გამართული და მაიძულებდა, მეც მისი პანიკური რიტმით მესუნთქა. წყალში გადაყრილი მაშველი რგოლებივით აღწევდა ჩემამდე მისი პანიკის ტალღები. სადაც იყო, ყინულის პანანინა ნამსხვრევეები აცახცახდებოდა, რომელიც სულ მალე ჩემს სხეულსაც დაეუფლებოდა. ჯერ კიდევ ვცდილობდი, გავქცეოდი ამ ხახადაფჩენილ, ამაზრზენ საშინელებას, მაგრამ თან ვხვდებოდი, რომ ამას ვერ შევძლებდი, რადგან სინამდვილე სწორედ ეს იყო, ყველაფერი დანარჩენი კი გვეჩვენებოდა. უცბად იმასაც მივხვდი, რომ ჩე გევარა არ ტყუოდა. აქამდე სად ვიყავი? დიახაც, გვითვალთვალეზენ, ხეზე სხედან და გვითვალთვალეზენ, იმაზე ფიქრობენ, როგორ გვანამონ, მათ ჩვენ შესახებ ყველაფერი იციან. ბუნდოვანი ადამიანები, ჩრდილებისგან ნაქსოვი ბნელი არსებები, ლორწოვანი ჭიპლარებით დედამიწის ბნელ წიაღთან მიბმულები. ვითომ ხეზე რატომ ვერ ისხდებიან, როდესაც კარგადაა ცნობილი, რომ მათ ყველაფერი შეუძლიათ

და არც არაფერს თაკილობენ? ჭადრის ტოტებზე მსხდარნი, ბინოკლებით ვითომ რატომ ვერ გვითვალთვალებდნენ? ნეტავ მე ეს აქამდე აბსურდად რატომ მიმაჩნდა? ათობით შავლაბადიანი მამაკაცი დაძრწოდა ქუჩებსა და ჩიხებში. ეზოებსა და მოფარებულ ადგილებში მილიციის მანქანები ეყენა. რადიოსადგურების ჩუმი და ავისმომანავებელი შიშინი. ფანჯრებს დამიზნებული ნოქტოვიზორები. თავიანთ საიდუმლო შტაბებში ტონობით ისეთი აღჭურვილობა აქვთ, რომელიც ჩვენ არც კი დაგვესიზმრება. თითოეული ჩვენგანის მაჯისცემას ითვლიან. ისტორიას დირიჟორობენ, ტვინებს გვირეცხავენ, გვაიძულებენ, რაც მათ უნდათ, ჩვენც სწორედ ის დავინახოთ და ჩვენც ვხედავთ. პირში მზა წინადადებებს გვჩრიან, ჩვენ კი მათ ხმამაღლა ვამბობთ. ყალბ გაზეთებს ბეჭდავენ, რომლებშიც მსოფლიოს ისე აღწერენ, როგორც თვითონ მოესურვებათ. გვაიძულებენ, ვირწმუნოთ არარსებული და უარვყოთ ის, რაც ნამდვილად ცხადია და ჩვენც ვემორჩილებით. თავს ჩვენს მეგობრებად ასალებენ და, თქვენ წარმოიდგინეთ, – დიახ, დიახ, – არც იმაში ვარ ბოლომდე დარწმუნებული, რომ ის, ვის გამოსახულებასაც სარკეში ვხედავ, მართლა მე ვარ.

ფეხზე წამოვხტი, ფანჯრებზე ჩამოფარებული გადასაფარებლის „ფარდები“ გავასწორე და ყოველი შემთხვევისთვის გაზიც გადავკეტი. თითის წვერებით მივირბინე კართან და შევამოწმე, ჩაკეტილი იყო თუ არა. ჩე გევარა ჩემს საქციელს ყურადღებით ადევნებდა თვალს.

– ხედავ? ხომ ხედავ? აკი გეუბნებოდი! – ბუტბუტებდა.

დილამდე იატაკზე დაფენილ გაზეთებზე ვისხედით ერთმანეთს მიხუტებული. მთელი ღამე თავში ათასგვარი უცნაური იდეა მიყვავოდა იმ თეთრი ყვავილების მსგავსად, ყინვა რომ ხატავს ხოლმე ფანჯრის მინებზე. თითებით ვშლიდი

მათ, მაგრამ ხელახლა ჩნდებოდნენ, თუმცა თანდათანობით სულ უფრო მკრთალადლა მოჩანდნენ. იქნებ მოახლოებული განთიადი ფანტავდა? ბოლოს და ბოლოს, ალბათ, ჩამეძინა, რადგან ჩაიდანში მოთუხთუხე წყლის ხმამ გამაღვიძა.

ქამარზე ჩამოკიდებული მუყაოს ცარიელი კაბურით გაზქურასთან იდგა. „ფარდები“ ჩამოეხსნა და ფანჯრებიდან ზამთრის დღის მქრქალი შუქი შემოდიოდა.

– მორჩა, – თქვა, – წავიდნენ, მაგრამ დაბრუნდებიან.

ისეთი რეტდასხმული ვიყავი, თითქოს ერთბაშად მთელი კოლოფი სიგარეტი მომენიოს, თითქოს ის იყო, ვილაცას გულნასული მოვებრუნებინე. შეცბუნებული ვათვალიერებდი ბინას. ეჭვით შევეყურებდი ხის ტოტებს. ვკითხულობდი ირგვლივ მიმობნეული გაზეთების სათაურებს. პანიკის შეტევა მქონდა, ფსიქოზური ეპიზოდი-მეთქი, ვფიქრობდი. იმან გადმომდო. მე კი ამის უფლება მივეცი, დამაჰიპნოზა, მე კი მის შთაგონებას დავექვემდებარე.

– ჩე, მორჩა, საავადმყოფოში წეები. მივდივარ, სასწრაფო დახმარებაში უნდა დავრეკო.

წინააღმდეგობა არ გაუნევია. ნივთების ჩალაგებას შეუდგა. ქუჩაში რომ გამოვედი, ფიქრები თანდათან დალაგდნენ, სველი ძაღლებივით შეიფერთხეს ტანი, ერთად მოგროვდნენ, მწყობრად დაენწყნენ და გათვლა დაიწყეს. ქუჩები უჩვეულოდ ხალვათი მეჩვენა, მაგრამ გამახსენდა, რომ კვირა დღე იყო. დღეს მიტინგია. სასწრაფო დახმარების ნომერი. პანი ანა. უნდა დავურეკო და ვკითხო, იქნებ იმას მაინც ეძინა წუხელ.

ჯიხურში შევედი და რამდენჯერმე ავკრიფე ნომერი, მაგრამ, ეტყობა, ტელეფონი არ მუშაობდა. არც ტრამვაი მოძრაობდა. ხიდისკენ გავეშურე. ქალაქის მეორე მხარეს ფეხით გადასვლას ვაპირებდი, სანამ იერუსალიმის ხეივანში ხმამალალი გრუხუნით მომავალი შეჯავშნული მანქანების კოლონა არ შევნიშნე.

საბინას სურვილი

მოდით, ახლა საბინას ამბავს მოგიყვებით, რომელიც კვირაში ერთხელ დოქტორ მ.-ის, მისი ცოლის, იოლასა და ქალიშვილის, კაზიას, სახლს ალაგებს. უკვე რამდენიმე წელია, რაც მათთან მუშაობს და ეს სახლი, ალბათ, ათასჯერ მაინც ექნება დალაგებული. თან ყოველთვის ერთნაირად, ერთი და იმავე თანმიმდევრობით. ჯერ ექიმის კაბინეტი, მოსაცდელი და საპირფარეშო, მერე ოთახები, უზარმაზარი სამზარეულო და საძინებლები მეორე სართულზე. ერთი ბატონი და ქალბატონი მ.-ისა, მეორე კი კაზიასი. ხანდახან, იშვიათად, სასტუმრო ოთახსაც ალაგებს, განსაკუთრებით დღესასწაულების, გრძელი უქმეებისა და დღეობების შემდეგ და კიდევ ორ ტერასას – ერთს სახლის წინ და მეორეს სახლის უკან. ორივეს დაგვა სჭირდება, პრიალაფილებიან იატაკს კი მორეცხვა.

წელიწადში ორმოცდაათზე მეტჯერ ალაგებს, ხუთ-ექვსჯერ ფანჯრებს აპრიალებს, მეტლახის იატაკის მონმენდა და გასანთვლა წლის განმავლობაში დაახლოებით ოცჯერ მაინც უწევს; ხალიჩების გაბერტყვა – სამჯერ ან ოთხჯერ. საბინა სახლის ყველა კუნჭულს, ყველა ნივთს ზედმინევნით კარგად იცნობს. ზოგი მათგანი ძალიან მოსწონს (მაგალითად, ხის მაგიდის გლუვი ზედაპირი, მალალფეხიანი სანათური ვიტრაჟის აბაყურით), ზოგს დასანახად ვერ იტანს (ბუხრის თავზე ჩამომწკრივებულ სპილენძის ქვაბებს და მუდმივად დათუთხ-

ნულ გაზქურას), ზოგიერთი კი სიგიჟემდე უყვარს (კაზიას ოთახის ვარდისფერი ხალიჩა, სააბაზანოში დაგებული ქათქათა თეთრი ფილები).

საბინა პარასკეობით მოდის ხოლმე. ამ დღეს მის სახლში ბიჭები ხუთშაბათიდან შემორჩენილ ბლინებს იცხელებენ. ექიმის სახლში კი ხუთშაბათი თევზის დღეა და საბინა გულმოდგინედ ხეხავს მიმწვარ ტაფას. უთენია მოდის, ქალაქის ნითელ ავტობუსს პოდგუჟედან პირდაპირ ექიმის კოხტა ვილამდე მოჰყავს. ავტობუსში თავს მშვენივრად გრძნობს, მთელი ვალბუჩხის გავლა უწევს და თავი ექსკურსიაზე ჰგონია. გული სწყდება, რომ მოჟამული, ლატაკი და აყროლებული პოდგუჟედან მწვანეში ჩაფლულ და ჟასმინების სურნელით გაჟღენთილ შჩაენომდე მგზავრობა ასეთი ხანმოკლეა. ავტობუსში საბინა ფანჯარასთან ჯდება. თუ ჭედვაა, ინვალიდებისთვის გამოყოფილ ადგილს იკავებს. ორსულად არის, როგორც ყოველთვის, და იმიტომ. ხუმრობა საქმე ხომ არაა ხუთი შვილის გაჩენა, თან სულ ბიჭების. ორსულობა საბინასთვის განუყრელ, ბუნებრივ მდგომარეობად იქცა! გული არასოდეს ერევა, არც თავბრუ ეხვევა, გუნება-განწყობის მოულოდნელ ცვლილებასა და უცნაური რალაცების ჭამის სურვილსაც არასდროს შეუწუხებია. თვალში საცემად არც იმატებს და არც იკლებს. საბინა საკუთარ სხეულს დიდ ყურადღებას არ აქცევს, დიდიდან სპორტულებში ან კრეტონის ყვავილებით მოჩითულ კაბაში ჩატენის და მერე მთელი დღე ასე დადის. იქ, სადღაც, კრეტონის ყვავილებიანი კაბის ქვეშ, მის სხეულსაც უჩნდება სურვილები, მაგრამ საბინას მათთვის არასდროს სცალია.

თუმცა ბოლო დროს სულ უფრო ხშირად ითვალისწინებს სხეულს. დადგება ექიმის ცოლის საძინებლის დიდი სარკის წინ და თავის მუცელს აკვირდება. ხომ ამბობენ, გოგოს მუცე-

ლი უფრო განზე გასული და მრგვალია, ბიჭისა კი პირიქით, წინ არისო გაბზეკილი. ისე, თითქოს წვეტს გარე სამყაროს უმიზნებდეს. და თან ბურთივით მკვრივიაო. ერთხელ ამ თვალღერებაში ექიმის ცოლმა, პანი იოლამ შეუსწრო. საბინას შერცხვა, დაიბნა და სასწრაფოდ სარკის წმენდა დაიწყო. „გიხდება ორსულობა“, – უთხრა ექიმის ცოლმა, – „მშვენივრად გამოიყურები“.

საბინა მონდომებით დაალაგებს ექიმის ცოლის სავარძელზე მიყრილ ტანსაცმელს. კოფტებსა და კაბებს მხრებში ჰკიდებს ხელს და ისე იღებს, თითქოს ცოცხალი არსებები, შინაური ცხოველები იყვნენ. მერე ხის საკიდებზე სათითაოდ შემოაცვამს და ღრმად ისუნთქავს კარადაში დამდგარ სურნელს. რომელიღაც გაშლილი ყვავილების სუნია, არ კი იცის რომლების. ექიმის ცოლის სუნი – ნაზი, ქალური, აღმგზნები, მიუწვდომელი. ექიმის ტანსაცმელს ნაკლები მონდომებით ალაგებს: მისი პერანგებისა და პიჯაკების ქსოვილი სინაზით პანი იოლას კაბებისა და კოსტიუმებისას არ ჩამოუვარდება, თუმცა მათი შეხებისას საბინას ხელი უნებურად ჰაერში უშეშდება და წამით ირინდება. არადა, არანაირი მიზეზი არა აქვს გარინდების, ამიტომ საბინა ისევ საქმეს უბრუნდება. მაგრამ რას შეიძლება შეადაროს ეს წამიერი გარინდება? მამაკაცის ხაოიანი ლოყის ან მისი მოუხეშავი ხელების შეხებას? ან იქნებ უხეში წარბების? კიბეზე მძიმე, თანაბარი ნაბიჯების ხმას? ალკოჰოლის ოდნავ საგრძნობ სუნს?..

საქმე მოამთავრა. საბინა კარადას კეტავს და გასაწევ კარში ჩატანებულ სარკეში კიდევ ერთხელ ითვალღერებს თავს.

საძინებლიდან გამოდის და პატარა კაზიაც სკოლიდან შინ ბრუნდება. პოლში მისი ხმა ისმის. საბინაც კაზიას დედასავით კიბეებზე ჩარბის, რომ გოგონას მიეგებოს და სხვა ყველაფერი მაშინვე ავიწყდება.

კაზია იატაკზე მოკეცილა და ფეხსაცმლის ზონრებს იხს-  
ნის, დედის კითხვებს პასუხობს, საბინას უღიმის. კაზიას ქერა,  
ბოლოში ოდნავ დაკულულებული რბილი თმა მხრებამდე  
სცემს. ჭორფლიანი სახე აქვს და ნათელი, ღია ფერის თვალე-  
ბი. პანია, თხელი და ფერმკრთალი ტუჩები თითქოს საჭმე-  
ლად კი არა, ჩიტვიით საჭიკჭიკოდ მიეცა. ნაფოტა კბილებიც  
ძალიან გულისამაჩუყებლად მოუჩანს. ასე ფიქრობს საბინა  
და გოგონას ზურგჩანთა ზევით მიაქვს. კაზიას ოთახის და-  
ლაგებას ამ ზურგჩანთისთვის ადგილის მიჩენით დაიწყებს.  
ის ამასობაში ისადილებს, მერე ინგლისურის მასწავლებელი  
მოვა, სამეზობლოდან კიდევ ორი გოგონა შემომეტებათ  
გაკვეთილზე. დაბლა, მისაღები ოთახიდან, საბინას ყურამდე  
მხოლოდ მამაკაცისა და გოგონების ხმები აღწევს, ხანდახან  
ტელევიზორისაც: წყვეტილი, გაურკვეველი დიალოგები,  
უცნაური ხორხისმიერი ბგერები. საბინა ზოგჯერ ნაცნობ  
„yes“-საც მოჰკრავს ხოლმე ყურს და გული სიამაყით ევსება.

ეს დრო საბინასთვის დღის ყველაზე სასიამოვნო დროა.  
კაზიას ოთახი, კაზიას ოთახი. ეს სიტყვები უკვე გოგლიმო-  
გლივით უღერს. ჰალეასავით. თან ვარდისფერია. მთლიანად  
ვარდისფერი. ფაფუკ ხალიჩაზე შიშველი ფეხებით დგომა  
საბინაში თითქმის ღვთისმოსავის მონინებას იწვევს. ვე-  
რასდროს გაბედავდა მასზე ფეხსაცმლიანი ფეხით გავლას.  
მუხლებზე მდგარი აგროვებს შიგ ჩაბნეულ პატარა მარცვლე-  
ბსა და ნამცხვრის ნაფხვენებს. მერე მტვერსასარუტით ორ-  
ჯერ წმენდს, ხანდახან სამჯერაც. საბინამ ზოგჯერ, უღონო-  
ბისა თუ მონყენილობის წუთებში, კარგად არც იცის, როგორ  
თქვას, საბინას არა აქვს ასეთი განცდებისთვის სახელის  
დარქმევის გამოცდილება, განსაკუთრებით მაშინ, როდესაც...  
არა, არა, ჯობია, ამაზე საერთოდ არ იფიქროს. ერთი სიტყ-  
ვით, საბინა ზოგჯერ ამ ვარდისფერ ხალიჩაზე გვერდულად

დანვება ხოლმე, მუცელმა ხელი რომ არ შეუშალოს და წევს ასე გარკვეული ხანი. იატაკიდან დანახული ოთახი უფრო დაცული ეჩვენება, გაცილებით მყუდროც. შეუძლია მთელი ცხოვრება იწვეს ასე და თითის წვერებით ფაფუკი ვარდისფერი ხაესი ვარცხნოს. იოცნებოს, სადღაც შიგნიდან წამოსული სითბოთი გათბეს, ნათვლიმოს თვალის მოსატყუებელი, ფხიზელი ძილით, რომელშიც ფიქრები ერთმანეთს ენაცვლებიან, ერთმანეთის ადგილს იკავებენ. „yes, yes“ მოისმის ქვევიდან გოგონების ხმები. საბინა დგება. დალაგება უნდა მოასწროს. ლოგინს თითქმის სუფთა, უმანკო თეთრეულს გადააძრობს. დიდხანს აფუებს ბალიშს, რომ კაზიას პატარა თავისთვის უფრო ფუმფულა და მოხერხებული იყოს. ბერტყავს საბანს, ბუმბული რომ თანაბრად განაწილდეს. მერე კი სასიამოვნო საგონებელში ვარდება – არ იცის, რა ფერის თეთრეული აირჩიოს. კაზიას კარადის უჯრაში რამდენიმე ხელი აწყვია: ვარდისფერქოლგებიანი, ღიაციფერსპილოებიანი, ჩვეულებრივი თეთრი, ვარდისფერი სატინის, ყინულივით გლუვი და სრიალა და გოფირებული, იასამნებით მოხატული.

მერე საბინა პატარა სანერ მაგიდას ალაგებს. ფერად ფანქრებს, სათლელებს, ოკრობოკრო ასოებით შევსებულ რვეულებს. აგროვებს ვაშლის ნალიჯნებს, კანფეტის ქალაღებს, ფორთოხლის ქერქებს. წმენდს მტკერს. თოჯინებს სათუთად, სინაზით მიუჩენს ადგილს სანოლებსა და საბავშვო ეტლებში. ცდილობს, ორივე ფეხსაცმელი ეცვათ და ღილებიც თანმიმდევრობით ჰქონდეთ შეკრული. თოჯინების მონესრიგებაც – მათთვის თმის დავარცხნა და თაროებზე ჩამოსმა, პარასკევი დღის ერთ-ერთი ყველაზე სასიამოვნო მომენტი. საბინა სახელსაც ვერ უძებნის ამ ყველაფერს და უბრალოდ თავისთვის იღიმება. იმას კი ამჩნევს, რომ თავისი დასიებული, გაუხეშებული თითებით თოჯინების პანანინა

ტანსაცმლის შეკვრა უჭირს. ამ დროს, როგორც წესი, პანი იოლა შემოდის ხოლმე. ვითომ რალაცას ეძებს, სინამდვილეში კი იმის გაგება უნდა, რატომ დაყოვნდა საბინა ამდენი ხნით კაზიას ოთახში.

ერთხელ ქმარსაც კი უთხრა, „რა ინფანტილური გოგოა ეს საბინა, მგონი, კაზიას ოთახში თოჯინებით თამაშობს ხოლმე“. „რას ამბობ“, უემოციოდ გაიკვირვა ქმარმა. „ჰემოგლობინი უნდა შეემონმებინა და შეახსენე. უთხარი, რომ მომავალ კვირას შემიძლია გავსინჯო“. „რა იქნებოდა, სპირალი რომ ჩაგედგა?“ – ჰკითხა პანი იოლამ. „არც არაფერი“, – მიუგო ქმარმა, „მაგრამ, საქმე იმაშია, რომ ვერ ვასწრებ, ისე სასწრაფოდ ორსულდება. უთხარი, მოვიდეს, ექოს გადავუღებ“.

სახლში სრული წესრიგია. ახლა საბინა სამზარეულოში ჩაის სვამს და ნამცხვარს აყოლებს. ხან შაქრიანს, ხან ქოქოსიანს. ელასტიკებში გამონყობილი პანი იოლა მუდმივად დიტაზუა, აქა-იქ რალაცას თუ გაციცქნის. თან შიგადაშიგ ლაპარაკობენ. საბინა თავის ბიჭებზე უყვება, იმაზე, რომ მისი უფროსი ტექნიკუმში სწავლობს, ყველაზე უმცროსი კი ახლა იდგამს ფეხს. პანი იოლას მათი სახელები ერთმანეთში ერევა, მაგრამ თავს ისე აჩვენებს, თითქოს ახსოვს. ისიც ახსოვს, რომ საბინას ქმარზე არაფერი არ უნდა ჰკითხოს, თორემ სულ ტყუილებს ილაპარაკებს. ეტყვის, რომ ყველაფერი წესრიგშია, რომ მუშაობს, რომ სახლისთვის ფარდების ჩამოსაკიდებელი კარნიშები გააკეთა, რომ ერთხელ ნამცხვარიც კი გამოაცხო, რომ რკინიგზის ლიანდაგებთან ახლოს მიწის ნაკვეთი რომ აქვთ, იქ პომიდვრებიც კი აახვია, რომ კვირას ეკლესიაში იყვნენ ერთად, რომ ავტობუსით ქალაქგარეთ, ტბორზე, ბავშვები ერთად წაიყვანეს საბანაოდ, რომ არ სვამს. თუმცა არა, იმას არ იტყვის, არ სვამსო. უბრალოდ,

არაფერს იტყვის. გაჩუმდება. ის, რასაც არ ახსენებ, არ არსებობს. მორჩა და გათავდა. აი, ეს არის იმ წვრთნის შედეგი, რომელიც სათქმელისთვის გვერდის ავლას გასწავლის, პირზე მომდგარი სიტყვის უკან ჩაბრუნების იშვიათ უნარს გძენს. პანი იოლა შეფარვით ათვალეირებს მას. საბინას ჩაით სავსე ფინჯანი პირთან მიაქვს. მხრები ამ დროს რალაცნაირი ვინრო და უსუსური უჩანს.

ჩაის შემდეგ საუთოებელს უნდა მიხედოს. სუფთა, რეცხვისგან გაფშეკილი ტანსაცმლის მთელი გორა ელოდება. ტილოები და პირსახოცები. თეთრეული. წინდების ერთმანეთთან დანყვილება და მათი რბილ გორგლებად დახვევა. ზენრების დაჭიმვა. რეცხვის დროს აწყვეტილი ღილების დაკერება. საუთოებელი ფიცარი ერთგვარი პარმალია, საიდანაც საბინა სალამოს გაჰყურებს.

გოგონები მასწავლებელს ემშვიდობებიან და მალლა ამორბიან. მეორე მუქთმიანია და თვალეებრიალა. მესამე – ქერა, ფუმფულა და ვარდისფერლოყება. კიბებზე თამაშის წესებს ადგენენ. როლებს ინანილებენ. მე დღეს ბლანკა და ბოშა გოგო მეყოლება, შენ პრინცესა და ზუზანა. შენ მასწავლებელი იქნები, მე – ექიმი. შენ შვილებიანად მესტუმრები. არა, მოდი, ჯობია, სახლობანა ვითამაშოთ. თითოეულ ჩვენგანს თავისი სახლი ექნება და შვილები ეყოლება. ერთმანეთს სადილად მივინვევთ. ტუნისშიც გავემგზავრებით ხოლმე დასასვენებლად.

საბინა თვალს ადევნებს ბავშვებს. უთო გლუვ კვალს ტოვებს და ატკიცინებს ყველაფერს, რაც დაჭმუჭნულია.

გოგონები სათამაშოებს ალაგებენ და ხელებით საკუთარ ტერიტორიებს შემოსაზღვრვენ. თუ ვინმე ამ უხილავ საზღვარს გადაკვეთს, გამარჯობა უნდა თქვას და სახელსაც წინ პანი დაურთოს.

საბინა ხედავს, როგორ სვამენ ბავშვები თოჯინებს ვარდისფერ ხალიჩაზე, როგორ უხსნიან ციკქნა ღილებს, რომლებიც საბინამ ცოტა ხნის წინ წვალეებით შეუკრა. აშიშვლებენ. აჰ, არა. თოჯინის სიშიშვლე სად გაგონილა. ნერნეტა, მწერის მსგავსი ბარბების ვარდისფერი, გადატყეცილი კანი. მათ ვერასოდეს გააშიშვლებ იმიტომ, რომ შინაგანი და გარეგანი ბუნება ერთნაირი აქვთ. და სრულყოფილებიც სწორედ ამიტომ არიან. როგორც სამკაულები.

გოგონები გაუთავებლად ეტიკტიკებიან ერთმანეთს, მაგრამ საბინა მათ ყურს აღარ უგდებს. უფრო სწორად, სიტყვებს ველარ არჩევს ერთმანეთისგან. თუმცა ჟღურტულის მელოდიაც ჰყოფნის – ჩიტური, რიტმული, ალერსიანი. უთოს მოძრაობა ნელდება, მექანიკური ხდება. უთოს ქვეშ თეთრი ზეწარი მოწყენილს ჰგავს.

რა იქნება, ეს უთო წამით რომ მიატოვოს და ხალისიანი ხტუნვა-ხტუნვით გოგონებში გაერიოს? მათთან ერთად დაჯდეს ვარდისფერ ხალიჩაზე და პლასტმასის სინაზეს, ვითომ-ვითომ დედაშვილობანას და ნათამაშებ სიყვარულს მისცეს თავი? რა იქნება, პანანინა ქვაბებში საღილები რომ ხარშოს და მერე ღილისხელა თეფშებზე ჩამოარიგოს? რა მოხდება ვითომ, ქვეყანა დაიქცევა? ვაიმე, ვაიმე, საბინას მეტი ყურადღება მართებს. ამასობაში ბატონი ექიმის პერანგის საყელო კინალამ დაენვა.

ყოველი დაუთოების დროს საბინა ერთ უბრალო, უწყინარ თამაშს თამაშობს. ამას ვერავინ ამჩნევს და ვერც შეამჩნევს, რადგან თამაში მის წარმოდგენაში, მის ფიქრებში მიმდინარეობს და მისი სიტყვიერად გადმოცემაც ძალიან გაუჭირდება. მაგრამ ახსნას მაინც შეეცდება. საბინა წარმოიდგენს ხოლმე, რომ თოჯინაა და ვარდისფერ ხალიჩაზე ნევს. მისთვის უცხო არ არის ეს შეგრძნება და სულაც არ

უჭირს რბილ და იმავდროულად ხეშემ ვარდისფერ ზედაპირზე ნოლა. ხალიჩის სუნიც იცის როგორია და ამიტომ მაშინვე ცნობს სინთეტიკის სუნს. იცის, რას ხედავს ხალიჩაზე განოლილი ადამიანი და შეუძლია წარმოიდგინოს უეცრად ზომაში გაზრდილი მაგიდისა და სკამების ფეხების, კარადის ქვეშ შეწყობილი ყუთების სამყარო. ხალიჩაზე დახრილი გოგონების ბავშვურად გლუვ სახეებსაც ხედავს და მათი გაბმული ტიკტიკიც ესმის, მათი ლაპარაკის ფრაგმენტები, რბილი განყრომა, ხავერდოვანი ამოოხვრა, მათი პირიდან დაფრქვეული ვაშლის ნაზი სუნი. და რაც მთავარია, მათი ხელების, ფუმფულა თითების შეხებას გრძნობს, როგორც ჩიტების ხტუნვას, თრითინის გადარბენას. ეს თითები მისი ხალათის ღილებს ხსნიან და კრავენ, ნიკაპქვეშ მაქმანიან საყელოს უბნევენ. ამ დროს გრძნობს, როგორ პატარავდება მთელი სამყარო. ყველაფერი პირობითი, არამდგრადი ხდება, როგორც გაფუჭებული ონკანიდან წყალი, ისე წვეთავს და სხვადასხვა ფორმას იღებს. ყველაფერი შეიძლება მოხდეს, თუმცა სინამდვილეში ბევრი არაფერი ხდება. და ბედნიერებაც, ალბათ, ეს არის.

საბინა პატარა ხელების შეხებისას თავის საკუთარ სხეულსაც გრძნობს. თითქოს მდინარეებით, ტბებითა და მთებით დაფარული დედამიწის რუკა იყოს და მასზე ანტილოპებისა და სპილოების ჯოგები დააბიჯებდნენ. გრძნობს უდაბნოების სიციხეს და ანტარქტიდის ყინულოვან ქარებს. მისი კანი ცოცხლდება – სასიამოვნო ყრუანტილით პასუხობს. ხელი, რომელსაც უთო უჭირავს, ეშვება, დუნდება (ამ დროს უთოს უსაფრთხო ადგილას გადადგამს ხოლმე), შუბლთან თმა ყალყზე უდგება და გაკვირვებული ფიქრობს, როგორ შეიძლება შენსავე თმას გრძნობდე. სამი გოგონას ხელები თოჯინას აცმევს.

დაუთოება პროგრამის ბოლო პუნქტია. ახალი ამბების სიგნალიც გაისმის. ცოტა ხანში მ-ის ოჯახი ივანშემებს. კარზე დარეკილი ზარი იუწყება, რომ მეზობელ გოგონებს დედებმა მოაკითხეს. ისინი შემოსასვლელში დგანან და ლაპარაკობენ.

საბინა ფულს სპორტულების ჯიბეში იდებს, სახლიდან ნამოლებულ პარკს ხელს ნამოაველებს – გზად „ბედრონკაშიც“ უნდა შეიაროს საყიდლებზე. ქათამს იყიდის შაბათის სადილისთვის, მარგარინს და რამდენიმე პურს. „ღმერთო, რამდენ პურს ჭამენ“, – კართან მდგარი პანი იოლას უღიმის და მალე მოხრეშილ ბილიკზე მისი ნაბიჯების „ხრაშახრუში“ ისმის.

„საბინა, მოიცადე!“ – მოსძახის პანი იოლა. შემდეგ ცოტა ხანს შეეყოყმანდება და სათქმელს იწყებს. „საბინა, მალე მუშაობას ველარ შეძლებ (საბინა შუბლს იჭმუხნის). მე და ჩემმა მეუღლემ ვიფიქრეთ, რომ... რომ იქნებ რამე გინდა გულით, ან, უბრალოდ... იქნებ რამე სურვილი გაქვს... ჩვენ გვინდა, რომ შეგისრულოთ. აი, რამე რეალური სურვილი თუ გაქვს, რომ გვითხრა. – ნაჩქარევად უმატებს ნათქვამს.

საბინას არაფერი ესმის. კისერს იღრეცს და დაბნეული იყურება.

„აუცილებლად იქნება რამე ისეთი, რაც გინდა, რომ გქონდეს. რამე, მხოლოდ შენთვის, შენი კაცებისთვის კი არა, შენთვის. მარტო შენთვის“. – აზუსტებს პანი იოლა. საბინას ეცინება და წითლდება. კიდევ კარგი, უკვე ჩამობნელდა გარეთ და არ ეტყობა. ჭარხალივით უღუის სახე.

არ მოგიყვებით იმ საღამოს ამბავს. უბრალოდ გეტყვით: ვახშამი ნაჩქარევი იყო. ბლინებიანი ტაფა გაირეცხა, შემონმდა ბიჭების ზურგჩანთები – შიგ ბუტერბროდების ნარჩენები ხომ არ ეყარა. ბიჭები იატაკზე ჭიდაობენ. ერთმანეთს ჩანგლებით საჭმელს ესვრიან. სამზარეულოს მაგიდას უჯრუ-

ლა მუშამბა აფარია, რომელზეც რძეა დაქცეული. ამით უნდა დაკმაყოფილდეთ.

მომავალ კვირას საბინა ახალ საორსულო კაბაში გამოწყობილი მოდის. თმაც მონითალოდ შეუღებავს, მსუბუქად აუკრეფია და კეფაზე დაუმაგრებია. პანი იოლაც საზეიმოდ უღებს კარს. აკვირებს მისი გარეგნობა. შინ შესულს ჭიქაში ფორთოხლის წვენს უსხამს და ეკითხება: „აბა, რა მოიფიქრე! რას ისურვებდი?“ საბინა კითხვას თავს არიდებს. მერე იტყვის, მერე, დალაგებას რომ მორჩება. წარმოუდგენელია, თვით ექიმი მ.-იც კი შემოვიდა. ჭიქით ხელში დგას და ისიც საბინას პასუხს ელის.

„ჩვენ ვიცით, ვინ დაიბადება, – გასარეცხ ჭურჭელს სარეცხ მანქანაში აწყობს პანი იოლა და საბინას გამოწვევას ცდილობს, – მიკვირს, რომ შენ არ გინდა იცოდე“. „მე ვერ მოვითმენდი, – განაგრძობს პანი იოლა და თავისი ორსულობის ამბებს ჰყვება. საბინამ კარგად იცის ეს ამბები. ქალები ადრე თუ გვიან აუცილებლად უყვებიან ერთმანეთს თავიანთ ფეხმძიმობასა და მშობიარობაზე. უბრალოდ, ასე ხდება. საბინა სააბაზანოს ასუფთავებს და როდესაც, ბოლოს და ბოლოს პანი იოლაც მიდის და ფართო ოთახებში მისი ამბებიც მიჩუმდება, საბინა მკლავებს მალლა სწევს და იღლიებს ისუნავს. მერე სარკეში სახეს ითვალიერებს, ტუალეტის რბილი ქალაღლით შუბლიდან ოფლს ინმენდს, რომ არ იპრიალოს. ჩქარობს. ჩვეული სიდინჯით ველარ აკეთებს საქმეს. აღარც ახსოვს, აბაზანა როდის გახეხა. კაზიას ოთახს ისევ ძველებურად, სიყვარულით ალაგებს, თუმცა დღეს თითქოს თავისთვის იმზადებსო მას, თავისთვის იგებსო ვარდისფერ, უხილავ თეთრეულს. დაუთოებაც კარგად გამოსდის. ერთი-ორი, შშშშ შშშშ საბინა ლილინებს და ექიმის პერანგებს ნამავს. ჰსსსსსს, სრიალის ხმას გამოსცემს საყელოები.

ყველაფერს დროულად ასწრებს. კიბეებზე ამომავალი გოგონები ისევ ინანილებენ როლებს და თამაშის წესებს ადგენენ. საბინა კიბიდან მათ თავებს ხედავს. ანგელოზებს ჰგვანან, მწყერჩიტებს, ტირიფის ღუნღულა ყვავილებს, ვერხვის ბუსუსებიან თესლებს.

ძლივძლივობით ჩადის სამზარეულოში. პანი იოლა სიგარეტს ეწევა და ჟურნალს ფურცლავს. სავარაუდოდ, მას ელოდება კეთილი ფერიასავით. ცოტა ხანში მისი ქმარიც შემოდის. „აბა, რას შვრები? გვეტყვი, რა მოიფიქრე?“ – ეკითხება პანი იოლა. და საბინაც ამბობს. თამამად. და თანდათან უფრო და უფრო ემატება თავდაჯერება. თითქოს უფრო მაღალი და ტანსრულიც ჩანს. თავგები, – ფიქრობს პანი იოლა, – ორსულ ქალს სურვილზე უარი არ უნდა უთხრა, თორემ ყველაფერს თავგები შეგიჭამენ.

საბინა ამხელს თავის სურვილს: გოგონებთან თამაში უნდა. უნდა, რომ მათი თოჯინა იყოს, ხალიჩაზე დაწვეს, მათ კი თმები დაუშალონ და დავარცხნონ, ყელზე ბაფთები და ყელსახვევები მოახვიონ, ჩააცვან და გახადონ (აი, უაკეტიც თანა აქვს, საგანგებოდ წამოიღო), უნდა, რომ ხელებზე მიეფერონ, მერე კი მუცელზე დაადონ თავი და ყური დაუგდონ ბიჭის სუნთქვას. „ვიცი, რომ ესეც ბიჭი იქნება“ – ამბობს საბინა ექიმი მ.-ის მისამართით. საბინას გოგონების აღერსი უნდა, მათი ჟღერტულის მოსმენა, ოღონდ შორიდან კი არა, ახლოდან. უნდა, რომ ყურში ეჩურჩულონ. უნდა, რომ მათი თოჯინა იყოს, მათი დიდი, თბილი და მუცელგაბერილი ბარბი, მერე რა, რომ ასეთები მალაზიებში არ იყიდება! და მეტიც, რადგან საბინას ეჩვენება, რომ ერთხელ უკვე მოხდა ასე – თუმცა ამის სიტყვებით გადმოცემა ეძნელება, რომ უკვე იყო პატარა და უმწეო არსება და ცხოვრება რომ განაგრძოს, ამისთვის ეს მუდმივად უნდა იგემოს ზიარებასავით.

აბა, ერთი ზიარებით სულს როგორ გადაირჩენს? ბოლომდე უნდა დანებდეს სისუსტეს, რომ გაძლიერდეს. ამიტომ უნდა ვარდისფერ ხალიჩაზე წოლა, საწერი მაგიდისა და სკამებისთვის ქვემოდან ყურება, კარადებისა და სანოლის ქვეშ შეხედვა, საგნებისთვის უფლების მიცემა, რომ ცამდე გაიზარდონ. უნდა, რომ ადამიანისგან ორი ჩუსტებში ჩაყოფილი ფეხილა დარჩეს. უნდა, რომ მათი ლაპარაკიდან არაფერი ესმოდეს. ბოლოს კი ინატრებდა, რომ არავინ გაიკვირვოს მისი ასეთი სურვილი, არავინ დასცინოს. და თუ ეს მაინც ისეთი სურვილია, რომ რაიმე უხერხულობას გამოიწვევს, მაშინ ახლავე დაივიწყებს მას და დეზოდორანტ „იმპულსს“ დასჯერდება, ან ახალ სქელ კოლგოტს, ან ვერცხლის ბეჭედს, ან კაბას ინდიამოპიდან.

ექიმ მ.-ის (ჭიქით ხელში) უნებლიეთ ხარხარი უტყდება. პანი იოლა ტუქსავს და აჩუმებს. ერთხანს საბინას სერიოზული სახით უყურებს. ტუჩები ისე მოუკუმავს, თითქოს უკანკალებსო. მერე საბინას ხელს ჰკიდებს და უსიტყვოდ მიუძღვის მალლა. საბინა წითლდება იორდასალამივით, ვარდივით, ღვინოსავით, თავის ენასავით, თავისი სხეულის სარჩულივით წითლდება საბინა.



**გამომცემლობა ინტელექტი**

თბილისი, ილია ჭავჭავაძის გამზირი 5.

ტელ./ფაქსი: 225 05 22, 291 22 83.

[www.intelekti.ge](http://www.intelekti.ge) [info@intelekti.ge](mailto:info@intelekti.ge)

მთლანელი მწერლის, ნობელის პრემიის ლაურეატის, ოლეგ ტოკარჩუკის, მოთხრობების კრებული *მოტლანდიური თვე* სრულიად განსხვავებული ხედვით წარმოაჩენს ადამიანის შინაგან სამყაროს. თავიდან გამორჩეული და უცნაური, შავიური ნიჭისა და უჟაქიზესი შეგრძნებების მწერალი, რომლისთვისაც ცალკეული ადამიანი და მისი ხედური ძალზე მნიშვნელოვანია, წიგნში აღწერს პერსონაჟთა ისეთ განცდებსა და ქმედებს, რომელთა ბოლომდე ახსნასაც (მით უფრო – მათგან გათავისუფლებას) ისინი ვერ ახერხებენ. სწორედ ამის გამოა, რომ მათი უშეტეობა ჩაჭირვებით უმკლავდება თავის უცნაურ და გაუსაძლის ყოფას, უფრო უიღბლოები ვი ან რვაღურად არიან ფსიქიკური აშლილობის მდგარზე, ან სხვების თვალში მოწაწიან ასეთებად.

*მოტლანდიური თვე*, რომელშიც 12 მოთხრობა შედის (მოთხრობების ეს კრებული პირველად 2001 წელს დაბეჭდა გამომცემლობა რუტამ სათაურით დაკვერა ბევრ დოლზე და მასში 19 მოთხრობა იყო თავმოყრილი), თავისი დინამიკით, მრავალფეროვნებითა და ხელნერით მკვეთრად განსხვავდება რომანისებ ოლეგ ტოკარჩუკისგან, რაც კიდევ ერთხელ მიუთითებს ავტორის მრავალმხრივ შესაძლებლობებსა და ნიჭიერებაზე.

19 95

ინსტელექტი  
25 წლისა

ISBN 978-9941-31-344-8  
9 789941 313448  
ინსტელექტი